

19. 20552

33857/A


EXERCITATIONES
RHETORICÆ
IN ORATIONES
TITI
LIVII
PATAVINI.



PATAVII, M. DCC. VII.

Ex Typographia Seminarii, apud Jo: Manfrè.

20552



DECADIS PRIMÆ

LIB. I.

ORATIONIS I.

Metii Fufetii ad Tullum Hostilium

Argumentum.

Ortuo in castris Clælio Albano-
rum Rege, suffectus in ejus lo-
cum Dictator Metius hac Oratio-
ne Tullo Hostilio prælium dis-
suasit, obtinuitque, ut Horatiis,

& Curiatiis tergeminis Fratribus fata utrius-
que Populi committerentur

Loci communes ab *Adjunctis*.

Motus, *Timor*. Mores *Viri modesti*, &
simplicis.

Tres habet hæc Oratio partes, *Insinuatio-*
nem, *Contentionem*, & *Conclusionem*.

Injurias] *Insinuatio* sumpta à *causis* belli
tum simulata, tum vera, sibi que conciliat
benevolentiam, virum se candidum, & mo-
destum exhibens, ex *Arist. l.2. ap.4. tex.26.*
& 34.

Injurias, &] *Simulata causa*, quòd sci-
licet excursiones ubique fecerint, & contra
fœdus negaverint restituere, quæ repeteban-
tur.

Sed si Vera] Belli vera causa, cupido im-
perii, quam candidè exponit, quod subse-
quitur: neque rectè modestiam denotat.

Illud te] *Contentio* hujusmodi *Syllogismo*
continetur ab *Adjunctis*.

Prælium est periculosum iis, quibus communis, vicinus, & potens hostis imminet;

Sed nobis utrisque Hetrusci imminet vicini, & potentes Hostes.

Ergo periculosum est prælium, adeoque intermittendum.

Propositionem omittit, quippe minimè dubiam ex *Arist. lib. 1. cap. 6. tex. 78.*, & *lib. 2. c. 3. tex. 41. & 45.*

Assumptionem etiam breviter attingit, neque enim Tullus negare poterat, Hetruscoss & vicinos hostes, & potentes esse.

Memor esto] Admonet Tullum, ut meminerit, fore Hetruscoss prælii spectatores, ut utrosque deinde fessos opprimant.

Itaque] Concludit, cum utile sit rem prælio non committere, ineundam esse aliquam viam, qua sine multo sanguine uter utri populo imperet, decernatur.

Sententiæ.

Cupido imperii cognatos vicinosque Populos facilè ad arma stimulat.

Magna pacis colendæ necessitas est, ubi periculum commune.

ORATIONIS II.

M. Horatii ad Populum

Argumentum.

M Horatium, quod sororem interfecisset, Perduellionis à Duumviris damnatum, & ad Populum provocantem Pater defendit, precibusque, & lacrymis, ut absolveretur, impetravit.

Loci communes à *Comparatione*, & ab *Adiunctis*.

Mo-

3

Motus, *Misericordia*. Mores *Pii Patris*,
& *de filio solliciti*.

Oratio brevis est, & nullum habet *Exordium*;
nam & recens ex *Curiatis* relata victoria satis
ad *Benevolentiam* valebat, & ipsa per se magni-
tudo rei *Attentos* faciebat. *Arist. lib. 3. c. 14. t. 101.*

Huncine] Cum filiam jure interfectam as-
ferere Pater non posset, ad *Misericordiam* con-
fugit; & quia miserrimum est inde malum
contingere, unde bonum provenire oportet.
bat, ex *Arist. l. 2. cap. 8. t. 89.* indignum esse ait,
Juvenem tanta ornatum victoria morte da-
mnari: ex *Arist. l. 2. c. 9. tex. 93.*

Quod Vix] A *Comparisonem* ostendit indigni-
tatem rei hoc modo:

Albani hostes vix hoc ferrent;

Ergo vos multò minus.

Illictor] Per hypotyposim proponit quasi
ante oculos cruciatus, & supplicium; cum e-
nim imminet mala ad *Misericordiam* mo-
veant, *Arist. ibid. tex. 92.* eò majorem vim ha-
bent, si quasi præsentia videantur; idque fa-
cit per comparisonem contrariorum, ut ea
fortuna indignus appareat.

I, Caput Obnube] Hæc, sicut etiam ante-
cedentia, ipsa verba sunt, quibus utebantur
Duumviri, si quem damnarent; ut videre est
apud *Cic. Orat. pro C. Rabirio*.

Verbera Vel] Probat ab *adjunctis* loci esse in-
dignum ea pœna, tali ratione: Tàm intra,
quàm extra Pomœrium pulcherrima habet mo-
numenta virtutis.

Ergo utroque in loco, indignum est, de
eo supplicium sumi.

Explicat *Antecedens* per distributionem,
quòd intra Pomœrium spolia, extra Pomœ-
rium sepulchra sint *Curiatorum*, quibus ille
interfectis Patriæ Imperium pepererat, & è
servitute liberaverat.

Intra Illa Pila] Pila Horatia dicebantur , unde relata ex Curiatiis spolia pendebant . *Dionysius lib. 1.*

Pomœrium autem locus erat circa murum Urbis , regionibus certis determinatus , qui inaugurato consecrabatur .

ORATIONIS III.

Tulli Hostilii ad Milites

Argumentum .

TULLUS Hostilius vocata militum concione Metium Fufetium accusat , quòd in prælio contra Fidenates , & Veientes prodidisset Romanos , itemque exponit , quo genere supplicii in eum uti velit .

Loci communes à *Causis* , à *Comparatione* & à *Contrariis* .

Motus , Odium , & indignatio . Mores viri gravis , & prudentis .

In quatuor partes hæc oratio dividi potest *Exordium* , *Narrationem* , *Contentionem* , & *Conclusionem* .

Romani] *Exorditur* à parta victoria , quam amplificat ex magnitudine periculi ; sibi quæ benevolos facit milites , quorum virtutem laudat , & odium in Metium concitat illius periculi auctorem ; *ex Arist. l. 2. c. 4. t. 24 & 27.*

Nam , ne vos] *Narratio* , in qua breviter exponit , Albanos perfidè egisse , docetque rationem sui consilii ; quo se ostendat providum esse , & prudentem Imperatorem . *ex Arist. l. 3. c. 16. tex. 128.*

Nec ea] *Contentionis* duæ sunt partes ; in prima probat , Albanos non peccasse , hoc *Syllogismo* sumpto à *Causa finali* :

Illi non peccarunt , qui secesserunt à prælio ,

lio; ut suo Duci parerent.

Sed Albani inscii proditiōis secesserunt
à praelio Ducem sequuti.

Ergo non peccarunt.

Propositionem confirmat à *comparatione* parium; idem enim, inquit, vos Romani fecissetis, si agmen aliò vertissem, nec vos quiscquam propterea jure proditores appellaret.

Metius] Altera est *contentionis* pars, qua culpam omnem transfert in Metium, cumque unum proditorem fuisse ostendit, proindeque dignum ultimo supplicio tali ratione: Qui socios contra fœdus, & jusjurandum prodit, dignus est morte; Metius nos prodere voluit contra, &c. Ergo,

Propositio latet in pulcherrima illa sententia: *Audeat* deinde innuens à *contrariis*, puniendum esse, qui talia admittit.

Assumptio manifestè habetur expressa per Figuram Repetitionem, qua tria Metii peccata recensentur. 1. secessio ad Montes. 2. bellum illius consilio excitatum. 3. violatio fœderis; nec temerè primo loco ponit, quod magis notum, magisque præsens erat.

Quod bonum] Concludit, exponens quid jam statuerit tùm de Albanis, tùm de Metio; illos scilicet traducendos esse Romam, & civitate donandos, hujus corpus in pœnam proditiōis passim esse distrahendum.

Quod bonum] Formula Romanis usitata, cùm precarentur feliciter sibi evenire, quæ agenda susciperent.

Populum omnem] Prima pars *Conclusionis* de Albanis traducendis Romam; cùmque suprà eos à culpa immunes fuisse dixerit, hic negare videtur, hujusmodi consilium molestiam Albanis afferre posse, tùm quòd promittat, illos fore participes civitatis, Senatus, & Reip. tùm quòd conveniens dicat es-

8
se, redire in unum, qui ex uno in duos populos divisi fuerant.

Meti Fufesi] Altera pars concl. comprehendit supplicium Metii, qua probat, puniendum esse genere supplicii supra allato, & quidem indignum esse *Misericordia*, sic ab *Antecedentibus*:

In eum lenis esse non debeo, qui est insaniabilis; Ex *Arist. l. 2. c. 3. t. 16.*

Talis est Metius. Ergo.

Ostendit enim Metius, nescire se foedera servare, cum illud vix cum Romanis ictum statim violavit.

Ut igitur] Convenire Metio illud supplicium probat à *pari*; ut qui animum inter hostes, & Romanos habuit ancipitem, & neutris totus adhæsit, illius etiam corpus laceretur, & distrahatur in partes.

Sententie.

Major, & periculosior dimicatio est cum perfidis focis, quam cum hostibus.

Audebit quivis alius, nisi in sceleratos insigne mortalibus documentum detur.

ORATIONIS IV.

Lucretiæ ad Cognatos

Argumentum.

Lucretia per vim stuprum passa à S. Tarquinio, rem suis aperit, & ad ultionem hortatur.

Loci communes ab *Effectis*, & à *Causis*.

Mores *Matronæ castæ*, & *injuria affectæ*.

Motus, *Ira*, & *indignatio*.

Quatuor, exque brevissimæ, sunt hujus

Ora-

Orationis partes: queritur de injuria; se à culpa immunem facit; obtestatur virum, & amicos, ne patiantur inultam: & consilium moriendi patefacit.

Minimè] Amplificat ab *Effectis* injuriam sibi à Tarquinio illatam:

Omnia eripit mulieri, qui ejus pudicitiam violat;

Me violavit Tarquinius.

Ergo omnia simul eripuit, adeoque maxima affecit injuria.

Propositio pulcherrima sententia continetur, *Assumptio* habetur iis verbis: *Vestigia &c.*

Cæterum] Secunda pars, qua se excusat hoc *Syllogismo* à *Causis*:

Ille non peccat, qui non consentit;

Ego non consensi. Ergo non peccavi.

Patet *propositio*; *Assumptio* probatur ab effectis.

Si consensissem, non ultrò mori vellem;

Sed ultrò volo mori. Ergo.

Sed date] Tertio loco ad Ulltionem hortatur, amplificans ab *adjunctis* magnitudinem injuriæ, quòd hospitem violaverit, quòd vim adhibuerit, quòd voluptatem utrique pestiferam perceperit. *Arist. lib. 2. cap. 2. t. 12.*

Vos videritis] Ultimò exponit, quid de se ipsa statuerit, redditque causam, cur, etiam si non peccaverit, mori tamen velit; ne scilicet, si ego vixero violata per vim, habeant impudicæ mulieres, quo se excusent.

Sententiæ.

Nihil salvum est mulieri amissa pudicitia.

Ex Dec. 1. Lib. 2.

ORATIONIS V.

Bruti ad Collatinum

Argumentum.

Pulsis Tarquiniis, ex eadem gente Collatinus obtinuit Consulatum, quem proinde Brutus hortatur hac oratione, ut se magistratu abdicet, & eat spontè in exilium, quo Populum omni suspicione liberet.

Loci communes ab *Adjunctis*, & à *Causis*.

Motus, Timor. *Mores probi Civis, & de libertate solliciti.*

Hoc uno *Syllogismo* res agitur:

Nemo, à quo periculum libertati sit, Romæ esse debet, & Imperium obtinere.

A te, Collatine, periculum est Libertati.

Ergo neque Romæ, neque cum imperio esse debes.

Neminem] *Propositionem* confirmat allato Populi jusjurando, quod asserit summa ope, & omninò tuendum esse.

Invitum se] *Antequam Assumptionem* probet, duo præmittit, quibus *Benevolentiam* sibi conciliat, & invitum se hoc dicere, quòd amicus sit Collatino, neque dicturum, nisi cogeret Patriæ amor: quorum alterum patet ex *Arist. l. 2. c. 4 t. 33.* alterum ex eodem *l. 1. c. 7.*

Non credere] Probatur *Assumptio*, imminere scilicet periculum libertati à Collatino, ab *Adjunctis* Populi sibi metuentis, donec ille fuerit in Urbe. *Arist. l. 2. c. 5. t. 41.* Generis, quòd ex Genere Tarquiniorum sit; Nominis, quia & ipse Tarquinius vocabatur; Dignitatis, quòd esset in Imperio.

Id officere] Obesse dicit Reip. non solum quòd in imperio sit Collatinus ; sed etiam quòd in Civitate ; utrumque enim comprehendit .

Hunctu] *Concludit* , suadens non tantum abdicationem Magistratus , sed etiam exilium ; cumque superius ostenderit , ad conservandam libertatem hoc esse necessarium , nunc hortatur , ut sua voluntate id præstet , & argumentatur ab *honesto* hoc modo : *Ex Arist.*
l.1.c.9.tex.151.

Sublatum è civitate Regnum tuum est beneficium :

Sed si Tu ex regio Tarquiniorum genere fueris in Civitate , non omnino sublatum est Regnum .

Ergo , ut tuum absolvas Beneficium , civitate cedas necesse est . Deinde ab Utili .

Res tuas] Quòd si sponte abiret , habiturus erat omnia , quæ possidebat , quasi minitari vellet amissionem bonorum , si judicium Populi expectaret . *Arist.l.1.cap.6.t.72.*

Amicus abi] A necessario , fore , ut quàm primùm eum Populus abire jubeat , qui cum gente Tarquinia Regnum abiturum Roma putabat , ideoque satius esse id sponte , & amico animo suscipere , quod evitari non poterat .

Sententiæ .

Non ferendum in Repub. unde periculum sit libertati .

ORATIONIS VI.

Valerii Consulis ad Populum

Argumentum.

P. Valerius Consul, quòd in Velia ædificaret domum alto, & munito loco, venit in suspensionem regni affectati, de quo crimine se hac oratione apud Populum expurgavit.

Loci communes à *Repugnantibus*.

Motus, *verecundia*, & *indignatio* ob suspensionem. Mores *viri integri & prudentis*.

Exordium nullum est; cùm enim Historicus extra concionem admoneat, multa dicta fuisse à Valerio, dolente maximè, vocari se in crimen, & *Invidiam* per duplicem comparationem tùm Bruti à simili, qui matura gloria, necdum se vertente in *Invidiam*, occubuerat, tùm Proditorum à *dissimili*, quibus ipse libertatis assertor assimilari videbatur, hæc valent vice *exordii* ad excitandam in se populi *Misericordiam*, adeòque amorem, quasi illi immeritò pateretur; *ex Arist. l. 2. c. 8. t. 92.*

Nunquamne] Statim igitur purgare incipit se de objecto crimine, & primum à *Repugnantibus* hoc modo: *Arist. lib. 3. c. 14. tex. 103.*

In eum non cadit suspicio affectati regni, qui civis est integerrimus, & inimicus Tyrannidis.

Talis ego sum. Ergo in me non cadit.

Nunquamne] *Propositio Syllogismi* generalis.

Ego me] *Assumptio* indignationem habet, ideòque per iteratas interrogationes proferatur. *Arist. lib. 2. c. 9. tex. 101.*

Tam levi momento] hoc est, adeòne facili

ac-

negotio mea apud vos fama lædi potest ?

Non obstant] Alia ratione à *Repugnantibus* ita disputat de *Causa* ipsa suspicionis :

Non ideo ædificavi in Velia, quòd regnum affectarem, si paratus sum Ædes illas demoliri, & infra collem ædificare ;
Arist. l. 3. c. 15. tex. 115.

Sed ita res se habet. Ergo.

Propositio reticetur, *Assumptio* nem autem explicat, declarans palam omnibus, quid facturus sit.

In Velia] Epiphonema, pudorem simul, & indignationem exhibens, quasi ipse sit indignus, ut eo in loco habitet, in quo passim reliqui omnes ; *Arist. lib. 2. cap. 6. t. 66., & c. 9. t. 97.*

Sententiæ.

Spectata virtus procul esse debet à suspicionem.

Levi momento boni viri fama apud plebem pendet.

Qui sim, quàm ubi sim, magis refert.

ORATIONIS VII.

Coriolani ad Patres

Argumentum.

CUm ad levandam caritatem annonæ magna vis frumenti ex Sicilia advecta esset, Martius Coriolanus Patres hortatus est, ne prius daretur Plebi frumentum, quàm illa jura cederet per secessionem extorta : hinc exilium Coriolano.

Loci communes à *contrariis*, à *comparatione*, & ab *Adjunctis*.

Mo-

Motus , *Indignatio* . Morès viri Nobilis .
 Duplici ex capite contendit , non esse dan-
 dum frumentum Plebi , nisi reddant sua jura
 Patribus ; tùm quia per vim , & injuriam ea-
 dem extorsit , tùm quia Plebs causa erat ca-
 ritatis .

Primus *Syllogismus* ab iniquo sic procedit :

Ut habeant frumentum , reddere debent ,
 quod contra æquitatem tenent ;

Sed contra æquitatem ea sibi jura arro-
 garunt per vim .

Ergo iis cedant , ut frumentum habeant .

Si annonam] *Conclusio Syllogismi* .

Cur ego] *Assumptio* , & quamvis de se lo-
 quatur , omnes tamen Optimates comprehen-
 dit ; ad indignationem excitandam crebris uti-
 tur interrogationibus .

Cur ego] Prima interrogatio à *Contrariis* : In-
 iquum est , Viros nobiles quasi sub jugum
 missos , & iniquis conditionibus redemptos
 ferre plebeios Magistr. & vilissimi hominis pec-
 centiam .

Ergo] Secunda interrogatio ab *Adjunctis*
 temporis . Nunc possumus his nos indignita-
 tibus liberare , cùm antea excusaret necessitas

Tarquinium] Tertia interrogatio à *Comparatione* .
 Iniquum est parere Sicinio , qui parere
 Tarquinio recusarunt .

Alter *Syllogismus* à *Causa* ita procedit
 Jurè premitur Caritate , qui causa est
 Caritatis ;

Sed Plebs causa est Caritatis Annonæ
 Ergo .

Propositio manifesta est ; cùmque miser-
 mur eorum , qui injustè calamitate premu-
 tur , ex *Arist. l. 2. c. 8. t. 92.* indignus est misere-
 cordia , qui sui auctor est infortunii .

Scedat nunc] *Assumptio* per concessionem
 expressa plenam indignationis , & acerbitati

Audeo dicere] *Concludit*, si Plebs caritate Annonæ, prematur, fore, ut se ad cultum Agrorum convertat, quos antea colī prohibuerat, scilicet calamitate feroces cæterum Plebis animos domari.

ORATIONIS VIII.

Tullii ad Coss. Romanos

Argumentum.

Tullius Princeps Volscorum Consules hortatur, ut Volscos ludis prohibeant, quærens belli causam contra Romanos; & inde atrox bellum ortum est.

Loci communes à *Causis*, & ab *Adjunctis*.

Motus, *Timor*. Mores *Viri simulatò prudentis*, & *integri*.

Hæc brevis Oratio tres habet partes, *Exordium*, *Contentionem*, & *Conclusionem*.

Invitus] *Exordium*, quo removet à se malevolentia suspicionem, cum & invitus de suis Civibus diceret, & non admissa ab iis facinora criminaretur, sed curaret, ne admitterentur. *Arist. l. 2. c. 4. t. 26. & 29.*

Nimio] Sequitur *Contentio*, quæ tali Syllogismo continetur à *Causis*:

Ab iis cavere debent Romani, qui volunt, & possunt lædere.

Sed Volsci & volunt, & possunt lædere.

Ergo.

Propositio habetur ex *Arist. l. 2. c. 5. t. 41.*

Nimio] Probat primam partem *Assumptionis*, velle Volscos Romanis injuriam facere ex bellis antea sæpè gestis, & ex mobilitate ingenii. *Arist. l. 1. c. 12. t. 222.*

Magna hic nunc] Probatur altera *Assumptionis* pars ab *Adjunctis* multitudinis Volscorum, & ludi publici, cujus spectaculum ma-

gis.

gis reddat incautos. *Arist. l.1.c.12.t.223.*

Memini] Idem etiam confirmat exemplo Sabinorum, ubi malitiosè Sabinis tribuit, quod Romanorum facinus fuit.

Horret animus] *Conclusio* ipsius *Assumptionis*; probabile est enim, ii, qui volunt, & possunt lædere, fore ut lædant. Syllogismi autem *Conclusio* non exprimitur ad evitandam calumniæ suspicionem.

Hæc nostra] Ultimò sibi Amorem, & Fidem conciliat; Amorem utpote non tantum de sua, sed etiam de Romanorum salute sollicitus. *Ex Arist. l.2.c.4.t.22.* Fidem, quippe qui Roma non abiret, nisi periculum immineret.

ORATIONIS IX.

Tullii ad suos

Argumentum.

Iustos abire Roma Volscos, adeoque ira inflammatos hac Oratione Tullius ad bellum contra Romanos concitavit.

Loci communes à *Comparatione*, ab *Adiunctis*, & à *Consequentibus*.

Motus, *Ira*. Mores *Viri Magnanimi*, & de *Patriæ gloria solliciti*.

Tota hæc Oratio uno *Syllogismo* comprehenditur:

Ulcisci debemus eos, qui nos ignominia afficiunt.

Romani nos ignominia affecere. Ergo eos ulcisci debemus.

Propositio pendet ex dictis ab *Arist. l.2. c.2. t.8. & 9.*

Veteres] *Assumptio* amplificata primùm à *Comparatione*; ostendit enim hanc esse maximam

mam contumeliam præ cæteris antea acceptis.
Arist. l. 1. c. 14. tex. 256.

An non] Prosequitur deinde ab *Adjunctis* personarum, quæ Volscos ignominia affectos viderunt: Ait autem, *traductos per ora hominum*, hoc est, ab omnibus derisos contumeliosè.

Quid qui vos] Tertiò amplificat *Assumptionem à Consequentibus*; qui enim factum novērunt, & causam ignorant, putabunt, inquit, vos alicujus sceleris fuisse conscios.

Quid deinde] Tandem ab *adjunctis professionis*, quam ita maturare coacti sunt, ut fugæ potius, quàm professionis speciem habuerit.

Bellum vobis] *Conclusio Syllogismi*, debemus igitur ulcisci, qui nos primi læserunt. *Arist. l. 1. c. 14. t. 255.*

ORATIONIS X.

Veturiae ad Filium

Argumentum.

Veturia cum filio Coriolano exoptulat Romana mœnia obsidente, & illi persuadet omittere Patriæ communis oppugnationem.

Loci communes ab effectis.

Motus, Misericordia. Mores Matronæ gravis, quæ Mater sit.

Duas habet partes, *Exordium*, & *Contentionem*.

Sine, prius] Excitat in Exordio *Misericordiam* tum respectu sui, quæ ferè captiva videri possit, tum respectu filii, quem exulem postea & hostem videat; nam cum sit Mater, nihil opus est Benevolentia. *Arist. l. 2. c. 8. t. 86.*

Se-

Sequitur *Contentio*, in qua Filium hortatur, ut desistat ab oppugnanda patria in gratiam Patriæ, Matris, & Liberorum.

Potuisti] Hoc utitur argumento ab amore Patriæ.

Impium est oppugnare Patriam, quæ nos genuit, & in qua sunt domus, penates. Talis est tibi Roma. Ergo.

Ergo ego] Alterum argumentum à se ipsa hoc modo:

Pati non debes, me omnium miserrimam esse.

Sed tua causa miserrima omnium sum. Ergo.

Et *Assumptionem* probat ab Effectis, quia nisi Coriolanum peperissem, inquit, mihi, & Patriæ certa esset libertas.

Sed ego] Acerbissima consolatio, quæ se dicit neque deterius quidquam pati posse, & hæc sibi quàm primùm finem habitura; & ultimum parvulos liberos ostendit, quibus in communi calamitate aut mors, aut servitus immineret. *Arist. l. 2. c. 8. t. 89.*

Sententia.

Nemo bonus populatur terram, quæ eum genuit, & aluit.

Ex Dec. 1. Lib. 3.

ORATIONIS XI.

Fabii ad Tribunos

Argumentum.

Terentillo Trib. Pleb. Legem promulgante te adversus Imperium Consulare: cum uterque Consul abesset, Q. Fabius Præfectus Urbis Tribunos reliquos hortatur, ut rem usque

que ad adventum Consulum differri cūrent .
 Loci communes à *Causis*, & à *Comparatione*.
 Motus, *Pudor*. Mores *Viri prudentis*.

Hujusmodi Orationis *Syllogismus* talis est.

Illud impedire debetis, quod nobis est
 miserum, vobis invidiosum;

Sed Legem hanc ferri absentibus Consu-
 libus nobis miserum, vobis invidio-
 sum est.

Ergo impedire hoc debetis,

Vos ceteri] *Propositio* confirmata à *Causa* fi-
 nali *Tribunatus*.

Nobis miserum] *Assumptio syllogismi*, & de-
 fertam Remp. dicit, hoc est præsidio Consu-
 lum spoliata.

Agite cum] *Conclusio* manifestè expressa.

Ne æqui] *Confirmatio Assumptionis* à *Compa-
 ratione* hoc modo.

Facere non debent Tribuni, quod hostes
 non fecerunt:

Sed mortuis anno priore *Coss.* bello non
 institere:

Ergo neque Tribuni instare debent *Legi*
Coss. absentibus, adeoque si institerint, no-
 bis quidem miserum, illis autem invidiosum
 erit facere id, quod hostes non fecere. *Arist.*
l.2.c.4.t.37.

ORATIONIS XII.

Valerii ad Populum

Argumentum.

Servi, & exules occupaverant Capitolium
 duce Herdonio Sabino; cūque contra
 eos haberi delectum Tribuni impedirent, P.
 Valerius Consul hac oratione in eosdem inve-
 ctus est, populoque suasit, ut arma caperet.
 Lo-

Loci communes à Repugnantibus, & ab Adjunctis.

Motus, Indignatio, & Merus. Mores boni Civis, & Religiosi.

In tres partes dividitur, Exordium, Contentionem, & Conclusionem.

Quid hoc] Exorditur increpans Tribunos, qui Reip. perniciem inopportuna illa contentione intentarent. *Tàm felix Arist. l.2. c.9. 2.98.*

Duplici deinde utitur in Contentione Argumento, quorum primum sic se habet :

Deos saltem vobis conservare debetis. *Ex Arist. l.2. c.5 2.50.*

Sed ii obsidentur in Capitolio ; servate igitur, arma capientes.

Si vos vobis] *Propositio syllogismi.*

Jupiter] *Assumptio*, & appellat Penates publicos ; quia universæ Civitatis, non privati alicujus, Dii erant Penates.

Alter *Syllogismus* sic conficitur à *Repugnantibus.*

Illa malè administratur Resp., in quam cum hostes ingruunt, non arma capiuntur, sed Senatus, & Comitia habentur.

Sed nunc hostes ingruunt, & non modò non arma capimus, sed etiam Senatus, & Comitia quasi pacis tempore habentur. Ergo.

Hec vobis] *Conclusio syllogismi* per interrogationem probata.

Tantum hostium] *Assumptionis* prima pars ab *Adjunctis* loci amplificata.

Comitia interim] Altera pars *Assumptionis*, Comitia habentur, cum arma sumenda forent. Dicit autem Comitia esse in foro, quasi ad Legem contra consulare imperium ferendam convenissent, & ad resistendum

Legi Sēnatus intēreā haberetur :

Romule Pater] Convertitur ad Romulum ,
cumque cūm precatur , seque pollicetur pri-
mūm affuturūm , alios etiam excitat , tūm re-
verentia Patris Romuli , tūm exemplo suo .

Ab his iisdem] Historia habetur in primo
Libro ; Sabini enim Tatio Duce Tarpejam ar-
cem occupaverant .

ORATIONIS XIII.

L. Quintii Cincinnati adversus Tribunos

Argumentum .

Perturbantes Remp. Tribunos Pleb. , ma-
ximēque A. Virginium acriter hisce verbis
objurgat L. Q. Cincinnatus Consul , ut eos a-
verteret à Lege ferenda .

Loci communes ab *Effectis* , à *Consequen-*
tibus , à *Comparisonē* , & à *Dissimili* .

Motus , *Ira* , & *Pudor* . Mores *Viri gra-*
vis , & *vehementis* .

Duas habet hæc Oratio partes , prima qui-
dem invektivam in Tribunos continet : in se-
cunda profitetur , se velle Plebem à Comitiiis
ad bellum traducere ; cūmque vi , & imperio
uti statuerit , nullum adhibet ad captandam
Benevolentiam Exordium . *Ex Arist. l. 3. c. 13.*
Text. 93.

Quoad primam partem hujusmodi syllo-
gismus habetur ab *Effectis* :

Ii sunt objurgandi , qui malè merentur
de Rep. , & Religione .

Tribuni pessimè meriti sunt de Rep. , &
Religione . Ergo .

Propositio manifesta est .

Assumptio probatur per partes , & in primis
à *Comparisonē* majorum sic :

Plus

Plus nocuere Tribuni Reip., quàm hostes. Ergo.

Secundò sic à *Consequentibus* :

Tribunorum culpa Plebs trucidata fuisset, nisi Thusculani auxilio venissent.

Ergo pessimè de Rep. meriti sunt.

Tertiò tali ratione à *Comparatione* minorum.

Cuilibet ex Plebe laboranti auxilium ferendum est. Ergo Diis multò magis. Ergo qui Diis auxilium ferri prohibuerunt, malè de Religione meriti sunt.

Aulus ille] *Conclusio* majoris syllogismi, neque solum objurgatione, sed ultimo etiam supplicio dignos esse dicit.

Herdonius si] Prima probatio *Assumptionis*, qua contendit majus fuisse Tribunorum scelus in Remp. quàm hostium.

Et vos] Repetitio superioris *Conclusionis* probata per Interrogationem invidiæ, & indignationis plenam. *Ex Arist. l. 1. c. 14. tex. 256.*

Pudet deorum] Secunda probatio *Assumptionis*, quam amplificat ab Adjunctis loci, & Personarum. *l. 2. c. 6. t. 65.*

Et qui ante] A dissimili ostendit indignitatem rei.

Hoc est tribuni] Vos scilicet, qui ad auxilium Plebi ferendum creati estis, eam Hosti trucidandam objecistis, neque tantum malum evasisset, nisi armati Romam Thusculani venissent. *l. 2. c. 9. tex. 89.*

Scilicet si quis] Tertia probatio *Assumptionis*; exprobrat autem Tribunis, quod Plebem à cætero quasi Populo separent in perniciem Civitatis, cum universa Resp. tribus ordinibus contineatur, Senatus, Equitum, & Plebis.

Jupiter optimus] Altera *Comparisonis* pars. Si plebeio homini, Jovi multò magis.

Et hi postulant] *Conclusio* hujus Argumenti, quæ

quæ majorem vim habet à Titulo Tribunorum, quòd cùm Sacrosancti ipsi dicerentur, Deos Sanctos esse non putarent.

Absoluta reprehensione adversus Tribunos suscepta, aperit in secunda parte suæ mentis sententiam, quidque jam decreverit facere, declarat.

At enim] Afferit nullo modo se pati velle, Legem Terentillam perferri, additque rationem à congruo, quia non decebat tantis ob-
rutos sceleribus Legum esse latores.

Tum hercule] Mortuo Valerio, lex tamen Reip. perniciosa lata non est: si me consule tuleritis, dicendum erit, creari me Consullem perniciosius Reip. fuisse, quàm illum alterum mori.

Jam primum] Denunciat Expeditionem in Hostes, proposito periculo, si captum Capitolium intellexissent, antequam reciperetur.
Lib. I. cap. 12. t. 213.

Sententiæ.

Magis supplicio dignus est seditiosus Civis,
quàm Hostis.

Sanctus non est, qui Deum neque Sacrum,
neque Sanctum putat.

Multi bellantes magis, quàm pacati propi-
tium Deum habent.

ORATIONIS XIV.

Cincinnati ad Senatum

Argumentum.

FActum fuerat Sen. Consultum, nè conti-
nuarentur Magistratus, & iidem Tribuni
reficerentur; creatis à Plebe iisdem Tribunis,
Se-

Senatum etiam eundem Cincinnatum Consullem designantem ipse reprehendit.

Loci communes à *Comparatione*, & à *Contrariis*.

Motus, *Verecundia*. Mores *Viri constantis*.

Dividi potest Oratio in tres partes, *Exordium*, *Contentionem*, & *Conclusionem*.

Mirer si] In *Exordio*, ut Patres statim reprehendat, causam affert, cur Plebs parvi faciat decreta Senatus, quia nimirum ipsi eadem elevant, & nullius momenti esse docent.

Quippe quia] Contendit, absurdum esse, Patres velle æquè se temerè gerere, ac Plebs, idque probat quadruplici ratione.

Tanquam] Prima ratio, quia non ideo Senatus plus poterit in Civitate, quia plus habebit licentiæ.

Levius enim] Secunda ratio à *Comparatione*.

Magis peccat qui sua, quàm qui aliorum decreta violat. *Arist. lib. I. c. 14. t. 251.*

Ergo vos magis peccatis, quàm Plebs.

Imitemini] Tertiò à *Contrariis*: Prudens non debet illum imitari, qui est sine consilio; Senatus prudens est, Plebs inconsulta. Ergo non debet.

Propositio reticetur. *Assumptio* verò, & *Conclusio* simul habetur in concessione illa *Ironica*.

Et qui exemplo] Ultimò tandem sic ab officio Senatus:

Vos exemplo esse debetis, ut alii rectè agant.

Ergo ad aliorum exemplum non debetis peccare. *L. 2. c. 6. t. 68.*

Nec me] Suam voluntatem patefacit, eosque frustra laborare ostendit, cum ipse ad resistendum paratus sit.

Te vero] Per *Apostrophem* concludit hortan-

tando collegam , nè sui rationem habeat in comitiis consularibus , qua una ratione ait suam gloriam augeri posse , & invidiam ex continuato Magistratu levare . *L.2.c.10.t.106.*

Universa porrò hæc Oratio variis , pulcherrimisque sententiis scatet , unde nil opus est , aliquot solummodò decerpere .

ORATIONIS XV.

ICILII AD APPIUM DECENVIRUM DE
SPONSA VIRGINIA

Argumentum .

Appius Claudius sententiam tulerat contra libertatem Virginiae , cujus ille captus erat amore ; superveniens Julius Virginiae sponsus Appium alloquitur .

Loci communes nulli sunt .

Motus , *Confidentia* . Mores *pii* , & *soliciti sponsi* .

Partes Orationis tres sunt .

Ferro] *Exorditur* à violentia , & libidine Appii , ut in eum odium Populi concitet . *Lib.2.c.4.t.37.*

Virginem ego] Appio multa exprobrat , nimiam potentiam , Tyrannidem , & libidinem , quòd civium sponfas violare auderet . *L.2.c.6.t.73.*

Non si tribunitium] Decemviri ea lege creati fuerant , ut nullus alius Magistratus Romæ esset , & ne ad Populum quidem ab iis provocatio daretur ; quod ipsum invidiosum erat .

Huic si vis] Minitatur vim , si cum Virginia vi agatur .

Postulo appi] *Conclusio* , qua Appium hortatur , ne quidquam temerè decernat , &

expectari Patrem jubeat ; se interea profiteretur constantem fore in vindicanda libertate Puellæ. *Iib.2. c.5. t.55.*

Si hujus] Hoc est , si pater permiserit manere in servitute filiam , donec judicium proferatur , ei conditionem illius quærendam esse , servane sit , an libera .

Sententiæ .

Tribunatus , & Provocatio duæ arces tuendæ libertatis .

Omnium maximè pudicitia in tuto esse debet .

Virum fortem vita potius deferet , quàm fides .

ORATIONIS XVI.

Seniorum ex Patribus de abrogando
Decemviratu

Argumentum .

FActa in Sacrum montem Plebis secessione , quidam ex senioribus Patres hortantur , ut Decemviratum abrogent , & fieri Tribunos Pleb. patiantur .

Loci communes à *Consequentibus* , ab *adjunctis* , & ab *Antecedentibus* .

Motus , *Timor* . Mores *Virorum prudentum* , & *Patriæ amantium* .

Nihil opus erat *Exordio* , nam res ipsa & attentionem , & benevolentiam conciliabat . *L. 3. c.14. t.3.* adeoque sola contentio pertractatur , cujus duæ sunt partes .

Quid expectabitis] Prima pars *Contentionis* ita primum à *Consequentibus* probatur : Non est ferendum ruere omnia , ac deflagrare .

Sed nisi Decemviri Magistratum deponent ,

nent, ruent omnia, & deflagrabit.
L.2.c.5. t. 50. & 51. Ergo.

Tota hæc *ratio* uno tantum Epichere-
mate comprehenditur.

Quod antea] Per Apostrophem ad Decem-
viros ita ab *adjunctis* :

Illud est abrogandum Imperium, quod
maxima est cum turpitudine conjun-
ctum.

Sed Decemviratus talis est. Ergo.

Et probat *Assumptionem*, quia turpe est,
in ea civitate imperium obtinere, in qua nul-
li ferè sint cives, quibus jus dicatur.

Amplexi tenetis] Hoc est, per vim retinetis
contra reliquorum Civium voluntatem.

Sequitur deinde ab imminente periculo
Argumentum :

Non debetis cum occasu Urbis finire im-
perium.

Sed urbis Occasus vel à Plebe irata, vel
ab hostibus imminet. Ergo.

Quid si hostes] *Assumptio* per interrogatio-
nes.

Occasune] *Propositio Major*.

In altera *Contentionis* parte ut necessaria
probatur creatio Tribunorum Plebis, cum-
que hæc haberi non posset, nisi post abroga-
tionem Decemviratus, ut patet ex supradi-
ctis, ideo utrumque per adverbium *atque* con-
jungitur.

Syllogismus talis est :

Necessariò admittendi sunt Tribuni Plebis.

Ergo frustra repugnamus. *L.1.c.4. t. 43.*

Quidam enim in odium Tribunitiæ potesta-
tis Decemviratum tuebantur.

Atque aut] Dilemma, quo probatur *ante-
cedens*, cum illud alterum omnes fateantur,
sine Plebe nullam esse posse civitatem.

Novam, inexper] Confirmatur Dilemma

ab *Antecedentibus*.

Antequam gustassent dulcedinem Tribunatus, tamen vi, & secessione obtinuerunt.

Ergo jam percepta illius dulcedine vehementius in eo recuperando contendunt.

Præsertim cum] Alia affertur ratio à *Causa* finali hoc modo:

Crearunt Tribunos, ut se ab Optimatum Imperiis defenderent.

Sed nunc imperia nostra multò sunt acerbiora. Ergo.

ORATIONIS XVII.

Legatorum senatus ad Plebem

Argumentum.

Postulante Plebe tùm restitui sibi tribunatum, & Provocationem, tùm dedi Decemviros igni cremandos, probant alterum ut æquum, alterum ut omninò iniquum Legati Patrum rejiciunt.

Loci communes à *Repugnantibus*, à *Contrariis*, & ab *effectis*.

Motus, *Lenitas*. Mores *Civium moderatorum*.

Tres sunt partes, *Exordium*, *Contentio*, & *Conclusio*.

Quæ consilii] Laudant ab initio, & approbant postulata, quæ attingebant Provocationem, Tribunatum, & Veniam secessionis; eaque jure, ac prudenter peti dicunt, quæ libertatis præsidia sunt.

Ira vestra] *Contentio* adversus postulatam de Decemviris, quòd Ira magis, quàm consilium expresserat, & quatuor constat rationibus.

Quis-

Quippe qui] Primò à Repugnantibus ;

Qui crudelitatem oderunt , non debent
esse crudeles .

Vos crudelitatem odistis . Ergo .

Et prius pene] Secundò à Contrariis :

Qui nondum est liber , non debet in alios
dominari .

Vos nondum penè estis liberi . Ergo :

Nunquamne] Tertiò ab effectis .

Id non est ferendum , quod statum civi-
tatis perturbat .

Crebra civium supplicia perturbant civi-
tatis statum . Ergo .

Scuto] Quartò à congruo ; satis esse videli-
cet , si Plebs immunis fuerit ab injuriis , Pa-
tres inferre non præsumpserint . *Lib. 2. c. 3. t. 17.*

Si quando] Conclusio habet permissionem ju-
dicia in singulos exercendi per leges , ubi li-
bertatem recuperaverint .

Sententiæ .

Iræ magis ignoscendum est , quàm indul-
gendum .

Sæpè odio crudelitatis in crudelitatem
ruimus .

Plebi scuto magis , quàm gladio opus est .
Satis est humilis , qui jure æquo in civi-
tate vivit .

Qui non infert , nec pati injuriam debet .

O R A T I O N I S XVIII.

Legatorum ad Plebem Romanam.

Argumentum .

JUris Decemviris abdicare se Magistratu ;
mittuntur à Patribus Legati ad Plebem ;
qui eidem reditum in Urbem hac oratione
suadent .

Loci communes ab *Adjunctis* .

Motus, *Confidentia*. Mores *Virorum gravium*.

Tria præstant , 1. hortantur redire in Pa-
triam . 2. servare in Urbe eam Modestiam ,
quam in secessione retinuerint . 3. creare in
Monte Aventino Tribunos Plebis .

Quod bonum] Prima pars cum formula pro-
cationis Romanis usitata .

Sed qua hic] Altera pars de retinenda mo-
destia , quam cum servaverint , ubi rerum o-
mnium egebant , multò magis Romæ servan-
da erat .

Ibi felici loco] Optimum ajunt esse creari in
eò loco Tribunos Plebis , ubi primum instituta
est Tribunitia potestas .

Pontifex maximus] Qui nimirum more Ma-
jorum deficientibus reliquis Magistratibus ,
tributa comitia habere solebat .

O R A T I O N I S XIX.

Virginii adversus Appium.

Argumentum .

A Virginiius apud Populum Appium accu-
sat , quòd tempore Decemviratus Filia
Virginiae secundum libertatem vindicias non
dedisset contra Leges .

Locī communes ab effectis .

Motus , Ira . Mores viri Moderati .

Oratio] Duas assignat causas , cur longa oratione uti nolit in exaggeranda Appii crudelitate : prima est :

Ea dicendo persequi non debeo , quæ minimè dubia sunt .

Appii crudelitas minimè est dubia . Ergo .

Oratio] *Propositio* Major .

Itaque neque] *Assumptio* comprobata ab effectis .

Nec istum] Altera causa , cur tacere velit , ne se Appius impudentem præbeat hoc modo :

Ille impudens est , qui negat ea , quæ vera sunt .

Sed si ego accusavero , Appius se defendet , negando , quæ verissima sunt .

Ergo si accusavero , ille se per impudentiam defendet .

Omnium] *Accusatio* duplex tum eorum , quæ impiè , & nefariè gesserat in Decemviratu per præteritionem ironicam , tum rei malè judicatæ , quòd contra Leges dare vindicias secundum libertatem negasset . Negaverat enim , Virginiam manere in Libertate , donec illius judicium absolveretur . *Lib. 1. c. 2. t. 12.*

Sententia .

Oratio rebus dubiis inventa est .

ORATIONIS XX.

Horatii Consulis ad Milites.

Argumentum .

Horatus Consul contra Sabinos castra habens , audita Valerii collegæ victoria , hac oratione Milites ad pugnam exstimulat .

Loci communes à *comparatione*.

Motus, *Æmulatio*. Mores Ducis obsequen-
tis militibus.

Exemplo Militum, qui sub Valerio prospere in Algido pugnaverant, suos excitat, hac ratione, à *comparatione*: Non minus fortes vos esse debetis, quàm Valerii milites.

Sed illi strenuè pugnarunt. Ergo.

Propositio pendet ex dictis ab *Arist. l. 2. c. II.*

2. II 6.

Quemadmodum] *Assumptio* Syllogismi.

Quod ad me] Ut sibi benevolum exercitum faciat, ait, se ad utrumque paratum esse, si-
ve trahi bellum, siye maturè perfici velint.

Sententia.

Consilio Ducis, & virtute militum vi-
ctoria paratur.

ORATIONIS XXI.

Q. Capitolini ad Populum discordem

Argumentum.

Capta occasione discoridæ, quæ Patres in-
ter, & Plebem Romæ vigeat, Æqui
Volscique populabundi ad mœnia usque ac-
cessere. Quamobrem Consul Q. Capitolinus
de reconcilianda concordia armisque cape-
scendis hanc habuit Orationem.

Loci communes à *Causis*, ab *effectis*, &
simili.

Motus, *Pudor*, & *Metus*. Mores Civis
de Rep. solliciti.

Dividitur in tres partes, *Exordium*, *Conten-
tionem*, & *Perorationem*.

Esti mihi] *Exorditur* à magnitudine ignomi-
niæ,

niæ, quam amplificat ab *Adjunctis*, personarum, ex eo maximè, quòd se consule illata sit, qui omnes hostium injurias semper fortiter ultus fuerit. *Lib. 2. c. 6. t. 3.*

Hanc ego] Adeò magnam esse ait, ut, si eam prævidisset, mortem voluntariam quarto consulatui prævertisset; si alia fuga honoris non esset, hoc est si alia via evitare honorem illum non potuisset. Addit autem rationem, quia gloriosior illi mors futura erat post gestum tertium consulatum.

Quem tandem] Ut propius ad causam accedat, quærit, quis in culpa fuerit tantæ acceptæ ignominia, & ad captandam *benevolentiam* neque apertè Plebem incusat, *I. 2. c. 3. tex. 2.* neque illi pœnam aliquam, nisi Pœnitentiam ominatur.

Non illi] Cùm suprà Plebi culpam attribuendam innuerit, in *contentione* primùm probat, hanc hostibus natam Confidentiam ex civilibus discordiis. *I. 2. c. 5. tex. 60.* hujusmodi Syllogismo à *Causis*:

Confidentiam hostibus dedit aut eorum
virtus, aut vestra ignavia, aut discordia,
Non eorum virtus, neque vestra ignavia.
Ergo vestræ discordiæ.

Propositio patet ex sufficienti distributione causarum; *Assumptio* ab *Antecedentibus* confirmatur.

Non illi] *Assumptio.*

Quippe toties] Confirmatio *Assumptionis.*

Discordia ordinum] *Conclusio* Syllogismi neque Patritios à culpa excludit, ne malevolò in Plebem animo loqui videatur.

His præmissis, quatruplici ex capite probat, redintegrandam esse Pacem. 1. quòd contendendi nulla adsit justa causa. 2. quòd discordia perniciofa sit Reip. 3. quòd omnibus etiam privatim damnum importet; 4. quòd

necessariò capienda sint arma . Primus igitur Syllogismus ita ab Effectis :

Plebs non habet justam causam contendendi cum Patribus , si nihil illi ab his denegatum fuerit ; *Lib. 2. c. 4. t. 23.* Sed nihil Patres Plebi denegarunt . Ergo .

Prob deum fidem] *Assumptio* ab enumeratione omnium , quæ Plebs obtinuerat , figuris illustrata .

Consules facere] Non quòd ex Plebe Consules creati fuerint , sed quia ex Patriliis duo maximè Populares Valerius , & Horatius statim post secessionem consules facti sunt in gratiam Plebis .

Scita plebis] Legem Horatiam innuit Centuriatis Comitibus latam , ut quod tributum Plebs jussisset , Populum teneret .

Qui finis erit] *Conclusio* consequens ex dictis ; cum nos omnia cedentes tamquam victi quiescamus , vos etiam omnia consequuti , adeòque nullam habentes justam querelam , debetis quiescere .

Arguit secundo loco tali ratione : Id tollendum , quod est Reipub. perniciosum . *Lib. 1. c. 6. t. 69.*

Discordiæ perniciosæ sunt Reip. Ergo .

Et confirmatur ab *Effectis* : vim inferri Patriliis , agros uri , hostes mœnibus impunè insultare , sunt detrimento Reip.

Sed hæc omnia ex discordiis proficiscuntur . Ergo .

Satisne est] *Propositio* secundi Syllogismi , pulcherrimis figuris Concessione , Ironia , & Hypotyposi adornata .

At enim] *Assumptio* ejusdem Syllogismi , per discordias enim ait rem communem loco esse pejore .

Tertio à privata utilitate , hujusmodi Syllogismo à contrariis :

Vos

Vos privatis vestris commodis consulere debetis :

Sed res vestrae privatae discordiis augentur, bello imminuuntur.

Ergo bellum suscipere, discordias deponere debetis.

Quid tandem] Prima pars *Assumptionis*, & vocantur in invidiam Tribuni, qui Plebi neque utiles essent, & plurima incommoda importarent. *Ex Arist. l. 2. c. 4. t. 23.*

A quibus semper] hoc est, mala, quæ ex his discordiis dimanant, alieno auxilio, & virtute repellatis; alludit autem ad Tusculanos, qui auxilio venerant contra Herdonium Capitolium occupantem.

At hercules] Altera pars *Assumptionis*, quæ plurima habet commoda ex bello, & imperio Consulari; quibus opponit præsens damnum ex hostili incursione: *nunc oneratum.*

Ultimo argumentatur ab necessitate belli, tali ratione :

Bellum geri non potest, nisi depositis discordiis;

Sed bellum necessarium est. Ergo deponendæ discordiæ.

Propositio certa est, quia Tribuni per discordias delectum haberi non sinebant.

Hærete] *Assumptio* cum invidiosa concessione, eamque amplificat à simili;

Quia biennio antè ire in Algidum recusastis, nunc ante portas est bellum.

Ergo si neque nunc exhibitis, intra mœnia quàm primum eritis. Ergo

Multiplex bellum] Tum quia non solum de gloria, sed etiam de Patria, & libertate dimicare cogemur, tum quia multi alii hostes insurgent, videntes nos desides manere domi. *Arist. l. 1. c. 12. t. 223.*

Sequitur *Conclusio*, in qua tria præstat; sibi

benevolentiam conciliat, dicenti, quod è Rep. sit ; Tribunis invidiam, quòd suis tantum privatis commodis inserviant; tandem hortatur ad arma capienda spe certæ victoriæ proposita .

His ego gratiora] Idem etiam sæpè facit Demosthenes in Philipp. & summam vim habet ad conciliandam benevolentiam .

Sua causa loquitur] Qui scilicet in dicendo privatis suis commodis studet , nihilque est de Rep. sollicitus .

Nisi forte] In Tribunos invehitur , quos asserit sua causa omnia agere ; non in gratiam Plebis , ut simulant . Et hoc odium concitat .
Lib.2.c.4.tex.26.

Nec in otio] Vos enim per novas discordias semper magis in dies stimulant , ne otio quidem frui sinunt .

Malæ rei , quam] Turbas , & seditiones excitant , quæ res malæ sunt .

Quarum rerum] Tertia pars conclusionis .

Sententiæ .

Discordia Ordinum venenum est Urbis.

Iniquum est victos æquiore animo quiescere , quàm victores .

Sæpè ex brevi otio multiplex bellum oritur .

Qui apud Multitudinem sua causa loquitur , gratior est eo , cujus mens nihil præter publicum commodum videt .

37

Ex Dec. I. Lib. 4.

ORATIONIS XXII.

C. Canuleji Tribuni ad Plebem

Argumentum.

C Canulejus Tribunus Plebis duas Leges promulgaverat, alteram de connubio Patrum, & Plebis, alteram de Consulatu etiam à Plebeis obtinendo, quas cum Patres reprobarent, ita in eos Canulejus vocata ad concionem Plebe inductus est.

Loci communes ab *Effectis*, à *Comparatione*, à *simili*, & à *Causis*.

Motus, *Indignatio*. Mores viri *Popularis*.

Tres sunt partes, *Exordium*, *Contentio*, & *Peroratio*.

Quantopere] Ostendit in Exordio, maximo in contemptu Plebem haberi à Patritiis, ut eos odio, & pari malevolentia dignos faciat; utitur autem hoc Syllogismo ab Effectis. *L. 2. c. 2. tex. 9.*

Illi maximè contemnuntur, quorum iusta postulata adhibitis minis rejiciuntur.

Sed nos iusta petimus, & à Patritiis vi, & minis rejicimur.

Ergo maximè ab iis contemnimur.

Quantopere vos] *Conclusio* Syllogismi.

Quibus quid aliud] *Assumptionis* prima pars, quæ primum genericè probatur hoc modo. Æquum est, vos nobiscum agere, ut cum civibus ejusdem Patriæ.

Sed hoc habent nostra postulata. Ergo iusta sunt.

Altera] Singillatim ad utramque Legem descendit, & primum quoad Connubium à com-

comparatione sic: Externis datur Connubium.

Ergo justum est dari etiam nobis.

Nos quidem] Rursus à *comparatione Majorum*:

Data est civitas hostibus.

Sed Civitas plus est, quàm Connubium.

Ergo justum est, dari nobis Connubium.

Altera nihil] De Consulatu Plebeiis dando
probat esse justum postulatum, hoc modo:

Justè repetimus, quod nostrum est. Sed
libera habemus suffragia.

Ergo justè repetimus facultatem ea dan-
di, cui lubet.

Quid tandem est] Altera pars *Assumptionis*.

Si populo Rom.] Utrumque simul pertra-
ctat, ostenditque Patritios malevolos esse Ple-
bi, quòd æquè indignantur dari Plebeio con-
sulatum, quasi servo, aut Libertino daretur;
ex Arist. lib. 2. c. 9. tex. 101.

Ecquid sentitis] Repetitio ejusdem *Conclusio-
nis*, cum acerbitate maxima, & invidia.

Hostibus etiam victis] Hostibus Sabinis Ci-
vitatem Romulus dedit, Hostilius Albanis,
quibusdam ex Latinis Populis Ancus. *Liv. l. 1.*

Quin etiam] Incipit *Contentio*, cujus duæ
sunt partes, in quarum prima agitur de Con-
sulatu à Plebe obtinendo; in altera de connu-
bio. Proponit igitur sententiam Patrum, qui
non solum indignabantur, sed etiam nefas
esse dicebant, Consulem Plebeium fieri; eos-
que refutat talè ratione: à *comparatione Pa-
trium*, & *minorum*:

Majores nostri dederunt Regnum Advenis,
Consulatum Peregrinis;

Sed Consules sunt loco Regum, & minus
dedecet dari Consulatum Plebeio, quàm
Peregrino. Ergo & nos possumus creare
Consulem Plebeium, si dignus fuerit.

Obsecro vos] Prima pars *Assumptionis*.

An unquam creditis] Propositionis prima pars

am-

amplificata Exemplis Numæ, C. Tarquinii, S. Tullii, & T. Tatii.

Ergo dum nullum] Et tamen his Regibus benè administratum est Imperium; & inde fit transitus ad secundam partem.

Claudiam certe] Altera pars *Propositionis*.

Ex peregrino-ne] *Assumptionis* secunda pars, ubi Interrogatio vim habet negationis.

Utrum tandem] *Complexio* Syllogismi illustrata à *Contrariis*, cùm Decemviri Patritii fuerint, Reges illi novi homines.

Si non ad fastos] Publicos enim fastos Patritii servabant, & nondum cœpti fuerant creari ex Plebe Pontifices.

Populi jussu] Primis temporibus, post electionem Populi auctoritas Patrum intercedebat, postea verò è contra institutum est, ut primum patres auctores fierent, deinde Populus juberetur.

Patre nullo] Hoc est incerto; Livius tamen lib. I. putat Serv. Tullium non fuisse natum matre serva, & Patrem ejus facit virum in Urbe Corniculo principem.

Novis hominibus] Dicebantur novi homines, quorum Majores ad honores non pervernerant, quales etiam fuerunt Marius, & Cicero.

Hinc transit ad alterum, quod objiciebant Patritii, inusitatum in Rep. esse, ex Plebe Consulem creari, cui respondet per *Inductionem* hoc syllogismo à simili:

Non est absurdum innovare aliquid in ea Urbe, in qua multa alia innovata sunt.

Sed multa Romæ nova instituta sunt.

Ergo.

Atenim] Patrum objectio.

Quid postea] Antequam ad argumentum accedat, præmittit necessitatem aliqua-
per:

per innovandi, quæ utilia visa fuerint, in novissima maxime Urbe, ex *Arist. l. 1. c. 11. tex. 199.*

Pontifices] *Assumptio* Syllogismi.

Ædiles] hoc est Plebei, nam Curules creati sunt multis post annis, L. Sextio primo ex Plebe Consule. *Liv. lib. 7.*

Quæstores] Duos ab initio creatos Quæstores alii Rege Hostilio dicunt, alii cum Plutarcho Consule Valerio Poplicola.

Hoc ipsum, ne] Legem Decemviralem de non miscendis Connubiis inter Patres, & Plebem ultimò affert, ut invidiosa *Comparisones* Patritiorum malevolentiam designet, transiit autem ad alteram *Contentionis* partem, legemque de Connubiis à Decemviris latam iniquam esse probat à *Causa* finali:

Lex in Plebis contumeliam lata est iniqua, & abroganda.

Lex Decemviralis de connubiis lata est in contumeliam Plebis.

Ergo est iniqua, & abroganda.

An esse ulla] *Assumptio*, & ad excitandam invidiam diremptio illa Connubiorum exilium vocatur, & relegatio. Confirmatur autem à remotione alterius causæ, quæ ab optimatibus assignabatur, hoc modo:

Ea Lex lata est vel in contumeliam Plebis, vel ne sociaretur sanguis.

Sed frustrà lege cavetur societas sanguinis.

Ergo in contumeliam.

Ne affinitatibus] *Propositio* quoad secundam partem, adeòque causa per Patritios allata.

Quid hoc si] *Assumptio* ex eo confirmata, quòd privato consilio impedire Patres poterant cum Plebe connubia, nec Plebs unquam coegisset. Ubi exprobrat etiam quibusdam ex Patribus adventitiam, non ingenitam nobilitatem.

Curenim non] Alia ratione à simili eadem

Ass-

Assumptio illustratur :

Ne sit connubium divitibus, & pauperibus, non lege cavetur, sed privatum consilium satis est.

Ergo sine lege satis impediretur connubium Patrum, & Plebis privato consilio.

Quod privatorum] Complexio Syllogismi.

Amplificat deinde contumeliam Plebi à Patribus illatam à *Consequentibus* hòc Syllogismo : Sancire, ne communia Plebs cum Patribus habeat Iter, Convivium, Forum, contumeliosum est. Sed eandem refert contumeliam Lex de Connubio. Ergo contumeliosa est Plebi.

Cur non sancitis] Propositio per interrogationem expressa indignationis plenam. *Ex Arist. l. 2. c. 6. t. 66.*

Quid enim] Assumptio, ejusque approbatio, quia cum liberi sequantur Patrem, neque nati ex Plebeia desinent esse ex Patritiis, neque filii Matris Patritiæ, & Plebeii Patris generis conditionem mutabant.

Nec quod nos] Concludit; maxima ergo contumelia nos afficitis, si rejiciatis nos modò petentes, ut hominum, ut civium numero simus.

Denique utrum] Redarguit insolentiam Patrum, qui minitabantur se per vim effecturos, *l. 1. c. 11. t. 188.* ne Leges illæ promulgarentur, hoc argumento à jure Populi :

Iniquus est, qui quempiam impedit, ne utatur jure suo.

Sed jus est Pop. Rom., ut si velit, legem jubeat. Ergo.

Quid si non] Ne periculum certaminis detineret Plebem, probat nunquam fore, ut ad vim, & arma Optimates veniant, tum quia bis antea eadem minitati, haud tamen perfeecerant, tum quia Plebs firmior erat, & plus valebat.

Ita

Itaque] Ultima Orationis pars , *Conclusio*
qua per Apostrophem ad Consules se statuisse
declarat, aut haberi delectum permittere , ut
Leges promulgari ipsi sinant ; aut , si contri-
nitantur , impedire , ne quispiam militiæ no-
men daret .

Sententiæ .

Res etiam novæ institui debent , si utiles
Reip. sint .

Nemo Plebeius vim affert Patritiæ Virgi-
ni : Patritiorum ista libido est .

Patrem sequuntur Liberi .

Rarò quæ pars firmior est , eadem est et
iam modestior .

O R A T I O N I S XXIII.

Vectii Messii Volscorum Regis ad Milites .

Argumentum .

Volscos in pugna adversus Romanos in
fugam versos Rex eorum Vectius Mes-
sius ad strenuè pugnandum hac Oratione hor-
tatus est .

Loci communes à *Repugnantibus* .

Motus , *Verecundia* , & *Confidentia* . Mo-
res *Viri imperterriti* .

Nullò utitur *Exordio* , utpote in re subita
in Contentione autem milites duplici argu-
mento ad strenuè pugnandum hortatur à *tun-*
pi , & *necessario* .

Hic præbituri] Primò igitur sic à *Repugnan-*
tibus : Non decet viros armatos , & qui be-
lum intulerunt , inultos mori . *Arist. c. 9. l. 1.*
c. 190.

Vos .

Vos estis armati, & bellum intulistis. Ergo.
Hic præbituri] *Complexio syllogismi* .

Quid igitur] *Assumptio* .

Alterum Argumentum ab evidentia periculi sic procedit :

Tum fortiter pugnandum est , cum nulla alia salutis spes est .

Sed vobis nulla alia est spes salutis ; c. 9.

l. l. t. 147 . Ergo .

Quid hic] *Assumptio* . Quid , inquit , circumventis undique ab hostibus spei est ?

An deum] Approbatio *Assumptionis* ; non enim vobis Deus auxilio venerit , nisi vestra vos virtus tueatur .

Ferro via] Ad erumpendum per medios hostes hortatur exemplo sui ipsius , qua una ratione redire possunt in Patriam . *lib. 2. c. 5. t. 58* .

Non murus] *Conclusio* , qua , ne penitus omnem spem abjiciant , admonet , viros armatos esse , qui impedirent , quos proinde , cum & ipsi armati essent , timere non debebant .
l. 2. c. 5. tex. 59 .

Virtute pares] Alia ratione confidentes milites facit , quod hostes sola Virtus firmaret , suos & virtus , & necessitas .

Sententiæ .

In otio tumultuosi , in bello sæpè segnes sunt .

Necessitas ultimum , ac maximum telum est .

ORATIONIS XXIV.

Marc. Æmilii ad Milites

Argumentum.

HOSTES facibus armatos cùm Romanus miles timeret in pugna cum Eidenatibus admiffa ; ita Dictator Marc. Æmilius eos excitare conatus eft.

Loci communes ab *Adjunctis*, & ab *Antecedentibus*.

Motus, *Pudor*. Mores *prudentis Imperatoris*.

Triplici ratione dubios milites, & illa inuſitata acie territos confirmat, & ad pugnam inflammat; quòd turpe fit hoſti cedere, ut ſe parta ſua, & majorum virtute gloria dignos præbeant, & ut ulciſcantur injurias.

Fumone] Primò igitur ſic ab *Adjunctis*, ubi etiam aſeſt pulcherrima *Allegoria*.

Turpe eſt timere hoſtes inermes, & ſolis armatos facibus; *l.2.c.5.t.40.*

Talis eſt hoſtium acies. Ergo turpe eſt eos fortiter non repellere.

Agite nominis] Secundò ſic ab *Antecedentibus*:

Majores veſtri, & vos ipſi ſemper in omnibus bellis ſtrenui extitiſtis.

Ergo & nunc fortes eſſe debetis. *Ariſt. l.2.c.11.t.116.*

Et ſuis flammis] Commemorat beneficia Fidenatibus à Rom. Rep. collata, ut majori contra eos odio inflammentur, quippe ingratos. *l.2.c.7.t.65.*

Legatorum] Ultimò ab acceptis injuriis, tali ratione:

Eos ulciſci debemus, qui nos maximis inju-

injuriis affecere . *Arist. c. i i. l. i. t. 226,*
Sed Fidenates maximis nos affecere injuriis . Ergo .

Legatorum] Legati Romani Fidenis interfecti fuerant non hoc in bello , sed tempore primæ defectionis , & jam pœnas dederant , capta Urbe à Q. Servilio Dictatore .

O R A T I O N I S XXV.

C. Julii Tribuni ad S. Tempanium

Argumentum.

RE malè gesta contra Volscos Sempronio Consule, redeuntem ex prælio S. Tempanium Decurionem Equitum , cujus virtute pugna redintegrata fuerat , C. Julius Tribunus ita alloquitur .

Loci communes nulli sunt .

Motus, *Indignatio.* Mores *hominis seditiosi.*

Tres habet hæc *Interrogatio* partes; prima comprehendit ea , quæ pugnam præcessere , secunda quidquid in ipso certamine gestum fuerat , tertia pugnae eventum respicit .

Sex. tempani] Quærit , num Sempronius Consul in prælio ineundo functus fuerit boni Consulis officio ; maximè verò quoad tempus pugnae opportunum , & in firmanda subsidiis acie . Ut plurimum autem Triarii collocabantur in subsidiis , qui post aciem nixi genibus subsidebant .

Et tu ne ipse] Quærit secundo loco , cùm Tempanius pugnam restituerit , an id fecerit jussu Consulis , & an ille exclusis Equitibus openi ullam tulerit ; utrumque enim , quippe Dux exercitus , præstare debuerat .

Postero denique] Tertio interrogat de pugnae eventu ; I. an ipse cùm Equitibus sine ullo præ-

præsidio sola sua virtute evaserit ; 2. an Consul castra , & saucios deseruerit ; 3. ipsine vicerint , an hostes .

Desertus sit] Hæc est acerbissima omnium Interrogatio , qua perstringit Sempronium , quasi ipse fortissimos milites , & optimè de Rep. meritos , hostibus prodiderit , nullo misso præsidio .

ORATIONIS XXVI.

Sextii Tribuni Pl. contra P. Postumium

Argumentum .

Postumium Tribunum Militum malum minitantem militibus apud iratam Plebem Sextius Tribunus Pl. objurgat , & ad deferendos honores Plebeiis hortatur Populum .

Loci communes ab Effectis .

Motus , Indignatio . Mores Viri Popularis .

Tres sunt partes , Exordium , Contentio , &

Conclusio .

Auditis] *Exorditur* à superbia Postumii , quæ liberis Civibus ea minitatus fuerat , quæ propria servorum erant supplicia ; & indignantem per se Plebem deterrima comparatione magis accendit . l.2. c.3. t.16.

Tamen hæc] Transit ad contentionem , in qua coarguit Plebem ipsam demandantem honores Patritiis , non Plebeiis , hoc syllogismo :

Ii sunt redarguendi , qui honores mandant malè merentibus , non benemeritis .

Sed vos honores mandatis malè de vobis meritis Patritiis , non optimè meritis ex Plebe . Ergo .

Tamen

Tamen hæc] Assumptio, quæ maximum habet Tribunorum Pl. beneficium, Colonias deducendum in gratiam Plebis, repugnantibus Patriitiis.

Qui vos urbe] Urbe dicit donatos, non Civitate; nam qui mittebantur in Colonias, Urbem, & recta mutabant, jus Romanæ Civitatis retinebant.

Incipite de nam] Ab *Effectis* idem exaggerat, quod pauci idcirco sint Plebis Patroni, quia nulla habent certaminum præmia proposita, & in eorum potestate constituta, qui Plebi adversantur.

Ingemistis] Conclusio, qua negat esse, cur doleant de superbo illo Postumii dicto, cum indignatione multò majori dignum sit, præferri malum Plebi minitantes iis, qui bene Plebi facere student.

Fam si suffragium] Voce dabatur suffragium, ceptum est autem dari suffragium tabellis anno Urbis 615.

Hanc] Non tam Postumium, quàm Patriitios Postumio similes eo loco designat; superbia enim commune erat Patriibus vitium.

Ex Dec. 1. Lib. 5.

ORATIONIS XXVII.

Ap. Claudii ad Plebem

Argumentum.

CUM quererentur Tribuni Plebis, continuari ad Vejios bellum, & milites in hibernaculis contineri, Ap. Claudius vocata Plebis concione, ut utrumque utile Reipubl. fore ostenderet, hanc habuit orationem.

Loci communes ab *Effectis*, à *Consequentibus*,

tibus , & à Comparatione .

Motus , Timor , & Indignatio . Mores viri prudentis , deque Patria solliciti .

Dividitur hæc oratio in quatuor partes , *Exordium* , *Propositionem* , *Contentionem* , & *Perrorationem* .

Si unquam] *Enevolentiam* Patribus in *Exordio* conciliat , quippe optimè de Plebe meritis . *l.2. cap.4. tex.23.* & malevolentiam Tribunorum exagitat , qui omnia non Plebis , sed sua causa faciant , quod suprà & Cincinnatus exprobraverat ; idque ostendit tali ratione : Ille sua , non Plebis causa seditiosus est , qui concordiam odit . Sed Tribuni odierunt concordiam ordinum . Ergo .

Propositio patet , sicut enim bellum propter pacem , ita etiam discordiæ propter unam concordiam excitari solent .

Si unquam] *Complexio* .

An est quisquam] *Approbatio Assumptionis* quòd tribuni repugnassent anno superiore Tribus decernentibus dari militibus de publico stipendium , ut hoc munere Plebem delinquerent .

Quid illos] *Assumptio* cum invidiosa similitudine .

Utrum enim] Per *Apostrophem* ad Tribunos idem ferè *Argumentum* prosequitur idem ab *Effectis* : si Vobis causa Plebis cordi est non debet esse molestum conferri à Patribus beneficia in Plebem , ut ejus obsequium facili concilient .

Sed hoc vobis maximè molestura est . Ergo .

Cùm *Assumptio* manifesta sit , probatur *Propositio* à *Dissimili* , quia non eodem modo agere debent cum Plebe Tribuni , ac Domini cum servis suis , & hoc ad invidiam . *l.2. cap.9. tex.55.*

Quantotandem] *Propositio Syllogismi* .

Qua

Quæ si perpetua] Alia approbatio *Propositionis à Consequentibus*.

Atqui ego] *Propositio* totius orationis, qua duo sibi probanda assumit; 1. non esse recusanda hybernacula ab iis, qui stipendium de publico accipiant. 2. oppugnationem Vejorum utilem, & necessariam esse Reip.

Quoad primam igitur *Contentionis* partem, eam unico probat Syllogismo ab æquo.

Opera, & emolumentum non sine proportionem esse debent.

Sed aliquid novi commodi vobis adjunctum est.

Ergo & opera augeri debet.

Quam orationem] Ostendit, se maxime causæ confidere, quam justam, & honestam esse vel ipse exercitus, cujus hoc interest, ex Adversariorum Orationibus conjiciat.

Negabant] Epicherema, quo universa ratiocinatio egregiè comprehenditur.

Nusquam] *Propositio* Syllogismi.

Molestè] *Assumptio*.

Æquo igitur] *Complexio*, qua duo concludit, tum protrahendum esse tempus militiæ, quia novum commodum Miles è Rep. percipit, tum annuam debere esse militiam, quia & annuum accipit stipendium.

An si ad calculos] Hoc est, si te Resp. vocet ad ineundam accepti, & expensi rationem; sic ut etiam dicimus vocare ad calculos amicitiam.

In secunda parte probat, expugnandos esse Vejos, 1. quia id postulat dignitas pop. Rom. 2. quia illa expugnatio utilis est Reip., 3. quia ad augendam militarem disciplinam plurimum valebit.

A dignitate sic arguit: Indignum est semel susceptum bellum non perfici, l. 2. c. 6. t. 65.

Sed jam bellum cum Vejentibus suscepimus, nec perfici potest, nisi captis Vejis.

Ergo perfici debet per Urbis oppugnationem.

Invitus] *Excusatio*, quòd ad Cives tanquàm ad Mercenarios verba habeat, adeòque transitus ad alteram partem.

Aut non suscipi] *Propositio*.

Perficietur autem] *Assumptio* quoad secundam partem, prima enim non eget probatione, & evidens est.

Decem quondam] *Propositionis* approbatio ab exemplo Græcorum.

Oppugnationem annuam] Camillus Dictator decem annos obsessos Vejos cepit, sed Appius ad erigendos Plebis animos, spe facilis expugnationis, annuam dicit futuram.

Scilicet quia] Eandem *propositionem* confirmat à *Causis* belli :

Illud bellum perficiendum est, cuius suscipiendi gravissimæ causæ fuerunt;

Sed hujus belli suscipiendi causæ gravissimæ fuerunt. Ergo.

Scilicet quia] *Assumptio* per Ironiam expressa.

Septies] Enumerat injurias omnes à Vejer-
tibus illatas. l. 2. c. 2. t. 12.

Cum his molliter] *Complexio* hujus Syllogismi.

Ostendit deinde, Vejorum Oppugnationem utilem fore Reip. hac ratione à *Consequentibus* : Perniciosum est Reip. vastari civium agros, dissipari maximum, & summo cum labore instructum apparatus, cum universa Hetru-
ria bellum gerere. Sed hæc omnia non evita-
ri possunt, nisi continuata Vejorum oppugna-
tione.

Ergo perniciosum est Reip. illam oppugnationem non continuari. Ergo.

Operibus ingentibus] Prima pars *Assumptio-
nis*; nunc enim obsessa acriter urbe erumpere
ad

ad prædandum non possunt: at si reducimus exercitum, ubi in suis Agris incultis, & vastatis nihil invenerint, nostros populabuntur.

Quid? illud] Alterum *Assumptionis* membrum, quòd maximus apparatus ad expugnandos Vejos jam instructus de integro ad æstatem reficiendus sit, si nunc reducatur exercitus. Tribunos autem accusat utpote parum militum commodis consulentes, quibus & antea dandum stipendium negaverint, nunc duplicari laborem velint. *l.2.c.2.t.12.*

Quid vineas] Vineæ instrumentum erat bellicum, quo testi milites propius ad hostium mœnia accedebant; testudo verò erat machina bellica, qua utebantur ad muros subvertendos.

Quid? periculis] Tertiã pars de bello ab Hetruria imminente; quamvis enim nunc Hetrusci sint irati Vejentibus, quòd Regem creaverint; reconciliari tamen possunt; vel alia legatione missa, vel mutata Reip. forma. *l.1.c.6.t.78.*

Si laxamentum] hoc est, si ab obsidione tantisper recesserimus.

Videte quot res] Omnia illa tria simul repetit, quæ necessariò futura in perniciem Reip. contendit, si dissolvatur obsidio.

Hæc sunt, tribuni] *Complexio* totius Argumenti, qua Tribunos auctores facit tantorum malorum, pulcherrima usus similitudine.

Fortiter passus] Qui se efficacibus, adeòque salutaribus remediis curari passus fuerit.

Si medius fidius] Ultimò probat, ad disciplinam militarem, plurimum interesse continuari etiam per hiemem oppugnationem, hoc modo a *Comparatione minorum*:

Turpe est militi eam non adhibere in bellis patientiam, quam in venationibus adhibet.

Sed in venando nequē nivēs, nequē pruinas timet. Ergo neque in bello gerendo timere debet.

Obsecro vos] *Assumptio*.

Belli necessitatibus] *Complexio* illustrata à contrariis, in bello enim ex necessitate sic agimus; in venationibus autem trahimur voluptate.

Deinde sic à *Causis*: Turpe est militi videri mollem. l.2.c.6.t.65.

Sed maximam indicat molliem, non posse unam hiemem manere in castris.

Ergo hæc nota maximè à milite vitanda est.

Adeone] *Assumptio* confirmata à dissimili non enim in castris observanda sunt anni tempora, sicut navale bellum gerentibus.

Erubescant] *Complexio*, quæ reprehensionem præterea Tribunorum habet, quod inertia, molliæque Patroni sint.

Et meminisse] Innuit, creatos prima vice Tribunos in Aventino monte, quo Plebs irata Patribus secesserat; atque adeò videri absurdum, eam potestatem militiæ inimicam esse, quæ propè ex castris ortum duxerit.

Tandem sic alia ratione: Nulla Virtus magis convenit Rom. Militi, quàm perseverantia.

Sed hæc maximè apparet in obsidendo Urbibus. Ergo.

Hæc virtute] *Propositio* amplificata à consequentibus, à diversa scilicet opinione, quare de Romanis habituri sunt finitimi, si perseverantes in bello sint, & si tam levi de causa bello desistant.

An mediocre] hoc est, an parum diversarum hac ex re de vobis opinionem secuturam putatis?

Quæ in omni] *Assumptio*; additque speram facili expugnationis Vejorum, nisi impedimen-

mento fuerint Tribuni, ex quo nimirum transitum facit ad Perorationem.

An est quicquam] In Peroratione Tribunos reprehendit, quod per seditionem conentur deterrere Plebem ab Urbis expugnatione; idque exaggerat quatuor rationibus, & imprimis ex eo, quod nihil gratius Vejentibus hostibus futurum sit. *Arist. l. 1. c. 6. tex. 77.*

At Hercule] Secundò à comparatione parium:

Hostes inultos seditionis auctores non ferrent.

Ergo nos impunè eos perferre turpe est.

Fustuarium] Tertiò à comparatione minorum tali pacto:

Qui signa relinquit, fuste plectitur. *l. 2. cap. 6. tex. 65.*

Sed hortari universum exercitum, ut signa deserat, multò majus peccatum est. *l. 1. c. 14. t. 255.* Ergo non impunè ferendum.

Reliquum est] Quartò ab evidenti periculo, ne corrupta seditionibus Civitate, ipsa etiam castra corrumpantur, & Ducibus parere milites recusent, quod Patriæ perniciosissimum foret.

Sententiæ.

Servis nihil rei esse debet cum alienis hominibus.

Nusquam nec opera sine emolumento, nec emolumentum fermè sine impensa opera est.

Labor, voluptasque, dissimillima natura societate quadam inter se naturali sunt juncta.

Ille laude dignus Rex est, qui obstare Regnum suum salutem Civium nolit.

Perseverantia in omni quidem genere militiæ , maximè tamen in obsidendis Urbibus necessaria est .

Urbes etiam inexpugnabiles , fame , siti , que tempus ipsum expugnat .

ORATIONIS XXVIII.

P. Licinii ad Populum.

Argumentum.

P. Licinius Calvus delatum sibi Tribunatum Militarem , ut Filio potius deferantur Populum hac Oratione precatur .

Loci communes nulli sunt .

Motus , *Amer* . Mores *pii Patris* .

Tria præstat in hac Oratione , 1. laudat consilium Populi de reficiendis iis Tribunis qui alia vice eundem Magistratum gessissent .

2. se ipse excusat ; 3. pro filio preces adhibet .

Omen concordiae] Prima pars , qua dupliciter ex capite probat optimum esse , eosdem reficere Tribunos , qui secum nonnullis antè annis creati fuissent ; tum quia id ad concordiam maximè valet ; tum quia experientia meliores facti sunt . *l. 2. c. ult. t. 67.*

Me jam non] Excusat se tanquam minimè idoneum ratione ætatis ad summum imperium administrandum . *l. 2. c. 13. t. 134 & 135.*

En vobis] Filium suum Populo commendat eum laudando , utpote sui effigiem , suaque institutum disciplina , precibus præterea precibus eodem adjectis .

Omen concordiae] Cùm enim Licinius primus ex Plebe creatus est Tribunus Militum , maximè viguit inter omnes ordines concordia .

Sententiæ.

Concordia res est in rebus maximè adversis utilis.

Omnes Magistratus usu meliores fiunt.

O R A T I O N I S XXIX.

Furii Camilli ad Pædagogum Faliscorum

Argumentum.

M Furius Camillus cum obsideret Faliscos, Ludi Magistro, qui pueros nobiles Faliscorum in ejus manus per proditorem tradiderat, ita respondit.

Loci communes à *Causis*, & à *Comparisonem*.

Motus, Odium. Mores *Viri justi*, & *innocentis*.

Tres habet partes, *Insinuationem*, *Contentionem*, & *Conclusionem*.

Non ad similem] Detestatur scelestum hominem Romanis innocenti Populo, & Camillo justissimo Imperatori scelestum munus offerentem.

Nobis cum] Contendit, impium esse Magistri facinus, primò à jure naturæ, & belli, quod proinde non debeant Romani approbare, tali ratione:

Iniquum est violare jura naturæ, & belli;
l. i. c. 13. t. 237.

Sed tuum accipientes munus utrumque jus violamus. Ergo.

Probatur autem *Assumptio*, quia cum hostibus etiam, adeoque cum Faliscis ingenta à natura societas perseverabat, & bellum justè, non proditoriè gerendum est.

Arma habemus] Idem probat à *Causa* belli hoc modo :

Arma sumpsimus adversus armatos , qui nos injustè læserunt ; *l. i. c. 12. t. 228.*

Sed hi pueri neque armati sunt , neque nos læserunt . Ergo .

Arma habemus] *Assumptio* per Comparisonem approbata ; si enim pueris parcimus , etiam captis Urbibus , quantò magis in bello gerendo ?

Sed adversus] *Propositio* syllogismi .

Eos tu] *Conclusio* , qua & Magistrum magis , quàm Faliscos peccasse innuit , & se profitetur : ea victoria uti velle , quæ virtute parta sit .

Quantum in te fuit] Decreverat enim Camillus , non solum illius oblata recusare , sed cum etiam Faliscis puniendum dedere .

Sententia .

Societas , quam ingeneravit natura , etiam cum hostibus est .

Sunt & belli , sicut pacis jura , justèque ea geri debent .

Pueris , etiam captis Urbibus , parcitur .

ORATIONIS XXX.

Faliscorum ad Rom. Patres

Argumentum .

Falisci justitiam , & fidem Imperatoris mirati , Legatos Romam miserunt , qui ad Senatum introducti , se , suaque omnia his verbis dediderunt .

Loci communes nulli sunt ,

Motus , Lenitas . Mores moderati hominis , & minimè ingrati .

Pa-

Patres conscripti] Deditio , & laus Romanorum , tùm quòd vincere æquitate soleant , *l.2.c.4.t.27.* tùm etiam quòd victi sub eorum imperio longè melius vivant , quàm suis Legibus .

Eventu] Causa deditiois ; quia Falisci fide tanta , ac iustitia Ducis provocati non potuerant facere , quin se ultrò Romanis dederent . *l.1.c.6.t.82.*

Mittere] Hortantur Senatum , ut mittant , qui Urbem in deditioem accipiant , simulque pollicentur , se fideles Pop. Rom. semper futuros .

Sententiæ .

Victoriæ , quæ parta æquitate fuerit , nec Deus , nec homo quisquam invidet .
Victori pulcherrimum est , sub ejus imperio melius victos vivere , quàm suis legibus .

Justus imperator fidem in bello , quàm præsentem victoriam mavult .

ORATIONIS XXXI.

Furii Camilli Exulis ad Ardeates

Argumentum .

M Furius Camillus cùm Ardeæ exularet , Ardeates hac Oratione hortatur , ut captis armis palantes per agros Gallos , & incautos aggrediantur .

Loci communes ab *Adjunctis* , & à *Dissimili* .

Motus , *Confidentia* . Mores *Viri* in bello *versati* .

Tres habet partes , *Exordium* , *Contentionem* , & *Conclusionem* .

Ardeates] In *Exordio* duo facit; nam sibi imprimis *benevolentiam* conciliat, veterem commemorans *Amicitiam*, & *beneficium*, quo in *Civitatem* eum receperant; deinde *excusationem* adhibet, cur ipse novus *Civis* cum sit, & à suis in *exilium* pulsus, venire tamen in *concionem* audeat, & ad *Populum* verba facere; cuius novi consilii in causa esset ait *periculum commune*.

Tripliciter autem probat in *Contentione*, sumenda esse arma, *hostesque* invadendos. 1. quia *Dux* adest optimus. 2. ut referant *gratiam* *beneficiorum*, quæ à *Romanis* acceperant. 3. quia facilis *victoria* est.

Et quando] *Primum Argumentum* ita se habet:

Ille optimus *Dux* est, in quo & egregia inest voluntas, & scientia rei militaris. Talis est *Camillus*. Ergo Optimus *Dux*. Ergo &c.

Assumptio confirmatur, quia *Populo* de se benemerito *gratiam* cupit referre, & usque ad illud tempus bello fuerat invictus. l.2. c.4. t.28.

Vobis autem] *Secundò*, quia si *Ardeates* in *Gallos* arma sumant, non solum rem gratam *Romanis* facient, à quibus tot *beneficiis* cumulati sunt, sed etiam suæ ipsi *Patriæ gloriæ* erunt, cum omnium communes *hostes Galli* sint.

Quæ effuso] *Tertium*, quoad *victoriæ* facilitatem hoc *sylogismo* probat ab *Adjunctis*: Facilis est *victoria* contra *hostes imbelles*, & incautos; l.2. c.5. t.36.

Galli sunt imbelles, & incauti. Ergo de illis facilis est *victoria*.

Argumento sit] *Approbatio Assumptionis* quoad primam partem à *Diffimili*.

Gibo vinoque] *Assumptionis* secunda pars, col-

eosque incautos ostendit tum ob ingenitam genti ferociam, tum quod augeant confidentiam secundæ res. *l.2. c.3. t.59.*

Si vobis] Conclusio, qua eodem ferè sensu usus etiam est T. Quinctius Capitolinus Lib. 3. ad erigendos eorum animos, oblata spectæ victoriæ.

Galliam fieri] hoc est, in Gallorum potestatem venire.

Prima vigilia] Vigiliæ dicebantur Excubiæ nocturnæ, quarum divisio erat in quaterna horarum spatia, ita ut, si diei æqualis nox esset, quælibet vigilia trium horarum spatium comprehenderet.

Sententiæ.

Periculum commune cogit, quod quisque possit in re trepida præsidii in medium conferre.

Multi bello invicti, in pace ab ingratis civibus pulsi sunt.

Barbari ab secundis rebus magis etiam solito incauti sunt.

ORATIONIS XXXII.

M. Furii Camilli ad Pop. Romanum

Argumentum.

R eferentibus ad Plebem Tribunis, ut quando Romam incenderant Galli, omnes Vejos transmigrarent, repugnavit hac Oratione Camillus.

Loci communes ab *Antecedentibus*, & *Consequentibus*, à *Comparisonem*, & à *Contrariis*.

Motus, *Pudor*. Mores *Viri prudentis*, & *Religiosi*.

Dividitur Oratio in tres partes, *Exordium*, *Contentionem*, & *Perorationem*.

Adeo mihi] Ostendit in *Exordio*, quantam sibi molestiam discordiæ Civiles afferant, ut earum auctores Tribunos reprehendat, & mite sibi, ac pacatum ingenium esse videatur; ex *Arist. lib. 2. c. 4. tex. 26.*

Non si me] Etiam si Decreto Senatus, Lege populus revocasset, tamen non rediissem; utrumque enim necessarium erat, ut quispiam jure ab exilio revocaretur, & utrumque in restituendo Camillo servatum est.

Et nunc quiescere] Attentos facit, quippe de patria loquuturus. *l. 3. c. 14. t. 104.*

Camillo etiam] Nefas erat Camillo illi deesse patriæ, quam ipse recuperasset, suumque beneficium tueri utcumque debebat.

Quid enim] Hinc transit ad *Contentionem*, & ut ostendat, Camillo Urbis reparatori patriam deferere nefas esse, ita à *Contrariis* argumentatur, cæteros etiam comprehendens:

Nefas est, plus damni Reip. contingere victoribus Romanis, quam Gallis.

Sed si deferimus patriam, plus illi damni nos victores inferimus, quàm Galli intulerunt.

Ergo nefas est, nos patriam deferere.

Equidem] Cùm præcipua ratio deterrendi Romanos à transmigratione, sit ipsa Religio, præmittit hic, divinum cultum nunc potissimum non esse negligendum; ac deinde tali utitur syllogismo ab *Antecedentibus*:

Omnia semper prospera evenerunt sequentibus Deos, adversa spernentibus.

At Deos spernimus, si urbem deferimus.

Ergo deferentibus patriam evenient adversa.

Intuemini] *Propositio*.

Jam omnium] *Propositionis* approbatio, qua

res omnes adversas, & secundas quibus usi fuerant Romani in bellis contra Veientes, & Gallos, Religionibus attribuit seu spretis, seu ritè peractis.

Monitu deorum] Ab Oraculo Delphico jussi sunt aquam ex lacu Albano emittere in obsidione Vejorum. *lib. 5.*

Num ante] Tria memorat, quibus Deos offensos bello Gallico ostendit, spretam vocem Deorum, quam de Gallorum adventu M. Cædicius plebeius se audivisse nunciaverat; pugnam cōtra jus Gentium ad Clusium commissam cum Gallis à Fabiis Legatis; nullum supplicium sumptum de Fabiis, sicut postulaverant Galli.

In pondere auri] Cùm enim Romani dare Gallis deberent ex fœdere mille pondo auri, ut se ab obsidione liberarent, allata ab his pondera iniqua, & additus à Breno ponderi gladius, contra fœdus, & fidem.

Hæc culti] *Assumptio* Syllogismi.

Urbem auspic.] Ejusdem approbatio, quòd nimirum & Urbs auspicatò esset condita, & omnia loca religionum plena, ut deferri nequeant sine contemptu Deorum.

Quam par] Prosequitur idem Argumentum à *Comparisonem* Minorum, hoc modo:

Turpius est publica sacra deferere, quàm privata.

Sed in bello C. Fabius sacrum suæ gentis non intermisit.

Ergo turpe esset nos deferere in pace sacra publica, & solemnia.

Forfitan] Cùm suprà ostenderit, turpe esse sacra publica deferere, nunc probat deferri sacra publica, si transmigraverint Vejos, hoc dilemmate: Ne deferantur aut Vejis ea faciemus, aut mittemus qui Romæ faciant. Sed neutrum fieri potest. Ergo deferuntur, si Ve-

jos transmigramus.

Et ne omnia] Prima pars *Assumptionis*, quòd Vejis fieri nequeant, approbata exemplo Ejaculi Jovis, quod in Capitolio fieri oportebat, ignis Vestalis, Palladii, Ancilium, quæ in alium locum transferre nefas sit.

Quædam vetustiora] Cætera enim ferè omnia Numa instituerat, Palladium, & virgines Vestales, Sacerdotium Alba oriundum, dicuntur Sacra urbe vetustiora.

Et videt] Probat nefas esse transférri Vejoss Romanorum Sacra à *Dissimili*; quòd Majoress religiosum putaverint sacra quædam transférri Romam ex hostium urbibus.

Recordamini] Idem confirmat ab *Antecedentibus*, hac ratione:

Nefas est ea Sacra transferre Vejoss, quæ tanta cùm diligentia instaurata sunt Romæ.

Sed modò instauravimus Romæ hæc Sacra. Ergo nefas est, &c.

Modo quæ res] *Assumptio*, quia multa enumerantur vel instituta, vel instaurata ante, & post Gallicum bellum.

Quid horum] *Propositionis* approbatio, frustraneus enim labor est, ea diligenter curare, quæ deinde necesse sit deferere.

De sacris] Illustrat eandem *Assumptionem*, quæ suprà habetur, quoad utramque partem; nam exemplum de Vestalibus probat Sacra non esse transferenda Vejoss; de Flamine Dicali, nefas esse eum Romam mittere ad peragenda Sacra, de Comitiiis, utrumque tum mutare locum auspdatum, tum convenire Populum in Urbem Romam tanto cum incommodo propter comitia.

Quæ rem militarem] Omnis Magistratus creabatur quidem Comitiiis vel Centuriatis, vel Tribunitiis, nō obtinebat autem imperium, nisi

nisi per Curiatâ Comitîa .

A remotione Causæ arguit sic , non esse transmigrandum Vejos :

Si quæ ratio esset transmigrandi , maximè quia Urbs incensa , & vastata est .

Sed hæc ratio nulla est . Ergo .

Sed res ipsa] Propositio .

Hanc autem] Assumptionis approbatio , quia etiam ante adventum Gallorum Tribuni hanc Legem promulgare voluerunt ; non ergo quia incensa sit Urbs , ideò nunc Legem promulgant .

Et videte] Confirmatur eadem Assumptio à Contrariis :

Ea non est iusta causa transmigrandi , quæ debet esse causa manendi .

Sed vastatio Urbis debet esse causa manendi . Ergo non .

Ego contra] Assumptio hujus Syllogismi .

Quippe tum] Illustratur Assumptio à Consequentibus , quòd id gloriæ Gallis futurum sit , quasi nos coacti transmigraverimus , quòdque periculum evidens sit , ne nobis discedentibus , hostes Galli , aut Volsci Urbem occupent , & Romani fiant .

Hæc scelera] Redarguit pigritiam Populi , quòd idcirco transmigrare Veios velit , ne rursus Urbem ædificet , multis de causis .

Si tota urbe] Primum à turpi ; turpe enim est exulatum publicè ire , potius quàm sibi nova tecta ædificare , præcipuè , cùm satius esset in casis ritu pastorum habitare , quàm illud pati .

Majores nostri] Deinde à Comparatione ; Majores nostri Urbem condiderunt inter paludes , & Silvas , nos incolumi Arce , stantibus Templis Deorum , non eamdem ædificabimus ?

Quid tandem] Postea à Simili ; an si Vejis idem casu incendium ortum fuerit , aliam rursus

fus Urbem nobis quæremus?

Adeo nihil] Ultimò à *Causa*, quia caritas Patriæ respicere debet solum ipsum, & terram, non solam superficiem illius.

Equidem fatebor] Hanc ultimam rationem confirmat exemplo sui ipsius, qui exilii tempore ea maximè cogitatione commovebatur, quòd collibus, campis, Tyberi, & Patria regione careret.

Non sine causa] ab *Adjunctis* denique ostendit, non esse deferendam Urbem Romam: Eam Urbs non est deferenda, quæ opportunissime loco sita est.

Sed Urbs Roma talis est. Ergo.

Inter duo maria] Tyrrhenum scilicet, & Adriaticum.

Quod cum ita sit] Extrema orationis pars *Peroratio*, qua concludit, non esse transmissandum Vejos, cum Dii terrarum Imperium decreverint Capitolio; quod duplici ostenditur argumento.

Hic veste] Et quia oratio, quæ ad religiones pertinebat, movebat maximè Populum, ideo in fine Vestam, Ancilia, & Deos rursus commemorat.

Sententiæ.

Omnia prosperè eveniunt sequentibus Deos, adversa spernentibus.

In casis ritu pastorum satius est inter sacra, & penates habitare, quam exulatum publicè ire.

Solum Patriæ, & terra, quam matrem appellamus, cordi nobis esse debet, non autem in superficie, tignisque caritas Patriæ pendere.

Nulla ratio est expertis alia experiri velle.

Etiamsi Virtus transire aliò possit, fortuna loci transferri semper non potest.

ORA-

O R A T I O N I S XXXIII.

M. Furii Camilli ad trepidos Milites

Argumentum.

Romanos Milites hostium multitudine ter-
ritos M. Furius hac oratione ad strenuè
pugnandum inflammat.

Loci communes ab *Adjunctis*, & ab *Antecedentibus*.

Motus, *Pudor*, & *Confidentia*. Mores e-
gregii *Ducis*.

Quæ tristitia] Brevis insinuatio, qua mili-
tes reprehendit vano, & insolito timore cor-
reptos.

Hostem] Unico utitur argumento ab *Ad-
iunctis* ad eos excitandos, quod ita se habet:

Ubi iidem sunt Dux, exercitus, & hostis,
idem belli exitus sperandus est.

Sed iidem omnes sumus.

Ergo idem belli exitus, hoc est victoria
speranda est.

Hostis quid] *Assumptio* ab *Antecedentibus*
comprobata.

An me, quod] Probat, etiamsi Dictator
non sit, ut in superioribus bellis fuerat, cum-
dem tamen se Camillum esse, & vanum illud
Dictaturæ nomen neque animos sibi unquam
fecisse dicat, neque profuisse ad evitandum e-
xilium.

Et cum eadem] Complexio, qua suis victo-
riam certam auguratur, exemplo rerum an-
teà gestarum. l. 2. c. 5. t. 57.

Sententiæ.

Hostes fortibus Viris perpétua mater
sunt virtutis, & gloriæ.

Sapienti viro animos summa imperia non
faciunt.

O R A T I O N I S XXXIV.

A. Cornelii Cossi Dictatoris ad Milites

Argumentum.

Cornelius Cossus Dictator contra Volscos
dictus, cæsis ritè hostiis prælium initu-
rus; ita suos milites adhortatur.

Loci communes nulli sunt.

Motus, *Confidentia*. Mores *prudentis Imperatoris*.

Duas habet hæc brevis Oratio partes, *Exordium*, & *Contentionem*, ubi suum de ratione
ineundæ pugnæ consilium militibus aperit.

Nostre] In *Exordio* confidentes suos facit,
non enim falsa nuntiare Deorum Vates pote-
rant, qui hostiis inspectis victoriam promise-
rant.

Itaque] Adhortatio ipsa, quæ triplex est;
imprimis jubet omittere pila, & gladiis pu-
gnare; deinde ut consistent admonet, & sta-
bili gradu adventantes hostes excipiant; tertio
præcipit Magistro Equitum, ut, cœpta jam
pugna, tum demùm cum equitatu hostes a-
doriatur.

Et cum imparibus] Quamvis multò major
hostium esset multitudo, impares tamen Ro-
manis erant tum spe, tum virtute. *l. 2. c. 5. t. 59.*

Ubi illa vana] Vana dicit esse missilia, quia
levia tantùm vulnere infligebant, & nullius
fe-

ferè momenti erant ad reportandam victoriam.

Qui secundis avibus] hoc est bono omine, & auspicio, quòd sæpè ab avibus sumere auguria solerent.

ORATIONIS XXXV.

A. Cornelii Cossi Dictatoris ad M. Manlium

Argumentum.

Manlium Plebis animos ad seditionem concitantem falsis pollicitationibus ita Cornelius Cossus Dictator interrogat.

Loci communes nulli sunt.

Motus, *Confidentia*. Mores viri moderati.

Tria hic facit Dictator; confidit, interrogat, & minatur.

Utinam mihi] Summam ostendit hac de re confidentiam, ut malevolentiam, & invidiam occultati thesauri à se, & Patribus averteret.

Spem factam] Proponit crimen, quod Patribus Manlius objecerat, hortaturque, ut rei indicium prodat.

Fide incolumi] Si enim ex thesauris Gallicis creditum solvissent, fides creditoribus data incolumis, & inviolata stetisset.

Et istos] Patres nimirum instat Draconum publicos thesauros servantes à custodia removeas, & occultam illam prædam in medium proferas.

Quod nisi facis] Concludit minitendo carcerem, nisi pareat.

O R A T I O N I S XXXVI.

M. Manlii ad Dictatorem Cornelium

Argumentum.

Interrogatus à Dictatore Manlius de thesauris Gallicis, quos ipse occultari à Patribus dixerat, ita respondit.

Loci communes ab *Antecedentibus*.

Motus, *Ira*. Mores *Viri seditiosi*.

Duas habet partes, in quarum prima iram Plebis in Patres concitat, in altera respondet iis, quæ Dictator interrogaverat.

Offendit te] Prima pars, in qua redarguit Patres, tùm quia Plebem sibi non conciliarent beneficiis, cùm possent, tùm quia usuris eam premerent. *l.2. c.4. t.23.*

Addictosque duci] Hoc est Debitores tradidit creditoribus, ut in eos vitæ, & necis potestatem haberent, quod est addicere.

Sortem aliam] Aliam conditionem, ut tantundem de prima pecunia dematur, quantum usuris numeravimus.

At enim] Secunda pars, & ad primum, quòd solus ea faceret, respondet ab *Antecedentibus* hoc modo:

Qui solus defendit Capitolium, solus potest opitulari Civibus.

Ego solus Capitolium defendi. Ergo.

Nam quod] Ad alterum de thesauris Gallicis artificiosè respondet, non cogendos alios ut indicent, sed Patres, ut proferant, quod injustè retineant.

Sententiæ.

Divites ex eo, quod affluit suis opibus,
su-

sustineant necessitates aliorum.
Frustrà quærimus, quæ scimus.

ORATIONIS XXXVII.

M. Manlii ad Plebem

Argumentum.

Manlius eductus ex carcere Plebem in Patres concitat, deque tollendis Magistratibus suam sententiam proponit.

Loci communes ab *Antecedentibus*.

Motus, *Pudor*, & *Confidentia*. Mores *Virii Popularis*.

Dividitur in tres partes, *Exordium*, *Contentionem*, & *Perorationem*.

Quousque] *Exordium*, quo *Pudorem*, & *Confidentiam* movet; multi enim ipsi cùm essent, paucos tamen timebant, & utitur comparatione minorum. *l.2.c.6.t.65.*

Audendum est] *Contentio*, hortaturque, ne singuli pereant, ut omnes simul Patres aggre-
diantur, & à Rep. tollant Magistratus.

Quousque me] depellit *Confidentiam*, quam de Duce Manlio Populus habebat, tùm ab *Antecedentibus*, quia & alia vice in carcerem ductus fuerat; tùm ab *Exemplis Cassii*, & *Mælii*.

Dii perhibebunt] *Prolepsis* de auxiliis Deorum. *l.2.c.5.t.60.*

Sed nunquam] *Responsio* ad *prolepsim*, quòd illis auxilio Dii veniant, qui promptè suas partes obeunt.

Tum parvus] Redarguit Plebem, quippe nimis timidam: fortis enim cùm esset in externos, & imperium quæreret, ipsum tamen Patribus cedebat, & solum de conditionibus, qui-

quibus imperari sibi vellet, aliquando certabat. *l.2. c.6. t.76.*

Tamen] Plebem rursus Confidentem facit, qui enim omnia usque ad illud tempus obtinuerant, facile impetraturi erant quod novum peterent. *l.2. c.5. t.57.*

Quam qui resisterent] Tribunos Plebis inivit, quos impetrare multò difficilius fuisse ait, quàm nunc alium quempiam, qui imperet ipsis Patribus, sed prius tollendos esse Magistratus contendit.

Proinde] *Peroratio*, qua hortatur, ut vim adhibere, & se uti patrono velint, ubi etiam de regno mentionem videtur facere. *Arist. l.3. c.14. t.166.*

Sententiæ.

Vires suas ne belluæ quidem ignorant.

Dii numquam propter homines de Cælo descendunt.

Minore negotio qui imperet imponimus, quàm qui resistent imperantibus.

Quo magis insigni imperii, honorisve nomine nostrum appellamus Ducem, eo utimur potentiore.

ORATIONIS XXXVIII.

Legatorum Tusculanorum in Senatu

Argumentum.

TUSculani Oratores, ut suaferat Camillus, Romam missi ad pacem petendam, hospitaliter vocati causam suam ita egerunt.

Loci communes à *Contrariis*.

Motus, *Misericordia*. Mores *Modestiam præseferunt*.

Qui-

Quibus bellum] Bellum deprecantur hoc
in primis syllogismo à *Contrariis* : Iis non sunt
arma inferenda , quibus sunt omnia pacifica .

Sed apud nos omnia pacifica sunt . Er-
go .

Probant autem *Assumptionem* exponentes
rationem , qua Romanis legionibus occurre-
unt , & Beneficium Camilli , qui eo motus
argumento nihil egerat hostile .

Pacem quam] *Complexio* syllogismi ; si enim
vos pacem habemus , & vos nobiscum pacifi-
ce agere debetis .

In nos] Se potius inermes velle perire di-
cunt , quam armatos , eaque ratione movent
misericordiam . *Iib. 2 c. 8 t. 92.*

Quod ad] Crimina fateri videntur , quia
negare non poterant , se tamen poenitentia
confutunt , & clementia Victorum .

Sententia .

Oculis magis , quàm auribus credendum.
Re victa rebus , verbis confutare nihil
attinet .

ORATIONIS XXXIX.

Camilli Dictatoris ad Plebem.

Argumentum .

Cum Tribuni Plebis Licinius , & Sæxtius
intercessionem Collegarum non admitte-
rent , Camillus Dictator in hunc modum in-
tercessionem apud Plebem defendit .

Loci communes à *Diversis* .

Motus , *Timor* . Mores *Viri* gravis .

Quandoquidem] Redarguit Plebem in-
ter-

tercessionem per vim non admittentem, quæ
per vim obtinuerat; locus est à *diversis*.
Dictatorem deinde pollicetur affuturum
tercessioni, ut videatur creatus Dictator pl
bis tantum causa, non universæ Reip.

Itaque] Quia inusitatum erat, Patritios M
gistratus misceri concilio Plebis, conditione
addit, se quoque nihil acturum, si Tribu
pareant Collegarum intercessioni.

Vim tribunitiam dissolvi] Tota enim vis T
bunitiæ potestatis intercessione potissimum
continebatur.

ORATIONIS XL.

Ap. Claudii ad Plebem contra Tribunos

Argumentum.

Licinium, & Sextium Tribunos Plebis no
vas Leges quoquomodo promulgant
coarguit hac Oratione Ap. Claudius.

Loci communes à *Contrariis*, & ab *Eff*
etis.

Motus, *Invidia*. Mores hominis *sever*
& *concitati*.

Dividitur in quatuor partes, *Exordium*, *Pro*
positionem, *Contentionem*, & *Perorationem*.

Neque novum] *Exordium*, quo à se, sua
que gente sinistram removel suspicionem, duc
que ait sibi objici, & nimiam in Patres ben
volentiam, & malevolentiam in Plebem; qu
rum alterum fatetur, seque propterea homi
nem gratum ostendit: alterum negat hoc sy
logismo à *Contrariis*: *Arist. lib. 3. c. 14. t. 103. c.*
104.

Is, cui Resp. cordi est, Plebem lædere
non potest.

Claudii genti Resp. cordi est maximè
Ergo.

Nisi quæ] Probatio Propositionis, quia eadem sunt Plebis commoda, & Reip. universæ.

An hoc] Propositio, additque causam impulsivam, insolentiam scilicet Tribunorum, quæ stomachum faciat cuilibet etiam ex Plebe.

Sub conditione] Universa Contentio hoc syllogismo continetur: Illud postulatum est rejiciendum, quod est indignum, impium, & noxium Reip.,

Sed postulatum Tribunorum est hujusmodi. Ergo rejiciendum.

Quid est] Prima ratio indignitatis, quod honorem rejiciant sine adjuncta mercede.

Sed quæ] Altera ratio, quod merces ipsa, quam petunt, injusta sit; petebant enim accipi sine discrimine Rogationes, quas ferebant, sive bonæ essent, sive malæ. Quod iniquum ostendit pulcherrima similitudine, & per prosopopœjas invidiosas; deinde quia si hæc Patritii proponerent, certè rejicerent.

Arist. l. i. c. 13. t. 238.

Quid?] Tertia ratio indignitatis, quod suffragiorum libertas tollatur, si necessario alter Consul Plebeius esse debeat; ubi invidiosè L. Sextium cum M. Furio comparat.

Hocine est] Quarta ratio, quod ita non partem, sed omninò eripiant honores Patribus.

Quid sequitur] Quinta, quod Plebei Magistratus obtinebunt lege, non suffragio, occasione, non virtute; puta, si unus tantum Plebeius petat, non poterit non creari vi Legis.

Quis est hodie] Ultimò, quia cuilibet indigno hac ratione via patebit ad Magistratus.

De indignitate] Probat idem etiam esse impium ab Effectis hoc modo:

Impium est turbare Auspicia,

Sed turbantur Auspicia, si Plebeius deferatur Consulatus. Ergo.

Auspiciis hanc] *Approbatio Propositionis.*

Penes quos] *Approbatio Assumptionis de-*
sumpta ab auctoritate majorum , & permissio-
nibus ironicis .

Sextius , &] *Tertium membrum* ! attin-
git , & postulatum Tribunorum perniciosum
etiam Reip. ostendit , quia per legem Agra-
riam solitudo fiebat in agris , pulsus dominis ,
per alteram de ære alieno tollebatur Fides , u-
trumque autem perniciem Reip. affert .

Omnium] *Brevis Peroratio* , qua repetens
summam dissuasionis Deos precatur , ut deli-
berationem tam gravem fortunare velint . *A-*
rist. l. 3. c. 14. t. 167.

Sententiæ .

Quod pro universa Rep. fit , nunquam est
adversum Plebi , tanquam aliam Ur-
bem incolenti .

Non semper fit contra utilitatem no-
stram , quod est contra voluntatem .

Res potius , quàm auctor , spectanda est .

Virtute , non occasione honores petendi
sunt .

Cum Fide omnis humana societas tolli-
tur .

Ex Dec. 1. Lib. 7.

ORATIONIS XLI.

S. Tullii ad Dictatorem de ineunda pugna

Argumentum.

Dictatorem Sulpitium cunctatione utentem
adversus Gallos hostes, spe certa victo-
riæ; Servius Tullius ad ineundam pugnam
his verbis hortatur.

Loci communes à *Comparisonem*, & à
Causis.

Motus, *Confidentia*. Mores *Viri fortis*, &
gloriæ cupidi.

Tres habet partes, *Exordium*, *Contentionem*,
& *Perorationem*.

Scilicet] *Exordium*, quo ad avertendam
contumaciæ, & seditionis suspicionem, cau-
sam refert, cur ad dicendum accedat. c. 14.
l. 3. t. 103.

Equidem] *Contentio*, cujus primum Argu-
mentum sic se habet.

Si malè pugnatum esset, tamen facultas
pugnandi danda foret.

Sed non malè pugnatum est, & omnia
sunt integra.

Ergo multò magis danda est.

Equidem] *Propositio*.

Ut nos virtute] *Propositionis* approbatio à
Causa finali, quam exemplo *Alliensis pugnae*
confirmat.

Nobis] *Assumptio*.

Quamquam de] *Secundo loco* arguit à tur-
pi tali ratione:

Turpe est militibus eludi ab hostibus, &
malè apud Ducem audiri. l. 2. c. 2. t. 12.

Sed utrumquē nobis ex mora, & otio
contingit. Ergo.

Quod enim] *Assumptionis* approbatio quod-
ad alteram partem per dilemma; vel enim tu
de nobis, vel nos de te dubitamus; at nos de
te fortissimo Duce dubitare non possumus.
Ergo tu de nobis.

Sin autem] Quoniam suspicabantur, ius-
sisse patres bellum differri, ideò per Prolepsim
exponit consilium militum, quod erat: si bel-
lò sit opus, acriter se pugnatueros, si propter
otium trahatur, Romam se redire velle.

Hæc dicta] *Peroratio*, qua spe Triumphii
proposita Dictatorem ad signum pugnae dan-
dum hortatur.

Sententiæ.

Virtutē culpa corrigitur, & memoria fla-
gitii aboletur nova gloria.

Sicut Patres, ita & Plebs sua habet con-
silia.

ORATIONIS XLII.

Populii Consulis ad Milites

Argumentum.

Milites cum Gallis pugnantes, & diutur-
no prælio fessos Popilius Consul, qui
vulnere accepto cesserat parumper ex acie, ad
pugnam absolvendam hortatur.

Loci communes ab *Adjunctis*, & à con-
sequentibus.

Motus, *Spes victoriæ*. Mores Ducis ma-
gnanimi.

Quid stas] Triplici utitur argumento. Pri-
mum ducitur ab hostium immanitate, Ro-
ma.

manis enim mortales erant cum Gallis inimicitiae.

Propulstis] Alterum à felici pugnae initio per comparisonem majorum; fecimus, quod erat difficilius, & è castris, montibusque depulimus. Ergo & per campos facile cedere poterimus. *l. 1. c. 12. t. 222. & 224.*

Nolite] Ab evidenti periculo, ne hostes fugiant, si ipsi eosdem persequi cunctentur.

Sententia.

In acie hauriendus, aut dandus est sanguis.

O R A T I O N I S XLIII.

Campanorum in Senatu

Argumentum.

CAmpani armis Samnitium vexati, missis Romam Legatis, amicitiam, & auxilia ab Senatu petunt hac habita Oratione.

Loci communes ab *Effectis*, à *Contrariis*, & à *Consequentibus*.

Motus, *Misericordia*. Mores *Supplicum*.

Dividitur in tres partes, *Exordium*, *Contentionem*, & *Perorationem*.

Populus] Sumitur exordium à confutatione duplicis objectionis ad exemplum illius, quo usi sunt Corcyraei adversus Corinthios apud Thucyd.

Quam si] Prima Objection, quòd non antea secundis rebus amicitiam Romanorum petierint; ad quod respondent, eò firmiorem futuram, quippe majori partam beneficio. *l. 2. c. 4. t. 23. & 36.*

Neque Hercule] Altera objection, quòd Romanis

nis amicitia, & societas sit cum Samnitibus, cui satisfaciunt allata formula, & sine foederis petitioni suæ non repugnantibus.

In *Contentione* hujusmodi extat Argumentum :

Ea causa est suscipienda, quæ utilis, & honesta est, & facile expediri potest.

Causa nostra talis est. Ergo.

Campani] Ostenditur utilitas ab amplitudine Urbis, & opportunitate loci; erant enim à tergo Æquis, & Volscis æternis Romanorum hostibus.

Acerbum] Deinde à *contrario*, sic :

Illud est utile Romanis, cujus Contrarium est maximè perniciosum; *l. 1. c. 6. t. 77.*

Sed non recipi Campanos in Romanorum amicitiam est maximè Rom. perniciosum. Ergo recipi utile.

Confirmatur *Assumptio*, quia Campani si rejicerentur à Romanis, statim in hostium potestatem venissent, quo nihil Urbi Romæ perniciosius est.

Omnibus quidem] Honestas hoc syllogismo continetur :

Honestum est iis opem ferre, qui & aliis indigentibus opē tulerunt, *l. 2. c. 4. t. 23.*

& necessitate ad arma compulsi sunt.

Tales sunt Campani. Ergo iis opem ferre honestum est.

Nec enim] *Assumptionis* approbatio quoad secundam partem; cum enim non contenti duplici de nobis relata victoria, & agrorum populatione Capuam ipsam petant, ostendunt, se non ira, quòd Sidicinis opem tulerimus, sed cupiditate imperii bellum gerere, idemque se facturos fuisse, etiamsi quieti fuisset; atque adeò ultima nos necessitas ad bellum traxit.

Non

Non loquor] Bellum prædicant ut minimè periculofum, idque amplificant per comparationem commodorum, quæ ex eo maxima consecutura sunt.

Annuite] *Peroratio*, quæ universalem Conclusionem habet; & per Hypotyposim repræsentatur Urbs Capua valdè sollicita de istius Legationis eventu, quò major excitetur Misericordia. *l.2.c.8.t.92.*

Sententiæ.

Justa causa amicitiaè est, velle eum nobis amicum esse, qui nos appetit.
Fortuna afflicta magnificè loqui prohibet.

ORATIONIS XLIV.

Valerii ad Milites

Argumentum.

CUm Romani adversus Samnites arma pro Campanis sumpsissent, Imperator Valerius milites ad egregiè pugnandum hortatur.

Loci communes ab *Adjunctis*, à *Comparatione*, & *Antecedentibus*.

Motus, *Confidentia*. Mores Ducis prudentis, & fortis.

Duplici ex capite confidentes suos milites facit, tum respectu hostium, tum respectu sui ipsius. *l.2.c.5.t.58.*, & 59.

Ne novum] Hostium potentiam infirmat à loco, quia quò magis absunt ab urbe Roma, eò magis imbelles sunt; Campanos quidem magis fluere luxu, non magis tamen fortes esse Samnites.

Quid autem] A Comparatione, quòd Samirites duas tantum referant de Campanis victorias, tot Romani triumphos, tot gentes domitas. *l. 2. c. 5. t. 57.*

Cum gloria] Respectu Ducis, hoc est sui ipsius, qui non tam magnificè dicere, quàm facere fortiter possit.

Non factionibus] Probat id ab Antecedentibus, quia non clientelis, & gratia, sed virtute sibi tres Consulatus pepererat.

Fuit cum] Quod confirmatur per Prolepsin, cum enim promiscuè Patritiis, & Plebeiis Consulatus pateat, non amplius, ut antea, splendor Patritii generis illum honorem parabat, sed sola Virtus.

Non si mihi] Benevolentiam etiam militum sibi conciliat tum ex suo cognomine, qui propter virtutem Corvinus dictus fuerat, tum ex antiquo Familiæ Publicolarum cognomento, seque non minus Plebis studiosum ostendit. *l. 2. c. 4. t. 25., & 29.*

Nunc quod] Ultimò ad alacriter pugnandum inflammat, ut de integro ad eum usque diem Populo novum triumphum reportent.

Sententia.

Multi magis nimio luxu, mollitieque sua, quàm vi hostium vincuntur.

Dux non tantum dicta sua, sed & facta militem sequi velit.

Honores non tam generis; quàm virtutis præmia esse debent.

Quibus artibus petitur Magistratus, iisdem geritur.

O R A T I O N I S XLV.

P. Decii ad Milites

Argumentum.

CUm neglexissent Samnites occasionem de-
lendi Romanum Exercitum, P. Decius
rem Centurionibus primum, deinde Militi-
bus aperit, & ad strenuè erumpendum horta-
tur.

Loci communes ab *Adjunctis*.

Motus, *Confidentia*. Mores *Viri solertis*.

Quænam] Cum Centurionibus agit, qui-
bus inertiam hostium declarat, suumque con-
silium.

Hoc silentium] Milites alloquitur, omni-
busque denunciat, ut silentium servant, quod
cùm esset inusitatum, attentos etiam faciebat.
l. 3. c. 14. t. 104.

Nunc quæ] Eruptionem suadet tali pacto:

Illud agere debemus, quod honestum,
facile, & necessarium est.

Sed erumpere hac nocte per medios hostes
honestum est, facile, & necessarium.

Ergo erumpendum est hac ipsa no-
cte,

Non fuga] *Honestas*, decet enim se sua vir-
tute servare eos, qui sua virtute alios serva-
verint.

Cum eo hoste] *Facilitas*, quòd cum hoste so-
corde res esset, quem cùm elusissent vigilan-
tem, multò facilius esset sopitum fallere. *l. 2.*
c. 5. t. 59.

Imo necesse est] *Necessitas*, quia evaden-
di nulla erat alia ratio; si enim remansis-
sent, fames manebat; si proximam lucem
expectassent, certa, & inevitabilis obsidio; &

D 3 se-

secunda vigilia nullum magis aptum ad erumpendum tempus.

Me modo] *Conclusio*, qua milites hortatur ut se Ducem sequi velint, meliora sperantes.

Sententie.

Inscitia belli, vel pigritia est, occasione data non uti.

In via virtuti nulla est via.

ORATIONIS XLVI.

Valerii Dictatoris ad Milites seditiosos

Argumentum.

Milites Romani, qui erant in Campania, duce T. Quinctio Romam pergunt Patriæ arma inferentes, quos ita dehortatur à pugna Valerius Dictator, qui ipsis armatus occurrerat.

Loci communes à *Causis & Dissimilibus.*

Motus, Pudor. Mores Viri Concordiam amantis.

Tres habet partes, *Exordium*, *Contentionem*, & *Perorationem*.

Deos immortales] *Exordium* ducit à sua persona, cui nihil carius, & magis in votis esset ait, quàm concordiam. *l. 2. c. 4. t. 26.*

Quod deos] Prima ratio dissuadendæ pugnae sumitur à pietate Patriæ, quam quisque vereri, & colere debet.

Ego sum] Altera à suis in milites beneficiis, contra quem proinde ferre arma impium sit. *l. 2. c. 4. t. 23.*

Quam tribuni] Fuerat Tribunus militum, eandemque hîc sententiam repetit, quam supra habet in oratione ad Milites.

Er-

Ergo ego] Tertia ratio ab Exemplo sui ipsius, qui prior pugnare nolit.

Inducite] Ab exemplis dissimilibus, quòd priores dissensiones minus culpæ, & offensionis habuerunt.

T. Quincti] *Peroratio*, qua per Apostrophæ seditiosorum ducem hortatur, ut se à reliquis sejungat, vel paci consulat; æquas deinde pacis conditiones pollicetur.

Sententiæ.

Honestius est fugere, tergumque civi dare, quàm pugnare contra Patriam.
Iniquis conditionibus stare melius est, quàm impias inter se manus conferere.

Ex Dec. I. Lib. 8.

ORATIONIS XLVII.

Annii Setini ad suos Latinos

Argumentum.

Annius Setinus Latinos hortatur, ut ea lege pacem cum Romanis facerent, si alterum Consulem Latinum paterentur fieri.

Loci communes ab *Adjunctis*.

Motus, *Ira*. Mores *Civis libertatem amantis*.

Partes sunt tres, *Exordium*, *Contentio*, & *Peroratio*.

Quamquam] *Exordium*, quo monet, statuendum imprimis esse, quid agere opus sit, antequam de responso dando Romanis deliberent; nam scienti quid agere debeat, oratio in promptu est.

Nam si nunc] Arguit ab honesto, & facilis honestatem autem rei amplificat exprobando servitutem, quam loco foederis patiantur; ubi comparatio est cum Samnitibus, & ironica mimesis Romanorum imperantium, & Latinorum parentium. Deinde utitur contentione officiorum, & fructus, & invidiosa prolepsis, qua populares ignaviae accusat, quod nunc amplum putandum sit, quod olim vile fuerat.

Atqui] Facilitatem ostendit à tempore opportuno, ubi ex quibusdam signis, seu annotationibus, & à testimoniis hostium imbecillitatem conjicit. l.2.c.5.t.39.

Usurpate] Peroratio complectitur summam suasionis, utpote suis animos faciat, se constantem fore pollicetur.

Sententiae.

Facile est, explicatis consiliis, accommodare rebus Verba.

Ubi pars virium, ibi & imperii pars esse debet.

Modestia nonnunquam ex virium conscientia nascitur.

ORATIONIS XLVIII.

Annii ad Romanos Patres

Argumentum.

Idem Annii in Senatu Romano magnam cum arrogantia Latinorum postulata proponit.

Loci communes ab *Adjunctis*.

Motus, Pudor, & Metus. Mores viri
audacis.

Tem-

Tempus erat] Quo metum Romanis incutiat, adeoque impetret, quæ velit, Latinorum potentiam extollit ab *Adjunctis*, lib. 2. cap. 5. tex. 43.

Sed quoniam] Exponit Patribus Latinorum postulata de Consule, de Senatu, de Repub. deque sede imperii, & Modestiam præsefert, quod conditiones æquas proponant, dum bello rem exequi poterant.

Sententiæ.

Dandum est aliquid consanguinitati.
Ubi vires æquæ, & Pax æqua esse debet.

O R A T I O N I S XLIX.

T. Manlii Consulis ad Latinos

Argumentum.

CUm arroganter Latinorum postulata exposuisset Annius in Senatu, iratus Consul Manlius ita respondit.

Loci communes ab *Adjunctis*.

Motus, *Ira*. Mores *viri Constantis*.

Duabus de causis contendit, rejicienda esse Latinorum postulata, tum quia turpitudinem afferunt, tum quia indigni sunt ii, qui postulant.

Audi] Ita igitur primum ab *Adjunctis*:

Turpe est, Jovem quasi captum in suo Templo augurato videre Senatum, & Consules peregrinos. Ergo.

Hæc sine] Exprobrat Latinis rupta fœdera, & Cladis ad Regillum memoriam oblitteratam, ut ostendat indignos, quorum postulata recipiantur.

Adeo] Concludit per Epiphonema.

O R A T I O N I S L.

Manlii ad Filium.

Argumentum.

Contra edictum Manlii Consulis T. Manlius filius extra ordinem laceffitus pugnauerat, quem ita Pater objurgat.

Loci communes à *Consequentibus*.

Motus, *Metus*. Mores *Severi Ducis*.

Unicum est Argumentum, quòd hoc Dilemmate continetur:

Tua culpa, Fili, aut mihi in Remp. peccandum est, aut in te sæviendum. Sed illud pati non debeo. Ergo te cogor punire.

Quandoquidem] Ipsum *Dilemma*, & affert rationem, quare ipsius culpa, quia nimirum extra ordinem contra edictum pugnauerit.

Triste] Ad duas objectiones, quòd Filium à Patre morte plecti triste sit exemplum, l. 2. c. 8. t. 90. quòdque Filius indignus tali morte sit, respondet, necessarium esse hoc ita fieri, ut Disciplina Militaris inuiolata in posterum ab aliis seruetur.

Sententia.

Disciplina res stat militaris.

Nos potius nostro delicto plectamur, quam Resp. magno suo damno nostra peccata luat.

O R A T I O N I S L I .

Camilli ad Patres de Latinis

Argumentum .

Latio omni subacto , Camillus de pœna ,
 aut venia incolarum consultationem Sen-
 natui proponit , in partem ipse mitiorem in-
 elinans .

Loci communes à *Consequentibus* .

Motus , *Misericordia* . Mores *viri Mode-*
rati .

Partes quatuor sunt , *Exordium* , *Propositio* ,
Contentio , & *Peroratio* .

Patres] *Exordium* sumitur à narratione rei
 feliciter gestæ . l.2. c.4. t.25.

Reliqua] *Propositio* duos habet agendi mo-
 dos , severè , & clementer , cùm utrumque
 sit in Romanorum potestate .

Vultis crudeliter] Si crudeliter agere velint ,
 ait licere omne Latium evertere , additque ra-
 tionem , qua dissuadeat ; in deditos enim , &
 eos , qui commodo futuri erant Reip. , favi-
 re non debebant . l.2. c.3. t.16.

Vultis exemplo] Alteram partem de venia
 dando suadet ab utilitate , & gloria , quæ in-
 de sperari poterat . l.2. c.4. t.28.

Sed maturato] In *Peroratione* hortatur pri-
 mum ut maturent , quòd præsens rerum sta-
 tus moram non ferat ; deinde suum erga Sen-
 natum studium indicat .

Sententiæ .

In summa potestate quanto plus licet ,
 tantò minus cupiendum est .

Materiam crescendi per summam glo-
 riam *Clementia* suppeditat .

Id firmissimum imperium est , quo obedientes gaudent .

O R A T I O N I S L I I .

Papirii Dictatoris ad Magistrum Equitum

Argumentum .

Q Fabium Magistrum Equitum , qui absente auspicio-
rum causa Dictatore , &
contra ejus edictum pugnaverat , his ob-
jurgat Dictator Papirius interrogationibus .

Loci communes à *Comparatione* .

Motus , *Timor* . Mores *irati Judicis* .

Hujus orationis Argumentum tale est , quod quibusdam Interrogationibus continetur . Dignus est pœna Magister Equitum , qui contra edictum Dictatoris , & incertis auspiciis pugnavit .

Sed Mag. Equitum Q. Fabius contra edictum Dictatoris , & incertis auspiciis pugnavit . Ergo dignus est pœna .

Quæro de te] *Propositionis* approbatio quoad primam partem à *Comparatione* Majorum sic : Parent Dictatori Consules , & Prætores . Ergo parere debet etiam Mag. Equitum .

Itemque] Secunda interrogatio , quæ ostendit , fuisse incerta auspicia , & cum ea Religione impediretur Dictator , non fuisse Magistrum Equitum ab eadem liberum , & solutum .

Sed quid] Amplificat , quod superius dixerat ; Debuisses nihil agere , etiamsi tacitus abiiissem : ergo multò magis cum vetuerim , & hæc est prior pars *Assumptionis* .

Quomodo] Eamdem *Assumptionem* repetit cum vehementi Interrogatione .

Ad hæc] Jubet responderi ad has interrogationes , simulque Lictorem vocat . l. 2. c. 5. t. 49 .

Sen-

Sententiæ .

Major laus est , Magistratui , & legibus
parere , quàm hostem vincere .
Nihil Deo dubio agendum est .

O R A T I O N I S LIII.

Papirii Dictatoris ad Populum

Argumentum .

Populo Romano , & Tribunis Fabii supplicium deprecantibus , Dictator his tandem verbis Fabium ipsum in gratiam recipit .

Loci communes nulli sunt .

Motus , *Reverentia* . Mores *viri tenacis veteris Disciplinæ* .

Pene habet] Prima pars ad Populum spectat , cui de disciplina , & imperio servato gratulatur , sicque rationem suæ severitatis assignat .

Non novæ] Conditiones offert , quibus Fabio gratiam facere velit , scilicet non jus ejus , sed preces populi attendens , quæ una ratio est mutati consilii .

Vive] Altera pars ad ipsum Fabium dirigitur , quem de culpa admissa castigat , populo condonat , monetque , ut isto periculo cautius deinde agere discat , & pati legitima imperia .

Sententiæ .

Legibus semel impunè violatis , victa est imperii majestas .

Reip. nihil majus præstiteris , quàm si discas bello , ac pace legitima imperia ferre posse .

Ex

Ex Dec. I. Lib. 9.

ORATIONIS LIV.

Cl. Pontii Samnitium Ducis

Argumentum.

CUm Samnites missis Legatis pacem tamen impetrare non potuissent à Romanis. Claudius Pontius ita suos Populares alloquitur.

Loci communes ab *Antecedentibus*, & ad *Adjunctis*.

Motus, *Indignatio*, & *Confidentia*. Motus *res viri Magnanimi*.

Ad benè sperandum suos hortatur ex *Aristotele* *l.2.c.5.t.59.* hoc Syllogismo :

Ab iis bellum suscipiendum est, qui propitios habituri sunt Deos.

Sed nos propitios Deos habebimus.

Ergo suscipere bellum contra Romanos debemus.

Minor probatur ; quia jam Deos pœna nostra satis placavimus ; quia Dii superbos vincuntur, adeoque Romanos ; quia cum necessarium nobis sit bellum, justum etiam futurum est, & pium. *l.2.c.5.t.60.*

Ne nihil] Prima pars, qua contendit, Deos jam satis expiatos esse, quamvis homines expiari nequeant.

Quid enim] Altera pars de superbia Romanorum, quæ sic se habet :

Dii vindices sunt superbiæ.

At maximè in nos superbi Romani sunt.

Ergo.

Quid enim] *Assumptionis* approbatio ; nec enim rejiciunt, licet iis in omnibus satisfecero.

imus . lib. 2. cap. 4. tex. 26.

Quod si] *Complexio* argumenti .

Iustum est] Tertia pars est de iustitia belli,
hoc modo :

Illud bellum est iustum , quod est neces-
sarium .

Hoc bellum nobis necessarium est . Ergo
iustum .

Proinde] *Complexio* , & *Propositio* ipsa uni-
versalis .

Sententiæ .

Iustum est bellum , quibus est necessa-
rium .

Rerum humanarum maximum momen-
tum est , quàm propitio , quàm ad-
verso res quælibet agatur Deo .

O R A T I O N I S LV.

L. Lentuli ad Consules de Deditioe

Argumentum .

Clauso intersaltus Roman. Exercitu , ini-
quas hostium conditiones accipiendas sua-
det L. Lentulus .

Loci communes à *Consequentibus* , & à
Dissimili .

Motus , *Misericordia* . Mores pietatis in
Patriam .

In tres partes dividitur , *Exordium* , *Conten-*
tionem , & *Perorationem* .

Patrem meum] Ducit *Exordium* ab exem-
plo Patris sui , qui auctor fuerat redimendæ à
Gallis Patriæ , cùm non ita evidens esset ne-
cessitas , proindeque concludit per *Comparationem* , simile consilium nunc multò magis
esse

esse eligendum, ubi non alia aderat evadendi via.

Necessitatem deinde consilii ita ostendit :

Patriam quoquo modo servare debemus

l.2. c.4. r.25.

Sed non alia ratione servari potest. Ergo

Equidem] Ut suasionem liberet à suspicionem ignaviae, se promptum offert ad mortem ipsam pro Patria subeundam.

Sed hic] Confirmatur *Assumptio*, quia iis Legionibus pereuntibus, Patria ipsa perit: idque patet tum ex *Consequentibus*, quòd Urbis recta nullum defensorem habitura sint: si ipsi perierint; tum à *Dissimili*, quòd non ut in bello Gallico alius exercitus parari possit.

At facta] *Complexio* ipsa per *Prolepsin*; facienda est igitur deditio quamvis ignominiosa, utpote necessaria servandae Patriae.

Subeatur] *Peroratio*, qua repetit argumenta suprà allata ex necessitate, quae superari non possit, & *Exemplo* pari Gallorum *l.3. c.19. r.167. & 168.*

Sententia :

Mors pro Patria praeclara est.

Temerarium est ad mortem ruerè vellè :
cùm non habes quod morte tua servas.

Patriam tam ignominia, quàm morte nostra servare debemus.

ORATIONIS LVI.

Postumii in Senatu

Argumentum.

SP. Postumius à Consule jussus de pacē Caudina suum consilium aperire in Senatu, ita loquitur.

Loci communes nulli sunt.

Motus, *Misericordia*. Mores *Viri sinceri*.

Partes sunt quatuor.

Haud sum] *Exordium* habet ingenuam confessionem admissæ culpæ. l.2. c.4. t.34.

Ego tamen] *Propositio*, qua suam dicit se committere defensionem, & consilio suo se patefacturum, deditionem factam à se non fui, sed Reip. causa, qua ipsa re dignum se misericordia exhibet. l.2. c.8. t.91.

Qua tamen] Exponit hinc, sponsione à se facta Populum non teneri.

Dedamur] Deinde hortatur Patres, ut auctores sponsionis dedere velint, ut exolvatur Populus religione.

Interea] Tertiò de bello instaurando verba facit.

Vos dii] *Peroratio*, qua per Apostrophē ad Deos ominatur felicitatem Consulibus, qui bellum illud gesturi sint.

Sententiæ.

Excusatio rei malè gestæ, non est difficilis apud haudignaros fortunarum humanarum.

ORA-

Postumii ad Populum contra Tribunos

Argumentum.

LIvius, & Metellus Tribuni Plebis, quod
& ipsi dedi deberent, deditio interce-
debant; contra quos ita Postumius ad Popu-
lum.

Loci communes à *Causis*.

Motus, *Amor*, & *Spes*. Mores *Viri ju-
sti*, & *constantis*.

Dividitur in tres partes, *Exordium*, *Contem-
tionem*, & *Perorationem*.

Interea] In *Exordio* *benevolum* sibi Populum
facit, quippe viro *constanti*. *l.2. c.4. t.25. &
35.* & *malevolentiam* in Tribunos excitat
quippe Patriæ perniciosos. *l.2. c.4. t.23.*

Ut intercalatæ] Quod deditio interce-
sione distulerint, in præmium dilationis i
Comitio puniantur statim.

Nam quod] Fidem Tribunis hac in re non
habendam contendit, quod intercederent cau-
sa sui, non Reip.

Deinde utitur tali syllogismo :

Quod injussu Populi factum est, Popu-
lum non tenet.

Hæc sponsio de pace, facta est injussu Po-
puli ergo.

Neque ego] *Propositio* confirmatur im-
mis, quia sponsiones eos tantum obligant
qui sponponderunt.

An si] Alia ratione ab *Absurdo* sic :

Si hæc teneret, etiam teneretur Populus
si spondidissemus deditioem urbis
creationem Regum.

Sed hoc nemo unquam dixerit. Ergo
neque illud.

Atqui non] Propositio probatur; rerum enim, quæ spondentur, indignitas vinculum non levat, & si tenetur in uno, tenetur in omnibus.

Et ne illud] Per prolepsin respondet Objectioni adversariorum dicentium, ideò teneri sponsione populum, quòd à Consulibus sponsio facta sit; idque ex ipsorum hostium testimonio refutat.

Nec à me] Deos ait ademisse hostibus mentem, ut contenti sponsione Magistratum, iussu Populi, & Senatus Decreto firmari eandem neglexerint, quod facere commodè potuissent. Hac autem ratione *Confidentes* Cives facit, quasi Deos jam habeant faventes. l. 2. s. t. 60.

Quid enim] Assumptio primi syllogismi, quòd neque Populus quidquam sponderit, neque spondere alios jusserit.

Nihil ergo] Complexio, quæ talis est. Ergo Populus non tenetur ea sponsione, sed nos tantum, qui sponsionis auctores fuimus.

Quod ad] Consultationem de Tribunorum editione pertinere ad Populum dicit.

Nos interim] Peroratio habet Apostrophen ad Collegam Veturium, qua eum hortatur, ut hunc casum secum constanter ferat.

Sententiæ.

Sponsio neminem præter sponsorem obligat.

Frustrà spondes, quod non est arbitrii tui.

Humana cònsilia divina necessitate superantur.

O R A T I O N I S LVIII.

C. Pontii ad Fecialem Romanum

Argumentum.

D Editionem per Fecialem Romanum factam se negat accipere Pontius Samnium Imperator, graviterque expostulat eo foedus violatum.

Loci communes ab *Effectis*.

Motus, *Pudor*. Mores *Virigravis*, & *ingenui*.

Quintu] Postumium in principio excusatum qui fidem præstet, quantum in ipso est, Populo autem Romano perfidiam exprobrat hoc modo:

Perfidi sunt Romani, si neque Legiones restituunt, neque pacem servant.

Sed horum neutrum faciunt. Ergo.

Populum Rom.] *Propositio* amplificata per Rhetoricam Permissionem.

Nunquamne] *Assumptio*, quæ aliis Romanorum fraudibus confirmatur in Porcenam & in Gallos.

Hoc fide] *Complexio* per Communicationem, & Apostrophem ad Fecialem cum instanti Interrogatione.

Ego vero] Rejicit Dediticios, & Romanorum in rebus ad Deos spectantibus lusionem, cerbè castigat, deditosque abire jubet, qui velint. Videas *Arist. l. 2. c. 6. t. 65*.

Sententie.

Fraus perstringit, non dissolvit perfidiam.
Callidi homines semper aliquam junctam speciem fraudi imponunt.

ORA-

ORATIONIS LIX.

Q. Fabii Dictatoris ad suos

Argumentum.

FAbius Dictator in bello contra Samnites, suos milites hortatur, ut desertis, incensisque Castris in hostes erumpant.

Loci communes ab *Adjunctis*.

Motus, *Spes victoriae*. Mores *Ducis providi*.

Talis est Syllogismus à *neccessario*: l. 1. c. 4. t. 43.

Ubi adest Commeatus inopia, decernendum est praelio.

Sed nos inopia Commeatus premimur.

Ergo praelium committendum est.

Locis angustis] *Assumptio*, & inopiae causam assignat locorum angustias.

Itaque] *Propositio*, ad quam confirmandam addit non aliunde, quam ex pugna gloriam esse petendam.

Ferte] *Loco Complexionis* exponit, quid fieri velit, & incensorum Castrorum damna ait compensanda hostium praeda.

Sententia.

Armis munimenta, nun munimentis arma tuta esse debent.

O R A T I O N I S LX.

C. Menenii Dictatoris

Argumentum.

FActi quidam ambitus Rei Menenium Dictatorem insimulaverant ejusdem criminis, quo se ita purgat Menenius.

Loci communes ab *Antecedentibus*.

Motus, *Indignatio*. Mores *Viri innocentis*,

Tres sunt partes.

Et omnes] *Exorditur* à sua innocentia, quam manifestam esse dicit tum ex vita antea acta, tum ex honore summo sibi delato ad id munus obeundum, quod virum innocentem postulabat. *l. 3. c. 14. t. 103.*

Sed quoniam] Innocentem se ostendit à consilio inimicorum, qui cum alia multa frustra tentassent ad evadendum Judicium, tandem Judicem ipsum Reum facere conati sunt; seque proinde ad abdicandum promptum exhibet, quò res certior fiat. *l. 1. c. 6. t. 82.*

Vos quæso] *Conclusio* Orationis.

Sententia.

Præstat innocentia, quàm majestate honoris tutum criminibus esse.

O R A T I O N I S LXI.

Sempronii Tribuni in Appium Claudium

Argumentum.

P Sempronius Tribunus Plebis Ap. Claudium accusat violati juris in Censura diutius obtinenda contra Leges.

Lo-

Loci communes à *Comparatione* , & ab *Effectis* .

Motus , *Ira* , & *Odium* . Mores *Viri modesti* , & *justitiam amantis* .

Dividitur in tres partes , *Exordium* , *Contentionem* , & *Perorationem* .

En quirites] *Exordium* fumitur ab odio *Claudia* gentis , quo pop. Roman. multis in rebus *Majores Appii* persecuti sunt , otio , & commodo *Plebis* semper infesti . *Ex Arist. l.2. c.4. t.37.*

Altero anno se ipse] Cùm ipse haberet *Comitia* .

Duo exercitus] Alter , qui ex *Castris* venerat ; alter ex *Plebe* .

Itane] *Contentio* ; cùm enim *Appius Cenfor* recusaret post annum cum dimidio se abdicare *Censura* , quòd diceret , legem *Æmiliam* , quæ jubebat sesquiannuam esse *Censuram* , eos tantum tenuisse *Censores* ; sub quibus lata est , reliquos continuare posse *Magistratum* per quinquennium , ut lege 12. *Tabularum* præscriptum erat ; ita contrà arguit : Quod per centum jam annos alii fecerunt , tu quoque facere debes .

Sed per centum jam annos alii habuere sesquiannuam *Censuram* . Ergo .

Itane] *Propositio* .

Quia hanc] Per *prolepsin* confirmatur eadem *Propositio* , quia *Lex Æmilia* posterior abrogat antiquam 12. *Tabularum* .

An hoc] Hujusmodi *Epicheremate* tale continetur *Dilemma* :

Vel dicis populum lege *Æmilia* non teneri , vel cùm *Populus* teneatur , te tamen non teneri .

Utrumque est absurdum . Ergo .

Tenuit] Per *comparationem* deinde ab *Exemplis* *Furii* , & *Geganii* *Censorum* , qui *Legis*

Auctorem ærarium fecerant , tanto exarserant in eum odio ; & Plautii Collegæ , & Interregis , ac Dictatoris , qui se suo tempore Magistratibus spontè abdicabant .

Ærarium] Illum fieri dicebant , quem Censores Tribu movissent .

Quem tu regem] Comparationis cum Collega *invidiam* auget hoc modo alia *Comparatione* :

Turpe esset , si quis Rex sacrificulus creatus diceret se creatum , ut optimo jure Romæ Rex sit , non tantum Sacrificiorum .

Ergo est etiam turpe , Te creatum Censorem velle contra Leges , tuoque arbitrio Censuram gerere .

Nolo ego] *Complexio* primi syllogismi .

Triennium] Amplificat superbiam Appii per *Dilemma* .

Aut solus Censor eris , aut Collegam subrogabis .

Utrumque est turpe . Ergo .

Hoc quidem] *Approbatio Assumptionis* quoad primam partem .

Quem ne in] Probat non esse subrogandum Collegam à *Comparatione Majorum* :

In demortui Censoris locum non potest alter subrogari .

Ergo neque in locum illius , qui se Magistratu abdicavit .

Panitet] Probat *Antecedens* ex calamitatibus , quæ Reip. accidebant , cum illud fieret ; nam sub ipso Claudio gens Potitia extincta est , & antea sub Papirio Roma capta est à Gallis . De Potitiis autem vide Liv. lib. 1.

Ego te] *Peroratio* , qua superbix Appii suam modestiam opponit l. 2. c. 4. t. 26. & nisi paruerit , carcerem minatur ; additque rationem , quia solus gerere Censuram non poterat , cum differrentur Comitia ex Majorum instituto ,

101
si iisdem Comitibus duo simul creari non potuissent.

Sententiæ.

Boni Civis est, æquo, & pari iurè cum aliis vivere.

Ubi duæ Leges contrariæ sunt, antiquæ derogat nova.

Sunt quos nec Lex, nec pudor coercet.

Ex Dec. I. Lib. x.

ORATIONIS LXII.

Decii Consulis pro Sacerdotio Plebeiorum

Argumentum.

TRibuni Plebis legem promulgaverant, ut ex Plebe etiam allegerentur Augures, & Pontifices, quam ita suadet Decius contra alterum Consulem Ap. Claudium.

Loci communes ab *Antecedentibus*, & à *Comparatione*.

Motus, *Odium*. Mores viri pro communi libertate pugnantis.

Partes sunt tres.

Exordium autem sumit à narratione rerum piè, ac utiliter à Patre, & aliis Plebeiis pro Rep. gestarum; ubi pulcherrima adest hypotyposis Patris Decii se devoventis.

Quod cum ita] Ita igitur primum ab *Antecedentibus*:

Qui Consulatum, Censuram, Triumphum obtinuerunt, possunt etiam Pontificatum obtinere.

Plebei ea omnia jam sæpè obtinuerunt.
Ergo.

E ;

Quid

Quid autem] Deinde sic à *Præjudiciis* .

Decemviri Sacris faciundis Plebei etiam sunt .

Ergo & alia Sacerdotia conferri possunt Plebi .

Sabinum] Tertio à *Comparatione* .

Majus est recipi in numerum Patritiorum , quàm Sacerdotum .

Sed Claudius Sabinus advena receptus est in numerum Patritiorum .

Ergo & nos Plebei Cives Romani creati Pontifices possumus .

Multa nobiscum] Auget vim *Comparationis* , quòd jam Plebei tot Magistratuum insignibus ornati sint , quod suprà etiam dixit .

L. Sextius] Respondet ad id , quod Appius objiciebat , Auspicia esse tantum apud Patritios , idque triplici ratione infirmat , 1. quia idem objectum fuerat Plebeiis etiam in aliis Magistratibus obtinendis . 2. quia re ipsa apparuerat , imperium & auspicium non minus esse in Plebeiis prosperum , quàm in Patritiis , 3. quia & Patritii non semper tales fuerunt , sed simul ac insignes numerare Majores poterunt , quod etiam Plebei facturi sunt .

Nihil est] *Peroratio* , qua Patritiorum arrogantiam deridet , Plebemque hortatur , ut Legem jubeat . l.2.c.2.t.9.

Sententiæ .

Deus Personam non curat , sed gratus est , quicumque castè , & religiosè eum colit .

Non de cœlo demittuntur magni nominis Viri , sed virtute fiunt .

DECADIS TERTIÆ

LIB. I.

ORATIONIS LXIII.

Annonis in Carthaginiensium Senatu

Argumentum.

CUm ageretur in Senatu Carthaginiensium, an esset in Hispaniam mittendus Annibal ad exercitum, necne, sic Anno dissuadit.

Loci communes à *Causis* & à *Consequentibus*.

Motus, *Timor*. Mores *providi Senatoris*.

Tria præstat, 1. proponit sententiam. 2. eam probat quoad utramque partem. 3. concludit quid agendum sit.

Et æquum] Sententia Annonis ambigua, qua & assentire videbatur Asdrubali, & ab eodem dissentire.

Florem ætatis] Ita explicat primam partem à *Causa finali*, quæ cum sit turpis, maximam etiam affert Adversariis turpitudinem.

Jure à Filio repetitur, quod ereptum est à Patre.

Sed Pater Amilcar eripuit pudicitiam Asdrubali.

Ergo Asdrubal jure eam repetit à filio Annibale.

Nos tamen] Altera Sententiæ pars, quam primò confirmat à *diversis*:

Rudes Adolescentes militiæ assuefacere debemus.

Ergo non libidini Imperatorum ?

An hoc] Secundo sic à *Consequentibus* .

Si Annibalem dimittimus , illi regnum ,
nobis servitutem acceleramus .

Ergo non est dimittendus .

Ego istum] Concludit retinendum esse domi Juvenem , ut sub Legibus & Magistratibus regios Spiritus deponat , & Civiles assumat ; aitque esse cavendum à maximis calamitatibus , quas illius ambitio Reip. importare poterat , ex *Arist. l. 2. c. 3. t. 42.*

Sententia .

Turpe est Juventutem pro militari rudimento assuefacere libidini Imperatorum .

Timendum , ne parvus ignis incendium ingens exsuscitet .

ORATIONIS LXIV.

Annonis in Senatu Carthaginienfium

Argumentum .

CUm Romanorum Legati deditionem Annibalis peterent , qui contra fœdera Saguntum obsideret , & ut sua Saguntinis redderentur , Anno eorum postulata defendit .

Loci communes ab *Antecedentibus* , à *Comparisonem* , & à *Consequentibus* .

Motus , *Timor* , *Mores boni Senatoris* .

Tres habet hæc Oratio partes , *Exordium* , *Contentionem* , & *Conclusionem* .

Per deos] *Exordium* , in quo ad conciliandam benevolentiam providum se , & amantem Reip. civem ostendit , ex *Arist. l. 2. c. 4. t. 21.*

Juvenem] Arguit Patres , qui Juveni ambi-

bi-

bitioso arma dederint, sibi que ipsi talem, ac tantam perniciem intulerint.

Saguntum] *Contentio*, quæ tali Syllogismo continetur.

Nisi admittitis postulata Legatorum, bellum est gerendum cum Romanis.

Sed hoc bellum certam nostræ Reip. perniciem afferet.

Ergo admittenda sunt Legatorum postulata. *Arist. l. 2. c. 5 t. 40.*

Saguntum nostri] *Assumptio*, quam probat ab *Antecedentibus*:

Rupta à nobis fœdera primo bello Diiulti sunt.

Ergo & hoc secundo ulciscuntur. *lib. 1. c. 12. t. 224.*

Utrum hostem] Deinde, quia jam experti sunt Pœni, qua uterque Populus fortuna in bello utatur, pariter ab *Antecedentibus*.

Legatos] *Prolepsis*, quasi amicè idcirco Romani de injuriis expostulent, quod arma Pœnorum timeant; simulque cum *Prolepsin* proponit, injuriæ magnitudinem amplificat ex *Arist. l. 1. c. 14.*

Quo lenius] *Responsio ad Prolepsin*.

Ægates insulas] Sequitur approbatio *Assumptionis* ex iis, quæ priore bello minus feliciter evenere Carthaginienſibus.

Nec puer hic] Et eandem confirmat à *Comparatione*.

Ea tunc passi sumus sub Almicare viro, & summo Duce.

Ergo majora imminet sub Annibale puero, & imperito.

Carthagini nunc] *Propositio* primi Syllogismi, quacum simul illustratur *Assumptio*.

Debemus ergo] *Prolepsis* de deditioe Annibalſ, cui tamen satisfâcit, ostendens, illam esse Reip. non solum utilem, sed etiam ne-

cessariam, quòd necesse sit eum extra imperiū fines asportare, etiamsi id Romani non peterent.

Ego autem] Conclusio; quæ tria suæmet Sententiæ capita exponit.

Sententiæ.

Qui Legatos seu Sociorum, seu hostium non admittit, jus gentium tollit.

Quòd segnius incipiunt, eò perseverantius hostes sæviunt.

O R A T I O N I S LXV.

Alorci ad Saguntinos

Argumentum.

ALorcus miles Annibalis exponit Saguntinis pacis condiciones, quas Alcon Civis Saguntinus referre non audebat.

Loci communes à *Causis*, & à *Consequentibus*.

Motus, *Timor*. Mores *viri probi*.

Tria peragit Alorcus, 1. duas causas assignat sui in Urbem adventus; 2. pacis condiciones proponit; 3. easdem suadet.

Si civis vester] Causa prima veniendi in Urbem, quòd Alcon redire recusaverat; alioquin neque annuente Annibale, ut Orator, neque invito, ut transfuga advenisset. Simul eos modestè per dubitationem coarguit, quòd sine periculo vera dici non possint.

Vestra autem] Altera causa sui adventus, ut servet Saguntinos, quam sic ostendit: Huc adveni, cum nulla vobis jam reliqua spes est.

Ergo veni causa vestra, non ut Annibali rem gratam facerem.

Cujus ita] Antequam proponat iniquas pacis

cis conditiones , cogitare jubet , se victos esse , ut beneficium potius esse putent , si qua relinquuntur , quàm injuriam , si multa amittant ; idem habet Cic. pro Dejotaro .

Urbem vobis] Conditiones Pacis .

Hæc victor] Prima ratio , qua probat , Pacem etiam iniquam non esse rejiciendam , talis est à *Causa efficiente* :

Ii , quorum nulla spes , omnia velle debent , quæ victor velit .

Vos nullam spem habetis , & victor Annibal hanc Pacem offert .

Ergo eam vos , licet iniquam , recusare non debetis .

Equidem] Secundò sperare se ait fore , ut ex his aliquid remittat Annibal , si se ejus clementiæ permittant .

Sed hæc] Tertio à *Consequentibus* tali ratione .

Pax hujusmodi levius malum est , quàm trucidari vos , conjuges , liberosque vestros in servitutem trahi .

Sed hæc Vobis contingent , nisi Pacem admittatis . Ergo . ex *Arist. l. 1. c. 7. t. 92. & l. 2. c. 5. t. 40.*

Sententiæ .

Pessimi sunt ii , apud quos periculum est vera referentibus .

Multa , quamquam sint gravia , atque acerba , fortuna nostra nobis suadet .

O R A T I O N I S LXVI.

Senatoris Carthaginienſis ad Legatos
Romanos

Argumentum.

Quærentibus in Senatu Carthaginiensium Romanis Legatis, an publico consilio Saguntum oppugnatum sit, ita Princeps quidam respondit.

Loci communes ab *Antecedentibus*, & à
Comparatione.

Motus, *Ira*. Mores *viri prudentis*.

Tria pariter facit, 1. Interrogationem Legatorum reprehendit, 2. probat, oppugnationem Sagunti non fuisse contra fœdera, 3. Concludit.

Vana Romani] Frustrâ interrogare Romanos ostendit, publice consilio oppugnatum fuerit Saguntum, exemplo primæ Legationis, ubi hac de re itidem frustrâ quæsierant.

Cæterum] Hanc secundam primæ Legatione re ipsa asperiores esse probat, quia illa Annibalem insimulabant, hac omnes Carthaginenses.

Ego autem] Iniquam esse hanc disceptationem contendit, feceritne id privato consilio, an publico Annibal: de hoc enim quærere Carthaginenses debent, quippe in suum Civem, non autem Romani.

Itaque] Descendit ad alteram partem, & repetens Interrogationem Legatorum, cui non expressè satisfacit, probat Sagunti oppugnationem non fuisse contra fœdera, quia de iis nihil cautum fuerat in fœdere, quod dictum fuerat à Luctatio Consule.

At enim] Quod objiciebatur de fœdere

As-

Asdrubalis, diluit hac ratione à pari: Non magis nos nostra foedera, quàm vestra vos tenent.

Sed vos non tenuit foedus à Luctatio ictum vobis in scis.

Ergo neque nos Asdrubalis foedus tenet, quod nobis in scis ictum est. ex *Arist.*

l.2.c.2.t.11. & 12.

Proinde] *Conclusio* plena indignationis, qua hortatur Legatos, ut apertè bellum denuntient, cujus denuntiandi vanas causas prætendant; & utitur verbo *parturio*, quasi velint Romani bellum omninò cum Carthaginienſibus gerere, sed quodammodo dubitent commoti rei ipsius iniustitia.

Sententia.

Legatio quò verbis lenior, re sæpè asperior est.

ORATIONIS LXVII.

Annibalis ad Hispanos Milites

Argumentum.

Annibal consilium suum de suscipiendo maximo bello Hispanis militibus aperit, & ad suos invisendos quemlibet dimittit.

Loci communes ab *Effectis*.

Motus, *Gratia*. Mores *providi Ducis*.

Credo ego] Necessitatem suscipiendi externi belli proponit hoc *Dilemmate*: Aut dimittendi sunt exercitus, aut externum bellum suscipiendum. At exercitus dimittendi non sunt. Ergo bellum, &c.

Pacatis] *Propositionis* approbatio.

Aut finiendam] *Ipsa Propositio*; non enim

enim attingit *Assumptionem*, cùm certum esset & ipsi imperium non deponere, & militibus stipendiis, cæterisque militiæ emolumentis non privari.

Ita enim] Deinde ab *Effectis* utile futurum bellum ostendens, ita arguit: Utile futurum est hoc bellum Hispaniæ gentibus, Ergo suscipiendum.

Victoria bonis] Cùm enim multi mecum futuri sint Hispani milites, Hispania ipsa erit particeps prædæ, & gloriæ, quæ meam victoriam consequentur.

Itaque] Dat singulis facultatem, ut ad suos invisendos proficiscantur, addito commeatu, ut eos sibi conciliet; & adesse jubet primo vere, oblata spe maximæ tùm prædæ, tùm gloriæ.

ORATIONIS LXVIII.

Annibalis ad Milites

Argumentum.

MEtuentes difficillimum per Alpes iter milites ita Annibal castigat, & adhortatur.

Loci communes ab *Antecedentibus*, & à *Comparatione*.

Motus, confidentia. Mores viri impavidi.

Mirari se] Eos, qui semper victores fuerint, qui Hispaniam omnem subegerint, qui ab ultimis terris bellum Romanis moverint, post emensam maximam itineris partem, superato Pyreneo saltu, trajecto Rhodano, Gallis victis, imprudenter ait Alpes timere, quæ Italiam dividunt. *Arist. l. 2. c. 5. v. 57.*

Quid aliud alpes] Ostendit non esse invia suis militibus ea loca, quæ incolas habeant, &

& per quæ transierint Gallorum, & ingentia Italorum agmina, confirmatque à *Comparatione* tali pacto :

Circa Saguntum per octo menses tantum periculi, & laboris exhaustum est .

Ergo multò majora toleranda, ut Romam capiamus .

Cepisse quondam] Inflammat ultimò milites exemplo Gallorum, qui vicerant Italiam, & Romam, adeòque concludit & à suo exercitu eadem posse vinci, qui toties Gallos ipsos viatores superaverint .

Sententiæ.

Nullæ terræ Cælum contingunt, nec in-
exuperabiles sunt humano generi .

Romam orbis terrarum caput petentibus
nihil arduum, atque asperum videri
debet .

ORATIONIS LXIX.

Cn. Scipionis ad Milites

Argumentum.

CN. Scipio pugnaturus cum Annibale militum suorum animos hac oratione inflammat .

Loci communes ab *Antecedentibus*, ab
Adjunctis, à *Causis*, à *Consequentibus* .

Motus, *Æmulatio*, & *Confidentia* . Mores
fortis, & *canti Ducis* .

Dividitur in tres partes, *Exordium*, *Contentionem*, & *Conclusionem* .

Si eum exercitum] In *Exordio* rationem affert, cur apud eos verba faciat, quia scilicet novi exercitus novus ipse Imperator sit . Com-

me-

memorans ea, quæ feliciter cum veteranorum exercitu gesserat contra Annibalem, *Emulationem* movet ex *Arist. l. 2. c. 11. t. 114.*

Meis auspiciis] Legatus enim Consulis Frater erat, Legati autem omnia gerere dicebantur non suis, sed Imperatoris auspiciis.

Senatus Populusque] Utriusque mentionem facit, quod Senatus Hispaniam provinciam cum eo exercitu decreverat, Populus lege Curiata, sicut in reliquis fieri solebat, Imperium dederat.

Ne genus] *Contentionis* primum Argumentum sumitur ab *Antecedentibus*:

Ii vincent, qui semper antea vicerunt.

Nos antea semper vicimus Pœnos. Ergo

& nunc vincemus.

Propositio] constat ex *Arist. l. 2. c. 5. t. 57.*

Erit igitur] *Complexio*.

Nec nunc] Quia Confidentiae suorum militum obstabat audacia hostium, qui se ad pugnam parabant, ostendit ex necessitate nunc accedere ad pugnandum, qui exercitu incolumi pugnam detrectaverant.

At enim] *Prolepsis*, quasi pauci quidem sint, sed vigentes animis, & corporibus, adeoque jure audaces, & confidentes. *lib. 2. c. 5. tex. 59.*

Effigies imo] Responsio ad *Prolepsin*, tali ratione ab *Adjunctis*;

Ii non vigent animis, & corporibus, qui fame, frigore, &c. fracti, & debilitati sunt, & equos habent claudos, & debiles.

Tales sunt Pœni. Ergo.

Assumptio habetur pulcherrimè amplificata.

Sed ita] Cum suprâ ostenderit penè victos in Alpium transitu Pœnos, hoc idem nunc illustrat à *Causis*;

Ii imprimis ulcisci debent , qui primi violati sunt .

Dii custodes fœderum primi violati sunt .

Ergo primi Dii ulcisci debuerunt Pœnos in transitu Alpium .

Non vereor] Ab exemplo sui ipsius milites inflamat , seque confidentem demonstrat ita ab *Antecedentibus* : l. 2. c. 5. tex. 55. & 57.

Ille certam victoriam sperat , qui spontè , & promptè ad pugnam accedit .

Sed ego spontè , & promptè Pœnis occorro . Ergo .

Licuit mihi] Docet spontè se pugnam intrare cum Pœnis , quòd commissum sibi in Hispania bellum cum Asdrubale multò minùs periculosum huic cum Annibale postposuerit .

Tamen cum] Promptitudo ineundi certaminis .

Huic timendo] *Complexio* , & per Ironiam timendum hostem appellat , quem sibi minime terribilem declaraverat .

Experiri iuvat] Assignat rationem , quare ipse exercitum , & Ducem Pœnorum contemnât ab *Antecedentibus* :

Illi contemptui esse debent , quorum majores fœdè victi sunt . l. 2. c. 11. tex. 116.

Sed tùm Pœni , tùm Pater Annibalis victi sunt à nobis .

Ergo & exercitus , & Dux Pœnorum contemnendi sunt .

Experiri iuvat] *Propositionis* approbatio , non esse verisimile , fore nunc fortes Carthaginienses , qui primo bello se turpiter vinci passi sunt ; & dubitationi ironicæ ipsa quoque *Assumptio* annexa est .

Domum certe] Multò enim magis nos movet victus Pater , quàm Patria victa , & patrem Annibalis victum variè amplificat , quò

ma-

magis contemnendum probet, ex *Arist. l. 2. c. 5. tex. 57.*

An vectigales] Vectigalem Pop. Rom. Annibalem vocat, quia Carthaginienses stipendium pendere Romanis coacti fuerant.

Itaque vos] *Iram* movet non modò quia tot acceptis beneficiis adèd iniquum bellum ingrati Pœni susciperent, sed etiam quia victoribus victi ultrò inferrent arma, ut habetur in principio hujus Libri; & hæc omnia sumpta ex *Arist. l. 2. c. 2. tex. 11. & 12.*

Atque utinam] Ultimò arguit à necessitate tali ratione:

Ii fortiter pugnare debent, qui pro salute Patriæ, & suorum pugnant.

Sed nos pro salute Patriæ, conjugum, & filiorum pugnamus.

Ergo strenuè pugnandum.

Non de possessione] *Assumptio* sumpta à dissimili.

Nec est alius] approbatio *Assumptionis*, quòd neque alius exercitus, neque alia Alpes superandæ supersint.

Hic est] *Complexio Argumenti*.

Unusquisque] Eadem *Assumptio*, quam loco universalis *Conclusionis* repetit, & per Hypotyposim quasi ante oculos militum ponit tum Patriam, tum conjuges, liberosque, de quorum salute agebatur.

Sententiæ :

Novo Imperatori apud novos milites aliquid dicendum est.

Fœdifragi cum Deo, & hominibus bella gerunt.

Ultimum suppliciorum humanorum est fames.

ORA-

ORATIONIS LXX.

Annibalis ad suos Milites

Argumentum.

IPsē etiam Annibal admonitum prius exercitum de pugnandi necessitate per spectaculi cuiusdam imaginem, hac deinde oratione accendit.

Loci communes ab *Adjunctis*, ab *Effectis*, à *Comparisonē*, & *Causis*.

Motus, Ira, & *Confidentia*. Mores magnanimi Ducis.

Tres sunt partes, *Insinuatio*, *Contentio*, & *Conclusio*.

Si quem animum] In *Exordio Emulationem* Scipio, & *Confidentiam* movet, Annibal victoriæ necessitatem proponit, hoc syllogismo:

Ii aut vincere, aut mori debent, quibus, nisi vincant, extrema pati necesse est.

Sed vos, nisi vincatis, extrema patiamini necesse est. Ergo.

Propositio] constat ex Spectaculo antea exhibito, in quo non vincentium magis, quam benè morientium fortuna laudabatur.

Si quem] *Insinuatio*, qua victoriam suis Militibus pollicetur, si hac proposita necessitate fortiter pugnent.

Neque enim] *Assumptio*.

Ac nescio] *Assumptionis* approbatio, & ab *Adjunctis* utriusque Maris, inferi scilicet, & superi, Padi fluminis., & Alpium, singula per *Comparisonem Minorum* amplificans, nulum aliud effugium patere ostendit.

Hic nobis] *Complexio* argumenti.

Et

Et eadem fortuna] Alia ratio ab *Effectis* tali pacto :

Ea pugna fortiter ineunda est , ex qua maxima præmia dependent .

Sed ex hac cum Romanis pugna maxima præmia dependent . Ergo .

Si siciliam] *Assumptionis* approbatio ab enumeratione eorum , quæ hac victoria consecuturi erant .

In hanc] *Complexio* .

Satis adhuc] *Propositio* illustrata à *Comparisonem* Minorum :

Fortiter in Hispania pugnavitis , cum nulla ferè essent præmia victoriæ .

Ergo eò nunc magis , quò majora sunt ea , quæ consequemini .

Nec quam magni] Tertiò arguit à *facili* , & *comparisonibus* utitur .

Sæpe & contemptus] Prima *Comparatio* .

Sæpæ & contemptus hostis vicit , & Magni Reges victi sunt perlevi momento .

Ergo & nos licet contempti vincere , & Romani licet celebres vinci poterunt .

Nam dempto] Secunda *Comparatio* Militum inter se :

Milites veterani , & victores superabant Tirones , & aliàs victos .

Vos & veterani , & victores , Romani tirones , & à Gallis victi sunt .

Ergo vos facili negotio eos superabitis .

Propositio pendet ex *Arist. l. 2. c. 5. t. 59.*

Ut viginti] Prima pars *Assumptionis* , quam probat ex militia viginti annorum prosperè gesta , & ex victis in itinere ferocissimis Hispaniæ , & Galliæ populis , locus est ab *Antecedentibus* .

Pugnabitis] Altera pars , quam confirmat ab *Adjunctis* , quòd exercitus Romanorum tiro sit , & paulò antè cæsus à Gallis multò ,
quàm

quàm Carthaginienſes inferioribus, & novum habeat Imperatorem.

An me in] Tertia Comparatio Ducum ;

Dux in bello educatus, & ſæpè victor præferendus eſt Tironi, & ſuimet exercitus Deſertori : Ergo Annibal Scipioni.

Cum ſeſttri] Semeltrem Ducem Scipionem appellat, quia poſt initum Conſulatum ſex ferè Menſes elapſi fuerant ; deſertorem autem, quia veterem exercitum cum fratre in Hiſpaniam miſerat, ſe huic novo Imperatorem præbuerat.

Cui ſi quis] Proſequitur idem Argumentum, & eo etiam nomine ſe præferendum Scipioni oſtendit, quòd ſui ipſius Virtus nota jam ſit militibus, militum ſibi ; at neque Scipio ſuos, neque Romani Scipionem noverint.

Quocumque] Quarta Comparatio : Ille vincet, qui virtute præſtat.

Nos virtute præſtamus. Ergo.

Simul etiam ſubjicit cauſas, propter quas egregiè pugnare debeant, ſocii ut ſe fideles, & fortes exhibeant, Pœni, ut Patriam, ſequeipſi ulciſcantur. l.2. c.5. t.46.

Inferimus] Quinta, & ultima Comparatio : Major eſt ſpes, & animus inferentis vim, quàm arcentis.

Nos inferimus bellum. Ergo.

Quod manifeſtè patet ex *Ariſt. l.2. c.5. tex.61.*

Accendit præterea] Ira, & odio dignos Romanos oſtendit, quippe crudeles, & ſuperbos ; Crudeles, quia propter oppugnationem Sagunti ſe Ducem, ſuoſque Milites ad ſupplicium depoposcerant, ſuperbos, quia ſibi rerum omnium arbitrium arrogaverant, ubi

notanda est pulcherrima Prosopopœja . *Arist.*
l.2.c.2.r.11.

Ad iberum] Crescit indignitas ; non enim solum transire Iberum prohibent , sed etiam oppugnare Urbem , quæ trans Iberum non sit.

Transcendet] Argumentum ex *necessitate* deductum , utpote maximi Ponderis , ultimò rursus amplificat tali ratione :

li fortiter pugnare debent , qui , nisi vincant , omnia amittunt .

Nobis nihil reliquum est , nisi vincamus .
 Ergo .

Probat *Assumptionem* , quia cum Romani post ereptas Siciliam , & Sardiniam , Hispaniam etiam , & Africam Consulibus decrevissent Provincias , Pœnis nulla erat reliqua regio , nisi quas armis tenuissent .

Illis timidis] Confirmat eandem *Assumptionem* à *Dissimili* .

Romani timidè pugnare possunt , quia tutum receptum habent .

Ergo nos fortiter , quibus nullus patet receptus .

Si hoc bene , Concludit , Carthaginienfes fore sine controversia victores , si quam necessaria victoria sit , benè noverint ; cum nihil magis animos hominum inflammet , quàm ultima necessitas .

Sententiæ .

Sæpè & contemptus hostis cruentum certamen edidit , & inclyti populi , Regesque perlevi momento victi sunt .

Major spes , majorque animus est inferentis vim , quam arcentis .

Illis necesse est fortibus viris esse , qui victi non habent , quò se recipiant .

Nullum incitamentum ad vincendum homi-

mini à Diis immortalibus acrius data
est, quàm necessitas.

ORATIONIS LXXI.

Sempronii Consulis ad Milites

Argumentum.

OB rem benè gestam cum prædatoribus Annibalis Sempronius ferocior factus prælium apud milites urget, quod Scipio alter Consul dissuadebat.

Loci communes ab *Adjunctis*, & à *Comparatione*.

Motus, *Ira*: Mores hominis nimium ferocis.

Partes quatuor sunt, *Exordium*, *Propositio*, *Confirmatio*, & *Conclusio*.

Gaudio efferri] Milites sibi conciliat per laudem sui ipsius, & calumniam Collegæ. Se laudat, quòd vicerit, & quòd equestri prælio vicerit; carpit Collegam, quòd victus fuerit, & quòd inde timidus esse cœperit.

Sed non esse] *Propositio*, non oportere timidos esse victores milites, l. 2. c. 5. t. 41. quamvis timeat Scipio æger animo magis, quàm corpore.

Quid enim] *Confirmatio*, cujus primum argumentum ab *Adjunctis* est hujusmodi: Nulla moræ causa est. Ergo pugnandum.

Probat *Antecedens*, cum neque alii Consules, neque alii exercitus expectandi sint, jamque in Italiam hostes pervenerint.

Non Siciliam] Sic deinde à *Comparatione*.

Pugnandum esset, si de Sicilia, aut de Hispania ageretur.

Sed de Italia, & Patria agitur. Ergo multò magis pugnandum.

Non

Non enim ferendum ait, solo patrio pelli Romanos à Pœnis, quibus victis Siciliam, & Sardiniam ademerint, ex *Arist. l. 2. c. 2. t. 11.*

Quantum] *Conclusio*, qua rei indignitatem maximè amplificat à *contrariis*, & *adjunctis*.

Sententie.

Qui animo magis, quàm corpore æger est, aciem, & tela horret.

Cum ægro non est senescendum.

Ex Dec. 3. Lib. 2.

O R A T I O N I S LXXII.

C. Flamini de prælio non differendo

Argumentum.

CUm cæteri differendum cum Annibale prælium censerent, Flaminius Consul iratus ita morantes increpat.

Loci communes à *Consequentibus*.

Motus, *Pudor*. Mores *Viri audacis*.

Quin imo] Responsio ironica ad salutare consilium de dilatione prælii.

Annibal] Turpe illud esse consilium ostendit à *Consequentibus*.

Turpe est Annibalem vastare omnia, & Romam pervenire.

Sed hæc contingent, nisi pugnemus. &c.

Nec ante] hoc est, non ante hinc moverimus, quàm in extremum salutis discrimen adductam Patriam videamus, ut bello Gallico, ex *Arist. l. 2. c. 6. t. 65.*

O R A T I O N I S LXXIII.

Minutii Rufi ad Milites

Argumentum.

Fabium Dictatorem cunctando rem Romanam restituentem Minutius Magister Equitum apud Exercitum coarguit.

Loci communes ab *Adjunctis*, & à *Comparatione*.

Motus, *Æmulatio*. Mores hominis ferocis.

Duo præstat, rei indignitatem amplificat, ac deinde concludit.

Spectatum ne] Per figuram Communicationem turpe ait esse non ferre auxilium sociis, & civibus, quod ita ostendit à *Causa finali*;

Turpe est, præsidia in finitimos parata dirui ab exteris hostibus.

Sed Coloniam contra Samnites deductam hostis Pœnus advena affligit.

Ergo id ferre Romanis turpe est.

Tantum] Deinde duplici utitur *Comparatione minorum*, quarum prima ita se habet; Majores nostri turpe sibi esse duxerunt, vagari præter Italiæ oram Classes Punicas.

Ergo nobis turpius, Mauros, & Numidas vastare ipsam Italiam.

Qui modo] Altera *Comparatio*; Sagunti oppugnationem ferre non potuimus. Ergo multò minus obsidionem Romanæ Colonix ferre debemus.

Fumus ex] Hypotyposis, qua villas incensas, & vastatos agros militibus ob oculos ponit, quò magis turpem probet Fabii cunctationem.

Si hoc modo] Arguit ab *Exemplis dissimilibus*, tali pacto:

Camillus, Papirius, & Lucretius celeritate salutem, & victorias Patriæ pepererunt. Ergo nos cunctatione Patriam perdemus. *Arist. l. 2. c. 11. t. 110.*

Unicus in rebus] Ironia, & novum Camillum Fabium vocat creatum Dictatorem, ut Romam tot afflictam calamitatibus servaret, quasi omniuni optimum, quem tamen Camillo omninò dissimilem facit.

Quo die dictatorem] Non enim à Magistratu, sed à Populo Patribus auctoribus dictus est Dictator Camillus.

Stultitia est] Concludit, ducendos esse ad pugnam milites, ut suorum Majorum exemplo Imperium virtute augeant. *l. 2. c. 11. t. 116.*

Sententiæ.

Stultitia est, sedendo, aut vōtis debellari credere posse.

Audendo, agendoque Resp. crescit, non iis sensibus, & consiliis, quæ timidi cauta vocant.

ORATIONIS LXXIV.

Fabii Dictatoris ad Magistrum Equitum

Argumentum.

FAbius antequam Romam sacrorum causa proficisceretur, ita Magistrum Equitum hortatur, ne se absente cum hoste confligeret.

Ut plus] Primo argumento utitur à *Causis*, quia vir prudens debet consilio magis, quam fortunæ confidere, plurimum autem in præliis dominatur fortuna.

Et se] Satius esse imitari Fabium, quam Sem-

Sempronium, & Flaminium; quorum fero-
cia in ultimum discrimen Remp. adduxerat.

Ne nihil actum] Probat se plurimum juvis-
se non pugnando Remp. à *simili*: nam & me-
dici in quibusdam morbis quiete magis, quàm
aliis remediis proficiunt.

Haud parvam] Deinde ab *Effectis*, quia vin-
ci solitis pro magno beneficio esse solet desisse
vinci. Omnia sunt Sententiis referta.

ORATIONIS LXXV.

Aceducis Hispani ad Bostarem Pœnum

Argumentum.

ACedux Hispanus, ut Romanos sibi eo
beneficio conciliaret, suavit Bostari Pœ-
norum Duci, ut sibi traderet Hispanorum ob-
sides suis restituendos.

Loci communes à *Consequentibus*.

Motus, *Timor*. Mores *viricallidi*.

Tria facit, Metum enim incutit, proponit
Consilium, seque illius Ministrum offert.

Metum] Excitat in Bostare timorem, ne
Hispani ad Romanos desciscerent, qui cis Ibe-
rum jam castra haberent, ex *Arist. l. 2. c. 5. t. 40.*

Itaque] Aperit Consilium conciliandi His-
panorum animos novo aliquo beneficio, ut
scilicet restituat singulis suos Obsides. Id o-
mnibus, & singulis fore gratum ostendit,
quòd quilibet sit fidelis in eos, quos suæmet
fidei fidentes videt. *l. 2. c. 5. t. 56.*

Ministerium] Hujusce rei ministerium sibi
deposcit, & pollicetur, se rem suapte natura
gratam benignè singulos alloquendo magis
gratam facturum.

Sententia.

Quos metus non tenet, beneficio, & gratia devinciendi sunt.

Habita fides ipsam plerumque obligat fidem.

Unusquisque opera impensa consilium adjuvet suum.

O R A T I O N I S LXXVI.

Metelli Tribuni ad Populum

Argumentum.

Metellus Tribunus Plebis Fabii cunctationem accusat apud Populum, & de æquando Dictatoris, & Magistri Equitum jure mentionem facit.

Loci communes ab *Enumeratione*, & à *Consequentibus*.

Motus, Ira. Mores viri seditiosi.

Tres sunt partes, *Propositio*, *Confirmatio*, & *Conclusio*.

Id enim vero] Duo reprehendit in Fabio, tum quòd ipse non pugnaverit, tum quòd prosperam Minutii cum Annibale pugnam carperet. Hoc tamen omittit, & illud alterum pergit arguere è *Causa finali*, quasi ideò Fabius nolit cum Annibale pugnare, ut solus, & diu imperet.

Quippe consulum] Probat primam partem ab *Enumerationem* Magistratuum, quorum nullus erat cum imperio in Italia. Ergo solus imperat.

Itaque] Probat secundam partem imprimis ab *Effectis*;

Sociorum agros patitur impunè devastari
ab hostibus .

Ergo non vult cum hoste pugnare, ut diu-
tius imperet .

Tandem ut] Deinde idem ostendit à *Conse-
quentibus* .

Ut ipse discessit ab exercitu , prosperè
Magistr. Equitum pugnavit .

Ergo Fabius ex ambitione pugnam recu-
savit .

Quas ob res] *Conclusio* , quæ tria continet ,
1. minas de abrogando Q. Fabio imperio , 2.
mentionem de æquando jure Dictatoris , &
Magistr. Equitum , 3. necessitatem Fabio im-
positam creandi Consulem in locum Flamini ,
qui in acie ad Trasymenum ceciderat .

Sententia .

Qui præsens obstat rei benè gerendæ , ab-
sens benè gestæ obstabit .

ORATIONIS LXXVII.

Minutii ad suos Milites , & ad Fabium

Argumentum .

Minutius , ejusque milites ab Annibale
circumventi servantur beneficio Fabii,
qui auxilio venerat ; proindeque idem Minu-
tius beneficium apud milites prædicat , ipsi-
que Fabio gratias agit .

Motus, Gratia. Mores Viri grati, & candidi.

Sæpe ego] Hortatur milites , ut se Fabii im-
perio submittant hoc argumento : Qui nescit
ipse consulere , quod in rem sit , debet alteri
parere .

Nos nescimus consulere quid in rem sit .

Ergo debemus Fabio, quippe prudentiō-
ri, parere.

Propositio manifesta est desumpta ex Hesio-
do; *Assumptio* jam patebat ex eventu praelii.

Ad prætorium] Secundò hortatur, ut cūm
ipse Fabium Parentis nomine salutasset, sui
quoque Fabianos milites Patronos appella-
rent; tūm quòd hoc requireret acceptum be-
neficiū, tūm ut gratorum laudem asseque-
rentur.

Parentibus] In altera Orationis parte tria
præstat. 1. Causam assignat, cur Parentem
eum appellaverit, nimirum quòd sibi tantūm
à Parentibus, à Fabio sibi, & suis vita data
fuerat. 2. renunciat Plebiscito, quod sibi sit
oneri, & sub imperium Dictatoris redit. 3.
petit, se, & legiones suas benignè recipi.
Arist. l. 2. c. 7. tex. 80.

Sementia.

Qui nec ipse consulere, nec alteri parere
scit, homo extremi ingenii est.
Non exigua est grati animi gloria.

ORATIONIS LXXVIII.

Herennii Tribuni contra Patres

Argumentum.

CReandum esse Consulem Plebeium homi-
nem contra Senatus voluntatem contē-
dit Herennius, per insectationem eorum, quæ
fiebant à Patribus.

Loci communes ab *Effectis*.

Motus, Odium. Mores *Viri popularis*.

Hoc uno syllogismo ab Utili tota Oratio
continetur:

Uti-

Utile est Reip. vinci, ac pelli Annibalem
ex Italia.

Sed Nobiles, ut diu imperent, nolunt
vincere.

Ergo Plebeius homo creandus Consul,
qui velit vincere.

Ab hominibus] *Assumptio*, ubi per conje-
cturam adductum etiam hostem à nobilibus in
Italiam calumniatur.

Cum quatuor] *Assumptionis* approbatio ab
Effectis, quòd tùm Dictator, tùm Consules
debellare potuerint, nisi voluntas defuisset.

Id fœdus] *Complexio* particularis hujus pro-
bationis.

Nec finem] *Complexio* syllogismi universalis.

Nam plebejos] Respondet cuidam *Prolepsis*
de Nobilibus Plebeiis, quos ait consentire cum
Patritiis; nobiles autem Plebei dicuntur illi,
quorum Majores, cùm ex Plebe essent, Ma-
gistratus in Rep. obtinuerant.

Cui non id] Confirmat responsionem illam
pariter ab *Effectis*, à quæsito Interregno, ut
in eorum potestate Comitia forent; nam si
nobiles plebei non assentirent cæteris, resi-
sterent his Patritiorum conatibus.

Consulatum unum] Repetitio ejusdem *Com-
plexionis* de Consulatu dando homini plebeio,
& novo, cujus Majores non aliàs fuerint in
Magistratu.

Sententiæ.

Novi homines Plebem contemnunt, ex
quo contemni desinunt à Nobilibus.

Ille verè dignus est laude, qui vincere,
quàm diu imperare malit.

ORATIONIS LXXIX.

Q. Fabii ad L. Æmiliū

Argumentum.

L Æmiliū Consulem ad exercitū proficiscentem, ut resistat Collegæ temeritati, & celeribus consiliis tuta præponat, ita hortatur Q. Fabius.

Locī communes ab *Adjunctis*, à *Comparatione*, & à *Contrariis*.

Motus, *Timor*. Mores *Viri prudentis*, & *soliciti*.

Dividitur in tres partes, *Exordium*, *Conventionem*, & *Conclusionem*.

Si aut collegam] *Exorditur à Causa* dicendi, tali ratione; l. 3. c. 114. t. 102.

Si ambo aut boni, aut mali essetis, nihil dicerem.

Sed alter malus, tu bonus es Consul.

Ergo aliquid tibi dicendum est.

Si aut] *Propositio*.

Nam & duo] *Propositionis* approbatio.

Nunc &] *Assumptio* cum *Complexione* conjuncta.

Quem video] Ut persuadeat Paulo resistere temeritati Collegæ, ait ipsum frustra bonum Consulem futurum, si sinat alterum malè rem gerere, quia Resp. claudicaret; cum enim eadem sit utriusque potestas, eadem futura erat auctoritas & bonis Pauli consiliis, & malis Collegæ Varronis.

Erras] Contendit majori Constantia resistendum esse Varroni, quàm Annibali à *Comparatione Minorum*.

Ominis etiam] Arguit à *Causa*: Maximæ temeritati resistendum est.

Ma-

Maxima est Varronis temeritas . Ergo debes illi resistere .

Assumptionem probat per *Comparisonem* Flaminii Consulis ; nam si Varro inter Togatos adeò temerè loquitur , multò magis inter armatos .

Atqui si] *Propositionem* confirmat , quia si temerè bellum geratur , maxima Reip. clades imminet , ex *Arist. l.2.c.5.t.41. & 44.*

Adversus unum] Hoc est , apud te unum gloriandi tempus non est ; & cum suprà probaverit suamet auctoritate in hoc bello maximè Reip. officere temeritatem , nunc idem ostendit eventu , & ratione .

In Italiam] Argumentum sumitur à *Contrariis* : Differre bellum maximè nobis est utile , hostibus perniciosum . Ergo illud temerè gerere , hostibus utile , nobis perniciosum .

Probatur *Antecedens* ab *Adjunctis* , hoc patet :

Illis est utile differre bellum , quibus omnia adsunt belli subsidia , & perniciosum , quibus desunt omnia .

Nobis omnia belli subsidia adsunt , desunt hostibus . Ergo . ex *Arist. lib.1. c.6.t.77.*

Dubitas ergo] *Complexio* syllogismi ab *Adjunctis* .

Quamdiu] Deinde idem probat ab *Eventu* , quem suprà stultorum Magistrum appellavit ; quia si cætera mutantur , non benè arguimus ab *Eventu* , sed eandem belli hujus rationem fuisse , & futuram contendit . Sic igitur argumentatur :

Ego , & Consules cunctando rem benè gessimus .

Ergo tu quoque cunctando rem benè geres .

Quamdiu] Exemplum affert sui ipsius , qui

trahendo bellum coegerat Annibalem multum certare pro vili, & inopi Castello, quasi pro Patriæ mœnibus pugnaret.

Sed adversus te] Sithæc, inquit, apud te jactantia de me ipso; utere exemplo Confulium, qui prœximi fuerunt.

Æac una] Utriusque argumenti *Complexio*, & differre bellum utile esse Reip., & ut differatur, resistendum esse temeritati Varronis.

Resistes autem] Respondet *Prolepsis* de rumoribus Vulgi, quos ait Sapienti Viro contemnendos esse, tùm quia vera gloria nascitur ex gloriæ contemptu, tùm quia majus est, timeri ab hoste sapiente, quàm à stultis civibus laudari.

A veritate] Quæ justè, & sapienter geruntur, possunt quidem veritatis testimonio destitui, tolli verò, & extinguì nequaquam.

Nec ego] *Conclusio*, qua præscribit quid agendum omninò sit, omnia scilicet ut agat ex rationis, & prudentiæ præscripto.

Sententiæ.

Vir bonus sponte sua omnia è Rep. fide sua facit.

Eventus stultorum magister est.

Gloriam qui spernit, veram habet.

Melius est timeri à sapienti hoste, quàm laudari à stultis Civibus.

Festinatio improvida, & cæca est.

ORATIONIS LXXX.

P. Sempronii ad Commilitones

Argumentum.

O Blesfos post Cannensem Cladem Romanos milites P. Sempronius hortatur, ut facto cuneo per medios hostes evadant.

Loci Communes ab *Adjunctis*.

Motus, *Pudor*. Mores *Viri fortis*.

Capi ergo] Talis est hujusce Orationis *sylogismus*.

Necessaria est eruptio, si mansio in Castris turpis sit.

Sed manere in Castris turpe nobis est.

Ergo.

Capi ergo] Probat *Assumptionem ab Adjunctis*, quòd turpe sit Romanis ab avaro, & crudeli hoste contumeliosè tractari, dum interea Latinis honor haberetur, ex *Arist. lib. 2. cap. 6. ex. 68.*

Non vos] A dissimili Exemplo Romanorum, qui cum Æmilio Consule fortiter pugnantes occubuerant in acie, ne venirent in hostium potestatem.

Sed antequam] Eruptionem suadet & *facili*:

Ferro, atque audacia iter fit etiam per confertos hostes.

Ergo multò magis per laxum, atque incompositum hostium agmen.

Sententia.

Illud maximè turpe, si ex tua contumelia, & miseria alteri honos quaeratur.

Vir fortis mavult benè mori , quàm turpiter vivere .

Ferro , atque audacia itor fit per quantavis confertos hostes .

ORATIONIS LXXXI.

M. Junii in Senatu de redimendis Captivis

Argumentum .

CUM Annibal Captivis Romanis redimendis se copiam fecisset , ex decem ob id Romam missis , ita M. Junius Captivorum causam agit .

Loci communes ab *Antecedentibus* , à *Comparatione* , à *Consequentibus* , & alijs *Adjunctis* .

Motus , *Misericordia* . Mores hominis miseris , & supplicis .

Quatuor sunt partes , *Insinuatio* , *Propositio* , *Contentio* , & *Peroratio* .

Nemo] *Insinuatio* sumpta ex severa Majorum disciplina in non redimendis Captivis ex *Val. l. 2. c. 7.*

Ceterum] *Propositio* cum occupatione *Arrogantie* , Captos post Cannensem Cladem dignos esse , qui redimantur .

Non enim] Id probat ab *Antecedentibus* talis ratione :

Qui fortes in acie , & castrorum defensione compulsi necessitate se dediderunt , digni sunt , qui redimantur ; *l. 2. c. 8. t. 91. 92.*

Nos fortiter pugnanimus , & vallum defendimus , & necessariò venimus in hostium potestatem . Ergo redimendi sumus .

Majores nostros] *Secundò à Comparatione* :

Majores

Major est Cannensis Clades, quàm illatæ à Gallis, & à Pyrrho.

Sed Majores nostri à Gallis se ipsi, à Pyrrho captivos redemerunt.

Ergo nos multò magis redimendi sumus.

Asperrimos] Nam Pyrrho pacem offerenti responderant, se tum demùm pacem facturos, cùm Pyrrhus ex Italia excessisset.

Sunt etiam] Non omnes ait ex acie in castra fugisse, sed quosdam omni culpa vacare, relictos præsidio Castrorum à Consulibus.

Haud equidem] Tertiò itidem à *Comparatione*:

Eadem est condicio nostra, & eorum, qui Venusiam, & Canusium pervenere.

Sed horum opera utimini.

Ergo & nos redimere debetis, ut Reip. operam navare possimus.

Haud equidem] *Occupatio*, ne suis Commisionibus invidere videatur.

Ne illi quidem] *Propositionis* approbatio, nam & illi ex acie fugerunt, & sola pedum pernicitate servati sunt.

Quam venustæ] Qui enim cum Consule fugerant, Venusiam, qui cum Sempronio eruptionem fecerant, Canusium pervenerant.

Delectum] Quartò ab *utili*, & *facili*:

Prætextatos, & servos ad militiam vocatis.

Ergo operam nostram contemnere non debetis, quos minori pretio redimere potestis.

Nam si] *Complexio* illustratur.

Illud etiam] *Peroratio*, in qua Patres ad Misericordiam conatur flectere l. 3. c. 19. t. 166. & imprimis ab *Adjunctis* hoc modo:

Si Misericordia digni sunt, qui acerbissima captivitate premuntur, l.2.c.8.
t.92.

Nos tales sumus. Ergo.

Si videatis] Cum supra à persona hostis arguerit, nunc per figuram hypotyposim vincula, & squallorem captivorum quasi ob oculos ponit, ut magis *Misericordiam* moveat, ex *Arist.lib.2.c.8.t.92.*

Intueri] Confirmat illud idem à *Comparatione* :

Magis miseri sunt, qui sunt in vinculis, quam eorundem Cognati.

Sed hos videtis sollicitos, & lacrymant.

Ergo multò infelicior erit ipsorum Captivorum condicio.

Si medius fidius] Ostendit se de fama esse sollicitum, adeoque probum virum exhibet, quò majori dignus videatur *Misericordia*, ex *Arist. loc.cit.*

Suum quisque] Hoc est unusquisque aliquo modo est de bona sui existimatione sollicitus.

Sententia.

Venia danda est Necessitati.

Pluris facienda fama, quàm vita.

In bello pernicitatis pedum, & cursus nullum præmium est.

ORATIONIS LXXXII.

T. Manlii in Senatu redemptionem dissuadentis

Argumentum.

Cum Oratio pro redimendis Captivis habita quosdam ex Patribus movisset, roga-

gatus sententiam T. Manlius ita rem dissuasit:
Loci communes à *Causis*, à *Comparatione*,
& ab *Effectis*.

Motus, Odium. Mores *severi Senatoris*.

Dividitur in tres partes, *Exordium*, *Contentionem*, & *Epilogum*.

Si tantummodo] *Exordium* sumit à *causa*,
cur prolixè respondeat tali ratione; Si tantum
redimi se postulassent, breviter respondissem,
non esse redimendos.

Sed infectati sunt etiam eos, qui ex prælio
Venusium, & Canusium pervenere.

Ergo ad eorum infectionem prolixè re-
spondere debeo.

Atque utinam] Primum etiam *Contentionis*
Argumentum sumitur à *Causis*:

Ii sunt indigni qui redimantur, qui sua
culpa capti sunt.

Vos non ex necessitate, sed vestra culpa
capti estis. Ergo.

Propositio patet ex *Arist. l. 2. c. 8. t. 92. Assump-*
tionem probat ab *Adjunctis*, quia facilè erum-
pere potuissent, fessis hostibus, & propter vi-
ctoriam incompositis.

Et septena] Quam *Assumptionis* approba-
tionem confirmat à *Comparatione* majorum: *Se-*
ptena hominum millia erupissent etiam per
confertos hostes.

Ergo multò magis per incompositos, &
laxos hostium ordines.

Neque enim] *Complexio Assumptionis Proba-*
tioni respondens.

Nocte prope] *Assumptionem* primi argumen-
ti rursus probat testimonio Sempronii, sua
scilicet culpa eos captos fuisse.

Sicut avorum] Secundò indignos *Misericor-*
dia ostendit, quippe ignavos, ex *Arist. loc. cit.*
à *comparatione*: Ignaviæ arguendi essetis et-
iam si actum fuisset de gloria.

Er-

Ergo multò magis, cùm de salute vèstra ageretur.

Sicut a vorum] Probatio *Antecedentis* ab exemplis Decii, & Calpurnii, ubi præterea pulcherrima adest Prosopopœja.

Si hoc] *Complexio*, quæ ex prædicta probatione oritur.

Ducem se] Actum fuisse de ipsorum salute, non de gloria ostendit, & per vehementem Interrogationem, *Complexionem* attingit, eos proinde ignavissimos fuisse, quibus ut servarentur defuerit animus.

Quinquaginta] In eorum ignaviam sic præterea invehitur:

Ignavissimus est, qui summæ Virtutis exemplo non movetur.

Vos exemplum non movit tot Civium circa vos pro Patria cæsum.

Ergo ignavissimi estis, adeoque indigni misericordia.

Et liberi] Idem confirmat ab *Effectis* tali pacto:

Ignavi sunt, qui Captivi desiderant, quod liberi prodiderunt, & hosti parent turpia suadenti, non Civi utilia, & honesta.

Vos tales estis. Ergo.

Assumptio amplificatur à *diversis*.

Quam ego] Hactenus ut ignavos, nunc ut sceleratos contendit, non esse redimendos, & scelus probat ita ab *Effectis*:

Scelus est obstare aliorum virtuti, & castra prodere sine necessitate.

Vos utrumque fecistis. Ergo estis scelerati. Ergo non redimendi.

Non enim] *Assumptionis* prima pars.

Hos cives] *Complexio* argumenti, quod latet, non esse redimendos.

Ex millibus] Ad amplificandum eorum scelus repetit argumentum in principio allatum,

po-

potuisse erumpere, si voluissent; & ad augendam invidiam tria memorat, 1. duabus ferè legionibus idcirco Remp. carere; 2. neminem iis obstitisse, ne erumperent; 3. invidere eos aliorum, qui eruperint, incolumitati, & gloriæ.

Viginti millia] Nam Canusii cum Terentio Consule ad duodecim millia armatorum erant, ut ex Capitibus præcedentibus patet.

At enim] Altera pars *Assumptionis*, quam à *diversis* amplificat.

Ante secundam horam] Diem Romani constituebant ab ortu solis usque ad occasum, adeoque pro diversa ratione temporum majus, minusque temporis spatium horæ continebant; quod adhuc servatur in quibusdam regionibus.

Vos redimam] *Epilogus*, & breviter summam facit Orationis, suamque sententiam affert per *ironicam comparisonem imparium*.

Sententiæ.

Arrogans oratio miseris nocet.

Cui ad seipsum servandum animus non est, is nec pro patria quicquam ausit.

Quem summæ virtutis exempla non movent, nihil unquam movebit.

Ex Dec. 3. Lib. 3.

ORATIONIS LXXXIII.

Paculli Calavii ad Campanos de Senatu

Argumentum.

PAcullus Calavius princeps inter Campanos, ut Senatum servaret, & sibi obnoxium faceret, apud infensam maximè Senatui Plebem ita locutus est.

Lo-

Loci communes ab *Enumerationem*.

Motus, *Amor*. Mores *Viri popularis*.

Quod sæpe] Exponit facilem occasionem Senatus puniendi, quem ipse clausum tenebat.

Nec quicquam] Admonet, ne quid temerè agatur, de singulorum capite statuendum esse; & priusquam veteres Senatores interficiantur, novos eligi oportere, quod probat talis ratio:

Aut Regem, aut Senatum habere debetis.

Non Regem. Ergo Senatum.

Citari] Assignat rationem, qua de unoquoque supplicium sumendum sit, ut antea quoque exposuit.

Sententia.

Nihil raptim, & temerè agendum est.

Unusquisque potiore ira salutem, atque utilitatem suam habere debet.

Senatus unum est liberæ Civitatis consilium.

ORATIONIS LXXXIV.

Varronis ad Legatos Campanos

Argumentum.

Legatos Campanorum pollicentes omnia, quæ ad bellum opus essent, hortatur Varro, ut bellum pro Romanis contra Annibalem suscipiant.

Loci communes ab *Enumerationem*, ab *Antecedentibus*, ab *Adjunctis*.

Motus, *Gratia*, & *Misericordia*. Mores *Viri omnia desperantis*.

Dividitur in tres partes, *Exordium*, *Contentionem*, & *Conclusionem*.

Morem] In *Exordio* misericordiam movet,

Arist. l. 2. c. 8. t. 89. amplificando Cladem ad Cannas acceptam per enumerationem eorum omnium, quibus ad bellum gerendum necessariis spoliati sunt.

Itaque] *Complexio* est argumenti, quod sic habet:

Ii, quibus omnia defunt, non juvandi sunt, sed defendendi.

Nobis omnia erepta sunt in pugna Cannensi.

Ergo defendendi omninò à vobis, non juvandi sumus.

Veniat] Quod ut promptè faciant, ita argumentatur ab *Antecedentibus*:

Defendere debetis eos, qui vos defenderunt, & ornarunt; *lib. 1. cap. 9. tex. 161.*

Nos & defendimus, & ornavimus Campanos.

Ergo Campani parem nobis gratiam referre debent.

Sed etiam fidicinum] *Emphasin* habent ea verba, ut (quæ prima *Assumptionis* pars est) a maximo rerum discrimine constitutos tunc fuisse Campanos ostendat, qui sibi etiam à Sicicinis timerent, ignobili, & parva civitate, juxta *Arist. lib. 2. cap. 7. tex. 80.*

Adjicite] *Secunda pars Assumptionis*, quæ continet beneficia à Romanis collata in Campanos post initam societatem.

Non cum Samnite] Sequitur argumentum *Adjunctis*, hoc modo:

Hostis crudelitas maximè timenda est.

Sed hostis est Pœnus barbarus, & crudelis.

Ergo maximè timendus, adeoque contra eum bellum suscipiendum.

Pœnus hostis] *Assumptionem* explicat, & ostes ostendit maximè esse barbaros, quippe Africæ quidem indigenas, cum sub Dido-

dones ex Phœnicia venerint ; crudelitatem deinde
inde etiam amplificat .

Hos infandis] Complexio illustrata ab effectibus .

Pulchrum] Arguit ab honesto .

Triginta] A facili .

Qui si] Concludit , si rem adeò honestam
& per se non difficilem aggrediantur , fore ut
ut victoria Annibalis nulla sit .

Sententiæ .

Pulchrum est bene meritis sociis opitulari .

Contra communem hostem etiam communibus armis pugnandum .

ORATIONIS LXXXV.

Calavii ad Perollam filium

Argumentum .

PEROLLAM meditantem post convivium interficere Annibalem hac oratione Calavii Pater detertere conatur à nimium audaci consilio .

Loci communes à consequentibus , & adjunctis .

Motus, Timor . Mores Viri maximè solliciti

Per ego te] Sic igitur à turpi eum à cogitatione facinore deterret :

Non debet filius ante oculos Patris facere , & pati infanda .

Sed si hoc peragis , facies , & patieris infanda omnia . Ergo .

Per ego te] *Propositio Syllogismi .*

Paucæ horæ] *Assumptionis* prima pars , quam amplificat ab *Adjunctis* , à fide scilicet data , à religione , & pietate .

Ter-

Tertius campanorum] Nam ipse cum Patre,
& Jubellio solis ex Campanis adhibiti fuerant
convivio.

Sed si nihil] *Assumptionis* pars altera à *Con-*
sequentibus, quam per *Adjuncta* tum *Anni-*
alis, tum militum ita exaggerat :

Qui solus aggreditur summum Ducem ;
& suorum præsidio munitum, ruit in
certam perniciem .

Summus , & terribilis Dux est Annibal ;
& habet suorum præsidium .

Ergo si solus aggrederis , te certissimo ex-
ponis periculo .

Propositio patet ex *Arist. l. 2. c. 5. r. 48. Assum-*
ptionem multis urget *Interrogationibus* .

Et si alia] Hoc tandem *dilemmate* utram-
que *Assumptionis* partem confirmat ;

Meum pectus opponam pro Annibale ;
Sed si me interficias, facies infanda, si ce-
das , eadem patieris .

Ergo aut facies , aut patieris infanda .

Deterreri] *Complexio* superioris argumenti
quoad utramque partem .

Sententiæ .

Perditissimus est , qui facere , & pati o-
mnia infanda velit .

Hospitalis mensa Sancta habenda .

ORATIONIS LXXXVI.

Perollæ Patri respondentis .

Motus, Pudor. Mores amantis Patriæ Viri.

Ego quidem] In prima parte obedientiam
Patri pollicetur , ut quando pius in Patriam
fortiter agendo esse non potest, sit parendo
pius in Patrem .

Tuam]

Tuam] Secunda pars habet exprobrationem Patris.

O patria] Exolvit in tertia parte, quod populus licitus fuerat, gladiumque à se projicit, non ut hosti parcat, sed ut pareat Patri.

ORATIONIS LXXXVII.

Annonis in Senatu Carthaginiensi

Argumentum.

Adversus Himilconis increpationem propter victorias Annibalis ita se Anno defendit, ut ne nunc quidem bellum probetur nec com meatum Annibali mittendum censeatur.

Loci communes à *Repugnantibus*, *Adjunctis*, & *Antecedentibus*.

Motus, *Timor*. Mores prudentis, & gratia Senatoris.

Dividitur in quatuor partes, *Exordium*, *Propositionem*, *Contentionem*, & *Epilogum*.

Tacuissem] *Exordium* sumit à *causa dicendi*.

Ne communem lætitiā turbarem, tacuissē, nisi interrogasset Himilco.

Sed interrogat. Ergo tacere non debeo.

Si reticeam] Dat rationem, cur interrogatus respondere debeat, ne scilicet aut propter superbiam adversarii increpationem ægrè tulisse videatur, aut servilem in modum alienam invitum subscripsisse sententiā.

Respondeam] *Propositio* bipartita, bellum enim, bellicque auctorem incusat, & pacem suadet.

Itaque] Ad pacem hortatur, quod æquissimis conditionibus eam hoc tempore habituri sint, quippe post victoriam; idque si negligant, adjicit metum futuri mali. *Arist. l. 2. c. 5. t. 41.*

Jam lata sunt] Ipsæ, inquit, res belli prof-

prosperè gestæ letæ per se sunt Annibalis satellitibus , non quia pacem æquiores dare possint .

Quæ tamen] Bellum autem, bellicque auctorem ita primum à *Repugnantibus* arguit : Qui eget militum , pecuniæ , & comineatum , non est victor .

Sed hujusmodi rerum omnium se egere fatetur Annibal .

Non ergo victor est .

Et ne omnia] Ita deinde ab *Adjunctis* :

Nullus ex Latinis pupulus defecit , nemo Romanus transfugit , & nulla fit mentio pacis .

Ergo benè adhuc Romani sperant , adeoque bellum est integrum .

Antecedens proponit interrogando *Adversarium* .

Quam varia] Jam bellum non solum adhuc integrum , sed etiam periculosum ostendit ab *Antecedentibus* ; tali ratione ;

Priore bello sæpè vicimus , & tandem victi fuimus .

Ergo etiam nunc licet Victores vinci possumus .

Quod si] Tum verò quæ pacis spes esse debeat per *Epicherema* proponit .

Qui victus non dat pacem , victor minus dabit .

Romani victi pacem non dant . Ergo victores multò minus .

Omnia videntur ex *Arist. desumpta lib. 2. cap. 5. tex. 50.*

Ego] concludit tum de pace referri oportere , tum nihil ex iis , quæ postulabat , Annibali esse mittenda .

Sententia.

In dicenda sententia cave, ne aut super-
bus, aut obnoxius videaris.
Fortuna belli varia est.
Bonus Civis neque esse debet alienæ li-
bertatis oblitus, neque suæ.

O R A T I O N I S LXXXVIII.

Marcelli ad L. Bantium

Argumentum.

L. Bantium Nolanum defectionem Patriæ
meditantem ita sibi, & Romanis Mar-
cellus Prætor conciliat.

Motus, *Amor*. Mores *humani Principis*.

Multus] Laudat Juvenem à Romanorum
testimonio, & à rebus maximè ad Cannas ge-
stis; excusat autem suam usque ad illud tem-
pus ignorantiam, quòd ea Nolani per invi-
diam reticuerint, unde sibi benevolum facit,
ex Arist. l. 2. c. 4. t. 27.

Itaque] Hortatur, ut pergat de Romana
Rep. benè mereri, pollicitus honores omnes,
& præmia.

Sententia.

Magna virtus obscura esse non potest.

O R A T I O N I S LXXXIX.

Legatorum Samnitium ad Annibalem

Argumentum.

Legati Samnitiū injurias sibi à Marcello il-
latas apud Annibalem hac oratione que-
run-

runtur, & petunt auxilium.

Loci communes ab *adjunctis*, ab *antecedentibus*, & à *comparatione*.

Motus, *Miscricordia*. Mores *supplicum*.

Dividitur in tres partes, *Exordium*, *Contentionem*, & *Conclusionem*.

Hostem] *Benevolentiam* sibi conciliant Annibalis tum ex odio in Romanos, tum ex amore in ipsum Annibalem, cujus virtutem maximè prædicant. l. 3. c. 14. t. 98.

Athercule] In *contentione* duo faciunt, & mala sua exaggerant, & præsidium petunt. Sic autem primò ab *adjunctis*:

Turpe est, socios Annibalis eo victore, & præsentè vexari ab hostibus.

Sed nos te victore, & præsentè à Marcello affligimur. Ergo.

Ad unum modo ictum] Hoc est, ad Cannas quidem potuisse te vincere, sed ea parta victoria elanguisse, neque absolvere posse bellum.

Per centum] Secundò à rebus gestis, victoriisque ex Romano Populo relatis:

Turpe est Samnitibus, vexari ab iis, quibuscum per tot annos bellum prospere aliquando gesserunt.

Sed cum Romanis per multos annos bellum gessimus, & aliquando vicimus.

Ergo turpe est, nunc nos ab iis ita vexari.

Nisi quod] Respondent cuidam *prolepsi* de Pyrrho, & affirmant, non sibi magis à Pyrrho auxilium latum fuisse, quam à se Pyrrho.

Quæ aspera] Tertiò à *comparatione* præteritarum cladum:

Turpe est, eos, quos antea magni exercitus, & Duces vexabant, vinci nunc à parva, & incomposita militum manu.

Sed nos antea magni exercitus, magnique Duces bello ptebant, nunc autem par-

va, & incomposita manus affligit. Ergo .

Quæ aspera] *Complexio* .

Magni] *Assumptio* illustrata ab *Adjunctis* .

Ante explorato] Prudentes enim Duces , antequam popularentur hostium agros , exploratores præmittebant , & aliam aciem in subsidiis locabant , ut auxilio esset populatoribus , & in populando à signis discedere milites non sinebant . Omnia ferè desumpta ex *Arist. l. 2. c. 8. t. 89.*

Causa autem] Altera contentionis pars est petitio Præsidii , quam confirmant ab *honesto* ; tum quia defendere socios Annibal tenetur , tum quia ipsi sunt sine præsidio Juventutis , quæ sub Annibale militabat .

Nec te] Deinde à *facili* ;

A quo cæsa sunt tot legiones , pauci prædatores facile vinci poterunt .

Tu multas legiones ad Cannas occidisti .
Ergo .

Quamvis vana] Vana erat spes prædæ , vel quòd nihil amplius prædæ superesset post multorum mensium vastationem , vel quòd omnia Samnites in oppida , & loca munita transtulissent .

Præsidiumque] Ab *Utili* , non enim tantum nobis auxilium tuleris , sed etiam Nolæ præsidium ademeris , si populatores interfeceris .

Si modo] *Conclusionis* loco est repetitio Argumenti , quod primò innuerant , debere Annibalem suosmet socios tueri .

Sententiæ .

Non virtus magis , & fortuna , quàm comitas , & benignitas hostes conciliat .

Quos , ut socios haberes , dignos duxisti ,
haud indignos iudices , quos in fidem
receptos tuearis .

ORA-

ORATIONIS XC.

Annonis ad Nolanos Principes

Argumentum.

Senatores Nolanos ad colloquium evocatos hortatur Anno, ut Romanorum societati amicitiam Annibalis præponant.

Loci communes ab *antecedentibus*, & *consequentibus*.

Quæ si paria] Arguit primò à superbia Romanorum, & benignitate Annibalis per *comparationem dissimilium*.

Si ambo] Deinde à rebus antea gestis.

Ipsorum] *A metu*, ne Nola, sicut Nuceria, caperetur, & diriperetur crudeliter à militibus.

Nolle] *A spe præmiorum*, si Marcellum, & ne ipsi dedant Annibali.

ORATIONIS XCI.

Annibalis ad Milites segniùs pugnantes

Argumentum.

DOEnos ad Nolam segniùs adversus Marcellum pugnantes ita Dux Annibali objurgat, & inflammat.

Loci communes ab *antecedentibus*.

Motus, *Verecundia*. Mores boni Ducis.

Tota adhortatio hoc uno Syllogismo continetur, ab *antecedentibus*:

Turpe est, victorem toties Exercitum à paucis vinci militibus, l. 2. c. 5. t. 65. & qui Romæ militabantur, non posse expugnare Nolam.

Vos toties magnos exercitus vicistis , &
Romam vos posse expugnare jactaba-
tis . Ergo .

[*Arma*] *Propositio* increpationis , quòd lu-
xuria Campana emarcuerint , qua de re pau-
lò antè Marcellus ad suos .

[*Legatine*] *Complexio* cum *Assumptione* con-
juncta .

[*Ubi ille*] *Eadem complexio* eodem modo per
Interrogationes probata , ut vim majorem ha-
beret .

[*Romam*] *Altera pars assumptionis* de Roma-
næ Urbis expugnatione , & Nolam facili nego-
tio expugnari posse ostendit ab *adjunctis* .

[*Hinc vos*] *Conclusio* prædæ optimæ spem facit .

Sententia .

Luxuria marcet Virtus .

Qui Lingua fortes sunt , multa temerè
jactitant .

Ex Dec. 3. Lib. 4.

ORATIONIS XCII.

Q. Fabii ad Populum de Consulibus creandis

Argumentum .

Cum prærogativa Juniorum Consules di-
xisset T. Otacilium , & M. Æmilium ,
Q. Fabius Consul eos non esse idoneos geren-
do bello cum versatissimo hoste contendit , ad-
deòque alios creari debere .

Loci communes à *comparatione* , ab *ad-*
junctis , & *antecedentibus* .

Motus , *Timor* . Mores *viri prudentis* , &
de Rep. solliciti .

Tres

Tres sunt partes, *Exordium*, *Contentio*, & *Peroratio*.

Si aut pacem] In *exordio* facit *attentos*, cum exponit quantum sit bellum, quod cum Duce prudentissimo geritur, juxta *Arist. l. 3. c. 14 t. 104*. sicque concludit ab *adjunctis*: Summo Duci hostium summus Imperator est opponendus. Summus Dux est Annibal. Ergo.

Si aut] *Propositionis* approbatio à *Contrariis*.

Sed cum] *Assumptio* cum *Complexione* conjuncta, per quam absolvit *exordium*, addita *protopopœja* suffragia dantium.

Hoc anno] In principio *Contentionis* eamdem *Propositionem* suprâ allatam probat à *comparatione minorum*, tali pacto:

In singularibus certaminibus par Adversarius provocanti quæritur.

Ergo etiam Imperatori hostium pares virtute Duces quæri debent.

Sed nominati Consules pares Annibali non sunt.

Ergo alios creare oportet.

Hoc anno] *Antecedens illustratur* exemplis Claudii, Manlii, & Valerii.

Quemadmodum] *Complexio*.

Cum qui est] Confirmatur hæc ipsa *Complexio* ab *adjunctis*;

Tum maximè summus Dux est creandus, cum annua tantum potestas, & circumscripta datur contra perpetuum, & nullis obnoxium legibus Imperatorem.

Tales sunt nostri Duces adversus Annibalem. Ergo.

Propositio sola amplificatur, nam cæteræ omittuntur ut manifestæ.

Quoniam] *Assumptio*, eos scilicet, qui nominati essent, non fore Duces pares Annibali; & de Æmilio quidem, quia cum esset Flamen Quirini, non poterat à Sacris discedere, de

Otacilio verò sic probat ab *Antecedentibus*.
 Qui rei minimi negotii gerendæ impar
 fuit, multò magis erit impar gerendo
 bello contra Annibalem.

Talis est Otacilius. Ergo omninò impar
 tanto bello gerendo.

Otacilius] Præmittit affinitatem suam cum
 Otacilio, ut ostendat, se non privata aliqua
 similitudine moveri, sed Reip. tantum causa,
 contra suorum dignitatem.

Quilibet] *Propositionis* approbatio à simili.

In minore] *Assumptio*, quam amplificat ab
 enumeratione eorum, quæ mandata fuerant
 Otacilio Classis Præfecto, quorum nihil perece-
 gerat anno superiore, utiturque aptissimè fi-
 gura *Concessionis*.

Si consul] Ita deinde à *Comparisonem* majoris.

Si Consul esses, non deberes molestè fer-
 re Dictatorem dici.

Ergo minus indignari debes, si Consul
 non fias.

Si consul] *Antecedens*.

Magis] *Antecedentis* approbatio ab *utili* per
 allegoriam bajulorum.

Ego] In *Peroratione* hortatur populum, ut
 meliores Consules creent, habita ratione bel-
 li, quod gerebatur, & cladium imperitia quo-
 rundam acceptarum, quo modo timorem ex-
 citat ex *Arist. l. 2. c. 3. t. 53*.

Prærogativæ favor] Cum per omnes xxxv.
 Tribus essent distributæ Centuriæ in suffragiis
 ferendis, sortiebantur imprimis Tribus, cum
 prærogativa contingeret, deinde altera sta-
 tim sortitio fiebat, cuinam Centuriæ illius
 Tribus ex omnibus quinque Classibus fors fer-
 rendi primo loco suffragii obveniret; & illa
 dicebatur Tribus Prærogativa, ut passim apud
 auctores.

Sententia.

Ut milites pares hosti, ita Duci hostium
parem Imperatorem quæramus.

Ille summus est Imperator, qui nullis
neque temporis, neque juris angustiis
inclusus est.

Bonus Civis potiore habet privatis ne-
cessitudinibus Remp.

Quilibet nautarum, vectorumque tran-
quillo mari gubernare potest.

Nostri ipsorum interest, non imponi cer-
vicibus nostris onus, sub quo concida-
mus.

ORATIONIS XCIII.

Apollonidis Syracusani ad suos Cives

Argumentum.

Syracusanos post necem Tyranni partim
Romanis, partim Carthaginiensibus fa-
ventes hortatur Apollonides, ut alterutram
societatem unanimes eligant, & Romanam
Punicæ præponant.

Loci communes ab *Effectis*, & *Antece-*
dentibus.

Motus, *Timor*. Mores *prudentis viri*!

Nec spem] Hanc affert in principio *proposi-*
tionem, statuendum esse Syracusanis, utrum
salvi esse, an perire omnes velint, quam sic
probat ab *Effectis*: Aut simul omnes alteru-
tram societatem eligere debetis: aut discordes
partim Carthaginiensibus, partim Romanis
favere.

Sed si primum facitis, omnes salvi estis,
si alterum, omnes peribitis.

Ergo statuere debetis, utrum perire, an salvi esse velitis.

Si enim] Prima pars *assumptionis*, nam *propositio* satis per se patet, cum nihil detur medium.

Si alia] *Assumptionis* secunda pars approbata ab adiunctis, ex *Arist. l. 2. c. 3. t. 40.*

Itaque] Subsumit deinde: Sed perire certè non vultis.

Ergo ut salvi sitis, idem omnes sentire debetis.

Utra societas] Nunc transit ad alteram partem *Orationis*, & utilius Syracusanis esse contendit Romanam societatem praeligere, 1. quia satius imitari prudentiam Hieronis, qui cum Romanis, quam temeritatem Hieronymi, qui cum Pœnis senserat.

Vel quinquaginta] 2. quia per tot annos feliciter experti fuerant Romanorum amicitiam, Pœnorum autem societas nunc ipsis erat incognita, antea experti fuerant infidelem; utrumque ab *antecedentibus*.

Esse etiam] 3. tandem ita ab *effectis*:

Utilius est nobis differri bellum, quam statim geri.

Sed Punica societas statim bellum affert cum Romanis, Romana aut nullum cum Pœnis, aut non statim.

Ergo utilior nobis est Romana societas, quam Punica.

Sententiæ.

Ut idem omnes in Rep. sentiant, summa vi agendum est.

Amicitia feliciter per multos annos experta incognitæ præferenda est.

Melius est differri bellum, quam statim geri.

ORA-

O R A T I O N I S XCIV.

L. Pinarii ad Milites de perfidia En-
nensium.

Argumentum.

CUM Ennenses, ut & reliqui ferè Siciliae populi, defectionem ab Romanis cogitarent, peterentque propterea sibi reddi claves Arcis, Pinarius milites hortatur, ut signo dato populum in Concione trucident.

Loci communes à *Causis*.

Motus, *Confidentia*, & *Metus*. Mores *vigilantis Ducis*.

Tres sunt partes, 1. exponit periculum. 2, ut præoccupent hortatur, 3. explicat de hac re suum consilium, & concludit.

Credo ego] Fraudem, quæ in aliis Civitatibus Præsidia Romana oppresserat, ait suos Milites effugisse Deum benignitate, & suamet ipsorum virtute.

Utinam] Sed cùm manifesta fraus caveri non possit, ostendit eò jam rem deductam esse, ut vim aut facere, aut pati debeant, quòd Ennenses peterent Claves, ut præsidium trucidarent, augetque periculum, nocte una tantum intermedia, ex *Arist. l.2.c.5.t.40*.

Orta luce] Ita igitur, ut præoccupent, proposita necessitate, hortatur:

Aut Vos ab Oppidanis, aut à vobis Oppidani cras trucidabuntur.

Sed illud pati non debetis. Ergo.

Orta luce] *Propositionis* approbatio.

Itaque] Ipsa *Propositio* ex approbatione per modum *complexionis* prolata.

Nec præoccupati] Ut magis ad opus inflammaret, ostendit in præoccupando victo-

G 5 riam

riam consistere, sive milites, sive Oppidanum præoccupent.

Intenti] Exponit ordinem servandum in Ennensium cæde.

Vos ceres] Per Apostrophem ad Deos factum, utpote necessarium excusat, in eo enim Oppido dicebatur rapta Proserpina.

Pluribus] *Confidentes* ultimò facit, tùm quia armati inermes aggrediebantur, tùm quia haud procul erat Consul, futurus auxilio; idque ex *Arist. l. 2. c. 3. t. 61.*

Sententiæ.

Nihil magis, quàm Vigilantia, belli tempore necessarium est.

Oportandum, ut omne vitæ tempus nec patiando infanda, nec faciendo traduci possit.

Vitandæ, non inferendæ fraudis causa, vim adhibere licet.

Ex Dec. 3. Lib. 5.

ORATIONIS XCV.

Supplicum Militum ad M. Marcellum

Argumentum.

Reliquiæ Cannensis Cladis relegatæ in Siciliam, ne ante finitum bellum reportarentur in Italiam, apud M. Marcellum per Legatos pœnam deprecantur.

Loci communes à *Comparatione*, & ab *Adjunctis*.

Motus, *Misericordia*. Mores *Supplicum*.

Dividitur in tres partes, *Exordium*, *Contentionem*, & *Perorationem*.

Consulem] In *Exordio* sibi Marcellum benevolum faciunt, quòd de illius benignitate optimam semper opinionem habuerint, suamque ipsi in Siculo bello navare operam Reip. desideraverint, exemplo eorum, qui capti fuerant à Pyrrho; ex *Arist. l. 2. c. 4. t. 29*.

Quamquam] In *contentione* duo faciunt, purgant culpam, & pœnam deprecantur, præmissa *Apostrophe* ad Senatum, & ad ipsum M. Marcellum, cujus Imperatorias artes laudant. Ad purgandum igitur crimen, hoc imprimis argumento utuntur à *Comparatione patrum*:

Ad Cannas non minor fuit culpa Ducum, quàm militum.

Sed Duces omni culpa liberati sunt.

Ergo nos milites immeritò culpæ arguimur.

Si non deum] *Propositio* per figuram *Communicationem* expressa ad vitandam *Invidiam*.

Equidem] *Assumptio* illustrata ab effectis, ab honoribus scilicet in Consulem, & principes viros collatis post pugnam Cannensem; designant autem Sempronium, Ap. Claudium, Fabium, & Scipionem.

An vobis] *Complexio per Contraria*, ut se dignos *Misericordia* probarent, quippe indignos ea fortuna, *Arist. l. 2. c. 8. t. 92.*

Utique morituros] Hoc est, ad certam mortem misistis, imposita conditione, ut necessario mori deberent.

Deinde sic à *comparatione majorum* argumentantur:

Major fuit eorum culpa, qui ad Aliam, & Furcas Caudinas victi sunt, quam nostra, qui ad Cannas pugnauimus.

Sed illi culpam omnem deferre sua virtute potuerunt.

Ergo nobis etiam hæc venia danda est.

Ad aliam] *Propositionis* approbatio quoad primam partem.

Tamen] *Assumptio*.

Cannensem] Altera pars *comparationis*, quæ *propositio* confirmatur, exercitum ad Cannas egregie, & usque ad extremum pugnasse.

Cum captivis] Tertiò arguunt à testimonio ipsorum Patrum; nam cum ageretur de redimendis Captivis, T. Manlius laudauerat eos, qui ex acie fugissent incolumes, ut ex illius Oratione constat, quam suprà exposui.

Nunc deteriore] Quartò à *comparatione Captivorum*, tali ratione:

Captivi majori digni sunt pœna, quam nos.

Sed Captivos Majores nostri minori pœna affecerunt, quam nos à vobis nunc afficimur. Ergo hæc immeritò patimur.

Nunc] *Assumptio*.

Quip-

Quippe] Ejus approbatio ab effectis, quod ad Captivos pertinet.

Nos quibus] Approbatio tùm *Propositionis*, ubi suam culpam elevant, tùm etiam alterius partis *Assumptionis*, cùm suam pœnam amplificant.

Neque ignominia] Pœnam igitur secundo loco deprecantur, cùmque leviam per modestiam petunt, non finem scilicet ignominia, ne dum præmium aliquod, sed solum ut detur pugnandi locus, eò sibi majorem benevolentiam conciliant. l.2. c.4. t.25. Quamobrem sic ab adjunctis suam illam justissimam petitionem exponunt :

Cùm maximum bellum urget, omnium promiscuè opera uti debet Resp.

Sed maximum in Sicilia bellum est.

Ergo nostra etiam opera uti Resp. debet.

Bellum in] *Assumptio* amplificatur, ut dictum est, ab adjunctis.

Servorum] Ita deinde instant à *comparatione*:

Qualiscumque sit nostra conditio, non erit deterior, quàm Servorum.

Sed Servorum etiam opera utitur Resp.

Ergo nostra etiam uti debet.

Servorum] *Assumptio*.

Pro servis] *Propositio* cum *complexione*; habeat nos Senatus, ut servos ad bellum emptos, & pro libertate recuperanda pugnare sinat.

Vis tu mari] *Peroratione* se promptos ad quælibet subeunda pericula offerunt; & adverte vim in ea *Repetitione* maximam.

Utquo ad cannas] Ut si mori ad Cannas debuimus, quamprimum in Sicilia pugnantes moriamur, ut gloriosa mors ignominia finem imponat.

Sententiæ .

Fatali lege immobilis rerum humanarum
ordo feritur .
In pœnis etiam servanda æquabilitas .

O R A T I O N I S XCVI.

Annibalis ad Tarentinos de Classe paranda

Argumentum .

CUm Tarentini dubitarent , qua ratione
paranda esset Classis ad obsidendam ar-
cem , Annibal quid sit agendum exponit .

Loci communes à *Causis* , & ab *Adjunctis* .

Motus , *Confidentia* . Mores prudentis Du-
cis .

Evadent] Non esse desperandum , quin ex
portu in apertum mare trahi naves possint ,
ita ostendit à *Causis* :

Consilio multa fiunt , quæ difficillima
videbantur .

Ergo & hoc faciemus , si consilio uti vo-
luerimus .

Urbem] Rationem transvehendi plaustris in
mare naves probat facilem ab *Adjunctis* via-
rum , quæ planæ , & latæ erant ; sicque *Con-
fidentes* facit , ex *Arist.l.2.c.5.t.61* .

Et mare] In hac altera parte refert præmia ,
quæ ex hoc consilio consequentur , possessionem
Maris , arcis obsidionem , & celerem vi-
ctoriam .

Sententiæ .

Multa , quæ impedita natura sunt , con-
silio expediuntur .

ORA-

O R A T I O N I S XCVII.

Legati Syracusani ad Marcellum de deditioe

Argumentum .

Syracusani , cùm Præfectos Pœnorum interfecissent , Legatos deinde ad M. Marcellum mittunt , qui tali Oratione veniam rerum gestarum petunt .

Loci communes à *Causis* , ab *Effectis* , à *Consequentibus* , & *Antecedentibus* .

Motus , *Misericordia* . Mores *Supplicum* .

Duæ sunt partes , excusatio rerum gestarum , & deprecatio pœnæ .

Neque primo] Defectionis excusationem ita adornat à *causis* princeps illius Legationis :

Ii venia digni sunt , qui non sponte , sed coacti defecerunt .

Sed nos coacti à Tyrannis , adeòque non sponte defecimus . Ergo .

Propositio pendet ab *Arist. l.1.c.10.t.176* .

Neque] Ostendit , Syracusanos coactos à Hieronymo primùm , deinde ab Hippocrate , & Epicide à Romanis defecisse .

Nec quisquam] Altera pars *Assumptionis* , sponte sua id non fecisse .

Neque primo] Hoc est , non defecimus nunc primò auctoribus Epicide , & Hippocrate , sed jam antea Hieronymus Tyrannus defecerat .

Hinc metu] Metu , vi scilicet , & opera mercenarii militis , fraude verò , missis falsis nuntiis de Leontinorum cæde .

Nunc certe] Deinde confirmat eandem *Assumptionem* ab *effectis* :

Ii non spontè defecerunt , qui statim , recuperata libertate , se vobis dedunt .

Sed

Sed statim recuperata libertate , nos nostraque vobis dedimus .

Ergo antea sponte non defecimus .

Hic etiam amplificatur *Assumptio* .

Gloriam] In secunda *Orationis* parte deprecatur Urbis excidium à *consequentibus* :

Majori tibi erit gloriæ servata tanta urbs, quàm everfa .

Ergo servare debes incolumem , non evertere .

Probatur *antecedens* , 1. quia jam maxima illius gloria est Urbe expugnata tot triumphis insigni , 2. quia si ferventur victæ Urbis trophæa , majori erunt admirationi trophæa Marcelli de tali Urbe relata .

Quo quisquis] *Misericordia* movetur ex *Arist.* l. 2. c. 8. t. 92.

Sub clientela] Ita etiam evenit , nam Syracusæ per multum deinde tempus sub clientela Marcellorum fuerunt .

Ne plus] A *meritis Antecedentibus* ultimò arguit :

Plus apud Vos valere debet Hieronis memoria , quàm Hieronymi .

Sed ille amicissimus Vestræ Reip. fuit .

Ergo in ejus gratiam servare Syracusas debetis .

Ne plus] *Propositio* , nam per se satis manifesta erat *assumptio* .

Diutius] *Propositionis* approbatio , tum quia diutius fuerat amicus Hiero , quàm inimicus Hieronymus , tum quia defectio à Romanis Hieronymo auctori perniciem peperit ; à suis enim interfectus fuerat .

Sententiæ .

Parcendum innoxia multitudini .

Gloriosior erit , qui victas Urbes posteris esse

esse spectaculo, quàm qui, iis exci-
sis, famæ credi maluerit.

ORATIONIS XCVIII.

L. Martii ad Milites

Argumentum.

CÆsis in Hispania Scipionibus, L. Mar-
tius, cui ab exercitu delatum fuerat im-
perium, milites hortatur, ut noctu facta eru-
ptione invaderent hostium Castra, quæ ne-
gligenter custodiri nuntiabantur.

Loci communes ab *antecedentibus*, ab *ad-
iunctis*, & à *comparatione*.

Motus, *confidentia*. Mores *præclari Du-
cis*.

Dividitur in tres partes, *Exordium*, *Conten-
tionem*, & *Conclusionem*.

Vel mea] Ut sibi milites benevolos faciat,
exorditur ab avertenda suspicione ambitionis,
ostenditque sibi grave esse illud imperium &
ex sua pietate in Scipiones, & ex præsentī for-
tuna.

Quo enim] Probat hanc secundam partem
ita ab *adiunctis*.

Difficile est, eum, qui mœret, posse a-
lios & consolari, & servare.

Sed ego maximè mœreo ob mortem Im-
peratorum.

Ergo difficile est mihi consolari vos, &
servare.

Nisi motus] Juxta illud Senecæ: *Curæ leves
loquuntur, ingentes stupent*. vide *Arist. lib.2.
c.8. t.90.*

Et scipiones] Explicat illud alterum de pie-
tate sua in interfectos Scipiones, quorum me-
moriam agitatū ait se nunquam posse quie-
scere.

Nec se] *Prosopopœja* , quia inducit Scipiones sibi loquentes , ut milites ad pugnam inflammaret ; concluditque deinde exemplo sui ipsius præstandam esse Ducibus obedientiam licet mortuis , sed immortalī vitæ donatis , quam vivis præstitissent , & à luctu ad ultionem converti animos oportere .

Nec alia] *Confidentes* igitur Milites facit ita ab *antecedentibus* :

Quos heri vicistis , hodie quoque facile superabitis .

Sed heri hos eisdem hostes vicistis .

Ergo nunc quoque eos facile superabitis .

Argumentum , quod confirmatur etiam exemplo Cannensis Cladis , cui non cessit Romana Virtus , desumitur ex *Arist. l. 2. c. 5. t. 57.*

Nunc qui] *Complexio* .

Non enim] *Prolepsis* , quòd ipse hesternam victoriam persequi milites prohibuerit .

Ut postmodum] *Responsio ad Prolepsin* .

Nec hujus] *Responsionem* supra allatam confirmat ab *Adjunctis* , tali ratione :

Imparati facile opprimi possunt . ex *Arist. l. 1. c. 12. t. 223.*

Hostes imparati sunt .

Ergo facile opprimi possunt . *Arist. locum citat.*

A vobis] *Propositionis* approbatio à *Contrariis* .

Et ita] *Assumptio* ita probatur à *Causis* :

Qui negligit , imparatus est .

Hostes nos negligunt . Ergo sunt imparati .

Ad id] *Propositio* hujus syllogismi , qui ob prosperam fortunam non timet , minimè caret .

Nihil omnium] *Assumptio* .

Audeamus] *Complexio* prioris syllogismi .

Tertia] *Aperit* suum consilium de hoste no-

Et invadendo, docetque simul qua ratione peragi res debeat.

Scio audax] Eruptionem, quam exposuit, ita suadet:

Ante certam, & proximam perniciem audendum est aliquid.

Sed certa nobis imminet perniciēs.

Erumpere igitur debemus.

Sed in rebus] *Propositio* cum sua probatione.

Unus] *Assumptio* confirmatur à periculo, ne tres hostium duces simul conveniant, tunc autem nullam amplius futuram salutis spem docet à *comparatione*:

Duo Scipiones incolumi exercitu non potuerunt resistere tribus hostium Ducibus.

Ergo multò minus ego resistam cum reliquis illius victi exercitus.

Alia belli] *Complexio* syllogismi.

Itē diis] *Conclusio*, qua jubet eos curare corpora, ut vigentes, & integri castra hostium invadant, addita spe ab hesterno prospero certamine.

Sententia.

Imperium ut amplum iudicio hominum, ita re ipsa grave, ac sollicitum est.

Metus mœrorem sæpè obstupefacit.

Difficile est, cum ipse mœreas, alterum consolari.

Viri fortes vivunt, vigentque memoria rerum gestarum.

Non lamentis, lacrymisque, sed factis hostem ulciscimur.

Virtus ex omni sævitia fortunæ emergit.

Ad id, quod ne timeatur, fortuna facit,
mi-

minimè cauti sunt homines.

Quod difficillimum videtur, eo ipso facillimum sæpè est.

In rebus asperis, & tenuibus fortissima quæque consilia tutissima sunt.

Si in occasionis momento, cujus prætervolat opportunitas, cunctatus paulum fueris, nequicquam mox omissam quæras.

Ex Dec. 3. Lib. 6.

ORATIONIS XCIX.

Sempronii Tribuni in Cn. Fulvium

Argumentum.

CN. Fulvium ob exercitum in Apulia amissum ita apud populum accusat Sempronius Blæsus Tribunus Plebis.

Loci communes à *Causis*, & à *Comparisonem*.

Motus, *Odium*. Mores viri æquitatem amantis.

Neminem] Cùm manifestum jam esset crimen amissi in Apulia exercitus, restat ut illud aggravet ex *circumstantiis*, quod facit primum à *causis* hoc Syllogismo:

Pejus est corrumpere vitiis milites, quàm eos objicere interficiendos hosti.

Sed Fulvius prius corrumpit omnibus vitiis milites, quàm proderet hosti.

Ergo major est ejus culpa.

Assumptionem amplificat ostendens facinus tam turpe singulare esse in Fulvio, & à nemine antea admissum. *Arist. l. 1. c. 14. t. 255.*

Neminem, cum] Purgat ab omni culpa populum, qui imperium dederat; non enim novit

vit mores eorum, quibus permittit exercitum.

Quid interfuisse] *A comparatione deinde dissimilium*, tali ratione :

Potuit Sempronius disciplina, & imperio ad bonam frugem fervorum exercitum traducere.

Ergo multò major culpa Fulvii, qui liberos, & Romanos corruperit.

Nec hercule] Ex alia circumstantia reprehendit Fulvium, quòd primus ex acie fugerit, fueritque pessimo exemplo militibus.

Flaminium] Sic itaque à *comparatione dissimilium* :

Laudantur tot Duces, qui, ne desererent circumventos exercitus, cecidere.

Ergo puniendus Fulvius, qui fugiens omnem exercitum hosti prodidit. *Arist.*
l. 2. c. 6. t. 65.

Facinus] Rursus à *comparatione parium* :

Eadem pœna digni sunt Duces, ac Milites, qui ex acie fugiunt.

Sed reliquiae Cannensis exercitus, legionumque ipsius Fulvii relegatae sunt propè in exilium.

Ergo & ipse Fulvius eadem saltem pœna dignus est.

Adeo imparem] *Concludit invidiosè Orationem* per Epiphonema ; grave enim fuisset, in libera Civitate posse impunè peccare Nobiles, Plebeios non item.

Sententiæ.

Certum est, quemlibet in ganca, iustisque, ubi iuventutem egerit, senectutem etiam acturum.

In libera Civitate diviti ac pauperi, honorato atque inhonorato impar libertas esse non debet.

ORA-

O R A T I O N I S C.

Vibii Virii in Senatu Campano de deditioe

Argumentum.

COacto senatu Campano , & quibusdam consentibus, mittendos esse Legatos de pace , & deditioe , Vibius illud consilium dissuadet , & ad voluntariam mortem reliquos Patres invitat .

Loci communes ab *adjunctis* , ab *antece-*
dentibus , à *simili* , à *Comparatione* .

Motus , *desperatio* . Mores *Viri fortis* , &
constantis .

Tres sunt partes , deditioem dissuadet , ad mortem hortatur , & rationem mortis aperit .

Quid vos] Ponit *propositionem* , quam deinde probat , & per *Comparisonem imparium* , ait , deditioem hanc fore sine ulla spe Clementiæ .

Jam è memoria] Id autem confirmat primo ab *adjunctis* Defectionis :

Defectio cum summa perfidia , & crudelitate conjuncta , non meretur Clementiam . *l. 2. c. 3. t. 16.*

Nostra defectio ab Romanis talis fuit .

Ergo nullam Clementiam sperare possumus .

Assumptio amplificatur .

Age contra] Secundo ab *adjunctis* oppugnationis :

Qui pertinacissimè , & summo cum suo periculo Urbem aliquam obsident , eam maximè oderunt . *l. 2. c. 4. t. 38.*

Sed Capuam Romani pertinacissimè , & cum summo suo periculo jam per duos annos obsident .

Er-

Ergo execrabile est eorum odium in Campanos.

Cum hostis] *Assumptio* comprobatur, quòd ne discederent ab obsidenda Capua, omiserint hostem Annibalem, quòd ambo Consules obsidioni præfuerint, quòd multa, eaque gravissima in defendendo Vallo perpeffi fuerint.

Sed omitto] Tandem quòd periculum Romanæ Urbis eos ab obsidione non deterruerit, & per figuram hypotyposin vehementem facit amplificationem.

Feras] Quod augetur à *simili*, tali ratione:

Feræ bestiae ad cubilia, suosque catulos defendendos, cæteros omissis, accurrunt.

Ergo summum est Romanorum in nos odium, quos conjuges, liberi, & Patria circumfessa ab obsidenda Capua non averterunt.

Tanta aviditas] *Complexio Syllogismi*; cùm igitur tantum sit Romanorum in nos odium, extingui tantum potest nostro sanguine, & excidio, *Ex Arist. loc. cit.*

Nec injuria] Tertio, ut spem Clementiæ omnem auferat, ostendit justum esse hoc odium Romanorum in Campanos, à *Pari*:

Justè patimur, quod alteri facere volumus.

Sed, si vicissent Campani, Romanos omninò perdidissent.

Ergo eadem justè Romani Victores in Campanos facturi sunt. *ex Arist. lib. I.*

cap. 12. tex. 228.

Itaque quando] In secunda parte voluntariam mortem suadet, hoc modo:

Cum mors est inevitabilis, optanda est honesta, & sine cruciatu.

Sed mortem vitare non possumus.

Ergo

Ergo ea mors optanda est, quæ sit honesta, & sine cruciatu.

Itaque] Propositio, quam habet etiam Cic. Philip. 12. Cum Delabella fecerit, ut optanda mors esset, modò sine cruciatu. ex Arist. lib. 2. cap. 5. tex. 40.

Non videbo] Enumerat cruciatus, & dolores, qui à Romanis victoribus immineant, qui sola voluntaria morte vitari possint, quodque ultimo loco ponit, Patriæ everisionem probat ab antecedentibus:

Albæ suorum Majorum Patriæ non percerunt.

Ergo multò minus Capuæ, quam maximè odere.

Itaque quibus] Proponit in tertia parte genus mortis, quæ lenissima futura sit, & per Epilogum attingit tum quæ solatia in ea futura sint, tum quos cruciatus, doloresque voluntaria morte effugiant.

Hæc una] Ultimo hoc genus mortis non solum necessarium, sed gloriosum etiam sibi futurum ostendit & apud hostes, & apud Amicum Annibalem.

Sententiæ.

Vetus, atque usitata res est, in oppugnanda hostium urbe labores, ac pericula pati.

Vir fortis cruciatus, & contumelias morte honesta, & leni effugere solet.

Ab altero metuas, quod alteri feceris.
Honestam mortem turpi vitæ præferenda.

O R A T I O N I S C I.

M. Marcelli in Senatu de captis Syracusis

Argumentum

Captis Syracusis Marcellus urbem diripuerat, & omnia abstulerat ornamenta, quæ cum in Senatu objicerent Siculi, ipse hac oratione defendit.

Loci communes ab effectis, ab antecedentibus, & à conjugatis.

Motus, Ira. Mores Viri innoxii, & imperterriti.

Dividitur in tres partes, Exordium, Contentionem, & Perorationem.

Non adeo] In exordio profitetur, se non ut reum causam dicturum, quod inconveniens est Consuli Romano, accusantibus Græcis, cumque jure belli se ipse satis defendat; sed solum ostensurum, Siculos justè ea mala passos.

Quisi non] Probat igitur ab effectis, eos vere hostes Pop. Rom. fuisse, quod nisi ostendat, fatetur, se infanda admisisse, tali ratione:

Qui facit hostilia, pro hoste habendus est. Syracusani multa in Romanos hostilia fecerunt.

Ergo & pati hostilia debuerunt.

Sin autem] Assumptionis approbatio ab enumeratione rerum omnium, quas inimico animo in Romanos fecere, ex Arist. l. 2. c. 2. tex. II.

Quis passos] Propositio, & pulcherrimus locus est à conjugatis.

Tradentes] Alterum accusationis caput, quod recusasset tradi sibi Syracusas à Viris principibus, & opera potius duorum ex Plebe usus fuisset.

Nos estis] Cui primò sic respondet :

Vos estis principes Syracusanorum .

Sed nemo vestrum voluit mihi urbem tradere .

Ergo principes Syracusanorum Urbem tradere voluisse falsum est .

Non estis] *Propositio* .

Quippe qui] *Propositionis* approbatio ; non enim objicerent aliis humilitatem generis , nisi essent ipsi nobiles .

Quis est] *Assumptio* , negat enim interrogando .

Odists] Per apostrophem ad Adversarios ita secundò respondet à *repugnantibus* ;

Qui conviciantur deditiois auctores , dedere ipsi Urbem noluerunt .

Vos auctores deditiois conviciamini .

Ergo nolulistis Vos Urbem Romanis dedere .

Ipsa] Tertiò ab *effectis* :

Cui grata fuit deditio facta per Plebeios , multò gratior fuisset facta per Nobiles .

Sed mihi grata fuit deditio Syracusarum etiam per Plebeios facta . Ergo .

Et antequam] Quartò ab *antecedentibus* , refertque ea omnia , quibus antequam obsideret Syracusas , pacem & cum omni Populo & cum Principibus tentavit .

Quæ captis] Quoad tertium crimen de Urbe direpta , & spoliata , defendit omnia facta jure belli , & Siculos queri hæc debere non apud victores Romanos , sed apud Pœnos victor Urbis socios .

Ea vos] In peroratione monet Senatum , ut à se acta confirmet , proposito periculo , nisi secus fecerint , alii Duces segniores in bello gerendo sint . Deinde ait , se velle unà cum Legatis templo excedere , quò magis liberè absente consuli Senatus possit .

Sententiæ.

Nemo indignari debet, se passum hostilia, cùm fecerit.

Quæ singulis victor aut dat, aut adimit, rata esse debent jure belli.

O R A T I O N I S CII.

Atilii Reguli de Campanis in Senatu

Argumentum.

CUm dubitarent Patres, quid de Campanis statuerent, Atilius Regulus interrogatus sententiam ita in eos invehitur, remque ad Plebem rejicit.

Motus, *Ira*. Mores *virigravis & severi*.

Tres sunt partes, *Insinuatio, Narratio, & sententia*.

In consilio] Ut fidem sibi astruat, præmittit, se fuisse consiliorum omnium participem capta Capua, quippe Legatum Consulis, proindeque certissima esse, quæ referret.

Cum quæreretur] Refert, quàm malè de Romana Rep. meriti fuerint omnes Campani, præter duas mulieres, & singula manifesta sunt.

Per senatum] Rem omnem rejiciendam censet ad Plebem, nam sine rogatione Populi negat quidquam agi posse per Senatum contra Cives Romanos; quales erant Campani, idque confirmat exemplo, ut patet.

Notandum tamen hic est, si quando maximum Reip. periculum imminebat, ut rogari tutò Plebs non posset, tunc licuisse Patribus summo jure uti, & Romanos etiam Cives morte dampnare reos Perduellionis, sicut Ci-

ceronem legimus in Cōjuratos animadvertisse ea Decreto Senatus .

Sententia.

Duces sæpè plectuntur , non quòd culpa , sed quòd dignitate emineant .
De Cive Romano injussu Populi agi non poterat :

ORATIONIS CIII.

Lævini Consulis de pecuniis erogandis

Argumentum .

CUM Plebs seditiosè negaret , se posse erogare pecuniam in supplementum remigum , Lævinus Consul hortatur Patres , ut ad voluntariam collationem animum adicerent , ipsique præirent cæteris exemplo .

Loci communes à causis .

Motus , Lenitas . Mores viri prudentis .

Tota hæc Oratio uno Syllogismo continetur , à causis :

Qui honore præstat , debet & exemplo præesse in subeundis oneribus .

Nos honore cæteris Ordinibus præstamus .

Ergo & exemplo in erogandis pecuniis præesse debemus .

Magistratus] Propositio .

Si quid] Propositionis approbatio , non enim cuiquam gravis erit impensa , cùm Principes videat sibi plus capere , quàm eorum fecerat conditio .

Itaque] Complexio .

Ita ut annulos] Explicat , qua ratione facienda sit ea collatio , quid conferre quilibet quidque sibi retinere debeat .

Hanc

Hanc unam] Hortatur Patres ad hujusmodi voluntariam Collationem ex præfenti necessitate, addita spe recuperandi omnia, ubi Resp. respirasset.

Annulos] Annulos habebant omnes ex Senatorio, & ex Equestri ordine; bulla verò erat insigne puerorum prætextatorum, quam filii eorum ferebant, qui equo meruissent, & erat plerumque aurea.

Libras pondo] Iis, qui curulem Magistratum gesserant, duas permittit libras auri, & argenti, ut patella, & salino aureo, aut argenteo in privatis sacrificiis uti possent.

Sententiæ.

Qui honore præstat, debet ad omnia subeunda Dux esse, quæ dura, atque aspera sunt.

Resp. incolumis & privatas res facillè salvas præstat.

ORATIONIS CIV.

P. Scipionis ad exercitum Hispaniæ

Argumentum.

P. Scipio missus in Hispaniam, cæsis Patre, & Patruo, veteres milites alloquitur, & ad benè de se Imperatore, totoque bello sperandum hortatur.

Loci communes ab *antecedentibus*, ab *adjunctis*, & ab *enumeratione*.

Motus, *Confidentia*. Mores *impigri Ducis*.

Quatuor sunt partes, *Exordium*, *Propositio*, *Contentio*, & *Peroratio*.

Nemo] In *Exordio* sibi benevolentiam conciliat referens Militum merita, tum in Sci-

piones Patrem, & Patruum, tùm in Remp.

Arist. l. 2. c. 4. t. 27.

Sed cum jam] *Propositio*, qua docet sibi esse in animo non solum defendere Romanas Provincias, sed ex omni etiam Hispania pellere Carthaginenses. *l. 3. c. 14. t. 101.*

Adversæ] Sed cùm duæ res tam audax consilium maximè dissuaderent, acceptæ paulò antè clades, & suamet Adolescentia; utriusque Scipio satisfacit, & imprimis quoad clades acceptas ita respondet ab *antecedentibus*:

Qualis hætenus fuit fortuna Reip. talis futura est.

Sed post multas acceptas clades sæpè antea vicimus.

Ergo & nunc in Hispania vincemus.

Adversæ pugnae] *Propositionis* approbatio à suamet *confidentia*, quem tamen mæerere luctu oporteret, ex *Arist. l. 2. c. 3. t. 37.*

Eo fato] *Assumptio*.

Vetera] *Assumptionis* approbatio ab exemplis conglobatis, quibus Clades omnes aperiunt in hoc bello acceptas, & mutatam deinde fortunam.

Quid igitur] *Complexio*, quam ut magis urgeat, repetit quod & suprà innuerat, principium rerum secundarum ortum ab exercitu Hispano.

Nuper quoque] Transit ad alteram partem, & adolescentiæ suæ percussæ etiam domesticis cladibus opponit certa argumenta divini auxilii, hoc modo:

Ii confidere debent, quibus Dii auxilio futuri sunt.

Sed auguria, auspicia, & præfaga mensæ portendunt mihi in Hispania victoriam.

Ergo confidere maximè debemus.

Propositio pendet ab *Arist. l. 2. c. 3. t. 60.* & amplificatur *assumptio*.

Centuriis omnibus] Adverte imperia extra ordinem fuisse demandata Tributis Comitibus, mittendo autem in Hispaniam Proconsule habita tunc fuisse contra veterem consuetudinem Comitibus Centuriata, quod ea res maximi momenti esse videretur; videas Quæst. de Prov. Rom.

Quod mens] Idem quoque confirmat ab *adjunctis* hostium:

Hostes, qui socios habent infidos, & inter se discrepant, facile vinci possunt.

Tales sunt Carthaginenses in Hispania.

Ergo eos facile vincere possumus.

Vexati] *Assumptio*

Eadem in illos] *Propositionis* approbatio à *Pari*, nam & Romani victi sunt, quod ab iis defecissent Celtiberi, & Duces exercitus divisissent.

Nec discordia] Alia approbatio *Propositionis* quoad secundam partem à *causis*, discordia scilicet intestina

Vos modo] *Peroratio*, qua milites sibi conciliat per memoriam Scipionis patris, inflammat autem tum recordatione rerum antea egregie gestarum, tum spe futuræ victoriæ, suæque ipsius virtutis, ut se non corpore solum, sed animo etiam similem Patri filium ostendat. l. 3. c. 19. t. 163.

Sententia.

Multis eo fato donata sors est, ut multis bellis victi vicerint.

Una virtus Pop. Rom. strata omnia humi erexit, ac sustulit.

Orbitas, ac solitudo frangit animum.

Animus cuique suus maximus est vates.

O R A T I O N I S C V.

P. Scipionis ad Milites de oppugnanda
Carthagine

Argumentum.

AD obsidionem Novæ Carthaginis oblata
rerum magnarum spe ita P. Scipio mili-
tum animos inflammat.

Loci communes à *consequentibus*, & ab
adjunctis.

Motus, *Spes*. Mores prudentis Ducis.

[*Ad urbem*] Attingit in principio universa-
lem *propositionem*, quam deinde probat unico
syllogismo ab *effectis*, seu *consequentibus*, tali
ratione :

In illius Urbis obsidione toti esse debe-
mus, quæ maximas utilitates, & op-
portunitates importat.

Sed capta Carthago maximas habebit u-
tilitates, & opportunitates.

Ergo in ea obsidenda toti esse debemus.

[*Oppugnabitis*] *Assumptionis* approbatio quoad
ad primam partem; in ea enim Urbe erant
obsides totius Hispaniæ, pecunia omnis pu-
blica, & belli apparatus.

[*Is magis*] Hoc est, ille magis oppugnatio-
nem ipsam considerat, quam emolumenta ex
ea oppugnatione consecutura.

[*Potiemur*] *Assumptionis* approbatio quoad
alteram partem, ostenditque Carthaginem
opportunissimam esse ab *adjunctis*, à portu
scilicet, & situ.

[*Sed quoniam*] *Conclusio*, quæ in Argumen-
to locum habet *complexionis*.

Sententiæ.

Capta Urbe situ opportuna , universa
capitur regio .

Nervi belli sunt commeatus , arma , pec-
cuniæ .

O R A T I O N I S C V I .

P. Scipionis ad Allucium Hispanum

Argumentum .

CUm Scipio Celtiberorum Principi Allucio
pulcherrimam Sponsam restitueret , tum
suam illi benevolentiam ostendit , tum illius
sibi conciliat .

Loci communes à *comparatione* , & ab
effectis .

Motus , amor . Mores pudici Juvenis .

Juvenis] *Insinuatio* ab avertenda verecun-
dia , nam inter Juvenes sermo de amore maxi-
mè pudico nullam parit Verecundiam .

Ego] Duo igitur affert argumenta suæ in
Allucium *Benevolentiae* , quòd ejus amorì fa-
veat , & quòd sponsam intactam restituat .
Primum sic explicat à *pari* :

Si ego Sponsam impensius amarem , ve-
niam mihi dari vellem .

Ergo & tibi Sponsam amanti favere de-
beo . *Arist. l.2.c.4.t.26.*

Et non resp.] Dat rationem , cur amore
Sponsæ non teneatur , ne sine causa videatur
dissimilis Allucio ; *loc.cit. tex.30.*

Fuit sponsa] Alterum *Benevolentiae* Scipio-
nis in Allucium argumentum , cum pulcher-
rimam Sponsam restituat intactam .

Hanc Mercedem] In secunda *Oratio-*

H s nis

nis parte eum hortatur , ut Pop. Rom. amicus
esse velit , & ita primum à *causis* .

Amicus esse debes Viris bonis . *Arist. l. 2.*

c. 4. t. 29.

Tales plerumque sunt Romani .

Ergo illis esse debes amicus .

Et si me] *Assumptionis* approbatio ab *exem-*
plis sui , Patris , & Patruī .

Nec ullum] Idem confirmat ab *effectis* :

Illis amicus esse debes , qui & hostes ma-
ximè lædere , & amicis maximè prod-
esse possunt ; ex *Arist. cap. cit.*

Sed Romani si sint hostes , maximè læde-
re possunt , si amici , maximè prodesse :

Ergo illis amicus esse debes .

Capta Carthago , & beneficium Sponsæ re-
stitutæ comprobant *assumptionem* .

Sententiæ .

Pudicitia res Sancta est .

Inter Juvenes sermonis de amore recto
& legitimo nulla est verecundia .

Venia danda est Juveni Sponsam impem-
sius amanti .

Ex Dec. 3. Lib. 7.

ORATIONIS CVII.

Latinorum Militiam detrectantium

Argumentum .

POpuli Latini nominis irati maximè ob-
transportatos in Siciliam suos Milites , ita
majus , quàm ferre possint , impositum sibi
onus queruntur .

Loci communes à *causis* .

Me-

Motus, *Ira*. Mores *hominum desperantium*.

Decimum] à *causis* conglobatis suam ostendunt miserrimam esse condicionem, suosque cives vel acie, vel morbo omnes absumi.

Magis perire] Per invidiosam *comparationem* Romanorum injuriam amplificant, quòd in Siciliam reliquias Cannensis Cladis transportari voluerint.

Si veteres] Itaque ex supradictis tali pacto concludunt:

Si veteres milites non redeant, novi legantur, brevi nemo nostrum supererit.

Sed ita fit. Ergo brevi nemo supererit.

Arist. l. 2. c. 2. t. 12.

Itaque] *Adhortatio* ipsa duplici nititur argumento, à *neccessario*, & ab *utili*; si enim dent Romanis milites, & pecunias, inevitabilis est summa egestas, & solitudo; si negent, quamprimùm pax fiet.

Sententia.

Si veteres milites non redeant in Patriam, novi legantur, brevi nemo supererit.

ORATIONIS CVIII.

Consulum ad Populos Latini nominis

Argumentum.

Consules castigando, increpandoque ita eos Populos à sententia negandi Romanis auxilia deterrent.

Loci communes à *Comparatione*, à *Simili*, & à *Dissimili*.

Motus, *Pudor*. Mores *Virorum Prudentium*.

*Eos ausos] Imprimis eos increpant à compa-
ratione :*

Turpe est , ea vos dicere Consulibus ,
quæ Consules non audeant dicere Se-
natui .

Sed nos Consules non audemus hæc Se-
natui referre .

Ergo turpe est , ea vos dixisse Consulibus .

Non enim] Assumptionis approbatio .

Redirent] Secundo à dissimili :

Tarentini , & Campani hæc fecerunt .

Sed Vos estis Romani .

Ergo debetis his contraria facere .

Inde oriundos] Tertiò à simili :

Vos debetis ea Romæ præstare , quæ Li-
beri Parentibus .

Sed turpe est à Liberis deferri Parentes .

Ergo turpe est à vobis deferri Romanos .

Inde oriundos] Propositionis approbatio .

*Consulerent] Quamobrem hortatur , ut de
integro consulant , ne & ipsi Romanum im-
perium Annibali hosti prodant .*

Sententie .

Detrectatio munerum militiæ aperta sæ-
pè defectio est .

Coloni ea suis debent , quæ Liberi Pa-
rentibus .

O R A T I O N I S C I X.

M. Marcelli milites increpantis

Argumentum.

Milites ab Annibale prælio victos, & in castra pulsos hisce verbis Marcellus castigat.

Loci communes ab *antecedentibus*, & ab *effectis*.

Motus, *Verecundia*. Mores *irati Ducis*.

Partes sunt tres, *Exordium*, *Contentio*, & *Conclusio*.

Diis] *Exordium* habet vehementem militum increpationem, & invidiosa illa gratiarum actione ostendit, solo Deorum auxilio servata fuisse Castra, quæ ipsi per ignaviam prodidissent.

Qui pavor] Arguit igitur ita ab *antecedentibus*:

Turpe est vinci ab hostibus toties victis.
l. 1. c. 9. t. 161.

Sed toties à vobis victi sunt Pœni.

Ergo ab iis vos modò vinci, turpe est.

Nempe iidem] *Assumptionis* approbatio ab enumeratione rerum prosperè adversus Annibalem gestarum tum priore æstate, tum per eos dies, & hesterno maximè prælio.

Quid hæc non] *Propositio* confirmatur ex eo, quòd iidem essent hostes, non numero aucti. Unde concludit suos increpans, Romanos non esse eosdem, & qui fortissimi antea fuerant, ignavissimos factos.

Non adhuc] Sic deinde ab *effectis*:

Illud est turpe Romanis, unde novum decus oritur hosti: videtur desumptum
ex Arist. l. 1. c. 6. t. 77.

Sed

Sed ex hac vestra fuga novum decus Annibali oritur .

Ergo Vobis turpè hoc est .

Probatque *Assumptionem*, quia cæsæ Romanæ legiones sæpè antea gloriæ Annibali pepererant , fugatæ nunquam ante eum diem .

Ego vero] Precantibus Militibus , ut veniam daret , respondet se tum daturum veniam , si crastina die vicissent ; & hoc modo concludit .

Sententiæ .

Sæpè eodem terrore deseruntur Castra , quò pugna omittitur .

Fortes Milites veniam pavoris impetrare debent victores potius , quàm victi .

ORATIONIS CX.

Cl. Neronis ad Milites

Argumentum .

CL. Nero relicto hoste Annibale , & in auxilium Collegæ contra Asdrubalem cum sex millibus profectus consilium suum Militibus detegit .

Loci communes à *Consequentibus* , & ab *Adjunctis* .

Motus , *Confidentia* . Mores *impigri Ducis* .

Negat] Sic igitur detegendo consilium non minus tutum , quàm audax suorum animos inflammat à *consequentibus* :

Illud consilium alacriter suscipiendum est , ex quo certa victoria pendet .

Sed ex hoc consilio certa pendet Victoria .

Ergo suscipiendum alacriter est .

Quippe] *Assumptionis* approbatio ; cum enim

nim magnus, & optimè instructus Collegæ exercitus satis esse per se videatur ad obtinendam victoriam, multò erit certior, si aliquid addatur virium cum altero Consule, quod formidini futurum erat hostibus in ipsa acie, ex *Arist. l. 2. c. 5. t. 59.*

Famam] Explicat alterum, quo confirmabatur *Assumptio*, adventum scilicet alterius Consulis maximum hostibus pavorem allaturum, à *Causis. l. 2. c. 5. t. 41.*

Gloriæ] Probat autem, ipsos magna ex parte participes tantæ Gloriæ futuros, tali pacto:
Iis plerumque victoria ascribitur, qui ultimi adveniunt.

Ergo victoria magna ex parte nobis accepta referetur.

Gloriæ] *Complexio.*

Semper] *Antecedens.*

Cernere] *Antecedentis* approbatio ab *adjunctis*, nam si tantus hominum favor est euntibus nobis ad prælium, quantus erit redeuntibus post victoriam?

Sententiæ.

Fama bellum conficit, & parva momenta in spem, metumque impellunt animos.

Semper quod postremum adjectum sit, id rem totam videtur traxisse.

Ex Dec. 3. Lib. 8.

ORATIONIS CXI

P. Scipionis ad seditiosos Milites

Argumentum.

Milites Romani ad Sucronem relictī, nuntiata falsò Scipionis morte, multa seditiosè fecerant, quos Carthaginem revocatus Imperator, ubi valere cœpit, hisce verbis castigat.

Loci communes ab *Adjunctis*, à *Causis*, à *Comparatione*, & ab *Effectis*.

Motus *Pudor*, & *Metus*. Mores *Clementis* simul & *severi Ducis*.

Dividitur in tres partes, *Exordium*, *Contentionem*, & *Conclusionem*.

Nunquam] In *exordio* rei atrocitatem attingens *verecundiam* movet, ex *Arist. l. 2. c. 6. t. 68.* adeò enim fœdè peccaverant, ut ipse solitus verba sæpè facere militibus, ignoraret, quorum nomine appellandi forent.

Quid enim vos] Illud in *contentione* semper agit, ut & crimen amplifcet, & vulgus militum, transferendo culpam in auctores, à noxa liberet, quod facit imprimis à *comparatione*:

Magna pœna *Ilergetes*, & *Lacetani* rebelles digni sunt.

Sed vestra culpa major est.

Ergo vos digni majori pœna.

Assumptionem confirmat à diversis defectio-
nis, & seditio-*nis* auctoribus.

Negate vos] Negare factum jubet, & in paucos culpam transferre, ne omnium piacu-

lo , si peccatum omnes fateantur , expiare tantum scelus cogatur ; ubi per pulcherrimam Allegoriam dolorem suum aperit de hisce rebus locuturus .

Equidem] Secundò ab *adjunctis* suæmet integritatis :

Hi milites fœdissimè peccarunt , qui suum Ducem benemeritum , & innoxium pessimè oderunt .

Vos me pessimè odistis talem Ducem .
Ergo .

Equidem] Probat *assumptionem* à Beneficiis non in suos tantum , & socios , sed etiam in hostes collatis ; se scilicet Ducem esse benemeritum , & innoxium .

In castris] Altera pars *assumptionis* .

Non quod] Excusat militum vulgus egregia usus similitudine à maris mobilitate , cum ventis agitur ; mari milites , ventis seditionis auctores assimilat , & ab ingenuitate sua conjecturam desumit .

Vos contagione] Ut in morbo nimirum pestifero ex contactu multi pereunt , ita vos paucorum scelus contagione quadam corripuit .

Quin mihi] Tertiò ab *effectis* conglobatis , ubi se præterit per modestiam ; sic igitur argumentatur :

Hi maximo crimini obnoxii sunt , qui peccarunt in Patriam , & in Deos , auspicia , disciplinam , & majestatem Imperii violantes .

Tales Vos estis . Ergo maximo crimini obnoxii .

Quin mihi] *Assumptio* .

De me] Seipse præterit per modestiam , quod tamen Argumentum suprà tractavit .

Patria] *Assumptionis* approbatio quoad Patriam .

Quid Pop. Rom.] Eadem approbatio quoad cæ-

cætera , nam eo ipso , quòd Tribunos amoverant , Deos Sacramenti testes , auspicia , disciplinam , & imperii majestatem violaverant ; hujus autem rei atrocitatem multifariam amplificat .

Cum eo ipso] Primo ab humilitate generis eorum , quos sibi Duces elegerant .

In prætorio] Secundò ab adjunctis dignitatis Imperatoriæ .

Lapides] Tertiò à *Comparatione* , & ait hoc fuisse portentum omnium maximum , & inexpliabile ; & hìc demùm tertium Argumentum concluditur .

Atque ego] Quartò arguit à *comparatione imparium* :

Legio , quæ Rhegium occupaverat , Romæ in foro securi percussa est .

Sed vestra perfidia major fuit .

Ergo vos multò majori pœna digni estis .

Rhegium] *Propositio* .

Sed illi] Confirmat *assumptionem* tripliciter .
1. comparando Duces inter se , & Atrii nomen abominandum dicit , quòd videlicet atrum aliquid , atque adeò abominandum portendere videretur .

Nec cum Pyrrho] 2. comparando scelera , quòd Rhegina Legio cum nullo hoste conficiasset consilia , ut ipsi cum Mandonio , & Indibili .

Illi , sicut] 3. comparando fines , nam illi Rhegium occupaverant , ut eam pro Patria Urbem haberent alios quosdam Populos imitati , at vos certè Sucrone domicilium habituri non eratis .

Viam consilii] Quinto utitur Argumento à dementia Consilii , & locus esse videtur à causa finali , tali pacto :

Stultum est putare , octo millia hominum posse eripere Hispaniam Pop. Rom.

Sed

Sed vos totidem numero hoc cogitastis.

Ergo stulto omnino consilio usi fuistis.

Assumptio satis patet ex remotione finis habendæ pro domicilio Sucronis.

Mene vivo] Propositionis approbatio à *comparatione* Ducum, & exercituum.

Amolior] Probat, etiamsi ipse mortuus esset, stultum tamen id fuisse cogitare. Sed datur, inquit, hæc venia, nihil vos sceleratè contra me cogitasse, & ex falsa mortis meæ opinione natam fuisse seditionem.

Quid?] Hoc alterum primo nititur argumento à *Causa formali*:

Urbs in æternum condita Diis auctoribus non est æqualis mortali corpori.

Talis est Roma.

Ergo, licet ego periissem, adhuc Romæ imperium stetisset.

Quid? si] *Complexio*.

Ne istud] *Propositio*.

Flaminio] Secundò ab *antecedentibus*.

Tot Consulibus, & Consularibus hoc bello interemptis, superstes est Romanus Populus;

Ergo me quoque mortuo superstes fuisset.

Vos ipsi] Tertiò ab *exemplo* recens servatæ Scipionibus interfectis Hispaniæ duce Martio.

Et sic loquor] Quartò, quòd multi adessent, qui suas vices explere potuissent, Silanus, L. Scipio, C. Lælius.

Quibus si] Quintò à *causa finali*:

Etiam me mortuo tulissetis arma pro Pœnis in Patriam.

Sed hoc cogitare stulti est hominis, & scelerati.

Ergo vos stultè, & sceleratè cogitastis.

Armata tamen] *Assumptio*.

Coriolanum] *Assumptionis* approbatio ab *exemplo dissimili*.

Insanistis] *Complexio* universalis ultimi huius Argumenti , quæ nascitur ex quinque illis rationibus suprà allatis .

Horret] *Conclusio* , & tertia pars Orationis , qua silentio tegi oportere tam infanda dicit , si non auferri penitus oblivione .

Non negaverim] *Prolepsis* cuidam occurrit ; quare enim quæ tegenda dicat silentio , ea tam atrociter exprobrat ? Respondet igitur à *comparatione* :

Atrociora sunt vestra facta , quàm mea dicta .

Ergo si pati ego debui atrocitatem vestri sceleris , vos quoque atrocitatem orationis meæ æquè ferre debetis .

Sed ne ea] Deinde satisfacit pollicendo , se nunquam imposterum exprobraturum .

Itaque] Ultimò addit , se illorum quidem pœnitentia contentum esse ; auctores verò seditionis debere suomet sanguine luere tantum scelus , quam justissimam paucorum pœnam ut læti probent , hortatur .

Sententiæ .

Res potius , quàm verba exercenda .

Vitia , sicut vulnera , nisi tacta , tractataque sanari non possunt .

Quid Principem vita iuvet invisa omnibus ?

Multitudo omnis , sicut natura maris , per se immobilis est ; ut venti , & auræ cient , aut tranquilli , aut procellosi .

Seditionis culpa penes auctores est , ceteri contagione insaniunt .

ORATIONIS CXII.

Saguntinorum in Senatu Romano

Argumentum.

Saguntini post receptam Hispaniam restituti, & agris Turdetanorum aucti, decem Legatos Romam misere, qui gratias Senatui agerent pro beneficiis acceptis, & donum coronam auream in Capitolium ferrent.

Loci communes ab *effectis*, & ab *adjunctis*.

Motus, *Amor*. Mores hominum beneficii memorum.

Tres sunt partes, *Insinuatio*, *Contentio*; & *Peroratio*.

Etsi] *Insinuatio* sumitur à mutua *Benevolentia*, & *Fide* tum sua in Romanos, tum deinde Romanorum in seipsos.

Bellum] Ea, quæ Saguntini passi fuerant pro Rom. Rep. omittunt, ne videantur exprobrare, ex *Arist. l.2. c.4. t.46*. Romanos optime de Saguntinis meritos ita ostendunt ab *effectis*:

Qui pro nobis bellum susceperunt, gesseruntque summo cum periculo, & misere in Hispaniam, qui beneficiis cumulatōs restituerent in Patriam, benemeriti sunt.

Tales se præstiterunt in nos Romani. Ergo de nobis benemeriti sunt.

Bellum] *Assumptionis* prima pars.

Cum in Italia] Altera pars *assumptionis* amplificata ab *adjunctis* hostium in Italia tunc temporis existentium.

P. & En.] Enumeratio beneficiorum, quæ ab Hispaniæ Proconsulibus collata fuerant in Sa-

Sa-

Saguntinos . *Arist. lib. 2. cap. 4.*

Ob hæc] Peroratio habet gratiarum actionem , & gratulationem ob res benè gestas tum in Hispania , tum etiam in Italia , & oblationem coronæ aureæ ; precanturque , ut Imperatorum acta Senatus confirmet .

Sententiæ .

Nullum officium referenda gratia magis necessarium .

Vestigalia ex hostium agro non tam fructu jucunda sunt , quam ultione .

O R A T I O N I S CXIII.

Q. Fabii de Scipionis in Africam expeditione

Argumentum .

CUM apertè ferret Scipio Consul , nisi decerneret Senatus Provinciam Africam , se id per Populum acturum , interrogatus sententiam Q. Fabius non transportandum exercitum in Africam ita censuit .

Loci communes ab *Adjunctis* , à *Causis* , ab *Antecedentibus* , à *Comparatione* .

Motus , *Timor* . Mores *cauti* , & *prudenter Senatoris* .

Partes sunt quatuor , *Exordium* , *Confutatio* , *Contentio* , & *Peroratio* .

Scio multis] Exordium habet invidiosam *Prolepsin* , quasi frustrà id in Senatu dissuadeat , quod nisi obtineat à Patribus , impetraturus sit Consul à Populo .

Ego autem] Respondet augendo invidiam , & accusat arrogantiae Scipionem , sive certam habeat Provinciam Africam , quam neque
Sc-

Senatus decreverit, neque Populus extra ordinem dederit, sive, cum certam habeat, per ludibrium Senatus referat de re jam transacta.

Atque ego] In secunda parte duplici occurrit suspicioni, cunctationis sibi insitæ, & invidiæ in gloriam Scipionis.

Quam metum] Primæ breviter satisfacit ab effectis:

Illud est magis probandum, quod est magis utile.

Sed mea Cunctatio fuit Reip. utilior, quàm aliorum ferocia.

Ergo mea cunctatio magis probanda est, quàm ferocia aliorum.

A qua suspicione] Secundæ suspicioni satisfacit primò à causis:

Homo perfunctus omnibus honoribus, & provectæ ætatis non invidet Juveni.

Sed ego omnibus honoribus perfunctus provectæ ætatis sum.

Ergo non invideo Scipioni admodum Juveni.

A qua] *Propositio*, quæ pendet ex dictis ab *Arist. l. 2. c. 10. t. 104. & cap. 11. t. 110.*

Me Dictatorem] Secundo respondet ab antecedentibus:

Qui Dictator tulit sine indignatione injustum honorem Mag. Equit. perfunctus honoribus non æmulabitur gloriam Adolescentis.

Sed ego Dictator illud præstiti. Ergo.

Propositio patet ex *Arist. l. 2. c. 9. t. 101. Assumptio* amplificatur ab *adjunctis*, & à felici exitu.

Nedum ego] *Complexio*, & Scipionem vocat adolescentem florentissimum, admodum scilicet Adolescentem.

Videlicet] Tertiò à causa finali;

Illud hominēs æmulantur , quod sperant
se posse consequi .

Sed ego non spero Provinciam Africam .

Ergo non possum æmulari Scipioni eam
sibi petenti .

Propositio habetur apud *Arist. lib. 2. cap. 11.*

tex. 110.

Videlicet] *Assumptio* cum Ironia , quam
confirmat tum à sua senectute , tum etiam à
gloria antè parta .

Illud te] *Transit ad Confirmationem* , in qua
expeditionem Scipionis in Africam dissuadet ;
veniam autem à Scipione petit , non quòd ad-
versarium magni faceret , sed ut ostendat
se Reipub. causa hanc dissuasionem suscepisse .
Sumit igitur argumenta ab *honesto* , ab *utili*
& à *facili* .

Quamquam] *Honestatem* sic attingit ab
Effectis :

Illud optare debes , quod tibi maximam
gloriæ futurum est ; *l. 1. c. 7. t. 116.*

Sed pulsus ex Italia Annibal erit tibi ma-
ximæ gloriæ .

Ergo ut ex Italia pellas Annibalem , ma-
gnoperè debes contendere .

Cum vero] *Assumptionis* approbatio ab *ad-
iunctis* hostis , & belli .

Et sicut] *Confirmatur eadem Assumptio*
Comparatione :

Perpetratum primum bellum Punicum
fuit Lutatius magnæ gloriæ .

Sed hostis hic est major , & majus bellum

Ergo si tu huic bello finem dederis , tua
gloria major erit , quàm Lutatii .

Nisi aut] *Assumptio* hujus Syllogismi .

Ab drepano] Ejusdem approbatio ab *Effectis* .

Ne tu quidem] Alia utitur *comparatione* ad
primam illam *Assumptionem* confirmandam .

Pul-

Pulsus ab Hispania hostis magnæ tibi est gloriæ.

Ergo pulsus ab Italia hostis Annibal multò majoris.

Nondum] Occurrit *prolepsi* cuidam, docetque adeò viribus vigentem adhuc esse Annibalem, ut qui talem hostem declinet, timere eum, non contemnere videatur, l. 2. c. 5. r. 41. sicque timoris Scipionem insimulat.

Quin igitur] *Complexio* illius Syllogismi, qui ducebatur ab *Effectis*; debes igitur magnoperè contendere, ut ex Italia pellas Annibalem.

Egregiam] Deinde arguit ab *utili*, tali ratione:

Utilius est alium oppugnare, cùm tu ipse in tuto es, quàm cùm adhuc times.

Ergo utilius erit Africam invadere, ubi Italiam metu liberaveris.

Et natura] *Antecedens*.

Pax ante] *Complexio*, quam illustrat, ostendens, maiorem futuram gloriam in liberanda Italia, quàm in oppugnanda Africa, idque facit à *Consequentibus*.

Nam nunc quidem] Tertio loco rei difficultatem pertractat à *Causis*, hoc est ab inopia ærarii, & à periculi magnitudine. Sed cùm de ærarii inopia constaret apud omnes, periculum multifariam amplificat.

P. Licinius] 1. ab *Antecedentibus*, & per *Comparisonem Minorum*:

Cùm Annibal ad Urbem accessit, obsessa Capua, in magno periculo fuimus.

Sed tunc ab obsidione revocavimus Fulvium, te ex Africa non poterimus.

Ergo, si te absente rursus accedat, in majori periculo erimus.

Quid quod in] 2. ab incerto bellorum exitu; idque confirmat Scipionum exemplo,

Tom. V.

I

qui

qui in Hispania post multas res benè gestas cæsi fuerant.

Athenienses] Atheniensium deinde exemplo, qui afflicti bello Peloponnesiaco auctore Alcibiade classem in Siciliam transmiserant; & Atilii Reguli, qui primo bello Punico captus fuerat. *Arist. l. 2. c. 5. t. 51.*

Næ tibi] 3. à *Diffimili*, hoc modo:

In Hispania, ubi victor fuisti, multa victoriæ tuæ favebant.

Sed in Africa omnia erunt adversa.

Ergo maximum periculum est gerere in Africa bellum.

Pacato mari] *Propositionem* probat ab *Adjunctis* portus, Sociorum, exercitus, Ducis Martii, & socordiae hostium, quæ omnia victoriam facilem fecerunt.

Nullo tamen modo] *Assumptionis* approbatio pariter ab *Adjunctis*.

An syphaci] 4. per responsionem ad quamdam prolepsin de fœdere icto cum Syphace, quod maximè confidentem Scipionem faciebat; eam igitur unam spem eludit.

Satisfit] Primò reprehendens Scipionem, quòd semel crediderit se Numidis.

Non hostes] Secundò à *Pari*, ab exemplis scilicet Scipionum, qui à Celtiberis sociis circumventi sunt, & ipsius Consulis, à quo infidem accepti defecerant.

Numidis tu] Tertiò à *Comparisonem* Majorum:

Milites à te defecerunt in Hispania.

Ergo multò magis in Africa socii Numidæ à te deficient.

Et syphax] Ultimò à *Causa finali*, quia Numidæ ineunt societatem cum Romanis, non ut Romanos Pœnis potentiores videant, sed ut ipsi in Africa imperent.

Aliter] Postquam satisfecit prolepsin de fœde-

foedere isto cum Numidis, urget nunc rursus
Argumentum à Dissimili, addita alia proba-
tione ab Adjunctis :

Alia est constantia pugnantium pro exte-
ris, alia, si pro Patria, & suis pu-
gnent.

Sed in Hispania pro exteris, in Africa pro
Patria, & suis Pœni pugnabunt.

Ergo multo magis in Africa bellum erit
periculosum, quàm in Hispania.

Quid porro] 5. arguit à Consequentibus :

Si novus exercitus in Italiam descendat,
in magno periculo erimus.

Sed descendet, si tu in Africam trajicias

Ergo in magno periculo futuri sumus.

Quid porro] Assumptio probatur ab ho-
tium potentia.

Aur magonem] Deinde ab opportunitate,
um existat prope Italiam cum Classe Ma-
o, unde augetur Metus ex Arist. lib. 2. c.
t. 40.

Nempe in eodem] Tandem à simili exemplo,
bi & Scipionem castigat :

Te victore in Hispania Asdrubal Dux in-
de venit in Italiam.

Ergo, te etiam victore in Africa, pote-
rit Dux alius in Italiam venire.

Patere] 6. maximum periculum gerendi
bellum in Africa ostendit ab Adjunctis, præ-
misso tamen de virtute Scipionis encomio :

Tàm in Italia, quàm in Africa dux belli
est Annibal.

Sed validior erit Annibal in Africa,
quàm in Italia.

Ergo in Africa bellum gerere magis est
periculosum.

Non potes] Propositionis approbatio à con-
fessione Adversarii.

Sive igitur] Propositio ipsa.

Utrum ergo] *Assumptio* confirmatur à *Contrariis*, quòd infirmiores futuri sint Romanorum Duces divisis exercitibus, adeòque validior Annibal; illud autem ostendit à recentiori exemplo dissimili Livii, & Claudii.

Quid? *Annibalem*] Deinde comprobatur eadem *Assumptio* ab *Adjunctis*.

Quod istuc] *Complexio*; in Africa bellum gerere periculosum esse, adeòque potius Italia cum Annibale, & Pœnis esse confligendum.

Quam compar] *Peroratio* bimembris, quæ hortatur tum Scipionem, ut Patrem imitatus in Italia potius occurrat Annibali, quam aliò transferat bellum; tum Patres, ut Consules, & exercitus ad custodiam Urbis, & Italiae retineant.

Regio more] Sicut in principio, sic in fine Orationis arrogantiae Scipionem insimulat, qui regio more ipse sibi Provincias designare non expectato Senatus decreto, aut Rogatione Populi.

Sententiae.

Qui de re transacta simulat se referre, naturam ludibrio habet.

Non specie, sed usu salutaria consilia probanda sunt.

Gloriae, vitaeque satur non movetur avaritia.

Nunquam pluris fama hominum, quam Resp. facienda.

Hoc natura prius est, tua cum defensoris, aliena ire oppugnatum.

Non semper temeritas est felix.

Fraus Fidem in parvis sibi praestruit, cum operæ pretium sit, cum mercede magna fallat.

Æmulatio est causa certaminum.

Ad commune restringendum incendium
concurrendum.

ORATIONIS CXIV.

P. Scipionis de sua in Africam expeditione

Argumentum.

P Scipio Orationi Fabii respondet, suam-
que in Africam expeditionem tum uti-
em, tum necessariam Reip. esse ostendit.

Loci communes à *Causis*, ab *Antecedentibus*, & *Consequentibus*, & ab *Adjunctis*.

Motus, *Confidentia*. Mores *magnanimi Ducis*.

Partes sunt tres, *Exordium*, *Contentio*, &
Peroratio.

Et ipse] Se non defendit à crimine *Arrogantiae*, quod negare non poterat; neque *Cunctationis* Fabium insimulat, quam nemo vir sapiens objiceret: suspicionem invidiae auget à purgatione ejusdem Fabii, tali ratione, ut & se ipse statim in exordio modestum præbeat, & malignitatis Adversarium arguat.

Qui se purgare non potest, culpæ est obnoxius.

Sed Fabius à suspicionem invidiae se non purgavit.

Ergo invidiae obnoxius est.

Quam quod] *Assumptio*; & per modestiam dubitare videtur, idne contigerit, quod veritatem occultare non potuerit, an quod nescierit rem benè dicendo explicare.

Sic enim] *Assumptionis* approbatio, & quoad honores ita à *Causis* respondet:

Qui summum attingit gloriæ apicem, invidet illi, qui eodem tendit.

Sed ego tendo ad gloriæ fastigium, quæ
 pervenit Fabius.

Ergo Fabius potest mihi invidere.

Propositio pendet ab *Arist. l. 2. c. 10. t. 107.*
Assumptio amplificatur.

Sic senem] Quoad ætatem sic eadem fer-
 ratione.

Unusquisque illis etiam invidet, quod
 aliquando futuros sibi pares censet
l. 2. c. 10. t. 107.

Sed ego aliquando futurus sum Fabio
 par.

Ergo potest senex Fabius mihi adolescentem
 invidere.

Tanquam non] *Propositionem* explicat ab
 infinita gloriæ cupiditate.

Equidem] *Assumptio*.

Illud] Hortatur itaque Fabium, ne sibi in-
 videat; hæc enim invidia non singulis modis
 hominibus, sed etiam Reip. detrimento est.

Commemoravit] In *Contentione* refellit sta-
 tim argumentum ex periculo trajiciendi in
 Africam desumptum, & hoc utitur Syllogis-
 mo à *Comparatione*.

Qui mihi non timuit proficiscenti in His-
 paniam, non debet esse de me solici-
 tus trajiciente in Africam.

Sed nemo tunc de me fuit sollicitus.

Ergo neque modò esse debet.

Cum pater] *Propositionem* amplificat, o-
 stendens ab *Adjunctis*, quantum fuerit pericu-
 lum tunc temporis adeundæ Hispaniæ, & ea
 omnia comparans cum iis, quæ in bello Afri-
 cano ait futura multò minora.

Facile est] Per ironiam castigat Fabium,
 qui res à se prosperè in Hispania gestas eleva-
 verat, additque fore aliquando, ut qui nunc
 tantas relatas in Hispania victorias verbis de-
 primit, elevet etiam domitam Africam, ubi

ipse Scipio rem feliciter transegerit.

Negar aditum] Quoad difficultatem descendendi in Africam, respondet exemplo Atilii, quo usus fuerat Adversarius:

Atilius tutò descendit in Africam, & primo accessu felix fuit.

Ergo etiam mihi portus Africæ patebunt.

Nihil igitur] Exemplum Atilii confutat. 1. quia non à Pœnis, sed à vivo Lacedæmonio victus est. 2. quia non hoc bello, sed priori illud contigit. 3. quia eum non debet terrere Atilius captus, quem non moverunt Scipiones occisi, argumento à *Comparatione Majorum*. 4. à *Pari*, quia si unus Xantippus potuit servare Carthaginem, unus Scipio poterit Romam bello liberare.

At etiam] Atheniensibus opponit Agathoclem, & ipsum Annibalem.

Multum interest] Arguit deinde à *Causis* conglobatis, quòd plus animi sit aliena oppugnanti, quàm sua defendenti, inferenti, quàm propulsanti bellum, quòd facilius vinci Carthago possit, idque probat tali ratione:

Superabitur Carthago, si socios habeat infidos.

Sed deficient Socii à Carthaginensibus, si Romani trajiciant in Africam.

Ergo si Romani trajiciant in Africam, facilius Carthago superabitur.

Non speraverat] *Assumptionis* approbatio à *Comparatione*:

Multi Socii in Italia defecerunt à Romanis.

Ergo plures in Africa deficient à Pœnis superbis dominis.

Ad hæc] *Propositionis* approbatio, quia cum Carthagine Cives imbelles sint, deserti Pœni à sociis non poterunt, ut Romani, imperium retinere.

Hic modo] Vertit se ad Patres , eosque hortatur , ut trajiciendum decernant , oblata spe victoriæ celeris , allatisque rationibus , cur adeò confidat , *ex Arist. l.2.c.3. r. 57. & 60.*

Quorum ego] Cùm Fabius dixisset , non esse fidendum Numidis , respondet hic Scipio , ita se iis fidere , ut etiam caveat ab eorum perfidia .

Habebo] Objectioni de Annibale , quàm in Italia , quàm in Africa Dux belli , & hostium futurus erat , opponit argumentum ab *Utili* , *Effecta dissimilia* recensens :

Si in Italia vincatur Annibal , præmiū victoriæ erunt Semiruta Castella ; si in Africa , ipsa Carthago . Ergo utilius est eum vincere in Africa , quàm in Italia .

Ne quid] Nullum autem Romæ imminere ab Annibale periculum sic ostendit à *comparatione Majorum* :

Longè difficilior erat Annibalem victorē cohibere , quàm nunc penè fractum .

Sed tu eum victorem cohibuisti , ne Romanam occuparet .

Ergo idem præstare poterit Collega Licinius , fracto jam , & concusso Annibale .

Qui ne à sacris] Assignat rationem , cur , si decernatur Provincia Africa , eam sibi certam polliceatur , concedente nimirum Collega , quòd esset Pontifex Maximus , quem non necessariò , sed ut plurimum in Urbe , aut in Italia manere oportebat .

Si Hercule] Cùm Fabius contendisset , maximam sibi gloriam Scipionem consecuturum , si Annibalem exire Italia coegisset ; ipse contrarium probat , gloriosum futurum Pop. Rom. inferre Africæ bellum , à *Consequentibus* ; præclara est amplificatio , quam illustrat exemplo Annibalis , & prioris belli

Puni-

Punici , à contrariis etiam , & ab Effectis .

Quæ ad remp.] Peroratio , qua concludit , se nihil addere prætereà voluisse de rebus à se gestis in Hispania , quas Fabius elevaverat , ut modestiæ famam captaret : cùm tamen eas suprà satis amplificasset .

Sententiæ .

Longiùs , quàm quantum vitæ humanæ spatium est , cupiditas gloriæ extenditur .

In hominis unius virtute plurimum sæpè momenti est .

Multum interest alienos populere fines , an tuos uri , excindique videas .

Plus animi est inferenti periculum , quàm propulsi .

Barbarorum fidei ita innitaris oportet , ut veriturus perfidiam sis .

Id est Viri , & Ducis , non deesse fortunæ præbenti se , & oblata casu flectere ad consilium .

Ex Dec. 3. Lib. 9.

ORATIONIS CXV.

Locrensiū de injuriis Pleminii in Senatu

Argumentum .

L Ocrenses accusant in Senatu Q. Pleminium , qui Legatus Locris relictus à P. Scipione multa in eos Cives avarè , & crudeliter admiserat .

Loci communes ab Effectis , à Definitione , à comparatione , & ab Enumeratione .

Motus , *Misericordiae* . Mores hominum
in ultimis miseriis existentium .

Dividitur in tres partes , *Exordium* , *Con-*
ventionem , & *Perorationem* .

Scio] Ut promptiorem Senatui reddant
ad ulciscendas Pleminii injurias , benevolen-
tiam sibi conciliant avertendo culpam defe-
ctionis à consilio publico , cui meritum ascri-
bunt reditus in pristinam ditionem ; utrum-
que tamen omittunt in præsentia ostendere :
ob duplicem rationem , quam afferunt .

Non possumus] Amplificant igitur injurias
primò à *Comparatione* .

Durum est , nos majora passos à Roma-
nis , quàm à Pœnis .

Sed ita revera contigit . Ergo .

In discrimine] Hoc est , dubitant homines,
utrum vestrum sibi eligere debeant impe-
rium , an Punicum . Unde sic secundò à *Con-*
sequentibus :

Eas injurias ulcisci debetis , quæ vestro
imperio maximo detrimento sunt .

Sed injuriæ Pleminii in Locrenses vestro
imperio maximo sunt detrimento .

Ergo eas ulcisci debetis .

Assumptio confirmatur argumento à *Compa-*
ratione minorum .

Et tamen] Tertio ostendunt , se indignos
fuisse , qui ea paterentur à fide sua in Roma-
nos , hoc est ab *Effectis* ; *Arist. lib. 2. c. 8. t. 92.*

Q. Pleminius] Quarto à *Definitionibus* con-
globatis , describentes Pleminium .

Ac si scelus] Quintò ab *Effectis* :

Eum maxime ulcisci debetis , qui non
solum ipse sceleratus est , sed & alios
sceleratos fecit ; id patet ex *Arist. l. 1.*
c. 12. t. 225.

Talis est Pleminius . Ergo eum maxime
ulcisci debetis .

Ac si scelus] *Propositio* explicatur à *Contrariis*.

Nunc omnes] *Assumptio*.

Omnes rapiunt] *Assumptionis* approbatio *itidem ab Effectis*.

Nego] *Alia* approbatio ab *Enumerationè* omnium scelerum, quæ à *Pleminii* militibus in *Locrenses* admissa sunt, quam deinde illustrat.

Vix ratio] à *Comparatione minorum*, quæ ab hostibus passi sunt.

Unum est] *Ultimò* ad maximum omnium scelerum descendunt, violatam scilicet *Religionem*, & spoliatum *Proserpinæ* templum, quod argumentum ita pertractant:

Si quem Deum timere debetis, maxime *Proserpinam Locrensi*, l. 2. c. 5. v. 41.

Sed ejus templum spoliavit *Legatus vester*.

Ergo timere Deam iratam debetis, adeoque expiare tantum scelus.

Qui cum sicilia] *Propositionis* approbatio à *Pyrri* exemplo.

Hæc cum audisset] *Assumptio*, & augent scelus, quod prævisa ultione de *Pyrro* sumpta, tamen in Deam *Pleminius* peccaverit.

Quibus per] *Complexio*.

Quamquam] *Confirmatur eadem Propositio* per ea, quæ jam passi fuerant auctores sceleris ab irata Dea.

Majorem quondam] *Tandem* ex iis, quæ acciderant bello cum *Crotoniensibus*, ostendunt, quam seipsum Deæ numen defendat.

Nostras injurias] *Peroratio* duo habet, i. rogant *Senatum*, ut se à *Pleminii* crudelitate liberent, à quo majora patiantur,

quàm à Pœnis iratis , & à se desertis ferrent
2. postulant , ut citari jubeant ipsum Plem-
nium , & eo præsentem judicium haberi , quod
magis pateat , verane sint , quæ ipsi crimini
objecerint .

Sententiæ .

Dant animum ad loquendum liberè ultio-
mæ miserix .

Deus suas sedes , & templa aut defendit
aut à violatoribus gravia piacula exigit .

Ex Dec. 3. Lib. 10.

O R A T I O N I S CXVI.

Sophonisbæ ad victorem Masanissam

Argumentum .

Visto Syphace , Masanissa Cirtam occupatam
cui Regiam intranti occurrit in ipso vestibulo
Sophonisba , & ne Romanis dedatur ,
ita suppliciter orat .

Loci communes ab *Adjunctis* , & à com-
paratione .

Motus , *Misericordia* . Mores *Supplicis* .

Tres sunt partes , *Exordium* , *contentio*
& *conclusio* .

Omnia] Benevolentiam sibi Masanissæ conciliat , illius tum virtutem , tum fortunam laudans , quique Deos secundos habeat ; ex
Arist. lib. 2. cap. 4. s. 27.

Sed si] Precatur Masanissam , ut ipse potius
statuat de Sophonisba Captiva , quàm Romanis
dedat , precesque ita confirmat ab *Adjunctis* :

Supplicis Reginae , & uxoris Numidæ Re-
gis misereri debes .

Talis

Talis est Sophonisba, supplex, Regina,
& Regis Numidæ uxor.

Ergo illius misereri debes.

Propositio pendet ex Arist. l. 2. c. 8. t. 91. Assumptio amplificatur.

Si nihil aliud] Quò magis ad misericordiam Masanissam moveat, ut habetur *loco citato, tex. 83.* maximum sibi à Romanis malum imminere ostendit à *Comparatione*: Plus est à Romanis timendum Carthaginiensi, quàm Numidæ.

Sed mihi timendum esset à Romanis, licet Numidæ Regis Uxor tantum fuisset.

Ergo multò magis, quòd Carthaginiensis, & filia Asdrubalis sim.

Si nihil] *Assumptio.*

Quid carthaginiensi] *Complexio.*

Si nulla] *Conclusio*, qua petit, ut se à Romanorum arbitrio morte saltem liberet; ex qua animi constantia major oritur Misericordia, ut habetur apud *Arist. eodem libro, & capite, tex. 92.*

Sententiæ.

Subjectis parcendum est.

Mors turpitudini anteponenda.

ORATIONIS CXVII.

Scipionis ad Masanissam de
Sophonisba

Argumentum.

Masanissa, capta Cirta, Sophonisbam sibi Conjugem acceperat, quem proinde Scipio leniter castigat, hortaturque, ut eam

eam senatus arbitrio relinquat.

Loci communes *ab Effectis*, & à *Contrariis*.

Motus, *Verecundia*. Mores viri prudentis, & continentis.

Partes sunt tres, *Insinuatio*, *Contentio*, & *Conclusio*.

Aliqua te] *Insinuatio* à suismet virtutibus, quarum amore Masaniſſa amicitiam Scipionis, & Romanorum appetiverit; inter quas maximè sibi cordi esse continentiam dicit, quò eam magis etiam Numidæ commendet.

Hanc te] Hortatur igitur Masaniſſam ad hanc eandem virtutem colendam:

Qui habet omnes Virtutes, etiam Continentiam colere debet.

Sed tu aliis omnibus Virtutibus es insignitus.

Ergo etiam Continentiam colere debes.

Syllogismus Epicheremate includitur.

Nam non est] Secundò à *Contrariis*.

Illud est maxime utile, cujus contrarium maximè est perniciosum. *l. i. c. 6. t. 77.*

Ec. 7. t. 103.

Sed incontinentia maximè est pernicioſa.

Ergo maximè utilis Continentia.

Assumptio illustratur à *Comparisonem minorum*, & *verecundia* movetur, ex *Arist. lib. 2. cap. 6. tex. 73.*

Qui eas] Tertiò arguit *ab Effectis*:

Ea virtus tibi cordi esse debet, quæ maximam gloriam parit.

Sed continentia maximè gloriam parit.

Ergo ea tibi cordi esse debet.

Assumptio itidem per *Comparisonem Minorum* confirmatur.

Quæ me] Transit ad alteram *Contentionis* partem, & ut Sophonisbam arbitrio Senatus, & Populi permittat, ita rei æquitatem ostendit:

Omnia

Omnia bello capta sunt præda Populi
Romani.

Ergo omnia, adeòque etiam Sophonisba
Senatus, Populique Rom. arbitrio
permittenda.

Syphax] *Antecedentis approbatio.*

Itaque ipse] *Antecedens.*

Et Regem] *Complexio.*

Ac Senatus] *Complexionem* confirmat ex
majori Sophonisbæ culpa, quæ illius cum Ro-
manis belli causa fuerat.

Vince] *Conclusio* sumpta tum ab honesto,
tum ab utili; neque enim pro una fœmina ma-
xima erant ei adeunda pericula.

Sententiæ.

Non est tantum ab hostibus armatis A-
dolescenti periculi, quantum ab cir-
cumfusus undique voluptatibus.

Vince animum, & ne deformes multa
bona uno vitio.

Major sæpe culpa est, quàm causa culpæ.

ORATIONIS CXVIII.

Annibalis ad Scipionem de pace.

Argumentum.

Annibal reversus in Africam, & de salute
Patriæ sollicitus, impetrato colloquio
cum Scipione, ita cum eo de pace agit.

Loci communes *ab Effectis, à Causis, à*
Genere, & Adjunctis.

Motus, Timor. Mores *Viri Sapiensis.*

Dividitur in tres partes, *Exordium, Con-*
tentionem, & Perorationem.

Si hoc ita] Quàm in se ipso fortuna varia-
verit,

verit, attingit in *Exordio*, simulque innuit gloriam, quæ ex confecto hoc bello, & ex pace petita ab Annibale Scipioni erat consecutura; ut adversarii animum partim timore incerti exitus, partim spe certæ gloriæ ad pacis consilium flectat.

Optimum] In *Contentione* primò arguit à detestatione belli, sumpto argumento ab *Effectis*; Illud bellum est detestabile, quod utrique Populo est perniciosum.

Sed bellum inter Romanos, & Pœnos utrisque perniciosum est.

Ergo est detestabile.

Optimum] *Assumptio*, nam si Pax erat utrisque utilis, bellum igitur perniciosum.

Neque enim] *Assumptionis* approbatio quoad primum Punicum bellum, & respondet cuiusdam *Prolepfi*, ostendens Siciliam, atque Sardiniam non satis digna fuisse præmia, propter quæ tantas belli illius calamitates tolerarent.

Sed præterita] *Effecta* hujus secundi belli recenset, quibus eadem illa *Assumptio* confirmatur.

Quod igitur] Secundò pacem suadet ab *Adjunctis*, tali ratione:

Eam Pacem recusare non debes, quæ sit Romanis honesta, & tuta.

Sed hæc Pax gloriosa erit, & tuta Romanis.

Ergo eam recusare non debes.

Quod igitur] Probat gloriosam pacem Romanis futuram, quia Victores erant.

Agimusque] Stabilem autem, & firmam fore inde concludit, quòd quantum auctoritatis Scipioni apud Romanos, tantumdem sibi apud Carthaginieneses sit.

Quod ad me] Cum igitur & belli detrimenta, & pacis utilitatem ostenderit, se quidem rationem potius, quàm fortunam sequi velle ait

ait; timere autem, ne Scipio contrà sentiat, ferox tùm propter ætatem, tùm etiam propter perpetuam felicitatem, & ut à nimia Confidentia sui deterreat, se ipse exemplo proponit, hoc modo :

Qualis ego fui victor, & ferox, talis tu quoque nunc es, & victor, & ferox.

Sed post multas victorias ex ea ferocia in maxima ego infortunia decidi.

Ergo id tibi quoque potest accidere, adeòque recusare pacem non debes.

Quod ego] Propositio.

Vix dum] Quam ut confirmet, Scipionis res gestas recenset, & ab *Adjunctis* ubique amplificat.

Potest] Expositio *Propositionis* ejusdem quoad ferociam ex victoriis conceptam. Solet, inquit, animus prosperis rebus inflatus victoriam, & triumphum optare potius, quàm pacem; temerè scilicet, non sapienter.

Quod si] Castigat immodicam in rebus secundis Confidentiam.

Ut omnium] Assumptio.

Maximæ cuique] Arguit deinde ab incertitudine eventus :

Certa, & honesta pax est anteponenda incertæ victoriæ.

Sed pax est certa, & honesta tibi, victoria admodum incerta.

Ergo pacem recusare non debes.

Maximæ] Assumptionis approbatio à *Genere*, quoad victoriæ incertitudinem.

In bonis tuis] *Ejusdem* approbatio ab *Adjunctis*, quoad pacem Scipioni honestam.

Melior] Propositio.

Hec in tua] Propositionis approbatio à *Causis*.

Ne tot annorum] Duplici deinde argumento comprobatur majorem illam Propositionem.

tionem , quorum primum est à *Genere* :

Certa , & maxima gloria non debet committi dubio praelio .

Sed praelium inter nos futurum incertum , & dubium est .

Ergo tuam maximam gloriam huic dubio praelio committere non debes .

Ne tor] *Complexio* .

Cum tuas vires] *Assumptionis* approbatio à *Causis* .

Non tantum] Alterum argumentum ducitur à *Comparatione* , tali pacto :

Illud vitare debes praelium , in quo , si vincaris , plus amittis , quam acquiris victori .

Sed in hoc praelio plus gloriae tuae ademeris , si vincaris , quam adjeceris , si vincas .

Ergo vitare debes hoc praelium .

Habes *Assumptionem* cum sua approbatione : ex qua colligit , debere Scipionem , quippe prudentem , gloriam antè partam stabilire beneficio pacis , non eam rursus fortunæ , & Deorum voluntati permittere .

Inter pauca] Affert exemplum Atilii ; ut ostendat , non esse prosperæ fortunæ fidem magnam habendam .

Est quidem] Proponit conditiones pacis cum excusatione , cur ipse potius , qui petat pacem , eas præscribat .

Haud negaverim] *Peroratio* , qua occurrit cuidam Prolepfi de perfidia Carthaginiensium , sumpto argumento à *Causis* .

Pax illa firma erit , quam Annibal petet .

Sed ego Annibal hanc pacem peto .

Ergo firma erit .

Multum] *Propositionem* confirmat , i. à suamet auctoritate ; ea enim magis firma est Pax , quam Viri graves petunt , quod & ipsi Romani probarunt .

Qui

Qui neque] 2. à *fine* ; quæ enim utilitas hortatur nunc , ut pacem petam , eadem faciet , ut firmam habeam .

Et Quemadmodum] 3. à sua constantia ; nam sapiens Imperator , qua constantia bellum gerit , eadem pacem tuetur .

Sententiæ

Præterita magis reprehendi possunt , quàm corrigi .

Id nobis ante omnia optandum , ut in meliore nostra fortuna de pace agatur .

Non temerè incerta casuum reputat , quem fortuna nunquam decepit .

Potest ferox animus victoriam malle , quàm pacem .

Maximæ cuique fortunæ minimè credendum .

Melior , tutiorque est certa pax , quàm sperata victoria .

Ejus est , qui dat , non qui petit , condiciones dicere pacis .

ORATIONIS CXIX.

P. Scipionis ad Annibalem de Pace .

Loci Communes à *Comparatione* , & à *Causis* .

Motus *Odium* , & *Confidentia* . Mores *Virum magnanimi* .

Partes sunt tres , *Exordium* , *Contentio* , & *Conclusio* .

Non me] Quod excusavit in *Peroratione* Annibal , urget Scipio in *Exordio* , perfidiam Carthaginensium , qui inducias , spemque pacis novis injuriis turbaverant : quod ait eos fecisse fidentes Annibali , qui proinde alias nunc condiciones dicebat pacis , & à superioribus omnino diversas .

Ceterum] Negat igitur pacem hoc imprimis argumento à *Comparatione* :

Non minorem ego meæ Reip. curam habere debeo , quàm tu patriæ tuæ .

Sed tu Cives tuos levare onere studes .

Ergo primas ego pacis conditiones tueri Romanis debeo .

Indigni] Quam eorum perfidiam sic secundo castigat :

Perfidia digna est pœna , non præmio .

Sed vos fraude in pace petenda usi estis .

Ergo iniquioribus conditionibus , quàm antea , vobis Pax danda est .

Neque patres] Tertio à *Causa* belli , & suam de victoria confidentiam exponit : Iis Dii dabunt victoriam , qui injustè laceSSI sunt .

Sed nos injustè à vobis laceSSI fuimus .

Ergo nobis Dii victoriam dabunt .

Neque patres] *Assumptio* complectens causam tum primi belli Punici , tum secundi .

Qui & illius] *Complexio* , ex *Arist. l. 2. c. 5. r. 60.*

Quod ad me] Ut purget suspicionem temeritatis , ait se optimè conscium esse , quantas sit rerum humanarum inconstantia , neque tamen esse reprehendendum , quòd oblatam ab Annibale pacem recuset ; sic à *Comparatione* :

Si sponte ab Italia discedens pacem peteres , non possem justè abnuere .

Sed invitus , & à me coactus discessisti .

Ergo justè possum pacem recusare .

Ceterum] *Propositio* .

Sic nunc] *Assumptio* cum *Complexione* .

Manu conferta] Hoc est , cum te quasi vi , & pugna coegerim Italiam relinquere , non teneor tuas de Pace conditiones admittere ; sed ne audire quidem .

Proinde] *Concludit* autem rem prælio esse decernendam , aut præter primas pacis condition-

ditiones aliquam etiam multam addendam
esse ob violatas inducias.

Sententiæ.

Boni Principis est, suos onere quàm maximè potest, levare.

Deus belli exitum secundum jus, fasque dat.

Superbè, & violenter facit, qui venientem ad pacem petendam aspernatur.

Perfidè, & astutè agentes venia indigni sunt.

Bellum sentiat, qui pacem habere non potest.

O R A T I O N I S CXX.

Annibalis de risu suo.

Argumentum.

Complorantibus primam pecuniæ collationem Carthaginiensibus diutino bello exhaustis, risisse ferunt Annibalem, quem cùm increparet Asdrubal Hædus, sic ipse respondit.

Loci communes à Causis.

Motus, Verecundia. Mores viri turbati.

Duæ sunt partes, purgat se, & Carthaginienses coarguit.

Si quemadmodum] Se itaque purgat à causa sui risus;

Ille risus non est reprehendendus, qui non ex lætitia nascitur, sed ex vehementi perturbatione animi.

Talis est risus meus.

Ergo non rectè ab Asdrubale reprehenditur.

Qui tamen] Accusat deinde intempestivum

vum suorum Civium fletum pariter à *causa* :
 Fletus Civium reprehendendus est , lu-
 gentium privata non publica mala .
 Sed fletus hic vester privatorum , non pu-
 blicorum malorum est .

Ergo est reprehendendus .

Tunc flesse] *Assumptionis* approbatio , tunc
 enim flere debuerant , cùm iniquæ pacis con-
 ditiones Carthaginiensibus datæ sunt .

Illo enim] Hæc verba confirmant superiora
 de inhibitione facta Carthaginiensibus de non
 gerendo bello in Africa injussu Romanorum ,
 quam dicit esse Patriæ fatalem , & probat ta-
 li ratione :

Magna Urbs aut bellum habere debet ex-
 ternum , aut intestinum .

Ergo si bella cum exteris gerere non pos-
 sumus , civilibus affigemur .

Ut prævalida] *Antecedentis* approbatio à
Simili .

Quam vereor] *Concludit* à timore majoris
 mali , quod lacrymans ominatur .

Sententiæ .

Non quemadmodum oris habitus cerni-
 tur oculis , sic & animus intus cerni
 potest .

Nulla magna Civitas diù quiescere pot-
 est .

Tantum ex publicis malis sentimus ,
 quantum ad privatas res pertinent .

DECADIS QUARTÆ

LIB. I.

ORATIONIS CXXI.

Sulpicii ad Populum de bello Macedonico

Argumentum.

Um Populus legem antiquasset de bello Macedonico, P. Sulpicius Consul editis e integro Comitibus hanc habuit Orationem Loci communes *ab Antecedentibus*, & *à Comparatione*.

Motus, *Timor*, & *Confidentia*. Mores *viri prudentis*.

Partes duæ sunt, *Contentio*, & *Peroratio*.

Ignorare] Omisso *Exordio* ad rem ipsam accedit, quia magnitudo periculi, quam statim attingit, satis per se facit attentos, ex *l. i. c. 14. x. 104.* & hoc utitur *Syllogismo ab Utili*: Maxime cavendum est, ne in Italia bellum habeamus cum Philippo.

Sed ea est una ratio vitandi in Italia belli, si trajiciamus in Macedoniam.

Ergo in Macedoniam trajiciendum est.

Ignorare] *Assumptio*.

Neque enim] Ea Parenthesi includitur approbatio primæ partis *Assumptionis*, nulla scilicet alia ratione vitari posse in Italia bellum.

Hoc quantum] Approbatio *Assumptionis* quoad secundam partem, expeditione in Macedoniam suscepta nullum futurum in Italia bellum, quam sic *ab Antecedentibus* tractat.

Vidi-

Vidimus in Italia Annibalem , quia non
statim in Hispaniam trajecimus ; non
vidimus Philippum , quia Macedoni
bellum ultrò intulimus .

Ergo & nunc non habebimus in Italia
Philippum , si nos viderit in Macedo
nia .

Quis enim] Antecedens .

Et quod tunc] complexio , eamque suadentem
quoad exemplum Philippi *ab adjunctis* bellum
Punici , quoad exemplum Annibalis *ab adjunctis*
locorum .

Ne aequaveritis] Propositionis approbatio
cumque videatur concedere Macedonas necesse
esse pares Carthaginensibus , Philippum Annibali ,
arguit à *comparatione* Pyrrhi , tali ratione :
Pyrrhus in Italia summo cum nostro
periculo bellum gessit .

Sed Pyrrho potentior est Philippus , non
minus nunc ad bellum Italiae parati .

Ergo bellum in Italia cum Philippo periculoso
nobis est , adeoque vitandum .

Arist. l. 2. c. 5. t. 42.

Minima accessio] approbatio primae partis
Assumptionis , quod Epirus minima pars
Imperii Macedonici , cui etiam tota Peloponnesus
accesserit .

Nostra] Approbatio secundae partis .

Aggressus Pyrrhus] Propositio , quæ probatur
ex defectione sociorum , non eorum tantum ,
qui magnam Græciam colebant , quæ Græcum
proinde Regem secuti , sed illorum etiam ,
qui Itali erant origine .

Hæc vos] Ut argumentum illud à comparisone
valeat , ita concludit :

Pyrrhus idè contra nos valebat , quia
Socii nostri ad ipsum defecerant .

Sed etiam ad Philippum deficient . Ergo

Manferunt] Confirmat Assumptionem
à Ma-

à Majori, si enim defecerunt ad Annibalem crudelem, & avarum, multò magis ad Philippum Græcorum disciplinis eruditum.

Si piguisset] Idem illustrat hoc Epiphonemate: adeò non deerant Annibali Socii in Italia, ut etiam nunc eos haberet, nisi bellum Africæ illum ab Italia revocasset.

Macedonia] *Peroratio*, qua confidentem Populum facit duplici ex capite, tum quòd feliciter bellum à Romanis geratur foris, quàm domi, tum quòd Dii arrideant hujusmodi expeditioni. *Arist. loco citato tex. 57. & 60.*

Ite in suffragium] Centuriatim videlicet, nam bellum Comitibus Centuriatis, pacem Tributis jubebant.

Sententiæ.

Necessitas deliberationem non admittit.
Hostium Provinciæ potius, quàm nostræ bellum habeant.

Quos vi deviceris, cum primum possunt, rursus deficiunt.

O R A T I O N I S CXXII.

Legati Philippi Regis in Ætolorum Concilio

Argumentum.

Legatus Philippi Regis Ætolos hortatur, ut pacem cum Philippo compositam servant, neque novam ineant cum Romanis societatem.

Loci communes ab Effectis, ab Adjunctis, à Comparatione, & Causis.

Motus, Odium, & Metus. Mores hominis amici.

Tres sunt partes, Exordium, Contentio, & Conclusio.

Tom. V.

K

Nul-

Nulla nova] *Exordii* locō sunt ea Verba ,
quæ obliquè afferuntur , & sic à *congruo* argu-
mentatur :

Ubi nihil novi advenit , ibi nihil novi de-
cerni debet .

In Pace cum Philippo composita nihil in-
novatum est .

Ergo nihil novi de ea decerni debet .

Quibus enim] *Assumptionis* approbatio .

An imitari] Ut igitur eos deterreat ab in-
eunda societate cum Romanis , ita arguit à
Causis :

Cum iis non est ineunda societas , qui
summa utuntur licentia , & levitate .

Sed in Romanis summa est licentia , & le-
vitas .

Ergo cum iis inire societatem non debe-
tis . *Arist. l. 2. c. 4.*

Qui cum legatis] Ostenditur Romanorum
levitas ab *effectis* , nam quos post pacem fa-
ctam rejecerant , nunc eosdem , ut suadeant
bellum , conveniebant , & pro quibus antea
se bellum gerere dicebant , eos in societatem
belli trahere conabantur .

Messanæ] Licentia Romanorum amplifica-
tur recensione eorum , quæ dolosè admiserant
in Siculos , & alios quosdam Italiæ populos ,
& per *adjuncta* superbi imperii in Siculos , cru-
delis in Campanos rem atrociorē reddit .

Ne finitimas] Hoc est Urbi Romæ finiti-
mas , Albam , Fidenas , Vejos , quas omnes
Romani everterant .

Furor est] A *Comparatione* deinde societa-
tem cum Romanis dissuadet :

Multò majus ab alienigenis , quàm à
Græcis periculum vobis imminet .

Sed Græci Regis potentiam adeò timetis .

Ergo multò magis Romanorum , qui sunt
alienigenæ . *l. 2. c. 5. §. 43.*

Phi-

Philippi] Assumptio .

Qui cum] Propositionis approbatio quoad alteram partem de Græcis sui ipsius exemplo , qui pacem æquam sponte dederat Ætolis .

Assuefacite] Propositionis prima pars .

Ætolos] Ejusdem approbatio à dissimili, quam à causis deinde confirmat .

Sed unde] Quo argumento exorditur , eodem orationem concludit , nihil esse in pace cum Philippo mutandum , cum nihil in ea innovatum sit .

Sententiæ .

Quibus de causis pacem fecimus , compositam semel servare debemus .

Urbs sine Senatu , sine Plebe , sine Magistratibus prodigium est .

Ejusdem linguæ homines leves ad tempus ortæ causæ disjungunt , conjunguntque : cum alienigenis , & barbaris æternum bellum est .

ORATIONIS CXXII.

Atheniensium in eodem Concilio contra Philippum

Argumentum .

Legati Atheniensium injurias sibi à Philippo factas amplificant , & ab Ætolis opem implorant .

Loci Communes ab enumeratione , & à Consequentibus .

Motus , *Misericordia* . Mores hominum supplicum .

Neque id se queri] Calamitates suas exponunt tali ratione :

Ii sunt misericordia digni , qui non solum indigna , sed etiam misera , patiuntur . *Arist.c. 8.l. 2.c. 89.*

Sed quæ passi sumus , non tantum indigna , sed & misera sunt .

Ergo miseratione digni apud vos esse debemus .

Sata] Enumerant calamitates , & miseras , quibus affliguntur .

Misera magis] [Vocant misera ea mala , quæ revera ad interitum perducunt , *l.2.c.5. z. 41.* indigna verò , quæ potius quamdam habent ignominiam .

Verum enim] Pergunt recensere , quæ crudeliter in Athenienses Philippus fecerat ; prima enim populatione sepulchra diruerat , altera Deorum delubra everterat , ut ex ipsa Historia patet .

Pagatim habitantes] Athenienses primis temporibus divisi per pagos eam regionem colebant , ac deinde una vivere docti sunt in eadem Civitate , cui tandem Themistocles superato Xerse mœnia extruxit ; ex *Thucydide* .

Qualem] Quò se magis Ætolis commendent , innuunt Philippum eadem facturum reliquæ Græciæ , nisi opportunè subveniant ; ipsas certè Athenas idem infortunium effugisse Deorum ope , & Romanorum , qui auxilio venerant .

Itaque] *Conclusionis* loco est ipsa Syllogismi *Complexio* .

Sententiæ .

Sata exuri , dirui testa , prædas hominum , pecorumque agi , misera magis , quàm indigna sunt .

Prin-

Principes secundum Deos plurimum possunt.

ORATIONIS CXXIV.

Legati Romani in Concilio Ætolorum

Argumentum.

ULtimò introductus Romanorum Legatus in Concilium diluit, quæ Macedones objecerant, hortaturque Ætolos ad bellum cum Philippo suscipiendum.

Loci Communes *ab Effectis, & ab Antecedentibus.*

Motus, Amor, & Odium. Mores Viri gravis.

Dividitur in tres partes, Exordium, Contentionem, & Conclusionem.

Totam] Exordium ducitur ab inopinato, quòd nequeat amplius accusare Philippum, ui instituerat, duasque assignat causas, tum quia Macedones primi accusaverant Romanos, quibus respondere opus erat; tum quia deinde Athenienses Philippi scelera detexerant, quæ non ipsi tantum, sed & alii multi Græciæ populi querebantur.

Nam quod] Cum in Exordio Philippi crimina attigerit, Romanos purgat in Contentione, tali argumento:

Ea non sunt exprobranda Romanis, quæ gloriam ipsis pariunt.

Sed Rhegium, Syracusæ, & Capua Romano nomini gloriæ sunt.

Ergo absurdum est, ea pro criminibus exprobrare Romanis.

Rhegium] Probat de Urbe Rhegio, quia scelera in Rheginos admissa quatuor milibus hominum securi percussis ulsi fuerant, adeoque gloriam meruerant.

Syracusanis] De Syracusis , quia suos hostes merita pœna affecerant , sibi que Siciliam jure belli vindicaverant ; omnes enim , prout meriti de Romanis fuerint , bonam , vel malam fortunam sortientur .

An Campanorum] De Capua , quia ingratos , & pessimè de se meritos ita pœnis affecerant , ut ipsi se majoribus dignos judicaverint .

Sed quid] Concludit *defensionem* argumento ducto à *repugnantibus* :

Ii non sunt crudeles in socios , qui sunt lenes in hostes ; *Arist. l. 2. c. 3. t. 16.*

Sed Romani lenes fuerunt in Carthaginienses hostes acerrimos .

Ergo non sunt crudeles in suosmet socios .

Magis illud] Epiphonema , quo illustratur Romanorum clementia eo etiam nomine , quòd ipsis Romanis periculosa sit . Ex *Arist. l. 2. c. 4. t. 25.*

Hac pro] Post absolutam *defensionem* addit privata , ac domestica Philippi facinora ; nam publica in *exordio* exposuit .

Quod ad vos] *Conclusio* habet suasionem belli cum Philippo , & societatis cum Romanis ; ubi afferuntur merita , & culpa utriusque Populi , excusationes mutuæ , & temporis ad bellum gerendum opportunitas .

Sententiæ .

Periculum est , ne facilè ignoscendo vitis plures ad experiendam fortunam belli incitentur .

Odium hostis prudenter in vindictæ occasionem differtur .

Ex Dec. 4. Lib. 2.

ORATIONIS CXXV.

Aristheni Prætoris in Concilio Achæorum

Argumentum.

AUditis Romanorum, sociorumque, & Philippi Legatis, cum nemo Achæorum ad dicendum accederet, ita eorum silentium increpat Aristhenus Prætor.

Loci communes ab *adjunctis*, & à *causis*, & *contrariis*.

Motus, Pudor. Mores *Viri prudentis*.

Duo præstat, tacentes coarguit, & ad sententiam dicendam hortatur.

Ubi illa] Prima pars talem habet increpationem, à *contrariis*:

Turpe est, eos tacere in publico Concilio, qui in privatis colloquiis multa temerè dicebant.

Sed in conviviiis, & circulis tanta erant inter vos certamina hac de re, qui nunc in concilio tacetis.

Ergo illud vobis turpe est. *Arist. l. 2. c. 6. tex. 65.*

Assumptionis utramque partem urget ab *adjunctis*.

Si non cura] In altera *Orationis* parte hortatur ad sententias liberè dicendas, usus argumento à *causis* conglobatis, quòd hoc suadeant publica utilitas, privata studia, temporis, & loci opportunitas.

Ubi semel] Ultimò, quia si quippiam contra eorum voluntatem decretum fuerit, non amplius repugnandi tempus erit, sed decreto parendum.

Sententie ,

Dicendi , ac suadendi quod quisque velit
 occasio est , priusquam quicquam de-
 cernatur .

Ubi semel quippiam decretum est , etiam
 quibus antea displicuerat , pro bono ,
 atque utili defendendum .

O R A T I O N I S CXXVI.

Ejusdem Aristheni pro societate Romana

Argumentum .

CUM cæteri adhuc in Concilio tacerent ,
 ipse tandem Aristhenus pro Romana so-
 cieta te hanc habuit Orationem .

Loci Communes *ab Effectis , à Conse-*
quentibus , ab Enumeratione , ab Ad-
junctis , & à Causis .

Motus , Timor . Mores viri de publica
 salute solliciti .

Quatuor sunt partes, *Exordium , Propositio ,*
Contentio , & Peroratio .

Non magis] Exordium ducitur à Causis , cur
 cæteri taceant , & ipse verba faciat , non in-
 quit quòd non habeant alii quid dicant , sed
 quòd dicere non audeant , quæ sentiunt ; ne
 privato periculo Reip. consulant .

Forſitan ego] Alteram partem de se ipse
 hac ratiocinatione exponit :

Si quod responsum dandum est Legatis ,
 id maximè Prætori curæ esse debet .

Sed aliquod responsum dandum est Le-
 gatis .

Ergo id maximè Prætor curare debet .

Sed responsum dari non potest sine decre-
 to ,

to, & ut fiat decretum suaderi aliquid debet. Ergo ut detur responsum, suaderi aliquid à Prætoze debet.

Forſitan] *Propoſitio*, & benevolentiam ſibi conciliat: ex *Ariſt. l. 2. c. 4. t. 29.*

Video aut] *Aſſumptio*.

Reſpondere] Prima pars *Subſumpti*, & altera reticetur.

Et quando] *Propoſitio Orationis*, qua diverſa utriuſque partis poſtulata exponit, quaſi diverſæ eæ fuerint ipſorum Achæorum Sententiæ.

Nulline] In *Contentione* diluit argumenta allata à Philippi Legato, & adverſariorum confirmat. Illud igitur imprimis favebat Philippo, quòd cum ſocius eſſet, tamen id tantum peteret, ne alterutris Achæi faverent, poſtulantibus Romanis ſocietatem, & belli communionem; cui ſatisfacit à *Cauſis*:

Qui confidit plura petit, quàm qui timet.
Philippus timet, Romani confidunt.

Ergo jure plura petunt Romani, quàm Philippus.

Philippi] *Aſſumptio* illuſtratur ab *Adjunctis*.
Miramini] *Complexio*.

Achæi portus] Hoc eſt, Achæorum portus, qui ſunt bello, & periculis expoſiti, dant fiduciam Romanis, quòd eos invadere parata, & vicina claſſe poſſint, adimit Philippo, qui auxilium ferre nullo modo poſſit.

Qui ſi ex eodem] Alterum Argumentum erat ſœdus cum Philippo jurejurando firmatum: quod confutat à *pari*.

Non minus ex ſœdere tenetur nos Philippus defendere, quàm nos Philippum. Sed nos Philippus neque poteſt nunc tueri, neque priore anno voluit.

Ergo & nos neque poſſumus, neque tenemur Philippum tueri.

Qui si] *Assumptionis* prima pars.

Non hercule] Altera pars *Assumptionis*.

Ac mihi quidem] Tertiò legatus Philippi majores esse vires sui Regis, quàm Romanorum dixerat: eundemque futurum hujusce belli exitum, ac prioris fuerit. Primum illud negat, ostendens contrarium ab *Effectis*.

Ille potentior est, qui Urbem hostium capit, & diripit.

Romani Urbes Philippi plures cepere.

Ergo sunt Philippo potentiores. *Arist.*

l. 2. c. 5. t. 48.

Si sua] Urget idem argumentum tali dilemmate:

Aut sponte, aut coactus ea loca deseruit Philippus.

Si sponte: ergo & nos jure possumus eum deferere, ut nobis consulamus.

Si coactus: ergo Romani potentiores Philippo, adeoque etiam nobis. *Ex loco citato.*

An tibi] Quoad illud de priore bello Macedonico, respondet a *Dissimili*; probans à dissimili ratione gerendi belli diversum hujus exitum futurum:

Priore bello, nullo misso exercitu, sola Classe juverunt Ætolos.

Sed nunc & Classe, & exercitu Consulari bellum Philippo inferunt.

Ergo dissimilis erit hujusce bellì exitus.

Ætolos tum] *Propositio*.

Nunc autem] *Assumptio* illustrata ab *Effectis*.

Tertius jam consul] Cùm tres Consules dicat bellum in Macedonia gessisse, duos tantum nominat, Sulpitium, & Quintium, omittit enim Vilium, qui paucos menses in Provincia moratus nihil fecerat memoria dignum.

Ne sint vera] Confutatis , quæ pro Philippo adducta fuerant , ab Enumeratione scelerum ejusdem Regis contendit societatem cum ipso irritam esse debere , idque argumentum ironicè per figuram Præteritionem pertrahat :

Cum Rege crudeli , avaro , & libidinoso
foedus tueri non debetis .

Talis est Philippus . Ergo cum eo foedus tueri non debetis .

Ne sint] Sed nihil ponderis , inquit , habeant Philippi scelera ad hanc societatem dirimendam , remque ipsam consideremus , quasi socius esset Antigonus Rex Macedoniæ justissimus .

Num id] Probat igitur à Consequentibus foedus cum Macedone tollendum esse : Ab eo foedere discedere debemus , quod nobis certam perniciem importat . *Arist. c. 3. l. 2. t. 41.*

Sed foedus cum Philippo certam nobis perniciem importat .

Ergo illud servare non debemus .

Peninsula] *Assumptionis* approbatio ab *Adjunctis* situs , quem Peloponnesus habeat , Classis potentissimæ Romanorum , belli cum Lacedæmoniis ; quibus impares fore Achæos ostendit ab *Antecedentibus* .

Nolite , quia] *Prolepsis* , quasi indigeant Achæorum societate Romani , quam ultrò petunt , proindeque non tanti faciendi sint ; cui respondet à *Causis* :

Contemnendi essent Romani , si ex metu peterent . *Arist. l. 2. c. 11. t. 117.*

Sed non petunt Romani amicitiam vestram ob timorem .

Ergo quòd eam petunt non sunt contemnendi .

Metu enim] *Assumptio* per Ironiam .

Mare] *Assumptionis* approbatio ab *Effectis* .

Quia] Alia approbatio à *Causa* finali; id videlicet agere propter insitam Romanorum genti humanitatem, maximè in Achæos.

Nam quod] Altera *Prolepsis* est, melius consultum Achæis fore, si armis abstineant, & neutros offendant; quod ipse negat, tùm quia si Romani non sint focii, futuri sunt hostes, tùm quia neutris faventes utrosque offenderent, futuri idcirco certissima victoris præda.

Nolite si] *Peroratio* habet suasionem pro Romana societate, ab occasione opportuna, & facili ulciscendi Philippum, quod erat in votis:

Sententiæ.

Suo quisque periculo in commune consultum non vult, adeoque lingua sapè deest magis, quàm consilium.

Qui Socios relinquit hostibus diripendos, recusare non potest, quin & Socii sibi consulant.

Peninsula nulli apertior, atque opportunior est, quàm navali bello.

Non sunt contemnendi, qui quod rogant, cogere possunt.

Non quemadmodum hodie quippiam nobis licet, sic semper licitum est.

Ex Dec. 4. Lib. 4.

ORATIONIS CXXVII.

M. Porcii Catonis pro Lege Oppia

Argumentum.

Cum Tribuni Plebis ferrent de abroganda lege Oppia, quæ ad mulierum cultum spectabat, lata à C. Oppio in medio ardore Punici belli, inter cæteros M. Cato tum Consul ita pro lege differuit.

Loci communes à Causis; ab Effectis, à Consequentibus, & à Comparatione.

Motus, Ira, & Indignatio. Mores Viri gravis, & constantis.

Dividitur in tres partes, Exordium, Contentionem, & Epilogum.

Si in sua] In Exordio increpat Quirites, quòd ipsi in causa sint, cur mulieres impudenter frequètes in forum venerint; tali pacto:

Si suam quisque fœminam domi continuisset, non hùc omnes convenissent:

Ergo quòd hoc illæ fecerint, virorum culpa est.

Attentionem conciliat à rei magnitudine, l. 3. c. 14. t. 104.

Equidem] In Contentione, antequam ad ipsam legem accedat, coarguit licentiam illam muliebrem, & sic imprimis à Consequentibus:

Mulieres habere cœtus, & concilia, periculosum est Reip.

Ergo id maximè prohibere debemus.

Equidem] Antecedens confirmat exemplo; dicuntur enim in Lesbo Insula mares omnes muliebri conjuratione sublatis, quòd illi fœminarū congressus quippè malè olentiū vitarent.

Ab nullo] Antecedens.

At.

Atque ego] Sic deinde rem universam pertractat à Causis :

Illud prohibere debemus, quod per se turpe est, & pejorum causa malorum.

Sed hæc mulierum licentia & per se turpis est, & pejorum malorum causa erit.
ex lib. 2. c. 6. t. 65.

Ergo nunc maximè coercenda.

Atque ego] Assumptio per dubitationem.

Quorum alterum] Propositionis approbatio.

Nam utrum] Eamdem approbationem confirmat, Quirites enim cavere debebant, ne sibi feminae jus ferendi suffragii usurparent; Magistratus, ne dicerentur Tribuni præsidium sibi foeminarum ad leges ferendas comparasse, Consules seditiosis mulieribus cecidisse, cum utrumque turpe futurum sit. *Ex loco citato.*

Equidem] Assumptionis primam partem amplificat *ab Adjunctis*, maximamque vim addit *Prosopopœja*.

Quamquam] Idem ostendit à *Comparatione*, ipsius videlicet rei turpitudinem, tali usus *Enthymemate*:

Non debent curare mulieres, quid in foro agatur.

Ergo multò minus in forum venire ad quippiam suadendum, aut dissuadendum.

Majores] Antecedentis approbatio pariter à *Comparatione*, nam si nihil privatim agere possunt sine auctoritate virorum, multò minus publica curare debent.

Date frænos] Hanc licentiam pejorum malorum causam fore, quæ erat altera *Assumptionis* pars, ita probat a natura mulierum:

Mulier natura indomita est, & immodica appetens.

Ergo

Ergo si hoc permittimus, majora deinde extorquebunt.

Recensete] *Antecedens* confirmat^r ab *Effectis*, cum tot constrictæ legibus satis tamen contineri non possint.

Quid si] *Complexio*.

At hercule] In *Secundo Contentionis* membro legem Oppiam defendit, & incusantibus Mulieribus legis iniquitatem multipliciter respondet.

Imo ut] 1. ab experientia, usu enim tot annorum eam utilem Reip. comprobaverant, non igitur est iniqua.

Nulla lex] 2. à *Causa efficiente* :

Ea lex est justa, quæ majori parti prod-
est, licet quibusdam detrimento sit.
ex Arist. l. 1. c. 8 t. 137.

Sed Lex Oppia fœminis quidem non satis commoda, reliquis utilissima est,
Ergo justa.

Si quod] *Propositionis* approbatio à *Consequenti* incommodo.

Volo tamen] 3. à *Causa finali* :

Id non est fœminis permittendum, quod ad fastum, & luxuriam petunt.

Sed abrogationem legis Oppiæ fœminæ petunt ad fastum, & luxuriam.

Ergo ea Lex non est in gratiam fœminarum abroganda.

Ut captivi] Urget *Propositionem* à *Dis-similibus*, & illustrat *Comparisonem*.

Ut auro] *Assumptio* per *prosopopœiam* allatam ad majorem invidiam.

Sæpe me] Quò magis illius argumenti *Propositionem* comprobet, invehitur in luxum Civitatis, ejusque mala recenset, hoc *Syllogismo ab Effectis*:

Ea vitia non sunt amplificanda, quæ perniciem important Reip.

Sed

Sed *luxus* perniciem Reip. importat.

Ergo *luxus* non est augendus in fœminis
abrogatione hujus Legis.

Propositio, & *Complexio* reticentur, & sola
explicatur *Assumptio*.

Infesta] Alludit ad significationem nomi-
nis; Signum enim æquè significat militare
vexillum, & simulacrum.

Et ante fixa] Laudant, inquit, Deorum
simulacra ex marmore, aut argento, ut fe-
rè in Græcia solebant, illas ex terra factas
imagines collocatas in Capitolio à majori-
bus nostris vituperant.

Patrum nostrorum] Respondet tacitæ ob-
jectioni, quòd per plures annos nulla fuerit
lex de cultu mulierum, neque tamen *luxus*
excreverit; sic itaque à *Causis*:

Necesse est priùs nasci cupiditates, quàm
leges.

Sed primis temporibus nullus erat in
cultu *luxus*, nunc maximus est.

Ergo nunc Lex Oppia necessaria est, quæ
antèa non erat.

Patrum] *Assumptionis* approbatio ab Ex-
emplo.

Sicut ante] *Propositio* illustrata à *Simili*,
& exemplis *Similibus* legum Liciniæ, & Cin-
ciæ. Licinia lex de possessionibus lata est à
Licinio Stolone, ne quis plus, quàm quin-
genta jugera agri possidere posset, *Liv. l. 6.*
Dec. 1. Cincia de muneribus lata à M. Cincio,
ne quis ob causam dicendam donum, munus-
ve acciperet. *Cic. 2. de Orat.*

Itaque] *Complexio* argumenti.

Atque ego] Legem deinde Oppiam ipsis mu-
lieribus commendat, quippe earum pudori
faventem, tali ratione à *remotione Causæ*:

Pudor in mulieribus oritur ex dispari
cultu.

Sed

Sed lex Oppia tollit disparem cultum .
Ergo mulierum pudori lex Oppia favet,
adeoque non abroganda .

Nam ut] Propositionio .

Sic æquato] Assumptionis approbatio ;
nam sub prætextu legis quælibet seu parsimonia-
m, seu paupertatem occultare poterit .

Hanc inquit] Sed quia hujusmodi quere-
læ de lege Oppia mulierum erant locupletum,
quæ sibi æquari pauperes nolebant, ita dissua-
det à *Consequentibus* :

Abrogata lege Oppia , vos Patrimonium,
mulieres pudorem amittent .

Sed hoc permittere non debetis .

Ergo neque illud .

Vultis] Propositionem amplificat , cum
Assumptio sit per se manifesta .

Næ simul] Hoc est , ubi mulierem pudebit
disparis cultus , cujus eam pudere non oportet,
eam non amplius pudebit amissæ [pu-
dicitiae , cujus tamen pudere oportet ; malus
enim pudor optimum pudorem tollet . *Arist.*
c. 6. l. 2. tex. 67.

Nolite] Peroratio habet sententiam de non
abroganda lege , additque , multò majorem
futurum in mulieribus luxum post abroga-
tam , quàm ante latam legem Oppiam , quod
probat à *Similium comparatione* .

Sententiæ .

Mulierem ne domi quidem quæ fiant in
foro curare decet .

Impotens , & indomitum animal mulier
est .

Mulieres simul ac pares viris esse cœpe-
rint , superiores extemplò erunt .

Nulla Lex fatiscummoda omnibus .

Unam tollendo legem cæteras omnes
infirmamus .

Diver-

Diversis duobus vitiis avaritia, & luxuria

Civitates plerumque laborant.

Sicut antè morbos necesse est cognitos esse, quàm remedia eorum; sic cupiditates priùs natæ sunt, quàm leges.

Pessimus pudor est vel parsimonix, vel paupertatis.

Hominem improbum non accusari tutius est, quàm absolvi.

ORATIONIS CXXVIII.

L. Valerii Tribuni Plebis contra legem
Oppiam.

*Loci communes à Causis, à Comparatione,
ab Effectis; ab Adjunctis, & Genere.*

*Motus, Lenitas, & Gratia. Mores viri
justi & moderati.*

Tres itidem sunt partes, *Exordium, Contentio, & Peroratio.*

Si privati] *Exordium* sumitur à causa dicendi, tali pacto:

Si privati tantum contra Rogationem dixissent, neque ego Tribunus Rogationem suaderem.

Sed Cato Consul dissuasit.

Ergo etiam ego Tribunus suadere debeo.

Qui tamen] *Attentos* facit, & *dociles* proponens methodum à Catone servatam, quam & ipse servaturus sit.

Catum, &] Antequam mulieres defendat, verborum atrocitatem in adversario modestè reprehendit, quem trucem proinde vocat Oratorem. Cæterum defensio ipsa ita se habet à *Causis*:

Quæ Reip. bono sæpè apparuerunt in publico, possunt id etiam facere in causa ad se pertinente.

Sed

Sed Mulieres sæpè apparuerunt in publico ipsius Reip. bono.

Ergo & in causa, quæ ad eas pertinet, possunt idem facere sine reprehensione.

Nam quid] *Assumptio* confirmata pluribus exemplis.

Diffimiles] *Objectio* Catonis, cui satisfacit, concedens causas esse dissimiles, cum tamen nihil aliud iis exemplis contendat, quàm non esse id novum in Urbe Roma; nam rationibus causam veniendi in publicum probabit.

Ceterum] *Complexio*.

Tuas adversus] Allegoria ducta à fontibus, ipse enim Cato iis exemplis usus fuerat arguens à *Dissimili*, quæ argumento à *Simili* etiam Valerius usurpabat.

Quid autem] Adhuc ostendit non esse reprehendendas, quòd in publicum venerint, non earum preces non esse rejiciendas probat à *Comparatione minorum*:

Magis vereri debemus ingenuas mulieres, quàm servos.

Sed servorum preces nos fastidimus.

Ergo multò minus mulierum ingenuarum.

Totum argumentum uno Epicheremate continetur.

Venio nunc] Transit ad alteram *Orationis* partem, & Rogationem de abroganda lege Oppia suadet, præmissa Adversarii methodo, quam & ipse sequitur.

Universam porro quæstionem hoc *Syllogismo* complectitur, à *Genere*:

Si qua Lex abrogari potest, maximè lex Oppia abroganda est.

Sed aliquæ Leges abrogari possunt.

Ergo maximè Lex Oppia est abroganda.

Ego

Ego enim] *Assumptio* confirmatur à *Causis*, allata distinctione legum, quarum aliæ in æternum latæ sunt; aliæ ad tempus, mutabiles proinde, ut & tempora mutantur; idque illustrat à *Simili*.

Hæc cum ita] *Propositio* ex prædicta divisione pendet, hoc modo]

Lex Oppia non est ex iis, quæ latæ sunt in æternum, sed ex iis, quæ ad tempus.

Ergo si qua Lex abrogari potest, illa est abroganda.

An' metus] Prima pars, nam perpetuæ Leges velerant natæ cum ipsa Urbe, vel à Decemviris conditæ; inter quas Oppia non erat.

Quis igitur] Secunda pars ita à *Causa finali*:

Ea lex mortalis est, & ad tempus lata, quæ non ad coercendam luxuriam, sed ad levandam inopiam lata est.

Talis est Lex Oppia. Ergo mortalis, & ad tempus lata.

Quis igitur] Primum *Assumptionis* membrum à *Contrariis*.

Annibal] Alterum membrum illius *Assumptionis*, quod egregiè amplificatur ab *Adjunctis* belli Punici.

Numero ex censu] Hoc est, quilibet nostrum servos ad remum dabat plures, seu pauciores, prout cujusque census major, vel minor erat, iisque in singulos annos stipendium privatim solvebat.

Tali eo] Confirmatur ejusdem *Assumptionis* prima pars à *Repugnantibus*:

Ibi nulla est luxuria, ubi summa est inopia, & fletus.

Quando lata est lex Oppia in summa Matronæ erant inopia, & fletu.

Ergo

Ergo nulla erat luxuria, quæ lege coercenda foret.

Cui non] *Complexio*] quæ sic se habet : Ergo si ob inopiam Civitatis lata est, ea subacta inopia, lex etiam abroganda est.

Nam si] *Urget Complexionem à Pari* :

Quæ innovata sunt eo tempore ob inopiam Civitatis, omnia finito bello in pristinum fuerunt restituta.

Sed & lex de cultu mulierum lata est ob inopiam Civitatis.

Ergo ea etiam abroganda.

Nam si] *Propositio* ; nam *Assumptio* satis constat ex Antecedentibus.

Omnes alii] *Complexio*.

Purpura] Cum purpura, & aurum legē Oppia interdicerentur mulieribus, injustè utrumque iis adimi ostendit, & imprimis de Purpura sic *à Comparatione* :

Purpura magis decet mulieres, quàm Viros.

Sed Viris permittitur.

Ergo non est neganda mulieribus.

Propositio infra probatur in responsione ad primum Catonis argumentum.

Purpura viri] *Assumptio* ; Romani enim urebantur vestibus purpura prætextis in Magistratibus, in Sacerdotiis, & usque ad ætatis annum decimum sextum, & dicebantur Prætextati.

Fæminis] *Complexio*.

In veste stragula] Stragula vestis erat quidquid insternebatur vel lecto, vel equo, vel alii rei, & purpurea esse poterat.

Sed in purpura] Probat idem de auro, *ab Effectis* :

Illud concedendum est mulieribus, ex quo parvum privatis detrimentum, sed

sed magnum Reip. commodum contingit.

Sed ex aureis mulierum ornamentis parvum privatis incommodum, magnum Reip. commodum contingit. Ergo aurea ornamenta concedenda mulieribus.

In auro vero] Prima pars *Assumptionis*; & manus pretium, seu manupretium dicitur merces, quæ non pro materia, sed artis nomine datur Artifici.

Præsidium] *Assumptionis* altera pars, quam comprobat ab experientia; nam & bello Gallico, & Punico secundo matronæ ornamenta aurea in publicum contulerant, uti suprâ innuit.

Nullum] Sequitur responsio ad duo argumenta Catonis, quorum primum erat tolli omnem mulierum æmulationem lege Oppia non abrogata; sic igitur Valerius:

Majorem Æmulationem cum Latinis feminis, quàm inter se Romanæ matronæ habent.

Sed ex lege Oppia nascitur Æmulatione Romanis cum Latinis matronis.

Ergo lex Oppia auget mulierum Æmulationem, non tollit.

Virorum] Justam autem illam esse Æmulationem ita defendit à *Comparisonem*:

Infirmiores sunt mulierum animi, quàm virorum.

Sed hic dispar cultus in Latinis viros offenderet.

Ergo multò magis mulieres.

Non magistratus] Justam mulierum indignationem ob cultum sibi ereptum alia ratione ostendit à *Causis*:

Quilibet justè dolet eripi sibi id, quod unum habet ornamentum.

Sed

Sed mulieres nullum aliud ornamentum habent præter munditias, & cultum. Ergo justè dolent eum sibi etiam eripi lege Oppia.

Assumptio egregiè amplificatur *ab Enu-eratione*, & hinc probatur etiam ea *Pro-positio*, quam suprà omissam notavi.

Scilicet] Alterum Catonis argumentum erat, mulieres impetrata abrogatione legis Oppiæ alia immodica petiuras; cui re-pondet Valerius *à Causis*:

Numquam suis salvis exuitur servitus muliebris.

Sed etiam abrogata lege Oppia unicuique mulieri sui salvi erunt.

Ergo etiam abrogata ea lege servitus muliebris manebit.

Et ipse] *Propositio*, quam per ironiam as-ert, confirmatur hìc ex eo, quòd & ipsæ mulieres detestantur suam exuere servitutem, osque habere malunt Patres, & Viros, uàm per legem Oppiam Dominos.

Invidiosus] In *conclusionè* rejicit per ironiam atrocitatem Verborum, qua usus fuit Cato; & quòd leniores in ferendis suffragiis Tribus faciat, infirmum sexum, & qui omnia pati debeat mulieres vocat. *Ex A-4. l. 2. c. 3. t. 16.*

Sententiæ.

Nulla lex abrogari debet, nisi quam aut usus coarguit, aut status aliquis Reip. inutilem fecit.

In navis administratione alia in secunda, alia in adversa tempestate usui sunt.

In aureis sornamentis præsidium est & ad publicos, & ad privatos usus.

Nun-

Munditiæ, ornatus, cultus, hæc fœminarum insignia sunt.

Numquam salvis suis exiit servitus muliebris.

Quò plus quis potest, eò moderatiùs imperio uti debet.

ORATIONIS CXXIX.

Catonis Consulis ad Milites

Argumentum.

Consul Cato adversus rebelles Hispanos castra moturus, milites excursionibus levibusque præliis exercitos sic ad expeditionem inflamat.

Loci communes *ab Effectis*, & à *Comparatione*.

Motus, *Confidentia*. Mores *Egregii Ducis*.

Tres sunt partes, *Insinuatio*, *Contentio* & *Conclusio*.

Tempus] *Insinuatio* sumitur à militum desiderio, & ab antea factis excursionibus; non enim difficile est cupientibus pugnam suadere & qui sunt de gloria solliciti dedignantur prædari potius, quàm pugnare.

Non agros] Primum argumentum est *ac Utili*:

Illud agendum, ex quo maxima præda dependet.

Sed victis hostibus, opulentæ Urbis præda erunt.

Ergo id agendum, ut hostes vincamus.

Patres nostri] Alterum à *Comparatione* & *ab honesto*:

Turpe est, nos armatos amittere, quocumque sine armis Patres nostri obtinuerunt.

Sed Hispaniam amisimus tot nostris excursionibus.

ciibus , & Ducibus munitam , quam
Patres nostri sine armis primo bello
Punico obtinuerant .

Ergo id nobis turpe est. *Arist. l. 2. c. 6. t. 65.*
Utramque *Assumptionis* partem eò magis
regit , quòd tunc Carthaginenses imperium
haberent in Hispania , nunc in provincia nul-
lus esset Carthaginensis ; simulque benè spe-
rare jubet milites , *ex Arist. l. 2. c. 5.*

Hoc armis] *Concludit* , ut hæc tollatur in-
nomina , pugnandum esse summa cum vir-
tute adversus rebelles , qui temeritate potius ,
quàm constantia in bellis utuntur .

Sententiæ .

Fortes sunt , qui per injuriam erepta vir-
tute , & armis recuperant .

Rebellantes temerè magis , quàm con-
stanter bellum gerunt .

ORATIONIS CXXX.

T. Quintii in Concilio Græcorum

Argumentum .

R Eddita Græciæ libertate , T. Quintius Pro-
consul Græcos consulit , velintne bellum
accipi contra Nabin ob recuperandos Argos ,
neque ; cum ipse tamen videatur sententiæ af-
firmanti subscribere .

Loci communes à *Causis* .

Motus , *Misericordia* . Mores *viri Candi-*
di , & *prudentis* .

Partes sunt tres , *Exordium* , *Contentio* , &
Conclusio .

Bellum] *Exordium* causas habet belli ad-
versus Philippum , ubi Græcorum benevo-

lentiam captat, ostendens, quanti fecerint Romanorum injurias. *Arist. l. 2. c. 4. t. 26.*

Hodierna] Cum bellum Macedonicum dixerit susceptum communi consilio, hoc alterum contra Nabin Lacedæmonium ex solâ Græcorum voluntate pendere vult, quos proinde sibi rursus facit *benevolos*. *Ex Arist. l. 2. c. 4. t. 25.*

Refero] *Proponit* causas suscipiendi hujus belli, tam quoad Græcos, quam quoad Romanos; quoad Græcos quidem tali pacto:

Indigna res est, nobilissimam Græciæ Civitatem servire, cum reliquæ omnes libertatem recuperaverint.

Ergo suscipiendum est contra Nabin bellum, ut & ipsa in libertatem vindicetur.

Romanos] Quoad Romanos autem sic:

Romani nunquam habebunt perfectam gloriam redditæ universæ Græciæ libertatis, nisi & Argi sint liberi.

Ergo & ipsos contingit hoc bellum pro Argis suscipere.

Videtur tamen Quintius negare id quicquam Romanos contingere, nimirum ut ostendat, causam hanc propriè ad Græcos spectare.

Cæterum] *Conclusio* rem integram Græcis permittit, insertis tamen omnibus argumentis, quæ bellum suadere poterant.

Sententia.

Liberatæ Provinciæ gloriam unius Civitatis servitus, nec plenam, nec integram esse finit.

O R A T I O N I S CXXXI.

Aristheni de bello contra Nabin

Argumentum.

CUm Ætoli in concilio Græcorum bellum pro Argis sibi arrogarent, & Romanos excluderent, Aristhenus de bello Romanis deferendo ita censuit.

Loci communes à *comparatione*, & à *causis*.

Motus, Odium. Mores viri ingenui, & constantis.

Tota hæc Oratio uno Enthymemate continetur, à *Comparatione*:

Majus periculum tum Argis, tum reliquæ Græciæ imminet ab Ætolis, quàm à Nabide, & Lacedæmoniis.

Ergo tum bellum contra Nabidem, tum tutela contra Ætolos deferenda Romanis.

Nec istuc] *Antecedens* quoad primam partem de Argis.

Mare] *Antecedentis* approbatio continet periculum imminens universæ Græciæ, à *comparatione Minorum*, tali pacto:

Imminet Græciæ periculum ab Ætolis, licet mari à nobis disjunctis.

Ergo multò magis, ubi Argos obtineant in media Græcia. *Arist. l. 1. c. 12. t. 222.*

Linguam] *Secundò* arguit à *causis*:

Ab iis imminet maximum periculum, qui barbari, & immanes sunt. *l. 2. c. 5. t. 41.*

Tales sunt Ætoli.

Ergo ab iis maximum imminet Græciæ periculum.

Itaque] *Complexio* primi Enthymematis.

Sententiæ ?

Sunt, qui speciem hominum habeant, & moribus, ritibusque efferatioribus sint, quàm rapacissimæ belluæ.
Tyrannis, & barbaris gentibus non fidentum.

ORATIONIS CXXXII.

Nabidis Tyranni ad T. Quintium

Argumentum.

CUm cœptum esset bellum contra Nabin Lacedæmonium, hic, impetrato colloquio à T. Quintio, injustè se bello à Romanis peti ita queritur.

Loci communes à *Dissimili*, & ab *Adjunctis*.

Motus, *Ienitas*, & *Gratia*. Mores viri *innocentis*.

Dividitur in tres partes, *Exordium*, *Contentionem*, & *Perorationem*.

Si ipse] *Exordium* sumitur à causa dicendi, ut sciat, quare sibi pereundum sit innocenti.
l. 3. c. 14 t. 102.

Et hercule] Queritur sibi injustè bellum illatum, sic à *Dissimili*:

Si Carthaginienfes fœderum ruptores mihi arma moverent, tacerem.

Sed vos Romani estis, qui tueri fœdera consuevistis.

Ergo jure vobiscum exostulo de bello mihi contra fœdus illato.

At enim] Purgat crimen occupatæ Civitatis Argivorum ab *Adjunctis* rei & temporis, quod & Argos acceperit, ipsis Civibus
cam

eam tradentibus, & Philippo, non Romanis ademerit, & post occupatos Argos societatem cum Romanis fecerit.

Cæterum] 2. purgat crimen Tyrannidis à testimonio Romanorum, simulque eos levitatis accusat, quòd Tyrannum vocent, quem antea Regem appellaverint.

Quod ad multitudinem] 3. Refellit id, quod objiciebant, servos à se fuisse libertate, Civitate, & Agris donatos.

Possum quidem] Se defendit ab Adjunctis temporis; fœdus enim inter se, & Romanos initum posterius his erat.

Sed si nunc] Deinde à dissimili utriusque Civitatis instituto:

Apud Romanos hæc essent vituperanda, qui diversos Civium Ordines admittunt.

Sed Spartzæ Lycurgus omnes vult esse æquales.

Ergo hæc Spartzæ reprehendenda non sunt.

Pluribus] In Peroratione duas rursus assignat causas, cur prolixius non dicat, tum quia Lacedæmones breves in dicendo esse solent, tum quia non opus est plura addere, cum posteriori fœdere omnia antea facta satis defendi posse videantur, neque ipse postea quicquam mali egerit.

Sententiæ.

Quilibet scire cupit, priusquam pereat, cur periturus sit.

Ille injuriam non facit, qui Civibus vocantibus, ac tradentibus Urbem accipit.

Ubi æquatio fortunæ, ac dignitatis est, ibi etiam multi sunt, qui arma pro patria ferant.

O R A T I O N I S CXXXIII.

T. Quintii ad Nabin de justitia belli.

Loci communes à *Comparatione*, ab *Effectis*, & à *Causis*.

Motus, Ira, & Pudor. Mores viri gravis.

Refellit argumenta, quibus se Nabis purgaverat.

Amicitia] Ad primum de fœdere iſto cum Lacedæmoniis respondet hoc modo :

Nobis fœdus est cum regibus Spartæ legitimis, non cum Tyrannis.

Sed tu Tyrannus es.

Ergo nobis nullum tecum fœdus est.

Omittit autem disputationem de societate inita cum ipso Nabi, quia nihil habebat, quod responderet.

Nobis vero] Ad secundum de occupatis Argis sic ab *honesto* :

Qui liberatores Græciæ dici volunt, Argos, & Lacedæmonem servire pati non debent.

Sed nos liberatores universæ Græciæ dici volumus.

Ergo servire duas illas nobilissimas Civitates pati non debemus.

An ut ab iaso] *Propositionis* approbatio à *Comparatione Minorum*.

At enim] Ad illud, quòd cum Philippo Argivi consenserint, respondet à *causis* :

Quod paucorum dolo, non publico actum est, non debet nocere Civitati.

Sed paucorum culpa, non publico consilio & pro Philippo Argivi steterunt, & se deinde tibi dediderunt.

Ergo neutrum nocere debet Argivorum libertati.

Sic-

Sicque & ea defensio tollitur, quasi spontè Argivi in Nabidis potestatem venerint.

Remittimus] Nos, inquit, ab hac te curam liberamus, ne velis pro nobis irasci Argivis; nos enim, si quid peccarunt, iis succensere debemus.

Thessalos] Idem urget à *comparatione*:

Magis alii populi peccarunt, quàm Argivi.

Sed iis etiam libertas data est.

Ergo multò magis dari debet Argivis.

Qui insontes] *Propositionis* approbatio, quòd Argivi publico consilio non adhæserint Philippo, ut suprà habetur.

Servorum] Ad tertium de Servis manumissis, & divisis agris respondet, & hæc magna esse scelera, & eum pejora fecisse; hinc objicit Cædem Argivorum per Pythagoram factam, & eorum, quos in custodia se habiturum pollicitus fuerat captis Argis, idque ex eo amplificat, quòd ipse Quintius ferè præsens esset, *Arist. l. 2. c. 2. t. 10.*

At enim] Ultionem horum omnium ad Romanos spectare ait, qui, ut liberarent Græciam, mare trajecerunt.

Vos tamen] Ad ultimum de non violata à Nabide societate, quam cum Romanis habebat, sic ab *Effectis*:

Ille amicitiam violat, qui socios amici lædit, & cum illius hostibus se jungit.

Tu utrumque fecisti.

Ego amicitiam violasti, quam cum Romanis habebas.

Nam &] *Assumptionis* approbatio quoad primam partem.

Et cum Philippo] *Assumptionis* secunda pars confirmata ab enumeratione eorum,

quæ Nabis patrauerat pro Philippo contra Romanos.

Proinde] *Conclusio*, qua hortatur, ut omiffa Oratione; quæ virum popularem, & iustitiæ studiosum deceat, ea potius dicat, quæ Tyranno conveniant.

Sententia.

Qui pro libertate bellum gerit, cum Tyranno instituere amicitiam non debet. Si cives venia digni sunt, qui non publico consilio peccarunt.

Amicitia violatur, si socios amici pro hostibus habeas, si cum hostibus te conjungas.

Popularis oratio Tyrannum non decet.

O R A T I O N I S CXXXIV.

T. Quintii de obsidione Lacedæmonis

Argumentum.

T Quintius, ut à consilio obsidendæ Lacedæmonis averteret Socios, ita rei difficultatem exposuit.

Loci communes à *Causis*, & ab *adjunctis*.

Motus, *Timor*. Mores Ducis de futuro *solliciti*.

Bene] Fingit, se quoque velle in gratiam Sociorum Lacedæmonis obsidionem aggredi.

Ceterum] Prima difficultas à necessitate hybernandi circa mœnia Lacedæmonis, quam probat à *causis*, quia lentæ esse solent urbium oppugnationes.

Quæ mora] Secunda à labore, ac periculo

culo , quod tam ardua obsidio importabat .

Nunc impensa] Tertia à pecuniæ , & com-
meatum inopia , hortaturque singulos , ut
obsidio sine periculo suscipiatur , scribere ad
suas Civitates , an necessaria suppeditare pos-
sint .

Auxiliorum] Urget hanc difficultatem *ab*
Adjunctis , quòd multitudo maxima militum,
& auxiliorum sibi sit , quòd nihil in agro ho-
stium supersit , quòd hyems accedat .

Sententiæ .

Oppugnatio urbium lenta res est , & ob-
sidentibus prius sæpè , quàm obsessis
tædium affert .

Quòd plures sunt in exercitu , pluribus re-
bus egent .

Hyems difficilis est ad comportandum ex
longinquo .

O R A T I O N I S CXXXV.

T. Quintii in Concilio Græcorum

Argumentum .

CUM haberetur Corinthi Græcorum Con-
cilium , Quintius , antequam in Italiam
proficisceretur , ita de rebus à se gestis disseruit .

Loci communes à *causis* , & ab *Effectis* .

Motus , *Amor* . Mores *Viri boni* , & *amici* .

Quatuor autem præstat : Excusat , Coar-
guit , Admonet , Petit .

Si sine] Excusatio de tyranno Nabide reli-
cto , quam sic pertractat à *causis* : Utilius est
relinqui Tyrannum , quàm cum Tyranno no-
bilissimam Civitatem simul perire . *Arist. l. 1. c.*

6. 1. 73.

E 5

Sed

Sed simul cum Nabide etiam Lacedæmon periisset .

Ergo utilius fuit eum relinqui .

Debilitatum] *Propositionem* confirmat ex eo, quòd Tyrannus relictus sit , qui cæteris nocere nequeat .

Proscisci] Objurgatio in Ætolos , qui Romanos accusaverant perfidiæ , & ambitionis , eosque sic coarguit , *ab Effectis* :

Qui exercitum ex Græcia , præsidia ex Urbibus deducit , falsò accusatur perfidiæ , & ambitionis .

Sed utrumque ego statim præstabo .

Ergo falsò me , & Romanos perfidiæ , & ambitionis Ætoli accusarunt .

Distulerint] Hoc est , vanis sermonibus vulgaverint .

Reliquas] Admonitio , eaque quadruplex .
1. ut , quod ad Romanos spectat , majorem in posterum factis , quàm dictis fidem habeant .

Libertate] 2. ut libertate moderatè utantur .

Concordiæ] 3. ut concordiam inter se tueantur , allato argumento ex illius commodis , & ab incommodis , quæ ex discordia oriuntur .

Alienis] 4. ut libertatem fide , & armis Romanorum partam ipsi per se custodirent , quò se dignos accepto beneficio præberent .

Silentio] Petit , ut sibi gratis reddantur Cives Romani , qui venundati vel ab Annibale , vel à Philippo , apud eos erant in servitute .

Sententiæ

Vehementioribus , quàm quæ pati possit
remediis Civitas succumbit .

Ex factis , non ex dictis amici pensandi
sunt .

Libertate modicè utendum .

Adversus consentientes nullus Rex satis
validus est: discordia , & seditio omnia
opportuna insidiantibus faciunt .

Solatium est , cùm Beneficium benè po-
nitur .

Ex Dec.4. Lib. 5.

O R A T I O N I S CXXXVI.

Minionis ad Legatos Romanos

Argumentum.

Romanis Legatis postulantibus restitui li-
bertatem Græcorum Civitatibus , pro
Antiocho princeps amicorum Minio ita re-
spondet .

Loci Communes à Comparatione.

Motus , Ira , & Pudor . Mores Viri can-
didi .

Tres sunt partes , *Exordium* , *Contentio* , &
conclusio .

Specioso] Hic est *Syllogismus* totius Oratio-
nis :

Romani , quod ipsi faciunt , in aliis re-
prehendere non debent .

Sed Romani armis superatas plures ex
Græcis civitatibus tenent .

Ergo reprehendere non debent Antio-
chum ,

chum, quòd idem faciat.

Specioso] *Propositio*, quam loco *Exordii* usurpat.

Qui enim] *Assumptio*.

Eandem] *Complexio*.

Itaque] *Conclusio*, qua Romanos insimulat, quasi justitiam nihili faciant, & ex ambitione belli causam utcumque quærant.

Sententia.

Bellis ut plurimum speciosus titulus prætenditur.

Quod alteri juris statuis, eo ipse utere.

Qui ex æquo disceptari non vult, belli causam quærit.

ORATIONIS CXXXVII.

Legati Romani ad Minionem.

Loci Communes à *Diffimili*, & à *Comparatione*.

Motus, *Indignatio*. Mores *Viri prudentis*.

Partes, ut in superiori, in hac etiam tres sunt.

Fecit] *Exordium*, quo dictorum impudentiam coarguit, laudans Antiochum, qui hac de causa præsens eadem illa dicere non ausus fuerit.

Quid enim] *Contentio* hujusmodi *Syllogismum* habet à *Diffimili*:

Romani idcirco Græcas aliquot Civitates jure obtinent, quia tot annorum nunquam intermisso spatio eas tenuerunt.

Sed Smyrnam, & cæteras Antiochus paucis abhinc annis occupavit.

Ergo non eas jure obtinet.

Ab ræginis] Propositio.

Potesne] Assumptio.

Et non alias] Assumptionis approbatio.

Nam si] Prolepsis, quasi idcirco in eas jus habeat Antiochus, quia & Alexandro Macedoni, & Seleuco successor anteà servierant, cui respondet à *Pari* :

Non minus Philippus, ejusque filii repetendi amissa jus habent, quàm Antiochus majorum suorum possessiones.

Sed nullum jus Philippi filii habent. Ergo nec Antiochus.

Sed quid ego] Conclusio, qua rem integram disputandam permittit legatis Civitatum, qui ad eam rem illuc convenerant.

Sententia.

Facit verecundè, qui malam causam alium quemlibet, quàm se agere mavult.

Valere debet jus, perpetuo tenore semper usurpatum, ac nunquam intermissum.

ORATIONIS CXXXVIII.

Annibalis ad Antiochum de sua fide

Argumentum.

Annibal suspectus Antiocho propter colloquia cum Villio Legato Romano habita, ita se apud Regem purgat.

Loci communes ab Effectis, & à causis.

Motus, Confidentia. Mores Viri Constantis.

Partes sunt tres, *Exordium*, *Contentio*, & *Conclusio*.

Pater Amilcar] Orationis *Syllogismus* talis est:
Immeritò illius tibi fides suspecta est, qui
odium alit acerrimum in Romanos.

Arist.c.4. l.2.t. 24.

Talis ego sum.

Ergo immeritò mea tibi fides suspecta est.

Pater] Approbatio prima *Assumptionis*
à causis, & supplet vicem *Exordii*.

Sub hoc] Altera approbatio *ab Effectis*, cùm-
que dicat, se xxx. & sex annos militasse, pa-
tet undecim annorum natum missum in Hispa-
niam ad Asdrubalem, ut in principio Dec. 3.
Livius.

Itaque] *complexio*, & omnia in se crimina
vera esse posse ait potius, quàm benevolen-
tiam in Romanos.

Odi] Post duplicem approbationem poni-
tur ipsa *assumptio*, quam prætereà confirmat
patris Amilcaris, & Deorum testimonio.

Sententia.

Multis libet apud Principem alienis cri-
minibus crescere.

ORATIONIS CXXXIX.

Q. Quintii in concilio Achæorum
contra Ætolos

Argumentum.

CUM Legatus Antiochi, & Ætoli suas vi-
res apud Achæos extollerent, ut secum
in societatem eos contra Romanos pertrahe-
rent, ita respondet Quintius.

Loci communes *ab Effectis*, *à Simili*, &
à causis.

Motus, contemptus. Mores Viri, gravis.
Par-

Partes sunt tres, *Exordium*, *contentio*, & *conclusio*.

Coram quibus] In *Exordio* arguit dicta ab Archidamo, quippe qui non Achæis, sed Antiochi Legatis verba fecerit; quod probat sic:

Qui falsa de se prædicat, non studet se commendare iis, qui eum optimè norunt.

Sed vos optimè nostis Ætolos talia de se falsa prædicantes.

Ergo non Vobis illi se commendare, sed Legatis Antiochi voluerunt.

Achæos] *Assumptio*.

Itaque] *complexio*.

Quod si quis] In *contentione* infirmat societatem Antiochum inter, & Ætolos, ut ab ea deterreat Achæos, sic à *causis*;

Ea societas infirma est, quæ nullis innititur fundamentis.

Talis est societas inita inter Ætolos, & Antiochum.

Ergo infirma est.

Mentiendo] Explicat *Assumptionem* exponens, quæ sibi falsa mutuò polliciti essent Antiochus, & Ætoli.

Est autem] Cum autem eorum, quæ iactasset Archidamus, Achæi ipsi satis per se testes essent, Quintius & promissa Regis falsa esse ostendit à *simili*; sicut in cœna multa varietas, & species ferinæ carnis fieri solet condimentis ex manfucto sue, sic inauditis exterarum gentium nominibus Syros mancipia Regis verbis extolli, ibi ad delectationem, hic ad terrorem.

Et utinam] Idem probat etiam ab *Effectis*:

Si tanta foret Regis potentia, non venisset in Græciam sine exercitu, sine com-

commeatu , sine pecunia .

His omnibus destitutus venit in Græciam
Antiochus .

Ergo falsa sunt , quæ de sua maxima
potentia prædicat .

Assumptio egregiè amplificatur per figuram
hypotyposin .

Male] *Complexio* argumenti , cui & alteram subdit ; non debere Achæos permittere , se quoque decipi , ut Ætoli , & Antiochus decepti sunt .

Nam quod] In *Conclusione* affirmat , omnium maximè periculosum Achæis esse , si bello abstineant , fore enim victoris certam prædam .

Sententiæ .

Qui feroces apparent in conciliis , & concionibus , tales in acie non sunt .

Condimentis varietas ciborum multa , & species ferinæ carnis fit ex mansueto sue .

Barbari haud paulò mancipiorum melius propter servilia ingenia , quàm militum genus .

Ex Dec. 4. Lib. 6.

ORATIONIS CXL.

Annibalis ad Regem Antiochum de bello

Argumentum .

CUM ab Antiocho consultatio haberetur de Thessalis in societatem accersendis , Annibal interrogatus sententiam ita de universo bello disseruit .

Loci communes à *causis*, & à *comparatione* :

Motus, *Confidentia*. Mores *Viri* prudentis.

Dividitur in tres partes, *Exordium*, *Contentionem*, & *Perorationem*.

Si ex quo] *Exordium* habet constantiam consilii ad auctoritatem conciliandam.

Ante enim] In *Contentione* duo probat, accersendum esse in societatem belli Philippum, & in Italiam arma esse movenda. De Philippo ita disputat à *causis* :

Ii Socii sunt accersendi, qui fideles, & utiles tibi sint; *Arist. cap. 5. l. 2. tex. 56.*

Ceteri inconstantes, & infirmi, Philippus, & constans, & utilis Socius tibi erit.

Ergo Philippus maximè in societatem belli est accersendus.

Nam quod] *Assumptionis* prima pars.

Quanto igitur] Altera pars *Assumptionis*, & utilem futurum ad victoriam consequendam sic ostendit à *comparatione* :

Philippus unus superiori bello tum Romanis, tum Ætolis restitit.

Ergo si non solum Ætolos, sed & Philippum socios habeas, non poterunt Romani resistere.

Ut meam] *Complexionem* urget ab exemplis sui ipsius, & Pyrrhi.

Quæ igitur] Exponit, quare confidat fore, ut Philippus non recuset societatem inire cum Antiocho, quomodo sit invitandus, quid agendum, si abnuat.

De Philippo] Transit ad alteram partem, & differit de ratione belli gerendi; quo modo scilicet antea oportuerit, & quo nunc geri debeat.

Hæc suadeo] *Peroratio*.

Sen-

Sententiæ .

Qui viribus inferiores sunt , quem metum in conciliis habent , eodem ad impetrandam veniam utuntur .

Is constans in bello est , cui , si semel in causam descenderit , nihil integri futurum sit .

Communis utilitas societatis maximum vinculum est .

Ille peritus est belli , qui bellare bonis , malisque suis didicit .

O R A T I O N I S CXLI.

Acilii Consulis ad Milites

Argumentum .

CUm Antiochus metu Romanorum intra saltum Thermopylarum se recepisset , invitatis etiam Ætolis ad cacumina montium defendenda , Acilius milites ad pugnam inflammat , rei facilitate , & magnitudine præmiorum proposita .

Loci Communes à Comparatione , à Causis , & à Consequentibus .

Motus , Confidentia . Mores Viri fortis .

Facilitas ostenditur à Comparatione Majorum :

Difficilius fuit saltum superare Macedonico bello , quàm hunc .

Sed vos ipsi tunc superastis saltum ad Aoum flumen in Epiro .

Ergo hunc multò facilius superabitis .

Plerosque] Assumptio , & omnium ordinum dicit , hoc est peditem , Equitum Ducum , qui

qui contra Macedones ad Aoum pugnauerant .

Macedonico] *Propositio* .

Quippe] *Propositionis* approbatio per quadruplicem *Comparisonem* , saltuum , munitionum , militum , Ducum .

Summa virium] Sic deinde argumentatur à *causis* :

Ab eo non est timendum , qui maximè timet , & sociis infidis confidit . *Arist.*
c. 5. l. 2. r. 41.

Sed Antiochus maximè timet , & Ætoli , quibus fidit , infideles sunt .

Ergo nihil nobis est ab Antiocho timendum .

Summa] *Assumptionis* secunda pars , quam confirmat ab *Effectis* .

Rex ipse] Prima pars *Assumptionis* , itidem ab *Effectis* , quam præterea urget à *Comparisonem* Spartanorum , qui contra Xersem pugnaturi non intra saltum , ut Antiochus , sed ante fauces constiterant .

Quod quantum] Eundem scilicet timorem ostenderunt recipientes se intra saltum , ac si muris alicujus Urbis inclusissent .

Illud] A præmiis victoriam consequentibus sic milites inflammat :

Ad eam victoriam aspirare debetis , cujus præmia sunt Græciæ libertas , maxima præda , & terrarum imperium .

Sed hæc omnia consequentur victoriam , quam ex Antiocho reportabitis .

Ergo ad eam aspirare totis viribus debetis .

In hæc] *complexio Argumenti* .

Sententia.

Dux ille ignavus est, qui novus maritus, velut saginatus nuptialibus coenis, ad pugnam proeedit.
 Ingratis, & vanis sociis non est fidentum.

O R A T I O N I S CXLII.

T. Quintii de Zacyntho in concilio
 Achæorum

Argumentum.

CUM disceptatio de Insula Zacyntho, quam Achæi occupaverant, Quintii arbitrio permessa esset, ita ille insulam Romanis adjudicavit.

Loci communes à causis, & à simili.

Motus, Amor. Mores viri justis, & prudentis.

Argumentum Orationis tale est à causa finali:

Si utilis esset Achæis possessio Zacynthi, eam illis adjudicarem.

Sed non est utilis.

Ergo nec possum adjudicare.

Si utilem] Propositio, auctor essem, inquit, id nimirum suaderem Senatui, populoque Romano.

Cæterum] Assumptionis approbatio à Simili.

O R A T I O N I S CXLIII.

T. Quintii ad Consulem pro Ætolis

Argumentum.

Hortatur Quintius Atilium Consulem, ne Urbem Ætolorum Naupaetum, quam vi summa obsidebat, evertat, sed petentibus veniam det.

Loci communes à causis,

Motus, Timor, & Æmulatio. Mores viri de Rep. solliciti.

Tota admonitio hoc uno Syllogismo continetur à causis:

Id tibi curæ esse debet, quod è Rep. nostra est.

Sed è Rep. nostra est hanc obsidionem solvere.

Ergo id maximè facere debes.

Utrum] *Assumptio.*

Ecquid] *Assumptionis* approbatio, amplificans enim res à Philippo gestas æmulationem, & timorem movet, ex *Arist. l. 2. c. 11. t. 116.* & c. 5. ejusdem lib. t. 41.

Sententia.

Non tam interest Reip. hostis imbecillioris vires, & opes minui, quàm suspectum, eumque potentem socium non supra modum crescere.

O R A T I O N I S CXLIV.

T. Quintii ad supplices Ætolos

Argumentum.

CUM in urbe Naupacto obsidione pressi impensius orassent Quintium, ut gentis suæ misereretur, hac oratione eis Quintius respondet.

Motus, *Amor*. Mores *viri clementis*.

Fortuna] Eos coarguit, quòd ipsi sibi causa fuerint tot malorum, simulque se & moderatum, & prudentem exhibet.

Ego tamen] Testatus egregiam suam in omnes Græcos voluntatem, jubet Oratores mittere, seque iis offert apud Consulem deprecatores.

Sententiæ.

Fortuna delinquentium facit, ut vir sapiens iræ, & Orationi temperet.

Vir bonus ne ingratis quidem benefacere absistit.

Ex Dec. 4. Lib. 7.

O R A T I O N I S CXLV.

Eumenis in Concilio de Pace

Argumentum.

CUM Æmilio Prætori, & Rhodiis videretur non abnuenda pax Antiocho petenti, eam Eumenes tali oratione dissuasit.

Loci

Loci communes ab *Adjunctis*, & ab *Effectis*.

Motus, Pudor; & Metus. Mores viri
Constantis.

Disuadens igitur hoc imprimis utitur argumento:

Eam pacem rejicere debemus, quæ neque est honesta, neque certa.

Pax cum Antiocho neque honesta nobis est, neque certa.

Eam igitur rejicere debemus.

Eumenes] *Assumptio*:

Qui enim] *Assumptionis* approbatio ab *Adjunctis* quoad utramque partem.

Quæro] Inde aliam deducit rationem ab *Effectis*:

Ea Pax rejicienda est, quæ maximum nobis parit incommodum.

Sed hæc pax maximo nobis incommodo futura est.

Ergo rejicienda.

Probat *Assumptionem*, quia cum necesse sit etiam pace composita adhuc in Asia manere, socios exhaurient præbendis com meatibus; si verò pacem Consul abnuat, opus erit rursus reparare bellum, quod nunc facili negotio confici possit.

Sententia.

Nulla est ea Pax, quæ rei exitum imponere non potest.

Ratum non est, quod sine auctoritate Senatus, sine jussu Populi peragitur.

O R A T I O N I S CXLVI.

P. Scipionis ad Legatum Antiochi

Argumentum.

P Scipio fratris Legatus permittenti Legato Antiochi pro pace impetranda magnum auri pondus, & regni societatem ita respondet.

Loci communes à Dissimili.

Motus, Timor. Mores viri humani, & prudentis.

Partes sunt tres, Exordium, Contentio, & Conclusio.

Quod Romanos] In *Exordio* castigat petulantiam Legati, tùm quia Romanos auro corrumpi posse speraverat, tùm quia victis dari æquam pacem petebat.

Lysimachia] Ad utrumque respondet in *Contentione*, & imprimis quoad conditiones pacis tali ratione à *Dissimili*:

Si par nobis bello esset Antiochus, jure æquas peteret belli conditiones.

Sed non est.

Ergo non debet à nobis æquam pacem petere.

Lysimachia] *Propositio.*

Concesso] *Assumptio cum Complexione.*

Ego] Quoad munera, ait se filium suum donum ab Antiocho accepturum, alia nequaquam, & privatam gratiam inde promittit, publicè nihil.

Quod in præsentia] *Conclusio*, qua hortatur, ut quamlibet potius pacem accipiat, quàm rem armis rursus permittat,

Sententiae .

Alios nōscere non potest , qui suam fortunam ignorat .

Nulla est disceptatio ex æquo , ubi imperium victis patiendum sit .

Privata gratia , non publica pro privato beneficio debetur .

O R A T I O CXLVII.

Zeusis Legati Antiochi pacem à Romanis petentis .

Loci communes à *Comparatione* .

Motus , *Ienitas* . Mores viri supplicis .

Non tam] Ad quaslibet pacis condiciones accipiendas se paratum ostendit , ut eò magis sibi Romanos placet ; & ut magis ad lenitatem inclinent , tali utitur Syllogismo à *Comparatione* .

Romani victores Regibus , Populisque victis parcere solent . *Arist. l. 2. c. 3. t. 16.*

Sed hæc est maxima omnium victoriarū .

Ergo victo Antiocho maximè placati esse debent .

Maximo] *Propositio* .

Quanto] *Assumptio cum Complexione* .

Positis jam] *Complexionem* urget , quòd cum iam nulli sint hostes , quippe domini generis humani , parcere suis debebant .

O R A T I O CXLVIII.

P. Scipionis condiciones pacis recensentis .

Loci communes ab *Effectis* , & à *Comparatione* .

Tom. V.

M

Mo-

Motus, *Timor*. *Mores viri in victoria moderati*.

Duo præstat, Romanorum moderationem commendat, & conditiones pacis affert.

Romani] Magna igitur, & eadem tam in adversis, quàm in secundis rebus usos esse Romanos ait animi Moderatione, quod probatur *ab Effectis*; nam & Annibali victori non cesserant, & victo pepercerant, ipsi verò Antiocho jam victo eandem pacem dabant, quam obtulerant, priusquam vinceretur.

Europa] Pacis conditiones præscribit.

In deteriore] Minatur pejora, nisi hæc accipiat, usus tali argumento à *Comparatione*. Iniquas pacis conditiones habet Antiochus, quia serò pacem fecit. Ergo iniquiores habebit, si seriùs faciat.

Si nunc] Id autem confirmat, quia Romanis, qui maximam Regis potentiam depellere potuerunt, multò facilius fractam jam, ac debilitatam omninò tollent.

Sententiæ.

Sapientum virorum animos neque secundæ res efferunt, neque adversæ minuunt.

In deteriore sua fortuna plerumque pacem facit, qui seriùs facit.

Regum majestas difficiliùs à summo fastigio ad medium detrahitur, quàm mediis ad ima præcipitatur,

ORATIONIS CXLIX.

Eumenis in Senatu Romano

Argumentum.

PACE cum Antiocho composita, Eumenes sua in Pop. Romanum merita apud Patres recenset, petitque præmia, contradicentibus Rhodiis.

Loci communes à Causis, ab Enumeratione, à Comparatione.

Motus, Gratia. Mores viri modesti, & benemeriti.

Tres sunt partes, *Exordium, Contentio, & Peroratio.*

Perseverassem] Sumitur *Exordium* à causa dicendi, quæ talis est:

Necesse est, ut vel ante, vel post Rhodios dicam.

Sed difficilior erit oratio mea, si dicam post Rhodios.

Ergo debui ante eos verba facere.

Perseverassem] *Propositio.*

Quæ quidem [*Assumptio*, & ejus approbatio, difficile enim futurum erat respondere Rhodiis, qui libertatem Græcis Civitatibus petitori videbantur, neque inimico in me animo, neque ex privata aliqua utilitate.

Quo impetrato] Ostendit igitur *ab honesto*, antequam de se ipse loquatur, non esse admittenda Rhodiorum postulata, tali ratione:

Non debetis ex Sociis vestris alios nimium deprimere, alios nimium extollere.

Sed admittentes Rhodiorum postulata eos nimium extollitis, me nimium deprimitis.

Ergo eorū postulata admittere non debetis.

Quo impetrato] Assumptionis approbatio
quoad utramque partem .

Hæc vos] Propositio ; eamque magis urget :
quòd sic melior futura esset conditio Civita-
tum, quæ contra Romanos bellaverant, quàm
Eumenis socii Regis .

Quod ad me] In contentione suam mode-
stiam præfatus, qui tria maximi faceret, amici-
tiam, & benevolentiam cum Romanis, & hono-
rem, qui sibi ab iis haberetur, *ex Arist. l. 2. c. 4. t. 23.* ostendit se de Romana Rep. optimè
meritum, recensens quæcumque ipse, & Pa-
ter suus pro Romanis fecerant .

Hanc ego] Merita Patris amplificata *ab Ad-*
junctis temporis, constantiæ, & mortis. *Arist.*
l. 2. c. 7. t. 81.

Hujus ego] Sui ipsius merita, eaque amplifi-
cat à commodis, quæ recusaverat ab Antiocho
oblata, ab incommodis, quæ passus fuerat, à
promptitudine, qua Romanis Imperatoribus
semper paruerat. *Ex eodem loco citato Arist.*

Non sum hoc] Hæc est *Complexio* argumen-
ti à *partium Enumeratione* : affirmat enim, quod
negare per modestiam videtur .

Masanissa] Sua deinde extollit merita
Comparisonem minorum :

Multò majori dignus est præmio, qui
voluntate semper Vobis fuit socius
quàm qui ex hoste factus est necessitas
socius .

Sed Masanissa ex hoste factus vobis neces-
sitate socius tam multa obtinuit .

Ergo mihi, qui Patris exemplo semper
Vobis voluntate fui socius, multò ma-
jora debentur .

Masanissa] Assumptionis approbatio.

Quo tandem] Complexio.

Quid ergo] Peroratio habet Regis postulas-
ta, & refutat, quod deinde Rhodii petunt
crant,

erant ; magis enim conveniens esse videbatur
benemeritis sociis consulere , quàm Civitati-
bus hostium .

Sententiæ .

Moderati ii sunt , qui non solùm nihil ;
quod contra alios sit , sed ne quod ad
ipsos quidem pertinet , petunt .

Satius est cedere aliquando intra fines sui
juris , quàm nimis pertinaciter tendere
in eo obtinendo .

Æquius est sociis benemeritis , quàm ho-
stibus consuli .

O R A T I O C L.

Rhodiorum in Senatu contra Eumenis .
postulata .

*Loei còmmunes ab Antecedentibus , à Cau-
sis , à Comparatione , à Dissimili , & si-
mili .*

*Motus , Amor , & Lenitas . Mores homi-
num libertatem amantium .*

Dividitur in tres partes , *Exordium , Contem-
tionem , & Perorationem .*

Nihil nobis] In *Exordio* invitos se dicunt
cum Eumene hospite disceptare , causam au-
tem diversæ hujus voluntatis eam esse , quòd
ipse Rex omnia imperio subjecta , Rhodii li-
bera Civitas libertatem omnibus esse vellent ;
utrumque ad conciliandam benevolentiam ,
ex Arist. l. 2. c. 4. t. 23.

Utrumque] Cæterùm minimè perplexam
futuram deliberationem , maximè se confide-
re ostendunt , hoc argumento :

Perplexæ esset deliberatio , si non alia præ-
mia dari Eumeni possent .

Sed alia multa sunt, quæ obtinere à Vobis potest, præter Civitates Græcorum. Ergo minimè perplexa hæc Vobis deliberatio futura est.

Sicque refelluntur rationes omnes Eumenis, ex suis, Patrisque meritis petita.

Nam si] *Propositio*, & ejus approbatio.

Sed ab hac] *Assumptio*, & recensentur omnes Provinciæ, quas pro liberis Civitatibus Romani dare poterant Eumeni.

Icet ergo] *Complexio*.

Et meminisse] *Complexioni* superioris Argumenti aliud annectitur sumptum ab Antecedentibus, & est hujusmodi:

Quod victo Philippo fecistis, idem victo Antiocho facere debetis.

Sed victo Philippo omnes Civitates liberaræ esse voluistis.

Ergo & victo Antiocho Græcorum Civitates vindicare in libertatem debetis.

Quem titulum] *Approbatio* quædam esse videtur *Propositionis*, quoad *Comparisonem Parium*, sed & alia ratione confirmatur à *Causis*:

Post victoriam tueri debetis, quod bello quæsiuistis.

Sed utroque bello gloriam Vobis, & libertatem Græcis Civitatibus parastis.

Ergo victo Antiocho æquè, ac victo Philippo libertatem Græcorum tueri debetis; adeoque & gloriam à Vobis paratam.

Alia enim] *Assumptionis* prima pars illustrata à *Dissimilibus*.

Quæ parare] *Propositionis* quædam expositio; non minus laborandum Romanis est, ut tueantur post victoriam, quæ bello parantur.

Gentis] *Alteræ Assumptionis* pars.

Hoc

Hoc patrocinium] Complexio .

Non quæ] Occurrit Prolepsi , quasi Græcorum Coloniae in Asia revera Græcæ urbes non sint , quod negat sumpto argumento à Causis .

Græcæ Civitates sunt, quæ Græcorum artibus , & virtutibus delectantur .

Sed Coloniae Græcorum in Asia Græcas artes , ac virtutes colunt .

Ergo sunt Græcæ Urbes æquè , ac eæ , quæ sunt in Europa .

Certare] Assumptio , Rhodii quoque erant in Asia , & Coloni Græcorum .

Adistis] Assumptionis approbatio à testimonio Romanorum .

Massilienses] Idem confirmat à Comparatione Massiliensium :

Si qua Colonia Græcorum mutasset mores , maximè Massilienses inter tot barbaras Gentes constituti .

Sed & hi non mutarunt .

Ergo multò minus Coloniae in Asia existentes .

Massiliam ædificarunt Phocenses Asiatici , teste Ammiano .

Terminus est] Tandem arguit à Similitudine :

Romani tales sunt in ultimis terrarum partibus æquè , ac Romæ .

Sed Græci Romanorum animos gerunt .

Ergo æquè sunt Græci in Asia , ac in Europa .

Terminus] Propositio .

Barbari] Assumptionis approbatio à Dissimilitudine .

Græci] Ipsa Assumptio , habent scilicet Græci Romanorum animos pro tuenda libertate , non fortunam , ut aliorum etiam imperium suis viribus amplectantur .

*At enim] Confutat id , quod Eumènes
dixerat , non esse relinquendam libertatem
Græcis Civitatibus , quia contra Romanos ar-
ma tulerunt ; sic à Comparatione Majorum : In-
ter alias Carthago ipsa contra vos toties arma
tulit .*

*Sed tùm cæteris , tùm etiam Carthaginii
libertatem reliquistis .*

Ergo multò magis Græcis Asiæ Urbibus .

Huic vestro] Complexio .

*Rhodii] Peroratio , qua modestè attingit com-
memorationem rerum omnium à Rhodiis pro
Romana Rep. gestarum , & gloriam innuit ,
quæ ex data Græcis omnibus libertate Roma-
nis consecutura est .*

Sententiæ .

*Reges , & liberas Civitates natura ipsa ,
quæ potentissima est , disjungit .*

*Illà perfectà victoria , quæ gloriosa pari-
ter , & dives est .*

*Alia aliis & honesta , & probabilis armo-
rum causa est .*

*Quæ parare , & quærere arduum fuit ,
tueri sæpè est difficilius .*

*Terra mutata non mutat genus , & mo-
res .*

*Mores , leges , & ingenium sincerum ,
atque integrum à contagione aecola-
rum servare difficile est .*

Ex Dec. 4. Lib. 8.

ORATIONIS CLI.

Manlii Consulis ad Milites

Argumentum.

MAnlius Consul ducturus in Gallogræcos exercitum, qui Antiochum armis juverant, ita milites hortatur, ne Gallorum nomen inane timeant.

Loci communes *ab Antecedentibus, à Comparatione, à Causis.*

Motus, *Contemptus.* Mores *magnanimi Ducis.*

Tres sunt partes, *Exordium, Contentio, & Conclusio.*

Non me] *Prolepsis* est in *Exordio* de Gallorum virtute, & causæ afferuntur, eam sibi inclytam famam apud minimè feroces Asiæ gentes paraverint, omnia in contemptum, ex *Arist.lib.2.cap.11.t.117.*

Sed Hæc] In *Contentione* respondet *Prolepsi*, non esse timendos Romanis Gallos, qui Asiæ populis terrori sint, idque probat multis argumentis.

Semel] 1. *ab Antecedentibus:*

Timere non debemus Gentem, quam toties vicimus; *Arist.l.2.c.5.t.41.*

Sed Gallos per ducentos jam annos toties vicimus.

Ergo eos nunc timere non debemus.

Jam usu] 2. *à Causis.*

Ii minimè terrori esse debent, qui primo impetu feroces, statim deinde propter mollitiem corporum demittunt animos.

Tales sunt Galli. Ergo ii nobis terrori esse non debent. *Excitato Arist. loco.*

Non legionibus] 3. à *Comparatione* :

Ut in singularibus certaminibus singuli milites, ita in pugna Exercitus se habet.

Sed in singularibus certaminibus Romani Gallis meliores sunt.

Ergo & in pugna.

Et illis] 4. à *Comparatione Majorum* :

Majores nostri feroces illos, & veros Gallos toties vicerunt.

Sed hi longè inferiores sunt, & degeneres.

Ergo multò facilius nobis erit vos vincere. *Arist. l. 2. c. 5. r. 43.*

Sicut in] *Assumptionis* multiplex *Approbatio*, & primò à *Simili*.

Macedones] *Ab Exemplis*.

Generosus] *A Causa virtutis efficiente*.

Phryges] *Hæc est argumenti Complexio*.

Attalus] *Confirmatur eadem Assumptio ab Effectis*.

Nolite] *Deinde à Simili, & dissimilibus Causis*.

Vobis] *Tandem à Comparatione* :

Vobis Asiæ amœnitas officeret, qui Romulum Marte genitum auctorem gentis habetis:

Ergo multò magis Gallos eadem amœnitas corrumpit.

Hoc tamen] *Conclusio*, qua occurrit alteri *Prolepse*, quasi minimè gloriosum Romanis futurum sit Gallogræcos vincere tot illecebris depravatos. Respondet igitur, tales quidem eos revera esse, fama tamen apud timidos Græcos eadem valere; sicque rem non modò facilem, quàm apud socios gloriosam ostendit.

Sententiæ.

Multa in bellis etiam de industria composita ad terrorem valent.

Barbarorum primus impetus gravis est, quem fervido ingenio, & cæca ira effundunt.

Non tantum semina ad servandam indolem valent, quantum terræ proprietates, cœlique, sub quo aluntur, mutat.

Peregrinæ voluptates ad extinguendum vigorem animorum plurimum possunt.

O R A T I O N I S CLII.

L. Furii, & L. Æmilii contra Manlium
de Triumpho.

Argumentum.

Victis Gallogræcis Cn. Manlius triumphum à Senatu petebat, cui L. Furius, & L. Æmilius duo ex decem Legatis missis in Asiam ita adversantur.

Loci Communes à *Comparatione*, ab *Ad-junctis*, & à *Dissimili*.

Motus, *Ira*, & *Indignatio*. Mores hominum *justitiæ*, & *paci studentium*.

Partes sunt tres, *Narratio*, *Contentio*, & *Epilogus*.

Legatos] *Narratio* habet duo Manlii crimina, quòd pacem cum Antiocho factam turbare voluerit, & quòd arma intulerit Gallogræcis injussu Populi, & sine auctoritate Senatus.

Quod quem] Primum crimen omittunt ;
M 6 quia

quia perficere non potuerat, quod optabat et
alterum sic pertractant *ab honesto*:

Qui de sua sententia bellum movit, &
temerè administravit, triumphum non
meretur.

Manlius de sua sententia bellum Gal-
logræcis movit, illudque temerè ad-
ministravit.

Ergo non meretur triumphum.

Quod quem] *Propositionis* approbatio quoad
primam partem, à *Comparatione* aliorum
bellorum, quæ paulò antè à Romanis gesta
fuerant.

Quid eorum] *Assumptionis* primas
pars.

At eo ipso] Amplificat secundam partem
Assumptionis ab Adjunctis:

Qui duxit exercitum, quò non debuit,
is temerè bellum gessit.

Manlius in gratiam Attali duxit exerci-
tum, quò non debuit.

Temerè igitur bellum gessit, non justè,
& legitimè.

Non enim rectà ad hostes movit, sed per
devias Provincias quasi Attali Mercenarius
profectus est.

Bellum autem] Prosequuntur idem argu-
mentum, hoc modo:

Qui iniquo loco cum hostibus pugna-
vit, temerè bellum gessit.

Sed bis iniquo loco cum hostibus Man-
lius pugnavit.

Ergo temerè bellum gessit.

Tu verò] Ne parva victoria Manlius se
excuset, eam ascribunt tum Deorum patro-
cinio, tum illius Gentis, quæ victa fuerat,
timiditati. *Arist. l. 3. c. 15. t. 115.*

Bis cum iis] Tum deinde *Assumptionem* sub-
jiciunt.

Quid igitur] Repetunt responsionem supraallatam ad *Prolepsin* de parta victoria ; timiditatem hostium in causa fuisse , cur Romani vicerint , eamque probat à *Dissimili* : A Thracibus cladem magnam accepit .

Ergo à Gallogræcis victus fuisset , si non in timidos hostes incidisset .

Pro his] *Complexio* primi *Syllogismi* .

Si nihil] Quam *Complexionem* urget ab *Exemplis Dissimilibus* .

An satis esset] Bello enim cum Antiocho consulti sunt *Feciales* , ipsine Regi bellum indicendum foret , an satis esset alicui ex illius præsidiis nuntiari .

Vultis ergo] *Epilogus* eorum , quæ supra recensentur , & orationem recenti , & dissimili exemplo concludunt .

Sententia .

Antequam arma inferantur , mitti Legati , res repeti , & indici bellum debet .

Prudens Imperator loco æquo , & suo tempore pugnare debet .

Merito triumphum à Patribus petit bellogesto , qui iis auctoribus gessit .

ORATIONIS CLIII.

Cn. Manlii pro triumpho in Senatu .

Loci communes à *Causis* , à *Comparatione* , à *Genere* , & ab *Enumerationem* .

Motus *Invidia* . Mores *Viri innocentis* , & *benemeriti* .

Partes sunt quatuor , *Exordium* , *Propositio* , *Contentio* , & *Conclusio* .

Tri-

Tribuni] *Exordium* malignitatis accusat & Adversarios , & Patres Consc. per *Comparationem imparium*: Adversarios quidē tali ratione :

Turpe est , decem Legatos negare Imperatori , quod non negatur à Tribunis Plebis .

Sed Tribuni non modò mihi triumphum non negant , sed parati sunt etiam referre .

Ergo id mihi negare Decem Legatos turpe est .

Tribunis] *Propositionis* approbatio quoad Tribunos .

Quibus ego] *Assumptio* .

Ex decem] *Propositio* , & ejus approbatio quoad Legatos .

Nullius] Leniter deinde , & modestè Patres ipsos perstringit , hoc modo :

Qui Fabio Labeoni triumphum concessere negatum à Tribunis , non debent eum mihi negare .

Sed Patres triumphum concessere Fabio negatum à Tribunis .

Ergo eum mihi negare non debent .

Propositio probatur dissimilitudine rerum ab utroque gestarum , & sic benevolentiam sibi conciliat , qui per invidiam debito honore fraudetur . *Ex Arist. l. 2. c. 4. t. 25.*

Duplex] *Propositio* tùm universalis totius Orationis , tùm deinde particularis primæ partis ; & allata divisio *Dociles Auditores* facit . *Arist. lib. 3. c. 14. t. 104.*

Non sum] Per figuram *Præteritionem* primum argumentum pertractat de jure belli , à *Genere* : Omnes Galli acerrimi hostes sunt Populi Romani .

Sed & Gallogræci ex iis sunt .

Ergo hostes Pop. Romani , adeòque iusto bello oppressi .

Gallos] Idem probat à *Causis*.

Justum est bellum, quod suscipitur pro liberandis à gravissima servitute Sociis.

Arist. lib. I. c. 13. t. 244.

Sed Gallogræci gravissima servitute oppressos socios tenebant.

Ergo justum fuit bellum contra ipsos susceptum.

Assumptio amplificatur ab *Effectis*.

At enim] *Prolepsis* sumpta à *Simili exemplo*, quæ sic se habet:

Quòd Galli Delphicum templum spoliaverint, non eos idcirco Romani ultii sunt.

Ergo neque ulcisci debuerunt, quòd Asiam popularentur.

Equidem] Respondet à *Causis*:

Nostra defendere debemus, non aliena.

Sed Asia tunc aliena erat, nunc nostra est.

Ergo eam defendere modò suscepto bello debuimus.

Equidem aliquid] *Assumptio* illustrata ab *Effectis*.

An nisi] Urget idem argumentum à *Comparatione minorum*:

Minus vexabant Asiam quieta Antiochi præsidia, quàm armati Gallorum exercitus.

Sed pro liberanda Asia deduci præsidia Antiochi voluistis.

Ergo multò magis cohibere Gallorum impetus debuimus.

Sed quid ego] Hactenus ostendit justè à se bellum susceptum contra Gallogræcos, nunc probat bellum, quod ipse administraverit, indictum fuisse decreto senatus, & lege Populi:

Qui bellum indixit Antiocho, indixit &

cæteris , qui pro Antiocho pugnabant.
Sed Galli maximè in exercitu Antiochi
erant .

Ergo & iis indictum est publica auctori-
tate bellum .

Te L. Scipio] Propositionis , & Assumptionis
approbationes à testimonio L. Scipionis , qui
vicerat Antiochum .

Sed simul] Propositio .

In qua causa] Assumptio ; simulque expo-
nit , se prius omnia tentasse , quàm arma tra-
ctaret , sed recusasse Gallos quamlibet condi-
tionem .

Nunc quoniam] Descendit ad secundam
Contentionis partem , diluitque alterum , quod
objiciebant Adversarii , temerè à se gestum
bellum fuisse : *Arist. l. 3. c. 15. t. 117.* argumen-
tum autem est hujusmodi , quod videtur esse
ab Adjunctis :

Temerè bellum non gessit , qui prospero
eventu , & optimo consilio illud ges-
sit .

Sed ego bellum gessi prospero eventu , &
optimo consilio .

Ergo non temerè .

In quo] ostendit , se causæ maximè confi-
dere . *l. 2. c. 5. t. 60.* quamobrem hic etiam licet
non expressa , tamen latet *Assumptio* .

Sed ego] Sic igitur quoad prosperum even-
tum argumentatur , quæ erat *Assumptionis*
prima pars , ex veteri instituto Romanorum :

Romani improbare non solent , quod
Dii comprobarunt .

Ergo in me improbare non debetis , quod
Dii comprobaverunt .

Iniquo enim] Confirmat secundam partem
Assumptionis , quòd alia ratione vinci non
potuerint , ut qui sunt inclusi mœnibus , sola
oppugnatione , quòd loco iniquo alii quoque
Im-

Imperatores sinē reprehensione pugnaverint ?

Equidem] Tandem hoc utitur contra Adversarios *Dilemmate* :

Aut ignavi erant hostes , aut maximè timendi .

Si ignavi : nullum ergo erat periculum nobis etiam iniquo loco cum iis pugnantibus .

Si timendi : Ergo tantæ victoriæ triumphus non est negandus .

Cæca] Adversariorum invidiam mentem hoc *Epiphonemate* objurgat .

An etiam] Præmissa petitione veniæ , quòd longiori uteretur Oratione , purgat & cladem in Thraciæ montibus acceptam , duplici ex causa , tum quòd in locis iniquis vitare insidias non potuerit , tum quòd ipse deinde hostes ita cæciderit , ut illi soli victoriæ Triumphus debeatur .

Sed jam] *Conclusio* totius Orationis .

Sententiæ .

Rei per seipsi æstimandi sunt , remota universæ gentis infamia , atque invidia .

Indomiti , atque implacabiles vi , & armis cohibendi sunt .

Nullius calumniæ subjiçienda , quæ Dii comprobaverunt .

Cæca invidia est , nec quicquam aliud scit , quàm detrectare virtutes , corrumpere honores ac præmia earum .

Nemo saltus patentes , qui angusti sint , & plana ex arduis , & culta ex silvestribus facere potest .

O R A T I O N I S CLIV.

P. Scipionis ad Populum contra Tribunos

Argumentum.

Accusatus P. Scipio à Tribunis, cùm rostra ascendisset, sic Populum allocutus est.

Motus, *Amor*. Mores *Viri magnanimi*.

Hoc die] Commemorat prælium, quod eo ipso die in Africa cum Annibale, & Pœnis commiserat.

Itaque] Optimum esse ait, & se ire in Capitolinum ad gratias Diis agendas pro tot rebus feliciter gestis, & sequi Populum pro similibus impetrandis.

Ita si] Non magis ait, se fuisse à Populo ornatum, quàm ipse honoribus, rebus gerendis egregiè responderit; ad captandam benevolentiam. *l. 2. c. 4. t. 23. & 25.*

Sententiæ.

Festis diebus litibus, & jurgiis superse-
deri æquum est.

Orandus Deus est, ut semper bonos
Principes habeamus.

O R A T I O N I S CLV.

Tribunorum contra P. Scipionem ad
Populum*Argumentum.*

CUm non compareret citatus P. Scipio, qui in Liternum concesserat, Tribuni
ita

ita in eum Populi iram concitare conantur.

Loci communes *A Comparatione*.

Motus, Ira, & Pudor. Mores hominum inimicorum.

Habetis] Increpant Populum, qui sequutus Africanum in Capitolium, Tribunos reliquerat, & meritò ait, eos à suo illo Duce relictos esse.

Et tantum] Hortantur, ut Scipionem è villa revocent ad iudicium, argumento à *Comparatione majorum*:

Difficilius est revocare quempiam è Provincia armatum, quàm inermem è Villa.

Sed Scipionem armatum è Provincia, qui revocarent, misistis.

Ergo mittere etiam potestis, qui è Villa revocent inermem.

Reprehendunt autem Populum, quòd non audeat id facere.

ORATIONIS CLVI.

Ti. Gracchi Tribuni pro P. Scipionè

Argumentum.

TI. Gracchus non solùm prohibuit revocari è villa Scipionem, sed pro illo etiam hanc habuit ad Populum stomachi plenam orationem.

Loci communes à *Repugnantibus*.

Motus, Indignatio. Mores viri *iusti*.

Sub pedibus] Hujusmodi igitur utitur argumento à *Repugnantibus*:

Qui sæpè vicit hostes Populi Romani, non debet à Tribunis opprimi.

Talis est Scipio.

Ergo turpe est cum opprimi à Tribunis.

Nul-

Nullisne] *Propositionem* confirmat ab *honesto*, senectus enim eorum inviolata esse debebat, qui plures honores, & triumphos consecuti fuerant.

ORATIONIS CLVII.

P. Scipionis Nasicæ pro L. Scipione

Argumentum.

CUM Scipionem Asiaticum peculatus damnasset Prætor, & in vincula duci jubere-
ret, P. Scipio Nasica appellans Tribunos hanc
habuit Orationem.

*Loci communes à Comparatione, & ab
Adjunctis, & ab Effectis.*

Motus, Misericordia. Mores viri innocen-
centis.

*Partes sunt tres, Narratio, Contentio, &
Peroratio.*

Parentes] Narrat ea omnia, quæ pro Rep-
gesserant Cn. & P. Scipiones, Africanus deinde,
& L. Scipio, cujus victoriam de Rege
Antiocho relata ampliat *ab Adjunctis.*

In pace] Exponit accusationem, quam in-
firmat à simili Cn. Manlii exemplo, & ducit
crimina recenset de non relata in publicum pec-
cunia, & pace facta in gratiam Antiochi.

An non] Crimen de pecunia diluit *ab Effectis Repugnantibus.*

In triumpho Scipionis plus auri latum
est, quam decem aliis triumphis.

Ergo pecuniam publicam in privatum u-
sum non vertit. *l. i. c. 5. t. 114.*

Nam quid] Alterum de pacis conditioni-
bus eadem ratione:

Qui plures Provincias ademit Antiocho,
pacem non vendidit.

L. Sci-

L. Scipio plurimas Provincias Antiocho
ademit.

Ergo illi pacem non vendidit.

Asiam omnem] *Assumptio illustrata ab Ad-*
junctis.

Quid si] *Complexio*, plura enim adimi An-
tiocho non potuere, etiamsi, ut Adversarii
contendunt, non accepta mercede, sed gra-
tam pacem fecisset.

Philippo] à *Comparatione* Scipionem excu-
sat, quòd Regi victo regni partem reliquerit,
& quare accusatur exponit, ob invidiam fra-
tris Africani.

Tantum auri] Ad utrumque tandem res-
pondet eodem, quo suprà, argumento:

Si tantum auri illatum esset in domum
Scipionis, illud adhuc extaret.

Sed ea pecunia non apparet.

Ergo falsò id Adversarii objiciunt. *Ex l.*

& c. citato t. 113.

Quantum venditis] *Assumptio.*

Ubi ergo] *Propositionis* approbatio, nam
tantas opes & augere multæ acceptæ hæredi-
tates debuerant, neque imminuere nulli fa-
cti sumptus potuerant.

At enim] *Peroratio*, qua *Misericordiam*
mouet. *Arist. c. 14. l. 3. t. 166.*

Sententiæ.

Gloria apud socios comparatur non tam
bello, quàm temperantia, & fide.

Posteris non solum gloria majorum ali-
quando non prodest, sed & nocet in-
vidia.

Ex Dec. 4. Lib. 9.

ORATIONIS CLVIII.

Postumii Consulis ad Populum de
Bacchanalibus

Argumentum.

CUm in Bacchanalibus celebrandis multa
infanda scelera committerentur, vocata
concione Postumius Consul rem omnem Po-
pulo aperit.

Loci communes à *Comparatione*, ab *Effec-
tis*, & à *Repugnantibus*.

Motus, *Timor*. Mores *viri religionis*, &
Reip. amanti.

Partes sunt quatuor, *Exordium*, *Narratio*,
Contentio, & *Peroratio*.

Nulli unquam] In *Exordio* facit attentos
ex rei magnitudine, juxta *Arist. l. 3. c. 14. t.*
104. Discrimen affert inter veras, & falsas re-
ligiones, ut in vituperandis Bacchanalibus
crimen impietatis effugiat.

Bacchanalia] *Narratio*, simulque *Propositio*
scelerum, quæ in iis Sacris admittebantur, &
periculi, quod inde *Reip.* imminebat.

Majores vestri] *Contentionis* tale est argu-
mentum à *Comparatione*:

Populi cœtus sine publica auctoritate fieri
prohibentur ex veteri instituto.

Sed hi nocturni cœtus nocent etiam *Reip.*

Ergo multò magis tolli, & puniri debent.

Cum aut vexillo] *Propositio*, nam tribus ex
causis vocabatur ad Concionem populus, aut
propter Centuriata Comitia, quibus haben-
dis posito in Capitolio vexillo comparabatur
exercitus, aut propter Tributa, aut si Ma-
gistratus aliquis agere cum Populo vellet.

Qua-

Quales] Assumptio , quam illè confirmat ab Effectis :

Ille cœtus nocent Reip. qui militiæ disciplinam corrumpunt .

Tales sunt cœtus in Bacchanalibus fieri soliti .

Ergo nocent maximè Reip.

Assumptio amplificatur à Repugnantibus , quam interrogationibus ornat .

Minus tamen] Rursus ab Effectis sic arguit :

Ille cœtus nocent Reip. ex quibus omnia scelera , & Conjuraciones emanant .

Tales sunt Bacchanalium cœtus .

Nocent ergo Reip.

Numquam] Assumptionis prima pars quoad privata scelera .

Necdum] Altera pars de conjurationibus, ex quibus quantū immineat periculi Reip. exponit, & causam affert, cur nondū ea perfecerint.

Concionantes] Sicut Concio tūc cœtum populi significat , tūc orationem habitam à Magistratū , sic concionari dicitur & Populus , qui in concionem vocatur , & Magistratus , qui verba facit .

Optare igitur] Complexio primi Syllogismi , hortaturque ad supplicium eorum , qui hujusmodi sacris initiati fuerint , etiamsi affines , & cognati sint .

Ne quis] Prolepsis , quasi impium sit prohibere Deorum cultū , cui satisfacit auctoritate Pontificum , & Majorum externa sacra vetantium , quòd ea scilicet dissolvant , non augeant Religionem .

Hæc vobis] In Peroratione tria facit , 1. exponit hujus concionis habendæ consilium , 2. felicem rei exitum ominatur ex Deorum voluntate , & Senatus decreto , 3. hortatur , ut Consulū vigilantia & ipsi pari sedulitate respondeant .

Ex

Extra ordinem] Hujus enim rei cognitio ad Prætorem potius pertinere videbatur; quare extra ordinem demandata est Consulibus.

Sententiæ.

Pravis religionibus captæ mentes velut furialibus stimulis ad omne scelus, & ad omnem libidinem trahuntur.

Ubicumque multitudo est, ibi & legitimus rector multitudinis esse debet.

Nihil in speciem fallacius est, quàm prava religio.

Nihil æquè religionem dissolvit, quàm ubi non patrio, sed externo ritu sacrificatur.

O R A T I O N I S CLIX.

Philippi Regis ad Legatos Rômanos

Argumentum.

Philippus Rex causam suam agit apud Legatos Romanos, qui ex Urbibus Thessaliæ, & Perrhæbiæ deducere eum præsidia iusserant.

Loci communes ab Effectis, & ab Adjunctis.

Motus, Pudor, & Indignatio. Mores viri injustè læsi.

Orationis talis est *Syllogismus ab Effectis*:

Is injustè agit, qui amicum, & benemeritum injuriis afficit. *l. i. c. 12. t. 226. & c. 9. t. 156.*

Sed vos Romani me novis semper injuriis afficitis Sòcium Regem, & de Rep. benemeritum.

Ergo injustè mecum agitis.

Non

Non cum] Assumptionis prima pars .

Civitates] Quam ut confirmet, injurias recenset post pacem à Romanis acceptas .

Pro non dubio] Assumptionis secunda pars per Comparisonem Eumenis , camque sic probat *ab Adjunctis :*

Ille benè meretur de aliquo , quì majus confert beneficium , quàm accipit .

Eumenes majora à Vobis accepit , quàm dedit , at ego contrà .

Ergo de Vobis ego benemeritus sum , non Eumenes .

Eumenes] Assumptionis approbatio de Eumene , hic autem sensus est . Antiochus antè fuit hostis Eumenis , quàm Romanorum , quì nisi bellum pro Eumene suscepissent contra Antiochum , nunquam ille retinere sua potuisset .

Mei autem] Sua porrò merita amplificat ; quòd recusaverit pacis conditiones amplissimas oblatis ab Antiocho , quòd illi arma intulerit ante Romanorum in Græciam adventum , quòd Acilio , & Scipioni in omnibus favere non desierit .

Pro hoc studio] Complexio primi Syllogismi , cui addit repetitionem injuriarum , quas sibi à Romanis fieri queritur .

Et si diis] Eumenis rationem retorquet in Adversarium tali pacto , quoad Civitates , de quibus præsens erat controversia :

Eumenes habere non debet , nisi quæ à Decem Legatis obtinuit .

Sed non obtinuit , nisi Chersonesum , & Lysimachiam .

Ergo Ænum , Maroneam , & Thraciæ Civitates habere ipse non debet .

Quo in] conclusio plena indignationis , & stomachi , non debere eum tanta injuria à Romanis affici , si socius , & amicus Rex sit .

Sententia.

Multum ad reliquos Populos continendos unius exemplum pertinet.

Nullum officium referenda gratia magis necessarium est.

O R A T I O N I S CLX.

Lycortæ Achæorum Prætoris ad Legatos Romanos

Argumentum.

Legati Romani in concilio Achæorum questi fuerant de injuriis in Lacedæmonios, Lycortas Prætor Achæos tali Oratione defendit.

Loci communes à *Causis*, & à *Comparatione*.

Motus, *Pudor*. Mores *Viri ingenui*, & *magnanimi*.

Partes sunt tres, *Exordium*, *Contentio*, & *Epilogus*.

Difficilius] In *Exordio* queritur iniquitatem judicii, quod iidem sibi futuri essent accusatores, & Judices; confidentiam tamen præsefert, ut aliquam apud Legatos caperet benevolentiam. *l. 2. c. 4. t. 25.*

Cædem] Duo objiciebantur Achæis, cædem Spartæ facta, & muri diruti, legesque Lycurgi sublatae. Quoad cædem eorum, qui evocati ad causam dicendam interfecti fuerant, duplicem adhibet defensionem; prima est a *causis*:

Ea Vos reprehendere non debetis, quod bello gessimus pro vobis suscepto.

Sed

Sed bellum cum Lacedæmoniis pro vobis suscepimus .

Ergo ea reprehendere non debetis , quæ tunc gessimus .

Quia in Vestro] In *Assumptione* approbanda tria ostendit , 1. violatum fuisse fœdus à Lacedæmoniis , 2. debuisse Romanos eam injuriam ulcisci , 3. iis absentibus , hoc jure præstitum per Achæos .

Pro vobis] *Complexio* approbationis .

Quod cum aliis] *Propositionis* approbatio .

Quorum tamen] Altera defensio , qua crimen cædis purgat : talis est pariter à *Causis* , sed *efficientibus* , cum primum argumentum sit à *finali* :

Hoc crimen objici debet iis , qui eam cædem patrarunt .

Sed ea cædes facta est ab exulibus Lacedæmoniis , non ab Achæis . l. 3. c. 15.

r. 113.

Ergo Lacedæmoniis objici debet crimen cædis , non Achæis .

Nostrium est] *Assumptio* , quam confirmat à *Causa finali* , exponens , quare exules Lacedæmonios interfecerint , in ultionem scilicet erepti sibi domicilii .

Lacedæmonii] *Complexio* ejusdem approbationis .

At enim] Alterum crimen erat , diruti muri , & sublatae Lycurgi leges ; de muris quidem sic disputat :

Servari debent Lycurgi leges .

Sed mœnia Spartæ sunt contra leges Lycurgi .

Ergo diruenda erant .

Cum muri] *Assumptionis* approbatio , non enim Lycurgus , sed Tyranni muros extruxerant ; itaque sine muris semper liberi ,

aliquando principes muris circumdatis servi tyrannorum fuerant .

Non Philopæmena] Complexio .

Quod ad leges] Leges etiam ait non ademptas ab Achæis , sed à Tyrannis ; Achæos autem non fecisse injuriam , qui suas Lacedæmoniiis leges dederint , quibus universa Peloponnesus utebatur , non alienas .

Scio ego] Absoluta defensione , accusat Romanos quippe non æquo jure agentes cum Achæis , quos veluti servos causam dicere coram se velint , & sic arguit à *Comparatione* :

Liberi sumus , & fœdus nobis cum Romanis æquum est .

Sed nos non quærimus , quid capta Capua vos feceritis .

Ergo neque vos quærere debetis , quid Sparta capta nos fecerimus .

Nam si] Propositionis approbatio .

Cur ergo] Assumptio illustrata à Comparatione imparium .

Specie] Etiam si non liberi , sed servi Romanorum Achæi sint , adhuc probat agi secum iniquè , tali ratione :

Socii , & hostes non debent esse in æquo apud Romanos .

Sed hostes Spartani non solum in æquo , sed etiam meliore jure apud vos sunt , quàm nos socii .

Ergo id maximè iniquum est !

Quantumlibet] Propositio ; simus inquit , Vobis Romani inferiores , at certè pares hostibus esse non debemus .

Nam ut in] Assumptionis approbatio .

Parum est] Assumptio ipsa .

Quæ jurejurando] Conclusio negat posse mutari , quæ jurejurando composita fuerint , quòd Achæi Deos multò magis timeant , quàm Romanos . l. 2. c. 5. §. 50.

Sententiæ.

Difficilis oratio est apud eundem actorem, & judicem.

Arces, & propugnacula liberis populis deformes veluti cicatrices servitutis sunt.

In amicitia, & societate par libertas esse debet.

Iniquum est, plus petere hostes, quam Socii habeant.

Deus verendus magis, & timendus, quam homines.

Ex Dec. 4. Lib. x.**ORATIONIS CLXI.**

Philippi de filiis judicium exercentis

Argumentum.

CUm Perseus accusaret Demetrium fratrem tum intentatæ sibi mortis, tum initæ cum Romanis amicitiae, antequam ii causam agerent, æger animo Philippus Pater hæc iratus locutus est.

Loci communes *ab Adjunctis, à Causis, à Comparatione, & Effectis.*

Motus, *Misericordia. Mores Patris miseri, & turbati.*

Tres sunt partes, *Exordium, Contentio, & Conclusio.*

Sed eo] *Exordium* sumitur *ab Adjunctis* Judicis, actoris, Rei; & criminis, quibus omnibus se miseratione dignum ostendit. l. 2, c. 8. t. 192.

Jampridem] Sic igitur in *Contentione* arguitur
à *Comparatione* :

Leviore debent esse inimicitiae inter fratres , quam inter hostes , *l.2.c.3.t.169*

Sed & hostes pacem aliquando faciunt .

Ergo neque fratrum aeternae esse debent inimicitiae .

Sed interdum] *Complexio* .

Etiam Hostes] *Assumptio* .

Subituram] *Propositionis* approbatio à *causis* : memoria enim germanitatis , puerilis consuetudinis , & praeceptorum Patris ad reconciliationem plurimum valent .

Quoties] Deinde utitur argumento *ab Effectis* :

Concordia fratrum regna , & familias tuetur , discordia perdit .

Ergo concordēs vivere debetis .

Antecedens confirmatur exemplis , eorum maximè fratrum , qui beneficio mutuae benevolentiae regna , & privatas familias ad summos honores , & potentiam evexerunt .

Inter binos] Duo Sparta regnabant , quia duo fuerant Aristodemi filii , qui cum Doriensibus Regnum occupaverant ; alterius familiae Reges Agidae , alterius Proclidae primum , mox Eurypontidae dicti sunt à Nepotibus Aristodemi . *Pausanias in Lacon* .

Vivo] Tertiò implacabiles illas inter fratres inimicitias detestatur à *Causis* :

Turpe est quidquid ex ambitione nascitur . *Ex Arist. l.2.c.4.t.65. & 66* .

Sed haec vestra inimicitia ex ambitione nascitur .

Ergo multò magis Vobis turpis est .

Id autem inde amplificat , quòd vivo Patre regnum cernant , & ambient , quòdque non in se tantum , sed in Patrem etiam regnandi causa amorem exuerint .

Agite] Conclusio plena tristitiæ , & indignationis

Sententiæ

Concordia res parvæ crescunt , discordia
maximæ dilabuntur .

Impium est vivo , & spirantē Patre hæ-
reditatem cernere .

Regni amor insatiabilis , cui nihil cari , ni-
hil sancti est .

ORATIONIS CLXII.

Persei fratrem Demetrium accusantis

Loci communes à Consequentibus , à Cau-
sis , ab Adjunctis , à Repugnantibus ,
ab Enumeratione .

Motus , Misericordia , Odium , & Metus .
Mores viri de suamet vita solliciti .

Dividitur in tres partes , Exordium , Con-
tentionem , & Perorationem .

*Aperienda] Exordium habet simulatam in-
dignationem in Patrem , quòd iniquius acce-
perit querelam filii , & ad excitandam mise-
ricordiam hoc utitur argumento à Consequen-
tibus :*

Miserum est , si me & mori velis , & filium
tuum esse neges . l.2.c.8. t.90.

Sed utrumque annuis , si me despicias ,
manifestas deferentem insidias .

Ergo miserrimum est mihi , accipi à te
iniquius querelas meas .

Amplificatur quoad utramque partem *As-
sumptio* .

*Neque futuro] Nam multò magis mihi fra-
ter imposterum insidiabitur , si nunc impunè
scit illi insidias fecisse .*

Itaque] Ad captandam *Benevolentiam*
non tam de suo, quàm de patris periculo
licitum exhibet. *l. 2. c. 4. r. 25.*

Sin autem] Attentionem parat à magnitudi-
dine periculi, quod egregia similitudine,
figura hypotyposi illustratur. *l. 3. c. 14. r. 104.*

Frater] In *Contentione* duo facit, probat cri-
men insidiarum, & ut sibi Pater auxilio sit
precatur, de fratris cum Romanis amicitia
multa attingens. Sic igitur à *causis* crimine
probare nititur:

Frater Macedoniae regnum affectat.

Sed consequi non potest, nisi me inter-
fecto.

Ergo me vult interficere, ut regnum ob-
tineat.

Frater] *Propositio* per apostrophem ad fra-
trem, ubi addit comessatorem Perseo esse
non posse, qui regnum eidem debitum affec-
taret.

Huic spei] *Assumptionis* approbatio.

Hesternadie] Arguit primò sibi paratas in-
sidias in ludo Equestri, quas ea ratione se ai-
effugisse, quòd victoriam fratri ultrò concessi-
serit.

Ab hostili] Secundò, cùm ad cœnam invi-
tavit, idque sic ostendit à *Repuignantibus*:

Amicè me non invitavit ad cœnam, qui
inimicus venit ad me comessatum.

Sed Frater venit ad me comessatum ini-
micus, & armatus.

Ergo non amicè, sed insidiosè me ad cœ-
nam invitaverat.

Credis me] Prima interrogatio insidias pro-
bat, secunda periculum suæ vitæ ex iis insi-
diis manifestum.

Quid hoc noctis] Tertiò ad se interficien-
dum venisse Comessatorem Demetrium pro-
bat ab *Adjunctis*:

Qui

Qui inimicus noctu venit armatus ad iratum fratrem , ad interficiendum fratrem venit .

Sed ad me iratum frater inimicus noctu , & armatus venit .

Ergo sicarius , non comeffator ad me venit .

Quid hoc] Assumptio .

Convivam] Propositionis approbatio , si enim comeffator non venit , ut ostendit , ergo venit insidiator .

Si aperta] Idem confirmat ab eorum confessione , qui ferro succincti venerant , sicque concludit à *Pari* :

Deprehensi cum telo crimen est manifestum .

Fatentes pro deprehensis habendi sunt .

Ergo fatentis se fuisse cum telo crimen est manifestum .

Criminose] Hoc est suspiciosè , & per conjecturas .

Execrare] Transit ad alteram *Contentionis* partem , & jure ait execrari Patrem Regni cupiditatem , quæ fratres ad hæc tanta scelera pertrahat ; eo tamen discrimine , ut insidiatorem meritis pœnis afficiat , tueatur , cui factæ sint insidiæ .

Quo enim] Sibi deberi perfugium in Patris misericordia , & justitia sic ostendit :

Filium , cui nullibi patet perfugium , pater tueri debet .

Sed mihi nullibi nisi in te perfugium patet .

Ergo tu Pater tueri debes .

Cui non] Assumptionem probat à *partium enumeratione* , i. nullo in loco neque in exercitu, neque domi , neque in convivio : hæc autem omnia ex iis , quæ suprâ habentur , satis patent .

Solemne] In solempni scilicet ludo , quem

cum lustrares, exercitum instituisti.

Quo me] 2. Non in Romanis, & causas affert, propter quas inimici sibi, amicissimi fratri sint, & ad odium excitandum valent.

Si quid] 3. Non in populis Macedoniae firmis.

Atin] 4. Non in Macedonibus; quod confirmat ex hesterno ludicro praelio, & ex benevolentia Macedonum erga Romanos, adeoque erga Demetrium, quem proinde Patrie iam timendum esse hoc argumento demonstrat.

Eum timere debes, qui plurimum valde

Auctoritate apud Macedonas, & Romanos sibi faventes habet. *ex Arist.*

2.c.5.t.41.

Sed talis est Demetrius.

Ergo cum maximè timere debes.

Iste enim est] *Assumptionis* approbatio quoad primam partem à *causis*.

Quo spectare] Alterius partis approbatio & malignè interpretatur Quintii consilium de mittendo Romam Demetrio cum primoribus Macedonum, ut nimirum qui Philippum Regem in Macedonia habent, Romae servi Demetrii fiant.

Hæc si] *Peroratio*, quæ eandem habet, ac *Exordium* querelam; & de regni cupiditate quam Pater execrabatur, ita disputat à *causis*.

Ille sceleratè cupit regnum, cui jure non competit.

Sed mihi jure regnum competit, Demetrio nequaquam.

Ergo scelerata regni cupiditas non in me est, sed in Demetrio.

Ego vero] *Complexio* quoad Perseum; Ego, inquit, si in medium afferatur hoc crimen, video me esse innoxium.

Quem enim] *Assumptionis* prima pars.

Cupit

Cupit regnum] Propositio .

Obstat] Assumptionis secunda pars cum Complexione .

Non primus] Affert rationes , quibus adductus Demetrius cædem fratris moliatur ; exempla aliorum , impunitatem à Patre , probationem à Romanis .

Hæ spes] Sic igitur *concludit* : si cupis me esse salvum , punias eos , qui me occidere voluerunt , nam ubi scelus admiserint , vindictam sumere non poteris .

Sententiæ .

Circumventis in solitudine natura ipsa subjicit , ut hominum , quos nunquam viderint , fidem tamen implorent .

Accusator plerumque criminosè , & dubia argumentis colligendo agit .

Cupit sceleratè regnum , qui transcendere festinat ordinem ætatis , naturæ , juris gentium .

Non semper qui prohibere potest , idem & persequi scelus admissum potest .

ORATIONIS CLXIII.

Demetrii se apud Patrem purgantis .

Loci communes *ab Adjunctis , à Repugnantibus , à causis , à contrariis .*

Motus , *Misericordia .* Mores *viri innocentis .*

Dividitur in tres partes , *Exordium , Contentionem , & Perorationem .*

Omnia] Statim in *Exordio* accusationem fratris infirmat , eique fidem adimit , *c. 14. l. 3. t. 103.* sumpto à *causis* argumento , tali ratione :

Nihil apud Judicem valere debent, quod per calumniam, & malitiam finguntur.

Sed omnia frater accusatoriè confinxit lacrymas, metum, tempus judicii, crimina.

Ergo ea nihil apud te valere debent.

Circumventum] Hoc est, cum circumventus, & inops sim, superbum tamen facit, Romanis fidentem, quasi eorum gratia ne obsit mihi potius, quam profuit.

Oportuit] Per apostrophem ad fratrem accusationis ordinem reprehendit, quod duo diversa crimina prodicionis, & insidiarum simul malitiosè detulerit ad Patrem, quæ separari debuerunt.

Occidendi] Proponit primum argumentum fratris, cui sic respondet *Reprugnantibus* :

Is regnum scelere non quærit, qui sperare se posse illud consequi à Romanis.

l. 33. c. 15. t. 113.

Sed fateris me consecuturum à Romanis regnum.

Ergo illud ut obtinerem non opus fuit parricidio.

Quid ergo] *Assumptio cum Complexione.*

An ut] *propositionis* approbatio à *Contrariis* : quod Romani virtutem, aut virtutis certam imaginem colentes scelera, & parricidia summo odio prosequuntur, maximè Quintium mutua cum fratre benevolentia insignis.

Idem non] Ex dictis ab Adversario hujusmodi colligit argumentum, quo fratrem fuisse se insidiatorem ostendat, à *causis* :

Ille insidiator est, qui se non parem futurum in certamine censet.

Frater se mihi in certamine de regno omnino imparem judicat.

Ergo

Ergo ille est insidiator.

Idem non] Assumptio.

Idem tanquam] Propositio, quam urget vehementi illa interrogatione, velitne frater eum esse reum insidiarum, qui certaminis exitum timuerit.

Exequamur] Refert tria tempora, quibus dicuntur insidiæ à se fratri comparatæ, ludi, cœnæ, comestationis.

Tempora] Refelluntur crimina, 1. *ab Adjunctis* temporis; ubi enim ludis, & conviviis datur opera, ibi nullus insidiis locus est.

Quid dies] 2. *ab Adjunctis* diei, quo dicuntur cogitata, hoc modo:

Probabile non est, me eo die infanda scelera cogitasse, quo solemne lustrationis, & expiationis sacrum peragebatur:

Sed eo die expiationis, & lustrationis solemne sacrum peragebatur.

Ergo non est probabile, me tum scelera adeò fœda cogitasse.

Quo lustratus] Assumptio; vide ceræmonias in Sacro adhiberi solitas c. 3.

Hoc ego] Latet *Complexio*, & hostia dicitur itineri circumdata; quia divisæ hostiæ pars una ad dexteram, altera ad lævam viæ ponebatur.

Ut Quibus] Propositionis approbatio.

Sed cæcus] 3. *à Repugnantibus*, an enim te, inquit, irritassem in ludo, quem parato veneno invitaturus eram ad cœnam? an non ad aliud tempus venenum reservassem, neque statim veneno ferrum substituissem? an sperarem, te me ad cœnam recepturum comestatum, qui metu mortis meam evitaveras cœnam?

Non est res] 4. Rursus *à Circumstantiis* hac ratione:

Qui vino largiùs indulget, nullas parat
in-

insidias .

Sed nos lætitiæ , & vino largiùs in convivio indulsumus .

Ergo tum nullas insidias paravimus .

Non est] *Assumptio* comprobata à *causis* , diei scilicet festi , & victoriæ .

Quæ si non] *Propositio* .

Et ne ego] Exponit , quod ultimò obiciebatur in crimine insidiarum , fuisse quosdam ex comitatu Demetrii cum ferro , idque multis rationibus infirmat .

Si Quæram] 1. Exprobrat fratri malevolentiam , qui sedulò nimium aliorum facta speculetur .

Et ne quid] 2. Negat se auctore , & sciente sumptum ferrum ab iis fuisse , eosque se tuendi , non Persei occidendi causa venisse ait armatos .

Aut explica] 3. id confirmat ab *Adjunctis* .

Quin tu] Universam deinde accusationem infringit ducto à *causis* argumento :

Ea accusatio rejicienda est , quæ oritur ex invidia .

Sed tu hæc in me crimina fingis propter invidiam .

Ergo rejicienda sunt .

Probatur *Assumptio* , & figura prosopopœja egregiè exornatur , ubi præterea se modestum , & bonorum artium studiosum describit .

Romanos] Initam cum Romanis amicitiam excusat à *causis* :

Ea mihi Gratia crimini esse non debet , quam Patre jubente quæsi .

Sed patre jubente Gratiam mihi Romanorum quæsi .

Ergo ea mihi crimini esse non debet .

Ego nec] *Assumptionis* approbatio , jussit enim Pater me ire Romam , sicque cum Romanis

manis me gerere , ut haberent illi quæ laudarent , non quæ reprehenderent , unde mihi eorum gratia parta est .

Itaque] *Complexio* hujus approbationis , cui suum addit consilium , quibus in rebus , ac temporibus inita cum Romanis gratia uti velit .

Nec hodie] *Peroratio* plures complectitur Demetrii querelas , ejusdemque deprecationes , quarum prima est , quòd sibi crimini sint , quæ gloriæ esse deberent . *Arist. cap. 8. l. 2. t. 89.*

Non hodie] 2. quòd ex invidia frater major accuset , quem apud iratum patrem deprecatorem esse oportebat . *ex Arist. lib. 2. cap. 8. t. 89.*

E convivio] 3. quòd raptus è convivio pro se ipse cogatur dicere causam parricidii , idque amplificat à *Comparisonem* .

Ille diu] 4. quòd ipse ex tempore se defendere debuerit , cum frater diu antè meditatam accusationem attulerit .

Quid mihi] Tandem misericordiam Patris implorat à persona filii , qui reus agitur , & fratris , qui per summam crudelitatem accusat .

Sententiæ .

Civibus Gratia externa obest potius , quàm prodest .

Gratia apud Principes comparatur aut vera , aut certè simulata probitate .

Cæcus criminandi cupiditate animus , dum omnia suspecta facere vult , aliud alio confundit .

Turpe non est , si die festo inter æquales largiore vino utamur .

Miseria , & metus crapulam facilè excutunt .

Gra-

Gratia, quæ non in bello cœpit, plerumque neque reservatur ad bellum.

Qui pro alio causam dicit, sola ingenii fama periclitatur.

ORATIONIS CLXIV.

Tib. Sempronii in Senatu

Argumentum.

Q Fulvius per legatum L. Minutium suadebat in Senatu missionem Hispaniensis exercitus, quasi debellatum esset cum Celtiberis, id ne fieret interrogando Minutium contendit Tib. Sempronius, cui Hispania Citerior obtigerat.

Loci communes à *Causis*, & à *Genere*.

Motus, *Timor*. Mores *providi Ducis*.

Tota Oratio hoc *Syllogismo* continetur à *causis*.

Celtiberi non manebunt in fide sine Exercitu.

Sed Exercitus Tyro retinere eos in fide non potest.

Ergo veteres Milites retinendi in Provincia.

Quæro de te] Prima interrogatio habet *Propositionem Syllogismi*.

Si neque] *Complexio*.

An deductis] In hac altera parte secundæ interrogationis latet *Assumptio*, quam confirmat à *Genere*, tali pacto:

Omnes barbari tyronem exercitum contemnunt.

Ergo etiam Celtiberi inter reliquos barbaros ferocissimi.

Pauca] *Propositionis* approbatio: multò enim minus in fide manebunt Celtiberi, cum

ma-

maxima eorum pars adhuc in armis sit .

Quæ cum] Juxta decretum , quod factum fuerit , exponit quàm diversa ratione ipse bellum administraturus sit .

Sententiæ .

De fide barbarorum nihil recipi , aut affirmari potest .

Contemptum tyrocinium etiam mitiores barbaros excitat ad rebellandum .

Dictu , quàm re facilius est , provinciam ingenio ferocem rebellantem conficere .

ORATIONIS CLXV.

Q. Metelli ad Censores de reconciliatione

Argumentum .

CReati fuerant Censores M. Æmilius , & M. Fulvius , inter quos veteres erant inimicitiae . Ad eos igitur venere principes Civitatis , quorum unus Q. Metellus ita de gratiæ reconciliatione loquutus est .

Loci communes *ab Effectis , & à Comparatione .*

Motus , Amor , & Lenitas . Mores viri probi .

Partes sunt tres , *Exordium , Contentio , & Conclusio .*

Non obliti] In *Exordio* veniam petit , quòd eos ipse admoneat , à quibus Cives omnes regi , & admoneri æquum esset ; sumit autem argumentum à bonorum omnium consensu .

Singulos] Captat eorum *benevolentiam* , quorum virtutem , & merita laudat . *Arist.* l. 2. c. 4. r. 28. simul etiam descendit ad inimici

micitias, quæ mala Reip. ominarentur, & male comparatos dicit, hoc est conjunctos, & eundem Magistratum simul gerentes.

Inimicitias] Ut igitur inimicitias deponant, hortatur sic primò *ab Effectis*:

Illud omittere debetis, quod Reip. perniciosum futurum est.

Sed inimiciæ vestræ maximè erunt Reip. perniciosæ.

Ergo eas deponere in gratiam Reip. debetis.

De quibus] *Assumptionis* approbationem attingit, sed non profequitur.

Has ut hodie] Secundò idem suadet *ab honesto*, quòd nimirum deceat, tum conjungi reconciliatione gratiæ, quos P. R. honore conjunxerit, tum etiam utrumque velle ex animo id evenire collegæ, quòd in omnibus precationibus ex veteri instituto verbis nuncuparent.

T. Tatius] Tertiò utitur argumentò à *Comparatione Majorum*:

Difficilius est reconciliari hostes, quàm Cives inter se. *l. 2. c. 4. r. 30.*

Sed ex hostibus plerumque socii fideles & Cives etiam fiunt.

Ergo etiam Cives reconciliari inter se debent.

Assumptio probatur *exemplis*.

Vulgatum] *Conclusio*, qua suprà allata confirmat à testimonio veteris ejusdem Proverbii. Oratio tamen imperfecta est, quippe interpellata.

Sententiæ.

Principum inimiciæ Reip. graves sunt. Non modò simultates, sed bella quoque finiuntur.

Ami-

Amicitiaë immortales, inimicitiaë mortales esse debent.

ORATIONIS CLXVI.

Philippi ad Antigonom de successione Regni

Argumentum.

IRatus Perseo Philippus, quòd ejus fraude Demetrium filium amisisset, Antigonom regiaë virū majestatis sibi successorem destinat.

Loci communes à causis.

Motus, Indignatio. Mores tristis parentis.

Hujusce Orationis tale est argumentum à *causis*:

Tibi regnum debetur, si eo indignus est Perseus.

Sed regni hæreditate Perseus indignus est.

Ergo tibi regnum debetur.

Quando] *Assumptionis* prima approbatio, quòd suis sceleribus Perseus optabilem fecerit Patri orbitatem, cæteris detestabilem.

Regnum quod] *Propositionis* prima approbatio ex meritis Patruī Antigoni.

Te unum] *Complexio.*

Si neminem] *Assumptionis* secunda approbatio, ne præmium parricidii Perseo regnum sit.

Demetrium] *Altera approbatio propositionis*, quòd illi debeatur regnum, qui solus mortem innocentis, & errores Patris illacrymaverit.

Sententiæ.

Nullos, quàm improbos, liberos habere præstat.

Regna, & patrimonia virtutis, non sceleris fraudis præmia esse debent.

Ex

Ex Dec. 5. Lib. 1.

ORATIONIS CLXVII.

Callicratis ad Achæos

Argumentum.

SOcietatem , quam cum Achæis Perseus
Macedoniæ Rex inire cupiebat , ita in
Concilio gentis suæ Callicrates dissuasit .

Loci communes *ab Effectis* , & *Consequen-*
tibus .

Motus , *Timor* . Mores *Viri providi* , &
de Rep. solliciti .

Tres sunt partes , *Exordium* , *Contentio* , &
Peroratio .

Parva] *Exordium* *Attentos* facit à magnitu-
dine rei , *l. 3. c. 14. r. 104.* & ut à societate cum
Perseo Achæos deterreat , ipsam societatis pe-
titionem perniciosam fuisse sic ostendit *ab Ef-*
fectis .

Perniciosum est Achæis patere aditum
Perseo in Peloponnesum .

Sed per Societatis petitionem jam habet
in Peloponnesum aditum .

Ergo ipsa petitio societatis perniciosas
fuit Achæis .

Nam qui] *Propositionis* approbatio à *causa* .

li concionantem] *Assumptio* , quam illustrat
à *Simili* .

Quis enim] In *Contentione* probat à *Conse-*
quentibus rejiciendam esse Persei societatem ,
tali argumento :

Ea societas nobis rejicienda est , quæ fœ-
dus Romanum violat .

Sed per hanc Societatem fœdus Roma-
num violabitur .

Ergo est rejicienda .

Quis

Quis enim] Assumptio.

Nisi hoc] Assumptionis approbatio, quòd bellum Perseo futurum quamprimum sit cum Romanis, idque confirmat ab Effectis.

Ego nihil] Conclusio Orationis.

Sententia.

Feræ bestiae ad fraudem suam positum cibum sæpè aspernantur, nos cæci specie parvi beneficii inescamur.

ORATIO CLXVIII.

Qua Arco societatem cum Perseo suadet.

Loci communes à Contrariis, à causis, & à Comparisone.

Motus, Confidentia. Mores hominis sinceri, & non ingrati.

Tres sunt partes, Exordium, Contentio, & Peroratio.

Difficilem] In Exordio ad avertendam invdiam, negat ullum esse periculum, ne societate cum Perseo fœdus Romanum violetur; ubi etiam Callicratem calumniae, & malignitatis accusat. l. 3. c. 14. t. 103. & 104.

Ac primum] Contentio statim habet refutationem ejusdem Argumenti, quod præcipuum fuerat adversario, & sic arguit à causis:

Quæ certa sunt majorem vim habent, quàm quæ sunt incerta.

Sed quæ pacem inter Macedonas, & Romanos pollicentur certa sunt, quæ bellum incerta.

Ergo sperare potiùs pacem debemus, quàm bellum timere.

cur quidem] Probat deinde non esse Achæis.

Achæis rejiciendam amicitiam cum Perseo à
Comparatione Minorum :

Amicitia Macedonum minus est pericu-
 losa nobis , quàm aliis Græcis .

Sed alii Græciæ populi eam amicitiam
 colunt sine periculo .

Ergo nos multò magis .

Opportuni] Propositio confirmatur primò à
 situ , & potentia Achajæ , & per *comparatio-*
nem dissimilium .

Nihilo plus] Secundò , quòd fideliores a-
 mici Romanorum sint , quibus proinde mi-
 nus suspecti sint , quàm Ætoli .

Fecerit] Sequitur argumentum à *contrariis* ,
 tali ratione :

Inimici esse non debemus illi , qui amicè
 nobiscum agit . *l. 2. c. 4. t. 24.*

Sed amicè nobiscum agit Perseus .

Ergo eidem inimici esse non debemus :

Fecerit] Propositionis approbatio à *Contrariis* .

Quid Perseus] Propositio ipsa cum *Assum-*
ptione .

Cur] Complexio .

Quamquam] Idem confirmat *ab anteceden-*
tibus meritis Regum Macedoniae cum Achæis
per comparisonem Majorum :

Eorum meritorum memoria valuit vivo
 etiam Philippo .

Ergo multò magis regnante Perseo .

Ne id quod] Peroratio habet repetitionem
 eorum , quæ suprà dicta sunt , utilem fore
 amicitiam Macedonum Achæis , & nullum
 adesse periculum violandi Romani fœderis .

Ex Arist. l. 3. c. 19. t. 167.

Sententiæ .

Beneficiorum , quàm injuriarum memo-
 ria diuturnior esse debet .

Com-

Commercium juris præbendi, repetendi-
que etiam inter hostes esse potest.

In pace, etiam si odia non finiuntur,
intermitti debent.

Ex Dec. 5. Lib. II.

ORATIONIS CLXIX.

Eumenis in Senatu Romano de Perseo

Argumentum.

R Ex Eumenes, cum multa de consiliis, &
potentia Persei dixisset, Patres adhor-
tatur, ut maturè illius conatibus occurrant.
Loci communes ab *Enumeratione*.

Motus, *Timor*. Mores *Viri Amici*, & *Fidelis*.

Partes sunt tres, *Insinuatio*, *Narratio*, &
Conclusio.

Non ego] Avertit suspicionem calumniæ,
& malevolentia.

Cernebam] Exponit, & narrat quæcumque
Perseus inimico in Romanos animo patraverat,
l. 3. c. 16. r. 127. neque alia opus erat ad-
hortatione ad bellum, cum supra potentem,
& præmunitum, hic inimicum exhibue-
rit.

Hoc quam] *Conclusio* habet studium Eume-
nis in Romanos, & votum Reip. saluta-
re.

Spe novarum Tabularum] Quibus debito-
res non cogerentur persolvere creditoribus
pecunias creditas cum usuris.

Sententiæ .

Qui vana affert , fidem sibi abrogat .
 Turpe est non præmonere amicum , ut
 caveat .

O R A T I O N I S CLXX.

Sp. Ligustini ad Populum

Argumentum .

CUm in delectu habendo multi appellas-
 sent Tribunos Plebis , Sp. Ligustinus
 Magistratum permissu hæc ad populum lo-
 quutus est .

*Motus , Gratia . Mores Viri modesti , &
 benemeriti .*

Sp. Ligustinus] Suamet vitæ militiæque
 ordinem exponit , quot & quanta cum virtu-
 te stipendia fecerit , ut se dignum ostendat ,
 qui primum ordinem habeat . *l. 2. c. 4. r. 25.*
 hic tamen scire opus est , quomodo divideretur
 Exercitus apud Romanos .

Sed hæc] Paratum se præbet ad quemlibet
 ordinem capescendum , qui sibi attributus
 fuerit , & ad idem suos commilitones hortatur .

Sententiæ .

Ea uxor optanda , quæ libera , pudica ,
 & fœcunda sit .

Omnem locum honestum ducas , quo
 Remp. defendas .

ORATIONIS CLXXI.

Martii ad Perseum de belli causa

Argumentum.

CUm Legati Romani in colloquium cum Perseo venissent, ita eorum unus Martius belli, quod Macedoniae imminabat ab Romanis, causas exponit.

Loci communes à *Causis*, & à *Simili*.

Tres sunt partes, *Exordium*, *Narratio*, & *Epilogus*.

Expectari] In *Exordio* liberam orationem excusat à necessitate, quærenti enim Perseo cur armati in Græciam venirent, non poterat veras talis adventus causas non aperire; deinde à *Causa finali*, ne punire armis necesse sit, quem verbis non castigaverit, & illustratur à *simili*.

Ex quo] Narrantur Persei crimina.

Hæc ne] In *Epilogo* repetit eandem excusationem, suumque in Perseum studium patefacit.

Sententiæ.

Orationis acerbitas etiam adversus amicos subeunda; sicut & Medici salutis causa tristiora remedia adhibent.

Aut verbis castigandus est, aut armis, qui foedus rumpit.

O R A T I O N I S. CLXXII.

Persei objecta à Martio crimina diluentis.

Loci communes à *Causis*, & à *Comparatione*.

Motus, *Lenitas*. Mores *simulantis innocentiam*.

Partes sunt tres, *Exordium*, *Contentio*, & *Peroratio*.

Bonam causam] *Exordium* habet querelam quòd iidem Romani sibi futuri sint accusatores, & Iudices; tria deinde genera criminum proponuntur.

Quid enim] De Eumene, Rammio, & Thebanis negat se reum esse posse, tali argumento:

Crimina, quæ probari non possunt, conviciantis sunt, non accusantis.

Sed hæc mihi objecta crimina probari non possunt.

Ergo iis, quippe conviciis reus esse non debeo.

Scilicet] *Assumptionis* approbatio à *Causis*.

Et artetari] De Artetaro, quòd ejus interfectores exulare in Macedonia permiserit, ita primò se defendit à *Pari*:

Romæ, & in Italia tuti sunt Exules sine ulla vestra culpa.

Ergo, quòd & in Macedonia tuti sint non sum reprehendendus.

Et Hercule] 2. quia frustra exilii poenadaretur, si nullo in loco tuto Exules esse possent.

Ego tamen] 3. quia statim ac fuerat admonitus à Romanis, eos ex Macedonia abire coegerit.

Et

315

Et hæc quidem] De Abrupoli , jure se fecisse contendit à Causis :

Vim vi repellere licet .

Sed Abrupolis mihi vim , & bellum intulit .

Ergo vi , & armis licuit mihi eum repellere .

Nam si est] Propositio .

Cum Abrupolis] Assumptio .

At enim] Prolepsis de atroci nimium vindicta , cui satisfacit à Comparatione , hoc argumento :

*Gravius est venari bello victorẽ , & innocentem , quàm victum , & nocentem .
Sed mihi victori , & innocenti hæc eadem acciderunt .*

Ergo ille victus , & injustè lædens ea sibi accidisse queri non debet .

Non sum eodem] Expeditionem in Dolopas Duplici ratione defendit , tum quia regno Macedoniæ attributi fuerant à Romanis , tum quia Euphranorem præfectum à se impositum interfecerant .

Accum processissem] Iter Delphicum purgat à Causa finali , quam fuisse justam ostendit , & à temperantia in itinere à suis militibus servata .

Ætolis] Reliqua crimina , quippe nullius ferè momenti se jam diluisse per Legatos ait in Senatu Romano ; simul Eumenem accusat calumniæ , & malevolentia , de quo similia aliquando dicenda prædicit .

Ego hæc] In Peroratione queritur de purgatione sui minimè efficaci propter præjudicia Romanorum , deinde Romanis nimium improbat severitatem , qui armis levissimas etiam culpas puniant .

Sententia?

Bona Causa apud quoslibet agi potest.
est.

Quæ verbo objecta sunt, verbo negari
fatis est.

Qui multis gravis, & molestus est
multos etiam habet inimicos.

Ne in servos quidem sæva, & injusta
imperia probantur.

Crimina talia esse solent, quales aures
& animi audientium sunt.

O R A T I O N I S CLXXIII.

Persei Regis ad Milites.

Argumentum.

Perseus equestri prælio superior magnificam
fortunam suam apud milites extollit,
inde totius belli eventum ominatur.

Loci communes *ab Antecedentibus*.

Motus, *Confidentia*. Mores *ferocis Furoris*.

Orationis talis est *Syllogismus ab Antecedentibus*.

Qui Romanum vicit Equitatum, certum
est de belli eventu.

Sed nos vicimus Romanos Equites.

Ergo de felici belli eventu certi
sumus.

Præjudicatum] *Complexio*., quam deinceps
consequitur *Propositionis* approbatio *ab Adjunctis*,
& *Effectis*, fuga scilicet Legionum.

Sed facilius] Exponit, qua ratione imperator
sterum persequi hostes velit.

Sententiæ.

Sæpè ex initiis eventus belli præjudicatur.

Vis, ac robur exercitus Equitatus est.

Ex Dec. 5. Lib. 4.

ORATIONIS CLXXIV.

L. Æmilii ad Populum

Argumentum.

Profecturus ad bellum Macedonicum Æmiliius contra Vulgi rumores hac ad populum oratione se præmunit.

Loci communes à *Causis*, à *Dissimili*, & ab *Effectis*.

Motus, *Confidentia*: Mores *Viri Sapientis*.

Tres sunt partes, *Exordium*, *Contentio*, & *Conclusio*.

Animadvertisse] *Exorditur* à spe tum sua, tum populi de belli prospero eventu, quam non inanem fore arguit à *Causis*.

Vos quæ] Hortatur, ne vanis rumoribus fidem habeant, & alant credulitate, & sermonibus; argumentum est ab *Effectis*:

Illud perniciosum est, adeoque vitandum, quod victoriam corrumpit.

Sed vani vulgi sermones victoriam sæpè corrumpunt, & impediunt.

Ergo perniciosi, & vitandi.

Nam nunc] *Assumptionis* approbatio à *Causis*, quod plerique famæ inservientes Remp. malè administrant; cam deinde amplificat fi-

gura hypotyposi ; & exemplo de Fabiana
Constantia respondet.

Non sum is] Secundò arguit à Dissimili-
tali ratione :

Duces admonendi sunt in castris à Vi-
ris prudentibus .

Ergo non Romæ à Vulgo .

Itaque] Conclusio Orationis .

Sententia .

Rumores , quorum nemo est auctor, tum
credulitate ne alas .

Nemo tam famæ contemptor est , cujus
non debilitari animus possit .

Qui de sua unius sententia omnia gerit
superbus est magis quàm sapiens .

O R A T I O N I S CLXXV.

Æmilii ad Milites de dilatione
pugnæ

Argumentum .

CUM multis visus esset Æmilius impruden-
ter pugnam recusasse oblatam ab hosti-
bus , ille vocata postero die concione rationem
reddit sui consilii .

Loci communes à *Causis* , ab *Adjunctis* ,
à *Repugnantibus* .

Motus , *Timor* , & *Confidentia* . Mores
prudentis ducis .

Divitur in tres partes , *Exordium* , *Conten-
tionem* , & *Perorationem* .

P. *Nasica*] *Exordium* sumitur à causa di-
cendi ; reddenda est enim ratio illius consi-
lii , quod reprehendatur à multis . l. 3. c. 14.
t. 102.

Nam

Nam tantum] Duo facit in *contentione* ;
benè dilatam pugnam ostendit , & argumen-
to adversariorum respondet. Primum illud sic
pertractat à *Causis* :

Prudenter recusatur pugna , ubi iniquo
Marte pugnandum sit .

Sed heri nobis iniquis conditionibus pu-
gnandum erat .

Ergo prudenter hesternam pugnam recu-
savi .

In qua me] *Assumptio* , quam amplificat ab
Adjunctis , comparando semper Romanos cum
hostibus .

Tam omnium] 1. à dispari militum numero.
Sed fuerimus] 2. quòd fessi longo itinere pu-
gnaturi fuerant cum iis , qui animo , & cor-
pore vigerent .

Quid quod] 3. quòd incorpositi cum mul-
tò antè instructis .

At Hercule] 4. quòd non antè munitis
castris pugna conferenda foret , idque osten-
dit admodum periculosum ex instituto ma-
jorum , & *causa finali* muniendi castra ante
prælium .

His difficult:] Argumentum , quo usus
fuerat Nasica in admonendo Consule , ne sci-
licet ea nocte interposita abiret hostis , & tu-
tò evaderet : cui sic ipse satisfacit à *Repugnanti-
bus* :

Ille noctu abire noluit , qui & mansit
venientibus nobis , & sponte in aciem
venit .

Sed hostis & mansit venientibus nobis , &
in aciem copias eduxit .

Ergo certum erat , eum nolle clam no-
ctu abire .

Ego autem] *Propositio* .

Quanto enim] *Propositionis* approbatio ab
Adjunctis .

Hædilate] *Peroratio*, & ut rationes sup-
allatas magis confirmet, *ab Antecedentibus*
probat, se pugnam, si non iniquis conditio-
nibus conferenda sit, nullo modo detrectaturum.
l. 3. c. 19. t. 165.

Sententiæ.

Non ignavissimus quisque ad custodiarm
sarcinarum relinqui debet.

Inertes etiam, & imbelles benè compa-
rati fortissimos vicerunt fessos, & incomm-
positos.

Castra sunt victori receptaculum, victo-
per fugium.

Ex Dec. 5. Lib. 5.

O R A T I O N I S CLXXVI.

L. Æmilii ad Perseum victum

Argumentum.

PERSEUM captum cum filio, & in taberna-
culum introductum ita primùm castigat,
deinde solatur Consul Æmilius.

Prima percontatio] Imprimis igitur verbis
castigat ejus temeritatem, quòd sine justa cau-
sa, ætate virili, proindeque non per impru-
dentiam, expertus tum Romanorum fidem,
tum belli incommoda, potentissimo Populo
arma intulerit.

Utrumque] Secundò eum consola-
tur, jubetque benè sperare, deducto ar-
gumento à Romanorum clementia, quæ
multos alios servaverit. *Arist. l. 2. cap. 5.
t. 56.*

Exem-

Exemplum] Tertiò suos milites hortatur, ut memores quàm inconstantes sint res humanæ, se modestè gerere velint.

Sententiæ .

Temeritas est, quorum & vim bello, & fidem in pace expertus es, cum iis bellum, quàm pacem malle.

Is demum vir erit, cujus animum nec prospera fortuna flatu suo efferet, nec adversa infringet.

ORATIONIS CLXXVII.

Rhodiorum in Senatu Romano

Argumentum .

Rhodii, qui bello Macedonico fuisse Perseo arguebantur, proindeque omnia sibi Romæ infesta animadvertabant, ita suam causam agunt in Senatu.

Loci communes à causis, à Comparatione, à Dissimili, & ab Effectis.

Motus, Misericordia, & Lenitas. Mores hominum supplicum.

Tres sunt Partes, Exordium, Contentio, & Peroratio.

Peccaverimusne] In Exordio se misericordia dignos exhibent, quòd omnes hostium poenas patiantur, cum sit adhuc incertum, an peccaverint. *Arist. l. 2. c. 3. t. 90. & 91.* hoc autem amplificat à Comparatione Macedonum, & Illyriorum.

Certe quidem] Defensionis hunc ordinem servant, ut probent, 1. se nihil hostile admisisse. 2. non defuisse Sociorum officio. 3. non publicè peccatum fuisse. 4. excusandam

esse Legationis superbiam . Prima igitur pars
ita pertractatur à *causæ remotione* :

lis non debetis inferre bellum , qui nihil
in vos hostile admiserunt . l. I. c. 12.

*.227.

Sed nihil in vos hostile admisimus .

Ergo hostes à vobis judicari non debemus .

Certè] Propositio , & ejus approbatio pluri-
bus exemplis illustrata .

Quem tandem] Assumptio , quæ sic proba-
tur à *Diffimili* :

Cùm vobis favimus , Imperatores vestros
egregiè adjuvimus .

Sed Perseum nulla re juvimus .

Ergo illi non favimus , adeòque nihil in
vos hostile admisimus .

Quemadmodum] Propositio comprobata à
testimonio Ducum Romanorum , à rebus ge-
stis , & à præmiis , quæ fuerunt consecuti .

Si quæ vestra] Assumptio .

Quamquam] Secundam partem probant
ab Effectis , tali ratione :

Ii non defuere sociorum officio , qui o-
mnia fociis obtulere .

Sed ad omnia nos paratos Vobis exhibui-
mus .

Ergo ne sociorum quidem officio defuimus .

Neque fecimus] Complexio utramque par-
tem concludit .

Quid igitur] Tertiò privatorum culpam à
publica causa sejungunt , argumento à *Gene-*
re :

Omnis Civitas habet improbos Cives , qui
Plebem corrumpant .

Ergo & in nostra Civitate fuerunt .

Etiā] Antecedens autem confirmatur per
comparationem majorum .

Non præteribo] Quartò Legationis super-
biam excusant multis rationibus , 1. quòd
priva-

privato consilio Legatus tam superbè locutus fuerit .

Sed tamen] 2. Quòd non inimico in Romanos animo , cùm eodem omninò & apud Perseum fuerit .

Tam civitatum] 3. à *causis* , quòd cùm singulæ gentes sua peculiaria vitia habeant , Rhodii natura superbi sint , cujus etiam superbiæ satis jam pœnæ , & ignominiaë penderint .

Superbiam] 4. Quòd superbia verborum nemini unquam fuerit capitalis , idque ostendit à *Causis* , & *Exemplo Deorum* .

Voluntatis] Pravaë in Romanos voluntatis culpam defendunt dupliciter , tùm quia minimè hoc crimen capitale est , tùm quia non omnes peccarunt , & ipsa Rhodiorum Civitas meritis de fontibus pœnas jam sumpserat . Omnia ita sunt per se manifesta , ut non alia indigeant expositione .

Priorum nostrorum] *Peroratio* lenes Judices facit , commemoratis Rhodiorum meritis , & oblata deditione voluntaria. *Arist. l. 2. c. 3. t. 16.*

Sententiæ .

Ideò sæpè felicia bella esse solent , quia justa sunt .

Nulla est Civitas , quæ non improbos cives aliquando , & imperitam multitudinem semper habeat .

Superbiam verborum præsertim iracundi oderunt , prudentes irrident .

Si quis velit inimicum perire , si nihil faciat , quod id fiat , capitis damnandus non est .

O R A T I O N I S C L X X V I I I .

Theodoti ad suos Cives

Argumentum .

CUm Passaronem oppidum Epiri Anicius Prætor obsideret , Principes Civitatis clausuerant Romanis portas : deditionem suadet Theodotus quidam nobilis Juvenis .

Loci communes ab Effectis .

Motus , Odium . Mores viri increpantis .

Hujus Orationis talis est *Syllogismus ab Effectis .*

Id recusare non debetis, quod & utile est,
& nullam turpitudinem habet .

Sed deditio utilis est Civitati, & nullam
habet turpitudinem .

Ergo dedere nos Romanis debemus .

Quæ vos .] *Assumptionis* approbatio quoad
primam partem .

Quin aperimus] Secunda pars, non enim
turpe nobis est id facere , quod jam fecerit or-
bis terrarum .

Sententiæ .

Rabies est , paucorum hominum noxa
Civitatis accessionem facere .

Nos mori pro Patria , non Patria pro no-
bis perire debet .

O R A T I O N I S CLXXIX.

M. Servilii pro L. Æmilii triumpho

Argumentum.

CUm auctore Ser. Galba Tribus antiquarent Legem de Triumpho Pauli, facto concursu Principum Civitatis in Capitolium, M. Servilius hanc ad Populum Orationem habuit.

Loci communes, à causis, à Comparatione, ab Adjunctis, & Effectis, & à Distributione partium.

Motus, Pudor, & Ira. Mores viri justī, & ingenui.

Dividitur in tres partes, Exordium, Contentionem, & Perorationem.

Quantus] Exordium sumitur à laude Æmilii, & reprehensione Galbæ, ut alterum amore, alterum odio dignum exhibeat. lib. 3. c. 14. r. 98.

Servius Quidem] Increpat Galbam imprimis, quòd non legitimè accusaverit Æmilium, ubi advertendum discrimen, quo privati apud Prætorem, Magistratus apud Populum accusationes instituebant, deinde quòd malignè, per quatuor horarum spatium innocentissimum eum vexando.

Quid interim] Prima defensionis pars est ad rogatum Populum, quam sic pertractat sumpto argumento à causis:

Quæ sunt digna laude, sunt digna præmio. Sed crimina Æmilio objecta sunt laude digna.

Ergo non pœna, sed præmio eum afficere debetis.

In statione] Criminum enumeratio, ex qui-

quibus veram laudem proficisci ostendit ab *Effectis*, & *Exemplis* Fabii, & Minutii.

Transeatur] Alterum defensionis membrum est ad milites, quos coarguit, quippe de suo imperatore, & de Rep. pessimè meritos. Cæterum & hujus partis primum Argumentum tale est ab *Effectis*.

Illud prohibere non debetis, quod vobis, & Pop. Romano gloriosum est.

Sed hic triumphus non tam Æmilio, quàm vobis, & Populo Romano gloriosus erit.

Ergo illum impedire non debetis.

Erratis] *Assumptio*, quæ primò probatur ex eo, quòd potuerat Paulus sine auctoritate Senatus in monte Albano triumphare, ut alii etiam Duces fecerant, nisi hoc ad Militum etiam, & Populi gloriam pertinere judicasset.

Primum ne] 2. ex nota invidiæ, & ingrati animi, in quam Populus incurreret, si triumphus Æmilio negaretur. *l.1. c.9. t.149.* idque confirmat multis exemplis.

Si infamia] 3. à *pari*; nam sicut non de duce tantum hostium, sed de omni gente victa triumphus agitur, ita non solus Dux victor, sed universus Populus triumphat.

Militum quidem] Quoad Milites eandem *Assumptionem* confirmat ab honore, quem ex Triumpho consequuntur, ubi utitur figura hypotyposi, & à *causa finali*, curex Provincia deportati sint, & non statim Urbem ingrediantur.

Triumphatum] Secundum argumentum est à *Comparatione Minorum*:

Non est negandum dignioribus, quod minus dignis conceditur. *l.2. c.6. t.66.*

Sed Æmilius longè dignior est triumpho, quàm alii multi.

Ergo

Ergo si iis triumphus concessus est, negari non debet Æmilio.

Assumptionem amplificat ab *Adjunctis* Regis Persei, Macedoniæ, & militum per comparationes Minorum, & illustrat figura Protopœja.

Quid dein] Tertium est à *Causa materiali*:
Tunc non est negandus Triumphus, ubi
Omnia adsunt triumphi constitutiva.

Sed Æmilio adsunt omnia necessaria ad
nobilissimum Triumphum.

Ergo non est Æmilio negandus Triumphus.

Assumptionem pariter probat à *Distributione* partium accurata, & urget à *Comparisonem* Regis Syphacis.

Ipsam L.] Quartum itidem est à *causis*, à meritis videlicet ipsius Imperatoris, & sine mittendi eum in Provinciam.

Et quidem] Quintum est ab *indignitate rei*, res enim erat indigna, tùm Deos privari suomet honore, victimis, & epulis, quæ dari solebant à triumphantibus, tùm etiam clarissimum imperatorem privatum urbem ingredi, tanquam redeuntem rure, relictis tot optimis spoliis.

Et tu centurio] *Peroratio*, qua per apostrophem ad milites se ipse comparat cum Galba, ne majoris apud eos auctoritatis sint levissimi hominis verba, quàm Oratio fortissimi viri, & Senatus universi preces.

Hoc quoque] Hoc est, cùm in castris omnem vitam meam traduxerim, ex militiæ laboribus hujusmodi etiam vitium corporis contraxi.

Sententiæ.

Severitas Imperii milites in officio continet.

Purum, & integrum debet esse iudicium à favore, & odio.

Triumphus non imperatoris tantum, sed & militum, & universi Populi decus est.

Omnium magnarum rerum & principia Exordienda à Deo, & idem finis statuendus est.

Sunt, qui nihil præterquam loqui, & ipsum maledicè, & malignè didicerunt.

ORATIONIS CLXXX.

L. Æmilii ad Populum

Argumentum.

ÆMilius post triumphum, quem duorum filiorum morte funestum egerat, data concione à Tribuno, hæc de rebus à se gestis, & luctu domestico ad Populum loquitur.

Loci communes *ab Adjunctis*, & à *Comparisonem*.

Motus, *Misericordia*, & *Amor*. Mores *virî Constantis*.

Tres sunt partes, *Exordium*, *Narratio*, & *Conclusio*.

Quamquam] In *Exordio* veniam petit differendi de rebus jam Populo notis, ut quo animo ipse sit omnes intelligant.

Profectus] Exponit ordinem rerum à se gestarum, easque amplificat à *Comparisonem* aliorum Ducum, qui bellum Macedonicum administraverant, & *ab Adjunctis* temporis, & loci.

Post-

Postquam] Domus etiam suæ luctum refert,
& qua constantia tantæ excidium familiæ per-
tulerit, unde nascitur *Misericordia*, *Arist.l.2.*
c.8.t.89.

Duos enim] Ex duobus Filiis, quos in ado-
ptionem dederat, alter Africanus, & Nu-
mantinus dictus est, alter Allobrogicus à re-
bus deinde gestis, ut patet ex Epitome.

Sed hanc] *Conclusio*, qua ostendit in priva-
tis infortuniis sibi solatio esse publicam felici-
tatem.

Sententiæ.

Nimia fortuna suspecta esse debet, nam
ex summo retrò volvi solet.

Privatas clades felicitas, & secunda for-
tuna publica consolari debet.

F I N I S.

INDEX

*Locorum communium, ex quibus Orationum
argumenta desumpta sunt.*

A Definitione.

IN Orat. 115.

A partium Enumeratione.

In Orat. 76. 83. 84. 104. 115. 123. 126. 149.
153. 162. 169. 179.

A Conjugatis.

In Orat. 101.

A Genere.

In Orat. 118. 128. 153. 164.

A similitudine.

In Orat. 13. 21. 22. 31. 46. 55. 100. 108. 132.
137. 139. 142. 146. 150. 152. 171. 174. 177.

A Contrariis.

In Orat. 3. 7. 14. 17. 32. 38. 40. 43. 79. 117.
125. 163. 168.

Ab Adjunctis.

In Orat. 1. 2. 5. 7. 8. 9. 12. 16. 18. 24. 31. 33.
42. 44. 45. 47. 48. 49. 54. 59. 69. 70. 71. 73.
79. 80. 81. 84. 85. 87. 89. 92. 95. 96. 98. 100.
104. 105. 110. 111. 112. 113. 114. 116. 118.
122. 125. 126. 128. 132. 134. 145. 152. 157.
159. 161. 162. 163. 175. 179. 180.

Ab Antecedentibus.

In Orat. 16. 24. 32. 33. 36. 37. 44. 54. 60. 62.
64. 66. 68. 69. 81. 84. 87. 89. 90. 91. 92. 93.
97.

97. 98. 100. 101. 104. 109. 113. 114. 121. 124.
150. 151. 173.

A Consequentibus .

In Orat. 9. 12. 13. 16. 27. 32. 42. 43. 50. 51. 55.
63. 64. 65. 69. 72. 75. 76. 81. 85. 90. 97. 105.
110. 114. 123. 126. 127. 141. 162. 167.

A Repugnantibus .

In Orat. 6. 17. 23. 87. 156. 158. 162. 163. 175.

A Causis .

In Orat. 3. 4. 5. 8. 11. 21. 22. 29. 41. 46. 57. 63.
65. 69. 82. 94. 96. 97. 99. 103. 107. 111. 113.
114. 118. 119. 120. 122. 125. 126. 127. 128.
130. 131. 133. 134. 135. 138. 139. 140. 141.
142. 143. 149. 150. 151. 153. 160. 161. 162.
163. 164. 166. 168. 171. 172. 174. 175. 177.
179.

Ab Effectis .

In Orat. 4. 10. 13. 17. 19. 21. 22. 26. 27. 40. 43.
58. 61. 67. 70. 78. 82. 93. 97. 101. 106. 109.
111. 112. 115. 117. 118. 122. 124. 126. 127.
128. 129. 133. 135. 138. 139. 145. 148. 157.
158. 159. 161. 165. 167. 174. 177. 178. 179.

A Comparatione .

In Orat. 2. 3. 7. 9. 11. 13. 14. 20. 22. 27. 29.
32. 41. 44. 52. 61. 62. 64. 66. 68. 70. 71. 73. 79.
81. 82. 89. 92. 95. 98. 99. 100. 106. 108. 111.
113. 115. 116. 119. 121. 122. 127. 128. 129.
131. 133. 136. 137. 140. 141. 147. 148. 149.
150. 151. 152. 153. 155. 157. 158. 160. 161.
165. 168. 172. 177. 179. 180.

INDEX

*Affectuum , qui juxta Aristotelis praecepta in
hisce Orationibus pertractantur .*

- Æ** Mulatio . Orat. 20. 69. 73. 143.
 Amor . Orat. 28. 57. 83. 88. 106. 112.
 124. 135. 142. 144. 150. 154. 163.
 Confidentia . Orat. 15. 18. 23. 31. 33. 34. 35.
 37. 41. 44. 45. 54. 68. 69. 70. 94. 96. 98.
 104. 105. 110. 114. 119. 121. 129. 138. 140.
 141. 174.
 Contemptus . Orat. 139. 151.
 Gratia . Orat. 67. 77. 84. 128. 132. 149.
 Indignatio . Orat. 3. 6. 7. 12. 22. 25. 26. 27.
 34. 127. 137. 152.
 Invidia . Orat. 40. 153.
 Ira . Orat. 4. 9. 13. 19. 36. 47. 49. 61. 66. 70.
 71. 76. 101. 102. 107. 127. 133. 136. 152.
 179.
 Lenitas . Orat. 17. 30. 103. 128. 132. 147. 156.
 165. 172. 177.
 Misericordia . Orat. 2. 10. 38. 43. 51. 55. 56.
 81. 84. 89. 95. 97. 115. 116. 123. 130. 161.
 162. 180.
 Odium . Orat. 3. 29. 61. 62. 78. 82. 99. 119.
 122. 124. 131. 162.
 Timor . Orat. 1. 5. 8. 12. 16. 21. 27. 39. 48.
 50. 52. 63. 64. 65. 75. 79. 85. 87. 92. 93.
 94. 111. 113. 118. 121. 122. 126. 134. 162.
 Verecundia . Orat. 6. 11. 13. 14. 21. 23. 24.
 32. 33. 37. 46. 48. 58. 72. 80. 86. 91. 109.
 111. 117. 120. 125. 133. 136. 160. 179.

INDEX

*Morum , qui ex Orationibus T. Livii erui
possunt.*

Civis boni . Orat. 5. 12. 17. 21. 47. 55. 86.
126. 143. 165.

Ducis egregii . Orat. 33. 69. 91. 98. 104. 110.
129.

Ducis indulgentis . Orat. 20.

Ducis irati . Orat. 109.

Ducis magnanimi . Orat. 42. 70. 114. 151.

Ducis prudentis . Orat. 24. 34. 44. 59. 167. 94.
96. 103. 134. 164. 175.

Ducis severi . Orat. 50. 111.

Judicis irati . Orat. 52.

Juvenis pudici . Orat. 106.

Juvenis ferocis . Orat. 173.

Matronæ castæ . Orat. 4.

Matronæ gravis . Orat. 10.

Patris miseri . Orat. 161. 166.

Patris pii . Orat. 2. 28.

Principis boni . Orat. 88.

Senatoris providi . Orat. 63. 64. 87. 113.

Senatoris severi . Orat. 82.

Sponsi pii , & solliciti . Orat. 15.

Viri amici . Orat. 122. 135. 169.

Viri astuti . Orat. 75. 172.

Viri benemeriti . Orat. 153. 170.

Viri candidi . Orat. 1. 56. 58. 77. 130. 131.
136. 160. 168. 179.

Viri constantis . Orat. 14. 49. 57. 100. 138. 145.
180.

Viri desperantis . Orat. 84. 107.

Viri ferocis . Orat. 71. 72. 73.

Viri fortis . Orat. 41. 80. 141.

Viri grati , Orat. 112. 168.

Vir

- Viri gravis . Orat. 3. 13. 18. 39. 58. 102. 124.
 127. 133. 139.
 Viri imperterriti . Orat. 23. 48. 68. 101.
 Viri inimici . Orat. 155.
 Viri iusti . Orat. 29. 46. 60. 62. 65. 99. 132.
 142. 152. 156. 157.
 Viri liberi . Orat. 150.
 Viri militaris . Orat. 31.
 Viri miseri . Orat. 115.
 Viri moderati . Orat. 19. 30. 35. 51. 128. 148.
 Viri magnanimi . Orat. 9. 54. 119. 154.
 Viri modesti . Orat. 1. 38. 61. 149. 170.
 Viri nobilis . Orat. 7.
 Viri popularis . Orat. 22. 26. 37. 78. 83.
 Viri prudentis . Orat. 6. 11. 16. 27. 32. 45. 66.
 79. 92. 93. 103. 108. 117. 121. 125. 137. 140.
 146. 167.
 Viri Sapientis . Orat. 118. 158. 174.
 Viri Seditiosi . Orat. 25. 36. 76.
 Viri severi . Orat. 40. 53.
 Viri solliciti . Orat. 85. 162.
 Viri supplicis . Orat. 43. 81. 89. 95. 97. 116.
 123. 147. 177.
 Viri turbati . Orat. 120. 159. 163.

F I N I S.

INDEX

DESCRIPTIONUM,

Quæ apud T. Livium habentur.

A

A Ciei Romanæ instructio ad Cannas .
Tom. 2. pag. 155

Aciei Carthaginienſis instructio . ibid.

Aciei Romanæ dispositio contra Pœnos in extremo conflictu .
Tom. 2. pag. 765

Aciei Pœnorum instructio contra Ro. eadem occasione .
ibid. & pag. 768

Aciei Rom. instructio contra Antiochum .
Tom. 3. pag. 418

Aciei Antiochi in Rom. apparatus . ibid.

Acies ejusdem ad Thermopylas. Tom. 3. p. 327

Acies Rhodiorum, & Macedonum. tom. 3.
pag. 121

Ambitio petentium Magistratû. Tom. 1. p. 221

Ambraciæ situs .
Tom. 3. pag. 454

Arma Samnitum auro & argento fulgentia ,
Tom. 1. pag. 708

Arma Gallogræcorum .
Tom. 3. pag. 479

B

B Accanalium , nefarii sacri ritus. Tom. 3.
pag. 542. & pag. 547

C

C Astra Volſcorum oppugnata ab Rom.
Tom. 1. pa. 206.

Tom. V.

a

Castra

- Castra Samnitum expugnata . Tom.1. p.664
 Castra Rom.incepto audaci , nec omninò vano,aggrediuntur Samnites. Tom.1. pag.775
 Castra Pœnorum petita ab Rom.Tom.2.p.346
 Castra Syphacis ferro ignique absumpta.Tom.2. pag.721
 Censur. Tom.2.pag.61
 Censura Catonis aspera . Tom.3. pag.591
 Ceremoniæ jus repetendi per fœciales , traditæ ab Anco Rege . Tom.1.pag.47
 Certamen inter Consulem , & Trib.Tom.1. pag.166
 Concitatio Collatinorum ob nefarium facinus Tarquinii Superbi . Tom.2.pag.84
 Conjuratio Athamanum in præsidium Macedonum . Tom.3.pag.450
 Consternatio militum Rom.detrectantium pugnam cum Samnitibus . Tom.1. pag.779
 Contentio in Senatu Rom. Tom.1. pag.770
 Contentiones Competitorum. Tom.3.pag.574 & inferius pag. 584
 Cuniculus ab Rom. instructus , & captatus ab Ambraciensibus . Tom.3.pag.459

D

- D** Electus Militum . Tom.1. pag.212
 Direptio Romanæ Urbis.Tom.1.pag.422
 Dolii pluma oppleti adversus Romanos Cuniculum agentes ab Ambraciensibus excogitati descriptio . Tom.3. pag.460
 Druentiæ fluminis descriptio . Tom.2. pag.45

E

- E** Logium P. Sempronii . Tom.2.pag.716
 Elogium M. Furii Camilli . Tom.1.p.510
 Elogium Papirii Cursoris . Tom.1. pag.668
 Elogium Annibalis . Tom.2. pag.12
 Elo-

- Elogium Catonis . Tom. 3. pag. 586
 Elogium Africani . Tom. 3. pag. 323
 Elogium Fabii Maximi . Tom. 2. pag. 753
 Eruptio subita Auxiliarium Nabidis in Quintium . Tom. 3. pag. 191
 Exercitus instructior ad quatuor portas castrorum . Tom. 1. pag. 643
 Eruptio Marcelli in Annibalem . Tom. 2. pag. 199
 Eruptio Præsidii Rom. in Pœnos . Tom. 2. pag. 631
 Expeditio Rom. in Fidenates . Tom. 2. pag. 21
 Expeditio laboriosa Annibalis per Alpes . Tom. 2. pag. 47. & sequentibus .
 Expeditio Manlii Cos. in Gallogræcos. Tom. 3. pag. 465. & pag. 478.
 Expeditio Philippi Regis in Montem Æmum satis ardua . Tom. 3. pag. 637
 Expugnatio Castrorum Carthaginensium per T. Martium memorabilis . Tom. 2. pag. 389

F

- F**acinus atrox Pastorum in Tarquinium . Tom. 2. pag. 59
 Facinus sævum Cos. Rom. Tom. 3. pag. 591
 Facinus Theoxenæ egregium. Tom. 3. pag. 613
 Falaricæ forma . Tom. 2. pag. 18
 Familiaritas Valerii cum militibus . Tom. 1. pag. 559
 Fremitus Senatus in Consulem Plebeium . Tom. 1. pag. 518
 Fremitus Militum in Dictatorem differentem pugnæ aleam . Tom. 1. pag. 526
 Fremitus Plebis ob creatos Coss. ambos ex Patriiis . Tom. 1. pag. 535
 Fuga effusa Rom. Tom. 2. pag. 96.
 Fuga effusa è castris . Tom. 4. pag. 481
 Fundæ genus quo Rom. usi sunt in Samæos . Tom. 3.

Tom. 3. pag. 488

Furor & rabies Q. Pleminii Legati, & Mil
tum inter se desævientium. Tom. 2. p. 660

Furor effrænis Achæorum in Lacedæmoness
Tom. 3. pag. 492

G

Galli Capitolium subeuntes, indeque præ
cipites deturbati describ. Tom. 1.
pag. 429.

Gallorum Asiam incolentium Origo, divisio
& imperium. Tom. 3. pag. 477

Gaudium ingens Ro. Plebis ob datum præ
mo stipendium. Tom. 3. pag. 358

Gaudium effusum propter victoriam de ex
ercitu Asdrubalis reportatam. Tom. 1.
pag. 570

Genealogia Romuli, & Remi. Tom. 1. pag. 1

Gordii oppidi Gallogræciæ situs. Tom. 3.
pag. 476

H

Habitus Albanæ multitudinis discedentium
Urbe, Romamq; adire jussæ. Tom. 1. p. 44

Habitus Rom. peste grassante. Tom. 1. pag. 188

Habitus pacificus Tusculanorum, cum ab Ro
bello peterentur. Tom. 1. pag. 488

Habitus exercitus Rom. in locum arctum a
Caudinas Furcas, unde evadendi nulla spes
erat, pertracti. Tom. 1. pag. 644. & 644

Habitus ejusdem discedentis à Furcis Caudi
nis post fœdam deditionem. Tom. 1. pag. 610
& 611

Habitus Gallorum per Etruscas paludes trans
euntium ductu Annibalis. Tom. 1. pag. 99

Habitus Annibalis ex Italiæ possessione detrac
ti. Tom. 2. pag. 744

Impe-

- I**mpetus Æquorum in Rom. Tom. I. pag. 18
 Inauguratio Numæ Pompilii. Tom. I. p. 27
 Indignatio, & fremitus P. Ro. ob secretos Senato-
 res à Plebe in ludis spectandis. To. 3. p. 223
 Infidiæ Gallorum in Rom. ad Sylvam Litanam.
 Tom. 2. pag. 211
 Iter Catonis ab Roma in Hispaniam. Tom. 3.
 pag. 219. & è Græcia Romam. Tom. 3. p. 331
 Iter Classis è Roma in Græciam. Tom. 3. p. 355
 Iter Quintii è Græcia Romam. Tom. 3. p. 219
 Iter Antiochi ex Asia Demetriadem. Tom. 3. p.
 290
 Iter Classis Ro. è Samo in Lyciam. Tom. 3. p. 387
 Iter Exercitus Rom. præda onusti ex Hellespon-
 to in Macedoniam. Tom. 3. p. 502, & sequent.

L

- L**ætitia ingens Rom. ob reditum incolu-
 mis exercitus, qui periisse credebatur.
 Tom. I. pag. 328
 Lætitia Rom. Civitatis ob speciosa promissa
 Equitum. Tom. I. pag. 371
 Lætitia Græciæ ob libertatem voce præconis
 promulgatam. Tom. 3. pag. 139
 Latrocinium infame Pœnorum. Tom. 3. p. 634
 Ludi Scenici primò Romæ instituti. Tom. I.
 pag. 511
 Ludicrum Isthmiorum. Tom. 3. pag. 138
 Luctus ingens. Tom. 2. pag. 98
 Luxus Antiochi, & ejus Militum. Tom. 3. p. 316

M

- M**æstitia in Urbe ob pacem ignominio-
 sam factam ab exercitu cum Samniti-
 bus. Tom. I. pag. 653
 2 3 Mari-

6
 Maritima expeditio Scipionis è Sicilia in A
 cam. Tom.2.pag.6
 Muliebris concursus in forum, quò lex Opp
 abrogaretur. Tom.3.pag.1
 Murmur, & indignatio Lacedæmoniorum
 leges pacis à Quintio propositas. Tom.
 pag.203
 Mutua indignatio Militum, & Appii. Tom.
 pag.169
 Myonnesi Promontorium. Tom.3.pag.44

N

Navalis pugna Rom. cum Tarentini
 Tom.2.pag.462
 Rom. cum Adherbale. Tom.2.pag.6
 Scipionis cum Carthaginienſibus. Tom.2.p.7
 Rom. & Polyxenidæ. Tom.2. pag.3
 Rhodiorum, & Antiochi. Tom.2.pag.3
 Rom. cum classe Antiochi. Tom.2.pag.4

O

Obfidio Tarentinæ arcis. Tom.2.pag.3
 Occupatio Tarentini per proditionem
 Tom.2. pag.514
 Occupatio Locrorum in Brutiis. Tom.2.p.6
 Occupatio Syracusarum magna ex parte
 Tom.2. pag.365.
 Olympi Montis natura, & Gallogræcorum ca
 strorum inibi constitutorum situs. Tom.3
 pag.487
 Oppressio Etruscorum in direptione Sutrii
 Tom.1. pag.446
 Oppugnatio Caſtrorum Rom. per Æquos, & eo
 his eruptiones Rom. in hostes. Tom.1.p.18
 Oppugnatio Cominii Opp. Tom.1.pag.79
 Oppugnatio, & propugnatio Sagunti. Tom.2
 pag.16. & 17

Oppu-

- Oppugnatio Syracusarum per Marcellum, & propugnatio valida opera Archimedis .
Tom.2. pag.299.300
- Oppugnatio, & expugnatio incruenta Argivorum per Fabium Coss. Tom.2.pag.316
- Oppugnatio Carthagini novæ. Tom.2.p.472. 473. & expugnatio 474
- Oppugnatio valida,& propugnatio Ambraciæ. Tom.3.pag. 456. & 457
- Oppugnatio vehemens terra marique Gythei Lacedæmonum oppidi. Tom.3. pag.193
- Oppugnatio, & propugnatio Leucadis. Tom.3. pag.119
- Oppugnatio Spartæ satis valida. Tom. 3. pag.205
- Ordo instruendi exercitus apud Rom. & Latinos. Tom.1.p.588. 589
- Ordo Sacrificii in honorem Junonis Reginae Romæ instituti. Tom.2.pag.150

P

- P**Atavinorum eruptiones in Græcôs agros depopulantes. Tom.3.pag.725
- Pestilentia ingens. Tom.2.pag.269
- Plebis Rom. perturbatio ob impotentem audaciam Voleronis. Tom.1.pag.165
- Plebis tumultus ob iniquum Decemvirorum dominatum. Tom.1. pag.224
- Phoceæ urbis situs, & oppugnatio, Tom. 3. pag.309
- Pomærium. Tom.1. pag.63
- Prælium Rom. cum Sabinis anceps interventu foeminarum diremptum. Tom.1.pag.18
- Prælium atrox Ro. cum Tarquiniis ad Lacum Regillum. Tom.1. pag.112
- Prælium Volscorum, & Rom. Tom.1. pag. 128
- Prælium Ro. cum Sabinis. Tom.1.pag.260
- a 4 Præ-

- Prælium atrox Ro. & Volscorum .** Tom. 1.
 pag. 314
Prælium incautè commissum à Ro. cum Vol-
scis . Tom. 3. pag. 322
Prælium Ro. cum Antiatibus . Tom. 1. pag. 458
Prælium Rom. cum Volscis . Tom. 1. pag. 466
Prælium Rom. ira frementium cum Samnitibus . Tom. 1. pag. 665
Prælium Ro. cum Etruscis . Tom. 1. pag. 692
Prælium aliud eorumdem . Tom. 1. pag. 700
Prælium eorumdem rursùs . Tom. 1. pag. 707
Prælium Ro. cum Samnitibus . Tom. 1. pag. 709
Prælium Ro. cum Samnitib. rursùs atrocissimum , in quo vires penè omnes Samnitium consternantur ad Aquiloniam . Tom. 1.
 pag. 789
Prælium Lelii , & Masanissæ cum Syphace .
 Tom. 2. pag. 730
Prælium Scip. cum Pœnis . Tom. 2. pag. 595
Prælium Ro. cum Hispanis . Tom. 2. p. 655
Prælium Rom. cum Pœnis Duce Marcello ad Bæculam . Tom. 2. pag. 510
Prælium Scip. cum Amilcare in Hispania .
 Tom. 2. pag. 519
Prælium Ro. cum Asdrubale ad Metaurum .
 Tom. 2. pag. 567
Prælium Ro. cum Gallis in agro Bojorum .
 Tom. 3. pag. 215
Prælium Ro. cum Boiis . Tom. 3. pag. 238
Pugna memorabilis inter duos fratres Trigeminos Horatios, Curatiosque . Tom. 1. pag. 35
Pugna Ro. cum Fidenatibus , & Vejentibus .
 Tom. 1. pag. 39
Pugna Ro. & Volscorum . Tom. 1. pag. 257
Pugna Ro. cum Etruscis . Tom. 1. p. 153
Pugna Ro. cum Sabinis, & Vejentibus . Tom. 1.
 pag. 161
Pugna Ro. cum Volscis . Tom. 1. pag. 174
Pugna Ro. cum Etruscis , in qua facinus egre-
 gium

- gium Cornelii Cossi enarratur. Tom. 1. p. 301
- Pugna Ro. cum Hernicis. Tom. 1. pag. 519
- Pugna Ro. cum Gallis. Tom. 1. pag. 530. & pag. 543
- Pugna Ro. cum Samnitibus. Tom. 1. pag. 560
- Pugnæ aliæ Rom. cum Samnitibus. Tom. 1. pag. 687. & p. 743
- Pugna Annibalis cum Saguntinis. Tom. 2. pag. 17
- Pugna ejusdem cum Ro. ad Trebiam. Tom. 2. pag. 76
- Pugna ejusdem cum iisdem ad Trasymenum. Tom. 2. pag. 95
- Pugna eorumdem ad Cannas. Tom. 2. pag. 151. 152
- Pugna Ro. ad Iberum. Tom. 2. p. 217
- Pugna Ro. ad Beneventum cum Annone Tom. 2. pag. 271.
- Pugna eorumdem cum eodem, & Campanis sub Capuam. Tom. 2. pag. 404
- Pugna supradicta Ro. cum Annibale. Tom. 2. pag. 766
- Pugna Ro. cum Antiocho ad Thermopylas. Tom. 3. pag. 323
- Pugna acerrima Ro. cum eodem ad Phrygium amnem. Tom. 3. pag. 422
- Pugna Ro. cum Gallogræcis in Olympo Monte. Tom. 3. pag. 479
- Pugna Ro. & Hispanor. ad Tagum acerrima. Tom. 3. pag. 572
- Pugna Rom. & Celtiberorum ad Eburam atrocissima. Tom. 3. pag. 648. 649
- Pugna eorumdem ad Saltum Manlianum. Tom. 3. pag. 660
- Pugnas tumultuarias habes. Tom. 3. pag. 44. 47. pag. 192. & 416. Item pag. 452. 485. & pag. 503
- Pugnas navales, vide: Navalis pugna.

Q

Quæ, & quanta decora fœda cupiditas regni non ingrata solum, sed etiam invisa reddiderit apud Ro. ostenditur exemplo Manlii Capitolini de Rupe Tarpeja præcipitati.

Tom. 1. pag. 471

Quadrigarum falcatarum armatura.

Tom. 3.

pag. 420

Quæ ad militem excitandum valent existentiæ in Liguribus describ.

Tom. 3. pag. 533

R

Rabies Abydenorum similis Saguntinæ: descr.

Tom. 3. pag. 22

Ritus deditiois Urbium.

Tom. 1. pag. 56

Rogatio Atheniensium in Phil.

Tom. 3. pag. 56

Romuli Elogium.

Tom. 1. pag. 22

S

Sangarii fluminis situs.

Tom. 3. pag. 445

Semina & origo luxus Romam ex Asia inveci.

Tom. 3. pag. 504

Seditiones ingentes P. R.

Tom. 1. pag. 118. 119

& pag. 123. & 465

Sanciendi fœdus formula.

Tom. 1. pag. 33

Seditio militaris.

Tom. 2. pag. 149

Seditio inter Patres, & rixa.

Tom. 1. pag. 191

Seditio inter P. R. cum clamore tumultu, & rixa.

Tom. 1. pag. 240

Situs Emporiarum.

Tom. 3. pag. 170

Situs Leucadis.

Tom. 3. pag. 119

Situs Thermopylarum.

Tom. 3. pag. 323

Situs Heracleæ.

Tom. 3. pag. 333

Situs Crotonis.

Tom. 2. pag. 254

Situs Furcularum Caudinarum.

Tom. 2.

pag.

pag. 664

Simulatio Masaniissæ, ut ad pugnam hostes eliceret .

Tom. 2. pag. 708

Simulatio & Hypocrisis Moagetis Tyranni .

Tom. 3. pag. 468

Solertia singularis Philopœmenis in ducendo exercitu .

Tom. 3. pag. 269

Sollicitudo Scipionis in apparandis terra marique adversus Pœnos viribus .

Tom. 2. pag. 483

Stupor & pavor Rom. ob adventum Gallorum ad Urbem .

Tom. 1. pag. 417

Superbia inexorabilis, crudelitasque Papirii .

Tom. 1. pag. 631

Severitas Manlii .

Tom. 1. pag. 514

Superba crudelitas Pleminii in Locrenses .

Tom. 2. pag. 661

Superbus apparatus, congruentesque mores Hieronymi Syracusanorum Regis .

Tom. 2. pag. 257

T

TEmpeestas atrox .

Tom. 2. pag. 79

Turpitude Carthaginensium Classem raptim, & præproperè adornantium .

Tom. 2. pag. 115

Trepidatio Syracusanorum post cædem Tyranni .

Tom. 2. pag. 282

Trepidatio Africæ ob adventum Scipionis .

Tom. 2. pag. 698

Tumultus atque clamor haud procul à seditione in exercitu Ro. propter iram effrænem Dictatoris in Q. Fabium Magistrum Equitum .

Tom. 1. pag. 628

- V**Ejorum oppugnatio. Tom. 1. pag. 390
 Expugnatio. Tom. 1. pag. 292
 Via nivibus obruta in superabilis in Alpibus.
 Tom. 2. pag. 51
 Virtus Asdrubalis. Tom. 2. pag. 568
 Virtus Horatii Coclitis contra Porſenam Ro-
 mam invadentem. Tom. 1. pag. 100
 Veris ſacri instituendi formula. Tom. 2. pag. 101

F I N I S .

INDEX LEGUM¹³

Quæ in Titi Livii Histor. & L. Flori
Epitom. continentur.

A

L *Ex Acilia* de coloniis deducendis, lata à C. Acilio Trib. plebis anno 553. C. Cornelio Cethego, Q. Minucio Rufo Coss. ut quinque coloniæ in oram maritimam deducerentur, duæ ad ostia fluminum Vulturni, Liternique, una Puteolos, una ad castrum Salerni: his Buxentum adjectum: tricenæ familiæ in singulas colonias jubebantur mitti.

Tom. 3. pag. 106

Atilia Marcia de re militari, lata à L. Atilio, C. Marcio Tribunis pleb. anno 443. Coss. C. Junio Bubulco II. Q. Amilio Barbula II. Ut tribuni militum senideni in quatuor legiones à populo crearentur, quæ antea perquam paucis suffragio populi relictis locis, Dictatorum, & Consulum fermè fuerant beneficia.

Tom. 1. pag. 691

Atilia de Dedititiis, lata à L. Atilio Trib. pleb. anno 540. Coss. M. Claudio Marcello IV. M. Valerio Lavino II. quid Quirites fieri vellent de Campanis, Attellanis, Calatinis, Sabatinis, qui se dediderant in ditionem pop. Rom.

Tom. 2. pag. 453

Atilia de Tutelis, lata, ut videtur, quibusdam, ante Q. Marcii Philippi, & Spurii Albinii consulatum, qui incidit in annum 564. Ut mulieribus, & pupillis, tutores tum habentibus, à Præatore, & majore parte Tribunorum, pleb. darentur. Hoc memoratur in referenda historia ejusdem anni.

Tom. 3. pag. 543

Ælia

Ælia de Coloniis deducendis, lata à Q. Ælio Tuberone Tribuno pleb. anno 556. Coss. P. Cornelio Scipione Africano II. Tit. Sempronio Longo: Ut Latinæ duæ coloniae, una in Brutios, altera in Thurinum agrum, deducerentur. Tom. 3. pag. 221. 244

Æmilia de Censoribus, lata à Mamercio Æmilio Dictatore anno 320. Ne censura, quæ usque eò quinquennalis fuerat, plusquam annum ac semestris esset. Tom. 1. pag. 307

B

B*æbia* de Prætoribus: Ut alternis annis quaterni Prætores crearentur. Creati autem anno 570. Coss. A. Postumio Albino, C. Calpurnio, cum lex multos annos antelata fuisset. Tom. 3. pag. 666

Bæbia Cornelia de ambitu multiplex, sed cujus sententiæ incertum, lata à M. Bæbio, & P. Cornelio Cethego Coss. anno 569. Tom. 3. p. 635

C

C*Anuleja* de jure connubiorum plebi cum patribus concessio, lata à C. Canulejo Tribuno pleb. anno 309. coss. M. Genutio, C. Curatio. Tom. 1. pag. 283

Cassia agraria primum, promulgata à Sp. Cassio Viscellino tertium cos. cum Proculo Virginio Tricostio. anno 266. Ut ex agro, Hernicis, quibuscum fœdus ictum erat, adempto, dimidium Latinis, dimidium plebi divideretur. Tom. 1. pag. 143

Cassia lata à Q. Cassio Prætoribus, coss. Q. Ælio Peto, M. Junio Bruto anno 563. ut Paulo Anicio, & Cn. Octavio ex bello Macedonico cum victoria redeuntibus, quo die Urbem

bem triumphantes ingrederentur , imperium esset .

Tom.4. pag.283

Cincia de donis , lata à M. Cincio Trib. pleb.

M. Cornelio Cethego , P. Sempronio Tuditano cons. anno 546. Ne quis ob causam orandam donum , munusve caperet . Mentio hujus legis est .

Tom.3. pag.163

Claudia de sociis nominis latini, lata à C. Claudio Pulchro cos. cum Ti. Sempronio Graccho , anno 573. Ut qui focii , ac nominis latini ipsi , majoresque eorum M. Claudio T. Quintio censoribus , postque ea apud socios nominis latini censi essent , omnes in suam quisque civitatem , ante Kal. Novembris redirent .

Tom.4. pag.14

Claudia de Senatorum quæstu , lata à Q. Claudio Trib. pleb. cons. P. Cornelio Scipione , Ti. Sempronio Longo , adjuvante uno Patrum C. Flaminio , anno 532. Nequis senator , quive Senatoris pater fuisset , maritimam navem, quæ plusquam trecentarum amphorarum esset , haberet .

Tom.2. pag.85

Clodia de vi , lata à P. Clodio trib. pleb. cons. C. Calpurnio Pisone , A. Gabinio anno 692. Ut de iis , qui cives Romanos sine judicio populi , indictaque causa necassent , quæstio haberetur . Tulit autem ob Ciceronem , & alios , à quibus necati erant Catilinarii : in Flori Epit. Tom.4. pag.384

Clodia de Provinciis , lata ab eodem , ut Cyprus in provinciæ formam redigeretur ; pecunia Ptolemæi Regis publicaretur ; atque huic rei M. Cato Quæstor cum jure Prætorio præficeretur , in Flori Epit. Tom.4. p.385

Cornelia de bello indicendo regi Antiocho lata à P. Cornelio Scipione Nasica cos. cum M. Acilio Glabrione anno 559. Tom.3. p.265

Cornelia de Judiciis lata à P. Cornelio Sulla Dictatore , & cos. II. cum Q. Metello Pio anno

anno 670. Ut Judicia equestri ordini adempta in solum ordinem Senatorum transferrentur. In Flori Epit. Tom 4. pag. 375

Cornelia de Magistratibus, lata ab eodem L.

Cornelio Sulla Dictatore anno eodem : qua potestatem Tribunis plebis ademit : Ne Tribunis pleb. ferendarum legum, concionandive jus esset, neve ad eos provocatio esset ; ut ne iis intercedere liceret, neve iis, qui Tribunis plebis fuissent, alios postea Magistratus capere liceret. In Flori Epit.

Tom. 4. pag. 382

*Curia*ta, lata ex decreto Senatus, qua M. Furius Camillus ab exilio revocatus est, Dictatorque absens dictus anno 365. Q. Fabio Ambusto, Q. Sulpicio Longo &c. tribunis milit. consulari potestate. Tom. 1. p. 428

De *Ambitu* lata, L. Piscario Mammerco, L. Furio Medullino &c. Trib. milit. consul. pot. anno 322. Ne cui album in vestimentum addere petitionis causa liceret.

Tom. 1. pag. 310

De *Civitate Romana* Mutini Lybophœnici danda, qui Agrigentum Romanis prodiderat : lata à Tribuno pleb. ex auctoritate Patrum, cos. M. Valerio Lævino 11. M. Claudio Marcello anno 540. Tom. 2. pag. 491

De *Dictatore primum creando* sine provocazione, ex consularibus lata est anno 253. cos. Postumo Cominio, & T. Lartio : à quo verò lata non additur. Tom. 1. pag. 111

De *Obaratis*, lata à cos. L. Papirio Mugillano, & C. Pætelio anno 429. Ne quis, nisi qui noxam meruisset, donec pœnam lueret, in compedibus, aut in nervo teneretur.

Tom. 1. pag. 622

De *Tribunis militum* consulari potestate promiscuè ex patribus, & ex plebe creandis memoratur anno 330. Vim autem habere

cœpit

cœpit anno 355.

Tom. 1. pag. 380

De Vacatione : Ut Sacerdotes , & senes militiæ vacationem haberent , præterquàm si tumultus Gallicus oriretur. Hujus legis mentio fit . Tom. 1. cum alibi, tum pag. 609

D

D *Decemvires leges*, quibus Tabulis duodecim est nomen , in æs incisæ in publico proponuntur anno 304. à Coss. L. Valerio, & M. Horatio .

Tom. 1. pag. 254

Decia de Duumviris navalibus, lata à M. Decio Trib. plebis , Coss. C. Junio Bubulo III. & Q. Æmilio Barbula II. Ut Duumviros navales classis ornandæ , reficiendæque causa populus juberet.

Tom. 1. pag. 691

Duillia de Provocatione , lata à M. Duillio Trib. plebis coss. L. Valerio , & M. Horatio anno 304. Qui plebem sine tribunis reliquisset , quique magistratum sine provocatione creasset , tergo , ac capite puniretur .

Tom. 1. pag. 250

Duillia Mænia de fœnore , lata à M. Duillio , & L. Mænio Tribunis pleb. coss. C. Marcio , & Cn. Manlio, anno 398. Ut fœnus ne majus unciario exerceretur. Tom. 1. pag. 531

F

F *Flavia de pœna Tusculanorum*, lata à M. Flavio Tribuno pleb. , coss. C. Sulpitio, & Q. Æmilio , anno 431. Sed antiquata . Tom. 1. pag. 637

Furia de Ædilibus curulibus lata à M. Furio Camillo Dictatore anno 388. ut duo Ædiles ex Patribus crearentur . Tom. 1. pag. 509

Furia (ut licet conjicere) lata ab eodem M. Furio Dictatore de Prætoribus, anno eodem 388.

Ut

Ut Prætor unus, qui jus in Urbe diceret, quod antea Consulum munus fuerat, Patritius crearetur.

Tom. I. pag. 508

G

Gabinia de re militari, lata ab A. Gabinio tribuno pleb. anno 682. cons. L. Cæcilio Metello, Q. Marcio Rege, ut bellum adversus Piratas Cn. Pompejo mandaretur. Flor. in Epit.

Tom. 4. pag. 382

Genutia de fænore, lata à Genutio Tribuno plebis anno 413. cons. C. Marcio IV. Quinto Servilio Hala. Ne fænerari liceret. Tom. I. pag. 575

Genutia de Magistratibus, lata ab eodem, eodem anno. Ne quis eundem Magistratum intra decem annos caperet; Neu duos Magistratus uno anno gereret. ibidem.

Genutia de Consulibus lata ab eodem, eodem anno: ut liceret consules ambos plebejos creari. ibidem.

Genutia Emilia de clavo pangendo, lata à Cn. Genutio, & L. Emilio Mamercio II. cons. anno 392. Ut qui Prætor maximus esset, Idibus Septembris clavum pangeret. Tom. I. pag.

513

H

Horatia de magistratibus, lata à M. Horatio Barbato cos. cum L. Valerio Poplicola anno 304. Ut qui Tribunis plebis, ædilibus, iudicibus nocuisset, ejus caput Jovi sacrum esset: familia ad Cereris, liberi, liberæque venum iret.

Tom. I. pag. 250

Horatia Valeria de Plebiscitis, quam tulere iidem cons. M. Horatius Barbatus, & L. Valerius Poplicola eodem anno, ut quod, tribu-

tim

19
tim plebis jussisset, populum teneret. Tom. 1.
pag. 249

I

I *Cilia* de Aventino monte publicando, lata à
L. Icilio tribuno plebis M. Valerio, & Sp.
Virginio cons. anno 296. Ut Aventinus
mons plebi ad ædificia concederetur. Tom.
1. pag. 217

Icilia de secessione, lata ab eodem Icilio tri-
buno plebis. cos. L. Valerio, & M. Hora-
tio anno 304. Ne cui fraudi esset secessio ab
Decemviris facta in Aventinum. Tom. 1.
pag. 249

Julia agraria, lata à Julio Cæsare cos. cum
M. Calpurnio Bibulo anno 691. Ut ager
Stellas, majoribus consecratus, item Cam-
panus ad subsidia Reip. vestigialis relictus
pleb. divideretur Flor. in Epit. Tom. 4.
pag. 384

Junia de Tarquiniis, lata à L. Junio Bruto
primo cos. solo anno 245. Ut omnes Tar-
quinia gentis exules essent. Tom. 1. pag.
89

Jania sacrata, quam tulit L. Junius Bru-
tus (ut ait Dionysius) Tribunus plebis
primus creatus Spu. Cassio, Postumio Co-
minio cons. anno 261. Ut plebi sui Magi-
stratus essent sacrosancti : quibus auxilii la-
tio adversus cons. esset ; neve sui Patrum ca-
pere eum Magistratum liceret. Tom. 1. pag.
131. Hujus rogationis carmen recitatur.
Tom. 1. pag. 263

L

L *Icinia* de magistratibus, lata à C. Licinio
Stolone, & L. Sextio Tribunis plebis
anno

anno 379. L. Æmilio, Serv. Sulpicio tribu-
nis militaribus cons.pot: Ne eo anno Tribu-
norum militum comitia fierent, sed consu-
lum. Tom.1. pag.494

Licinia agraria, lata ab iisdem eodem anno:
Ne quis plus quam quingenta jugera agri
possideret. ibidem.

Licinia item alia de ære alieno, lata ab iisdem
eodem anno: Ut, deducto eo capite, quod
usuris pernumeratum esset, id quod supe-
resset, trienio æquis portionibus persolve-
retur. ibid.

Licinia Cassia de re militari lata à P. Licinio
Crasso, & C. Cassio Longino Cofs. anno 379.
Ne tribuni militum eo anno suffragiis po-
puli crearentur, sed consulum, Prætorumque
in iis faciendis iudicium, arbitriumque esset.
Tom.4. pag.85

Licinia de Religione, quam tulit P. Licinius
Præt.urbanus, Cofs. M. Claudio Marcello V.
& T. Quintio Crispino, anno 342. Ut ludi
Apollinares, qui die incerta fiebant, in per-
petuum in statum diem voverentur. Tom.
2. pag.527

Livia de Judiciis, lata à M. Livio Druso Trib.
plebis, anno 695. Cofs. L. Marcio Philippo,
Sex. Tulio Cæsare: Ut æqua ex parte Judicia
penes Senatum, & equestrem ordinem es-
sent: idest trecenti Equites, & trecenti Sena-
tores judicarent, Flor. in Epit. Tom.4. p.367

M

M*Anilia* de re militari, lata à C. Manilio
Trib. plebis Cofs. M. Æmilio Lepido,
L. Volcatio Tullo anno 684. Ut Pompejo
bellum Mithridaticum mandaretur. Flor.
in Epit. Tom.4. pag.383

Manlia de manumissionibus, lata à Cn. Manlio
Capi-

Capitolino Cofs. cum C. Martio Rutilio anno 398. Ut ii, qui manumitterentur, fortunarum suarum viceſſimam ærario darent.

Tom. 1. pag. 532

Martia de Deditis, quam tulerunt M. Martius fermo, & Q. Martius Scylla tribuni plebis, Cofs. C. Popilio Pænate, P. Ælio Ligure anno 578. Ut qui ex Statellis deditis in libertatem ante Kal. Sextiles primas reſtitutus non eſſet, cujus dolo malo is in ſervitutem veniſſet, ut juratus Senatus decerneret, qui eam rem quæreret, animadverteretque. Tom. 4. pag. 71

Martia Atinia de pace cum Rege Philippo, promulgata à Q. Marcio, C. Atinio Tribunis pleb. qui tulerunt ad plebem: Vellent, juberentque cum Rege Philippo pacem eſſe, anno 554. Cofs. L. Furio Purpureone. M. Claudio Marcello.

Tom. 3. pag. 130

Metilia de Magiſtratibus lata à M. Metilio trib. pleb. anno 533. Cofs. Cn. Servilio Gemino, C. Flaminio II. Ut Magiſtri Equitum, & Dictatoris vis æquaretur, quæ fuit in gratiam M. Minutii Magiſtri equitum contra Fabium Maximum Dictatorem. Tom. 2. pag. 125

O

O *Gulnia* de Religione, lata à Q. & Cn. Ogulniis tribunis pl. anno 452. Cofs. M. Valerio Corvo, & Q. Appulejo Panſa: Ut cum quatuor augures, quatuor pontifices, ea tempeſtate eſſent, placeretque augeri ſacerdotum numerum; quatuor pontifices, quinque augures, de plebe omnes adlegerentur. Tom. 1. pag. 730. 731

Oppia de ſumptibus, lata à C. Oppio tribuno pleb. Cofs. Q. Fabio Maximo. Ti. Sempronio Graccho II. anno 537. in medio ardore ſecun-

P

P*apia* de civitate, lata à L. Papirio Prætore anno 423. Coss. Cor. Coss. Arvina II. Cn. Domitio Calvino : Ut civitas Acerranis sine suffragio daretur . Tom.1.pag.605

Patelia de Ambitu primùm lata à C. Pætelio trib. plebis anno 397. Coss. C. Fabio , & C. Plautio, adversus eos qui nundinas , & conciliabula prensandi causa obirent . Tom. 1. pag.531

Petilia de peculatu lata à duob. Q. Q. Petiliis Tribb. pleb. anno 563. Coss. M. Æmilio Lepido, C. Flaminio Nepote: Vellent, juberent, quæreretur de pecunia capta ex Antiocho , non relata in publicum à L. Scipione. Tom.3. pag.524

Porcia de jure civium Rom. lata à M. Porcio Trib. pleb. anno 452. Coss. M. Valerio Corvo V. Q. Appulejo Pansa : Ne quis Magistratus civem Rom. virgis cæderet, necaretque: Sed damnato exilium permetteret : cùm antea nudorum cervix infereretur furcæ : corpus virgis ad necem cæderetur. Tom.1.pag.735

Publilia de legibus , lata à Q. Publilio Philone Dictatore anno 416. Ut legum, quæ comitiis centuriatis ferrentur, ante initum suffragium Patres auctores fierent . Tom.1.pag.597

Publilia de plebiscitis , lata ab eodem , anno eodem : Ut plebiscita omnes Quirites tenerent . ibid.

Publilia latoria de Magistrat. lata à Publilio Volerone, & Lætorio Trib. plebis: anno 281. Coss. Appio Claudio Regillensi, & T. Quintio Barbato : Ut plebei Magistratus, qui antea Curiatis comitiis fiebant , deinceps remotis patri-

R

Roscia theatralis, lata à L. Roscio Othone trib. plebis, anno 682. Coss. L. Cæcilio Metello, O. Marcio Rege: Ut in Theatro Equitibus Rom. qui HS. quadraginta possiderent, xiv gradus spectandi causa assignarentur; exceptis iis, qui sive suo, sive fortunæ vitio decoxissent; cui generi certum locum assignavit, pœna irrogata, si in xiv sedissent. Flor. in Epit. Tom 4. pag. 382

S

Sacrata militaris: Ne cuius militis scripti nomen, nisi ipso volente, deleretur: ne quis, ubi tribunus militum fuisset, postea ductor ordinum esset. Quidam opinantur latam à M. Valerio Corvo Dictatore anno 412. Tom.1. pag. 574

Sempronia de fœnore, lata à M. Sempronio Trib. pleb., anno 557. coss. L. Cornelio Merula. Q. Minucio Thermo: Ut, cum essent lucri cupidi, qui nomina in socios transcriberent, quod non tenerentur legibus de fœnore, cum sociis, ac nomine latino pecuniæ creditæ jus idem, quod cum civibus Rom. esset. Tom. 3. pag. 242

Sempronia de re frumentaria, lata à Ti. Sempronio Graccho Trib. pleb., coss. M. Fulvio Flacco, M. Plautio Hypseo, anno 625. Ut semisse, & triente frumentum menstruum plebi ex publico viritim daretur. Flor. in Epit. Tom. 4. pag. 360

Sempronia agraria multiplex, lata ab eodem, coss. P. Mutio Scævola, C. Calpurnio Piso-
ne

ne Frugi , anno 617. Ne quis ex publico agro plus quàm quingenta jugera possideret ; quorum tamen dimidium filiis habereliceret : Ut si quis latius agrum patefaceret , iidem omninò triumviri judicarent , quàm publicus ager , quàm privatus . Vide reliqua in Flori. Epit. Tom.4. pag.357

Servilia de Judiciis, lata à Q.Servilio Cæpione Cos. cum C. Atilio Serrano anno 644. Ut Judicia , quæ lege Sempronia ad solos equites translata erant , ordini Senatorio communicarentur . Hæc, inquam, Servilia lex, potius quàm Sempronia , quam commemorat Florus in Epit. Tom.4. pag.360. cùm teste Appiano lib.1. de Bello civ. Vellejo lib.2. Tac. lib. 11. C. Gracchus Senatui iniquior legem tulerit ; Ut Judicia , quæ semper antea penes Senatorium ordinem fuerunt , ad solos equites transferrentur .

Sextia Licinia lata à C. Licinio Stolone , L. Sextio Trib. plebis, anno 388. M. Furio Dictatore , & M. Cornelio iterum , M. Geganio &c. trib. mil. cos. potes. ut Consulum alter de plebe crearetur . Tom.1. pag.508

Sextia Licinia de Sacerdotibus , lata ab eisdem anno 387. L. Quinctio , Serv. Cornelio Trib. mili. consu. pot. Ut pro Duumviris sacris faciundis , Decemviri ita crearentur , ut pars ex plebe , pars ex patribus fieret . Tom.1. pag.507

Sulpitia Sempronia lata à P. Sulpitio Saverrone cos. cum P. Sempronio Sopho, anno 449. Ne quis templum, aramve injussu Senatus , aut Tribunorum plebis dedicaret . Tom.1. pag.722

Sulpitia de re militari , lata à P. Sulpitio Galba cos. cum C. Aurelio Cotta anno 550. de bello indicendo Philippo regi Macedonum . Tom.3. pag.9

T*erentia* de imminuenda potestate consulari, lata à C. Terentio Arsa Trib. pleb. anno 290. cons. T. Lucretio Tricipitino, & T. Veturio Gemino : Ut Quinqueviri crearentur legibus de consulari imperio scribendis, ne ipsi libidinem ac licentiam suam pro Lege haberent. Tom. 1. p. 187. Quæ lex perlata non fuit.

Trebonia de magistratibus, lata à L. Trebonio trib. plebis anno 306. cons. Lat. Herminio, T. Virginio Cœlimontano : Ut qui plebem Romanam Tribunos plebis rogaret, is usque eo rogaret, dum decem Tribunos plebis faceret ; qua Tribunorum cooptatio collegio adempta in Pop. Rom. translata est : Tom. 1. pag. 264.

Trebonia de Provinciis, lata à L. Trebonio Trib. plebis, cons. Cn. Pompeio Longo II. M. Licinio Crasso II. anno 695. Ut Cæsari imperium in Gallia in aliud quinquennium, quàm quod ex Vatinia lege concessum erat, prorogaretur. Flor. in Epit. Tom. 4. pag. 386.

V

V*aleria* lata primùm de Provocatione, à P. Valerio Poplicola cos. solo, Bruto collega mortuo anno 245. Ut adversus omnes magistratus ad populum provocatio esset. Tom. 1. pag. 97.

Valeria de Provocatione tertiò lata à M. Valerio Corvo v Consule cum Q. Appuleio Pãsa anno 452. Ne quos qui provocasset, virgis caderetur, securive necaretur : si quis adversus ea fecisset, improbè facturum. Tom. 1. p. 735.

Valeria de militum secessione lata à M. Valerio
Tom. V. b rio

rio Dictatore anno 413. Ne cui militum secessio, quam metu supplicii fecerant, quæ de Capua, quæ ipsorum præsidio commissa erat, occupanda, conspirassent, eorumque consilium detectum esset, fraudi esset.

Valeria de Civitate danda cum suffragio, lata à C. Valerio Tappo Trib. plebis, anno 562. cons. M. Valerio Messalla, C. Livio Salinatore: Ut Formianis, Fundanis, Arpinatibus suffragii latio esset, nam antea sine suffragio habuerant civitatem. To. 3. p. 495.

Vatinia de Provinciis lata à C. Vatinio tribuno plebis anno 691. C. Julio Cæsare, Calpurnio Bibulo cons. Ut C. Cæsari Gallia Cisalpina cum Illyrico in quinquennium sine senatus decreto, & extra sortem mandaretur. Memoratur à Flor. in Epir. T. 4. p. 388

Villia annalis, quam tulit L. Villius annalis, Trib. plebis anno 571. cons. L. Manlio Acidino, Q. Fulvio Flacco: Quot annos nati quemque magistratum peterent caperentque. Tom. 3. p. 666. Quæ autem ætas cuique magistratui capiendo definita esset, quamvis Livius non exprimat, tamen facile aliunde colligi potest. Quæstura enim fuit xxvii. Tribunatui plebis xxx. Ædilitati xxxvii. Præturæ xl. Consulatu xl. iiii.

Voconia de mulierum hæreditatibus lata à Q. Voconio Saxa Trib. pleb., anno 581. cons. Q. Martio Philippo ii. Cn. Servilio Cæpione: Ne qui census esset, virginem, neve mulierem supra quadrantem suorum bonorum hæredem institueret, plusq; cuiquam legaret, quàm ad hæredem, hæredesque perveniret. Ne fœminæ ultra consanguineos ab intestato succederent. Meminit legis hujus Flor. in Epir. Tom. 4. pag. 339. ubi Volumnus, pro, Voconius legitur.

F I N I S

TABUL²⁷A

OMNIUM MAGISTRATUUM

P. Romani, eorumque Ministrorum, quorum passim mentio est apud T. Livium, & alios Scriptores; hic fusè, & lucidè apposita ad maiorem rei Romanæ notitiam.

Quæ sunt ex Livio habes singula suo loco in Indice generali.

Magistratus Majores Ordinarii.

R Ex Primus Romulus.

Præfectus, vel Tribunus celerum.

Consules duo: primùm creati anno ccxiv.

Censores duo: primùm creati anno cccxi.

Prætor unus Urbanus: creatus anno cccclxxxix.

Prætor urbanus, & }
Prætor Peregrinus } creati anno dxii.

Prætor Siciliæ }
Prætor Sardinia, & Corsicæ } creati anno dxxvii.

Prætor Hispaniæ citerioris }
Prætor Hispaniæ ulterioris } creati anno dlvii.

Post quæstionibus publicis inventis, earumque numero à Sulla Dictatore aucto, duo Prætores veteribus additi; eorumque numerus ad octo auctus; omnesque in urbe anno præturæ retenti, post annum verò præturæ, proprætoribus in provincias missi.

Fuerunt autem

I. Prætor urbanus.

II. Prætor peregrinus.

III. Prætor de Majestate.

IV. Prætor de vi.

V. Prætor de peculatu, vel de repetundis.

b

2

VI.

VI. *Prætor de crimine inter sicarios.*

VII. *Prætor de ambitu.*

VIII. *Prætor de veneficio, vel de falso.*

IX. *Prætor cerealis*) à Cæsare Dictatore additi.

X. *Prætor cerealis* }

XI. *Prætor*) ab Augusto additi.

XII. *Prætor*)

XIII. *Prætor*) à Claudio Imperatore additi, qui

XIV. *Prætor*) de fideicommissis jus dicerent.

XV. *Prætor tutelaris*, à Marco Imp. factus.

Imperatores Cæsares Augusti; quorum primus

Cæsar Augustus.

Nobilissimi Cæsares: vel

Principes juventutis.

Præfectus urbis ab Augusto institutus.

Magistratus Majores extra Ordinem.

Præfectus Urbis absente ordinario Magistratu: à
Romulo institutus.

Interrex: post mortem Romuli factus.

Dictator, &) primùm creati anno cclii.

Magister Equitum)

Decemviri legibus scribendis consulari potestate
creati anno ccc.

Tribuni militum consulari potestate. Primùm
tres, post quatuor, deinde sex creati anno
ccc.

Triumviri Reipublicæ constituendæ: creati anno
dccc.

Magistratus Minores Ordinarii.

Quæstores urbani duo, aliàs

Quæstores ærarii. Creati sub regibus, vel à
primo Cos. Poplicola anno ccxlv.

Tribuni plebis X. Hi primùm duo fuerunt creati
anno cclxi. post v. postremò x. facti.

Ædiles plebis II. eodem anno quo primùm
tribuni

tribunū plebis creati .

Ædiles curules II. creati anno cccclxxxix.

Ædiles cereales : creati è Cæsare Dictatore .

Curatores omnium Tribuum .

Triumviri Capitales : creati circa annum cdlxy.

Triumviri nocturni .

Triumviri valetudinis .

Triumviri monetales .

Triumviri viarum curandarum .

Quinqueviri cis , & ultra Tiberim .

Decemviri litibus judicandis .

Centumviri litibus judicandis .

Præfecti ærarii .

Curatores operum publicorum , ab Augusto instituti .

Curatores alvei Tiberis , & cloacarum , ab Augusto creati .

Curatores viarum singularum extra urbem .

Præfectus prætorio , ab Augusto lectus .

Præfectus frumenti populo dividendi , ab Augusto institutus .

Præfectus vigilum .)

Curatores regionum .)

Denuntiatores regionum .)

Magistri vicorum urbis regionum .)

Advocatus Fisci .)

xiv ab Augusto instituti .

Magistratus Minores extra Ordinem .

Duumviri perduellionis . A Julio Hostilio rege primū creati .

Quæstores parricidii , vel rerum capitalium .

Præfectus annonæ .

Quinqueviri mensarii . Primū creati anno cdiij.

Triumviri mensarii .

Duumviri navales .

Triumviri , qui conquirerent juvenes idoneos ad arma ferenda , militesque facerent .

*Quinqueviri turribus, murisque reficiendis.
Decemviri, qui judicant supra sacramento, &
libertate.*

Decemviri distribuendorum donativorum.

Triumviri legendi senatus.

*Triumviri cognoscendi turmas eq; Rom. à Cesare
Augusto excogitati.*

**Magistratus Extra Urbem ;
vel Provinciales.**

Proconsulibus .

Proprætoribus .

Legati proconsulum .

Legati proprætorum .

*Quæstores provinciales XIIII. Primum II. de-
inde sex, postremò XIIII, à Sulla facti.*

Pro quæstoribus.

Præfectus Ægypti.

Præfecti præfecturarum .

*Consulares quatuor, qui per Italiam jusdicerent
ab Hadr. Imp. creati.*

Juridici Italiæ à Marco creati.

Triumviri)

Quinqueviri)

Septemviri)

Decemviri)

Quinqueviri)

Septemviri)

Vigintiviri)

Quinqueviri)

Quindecimviri)

Trimviri)

Quinqueviri)

Coloniæ deducendæ .

agris dandis, ac tribuendis .

*agrorum metiendorum, di-
videndorumque.*

*ad inspiciendos fines, litesque
dirimendas.*

Nomina Ministrorum Magistratuum
Roman.

Scribae.
Accensus, vel Ad census.
Præcones.
Lictores.
Viatores.
Carnifices.
Diribitores.
Rogatores.
Custodes.
Nomenclatores.
Divisores.
Magistri curiarum.

FINIS.

TABULA

OMNIUM SACERDOTIORUM

Populi Romani , eorumque ministrorum ,
quorum Nomina tùm ex Livio , tùm
aliunde collecta sunt .

L Uperi *Panos lycaei*) ab Euandro ex Arca-
Inui *sacerdotes*) dia profecto instituti .
cæteris Græca Sacerdos : ab eodem Euandro
creata .

Potirii , & *Pinariï* , *Herculis Sacerdotes* ; ab
eodem Euandro facti .

Reges .

Fratres Aruales XII . A Romulo facti .

Sexaginta Sacerdotes publici . Bini ex singulis
curiis , quæ xxx erant . A Romulo rege
ordinat .

Augurum xv collegium . Primùm tres à Ro-
mulo facti singuli ex singulis tribubus , quæ
tres erant . Deindè à Serv. Tullio quatuor
facti : postea rogatione Ogulnia additis
quinque ex plebe , ad novem numerum
aucti . Postremò à Sulla Dictatore xv ef-
fecti .

Octo Haruspices : à Romulo instituti .

Tribunus celerum . A Romulo institutus , à
Numa sacerdos factus .

Curiones xxx : qui totidem Curiis præerant ,
quorum primus dicebatur

Curio Maximus : cujus auctoritate cæteri cu-
riones regebantur . Sacerdotium à Romulo
institutum fuit .

Sodales Titii , aliàs *Titienfes* .

Flamines quindecim à Numa instituti .

Flamen Dialis, Jovi) qui Majores, & pa-
Flamen Martialis, Martis) tricii dicebantur,
Flamē Quirinalis, Romulo) quod semper ex
 patriciis fuerint.

Flamen Volcanalis, Volcano

Flamen Carmentalis, Carmentæ

Flamen Floralis, Deæ Floræ

Flamen Palatualis, Deæ Palatuae

Flamen Falacer, Divo patri Falacri

Flamen Furinalis, Deæ Furinæ

Flamen Voltornalis, Deo Voltorno

Flamen Virbi, aliàs Deo *Virbio*, idest

Hippolyto

Flamen Laurētialis, Accē Laurētiæ

Flamen Lavinalis.

Flamen Liguralis, vel *Lucullaris*

Flamen Pomonalis, Deæ *Pomonæ*,

omnium postremus.

Flamenicæ quindecim.

Virgines Vestales V cum

Virgine Vestali maxima. Quatuor à Numa
 rege factæ, duæ à Servio Tullio rege ad-
 ditæ, & sex factæ.

Salii XII. cum

Magistro collegii Saliorum. Hi semper ex pa-
 triciis lecti sunt, à Numa ordinati, mar-
 tiquæ socrati.

Virgines Saliaræ.

Fecialium xx. collegium, & *Pater Patratus*.

A Numa instituti, ut essent fœderum, pa-
 cis, belli, induciarum, oratorum judices.

Collegium Pontificum xv. A Numa quatuor
 primùm Pontifices instituti sunt, omnes pa-
 tricii: post rogatione Opulnia, quatuor de
 plebe additis, octo facti sunt, qui majores
 dicti. Deinde à Sulla alii præterea, qui mi-
 nores vocabantur creati, eorumque nume-

rus ad quindecim auctus .

Pontifex Maximus . A Numa institutus . Hic omnibus Pop. Rom. sacris præerat , ejusque suprema potestas in omnes sacerdotes .
Salii Aponenses , aliàs *Collini* . A Tullio Hostilio ordinati .

XV Viri Sacris faciundis cum magistr. Hi fuerunt primò 11 viri à Tarquinio instituti , qui librorum Sibyllinorum curam gerebant , post anno 388. facti quinque patricii , totidem è plebe : postremò xv viri à Sulla Dictatore aucti .

Rex Sacrorum : aliàs *Sacrificulus* , cujus uxor *Regina Sacrorum* dicebatur . Sacerdotium anno primo partæ libertatis à Populo Romano institutum , semper ex patriciis .

Sacerdotes fœminæ bonæ deæ .

Galli , sacerdotes deæ *Cybelis* cum *Archigallo* .

Septemviri Epulonum . Hi primò 111 viri creati fuerunt anno 558. Postea Sulla Dictatore vii facti .

II Viri ædis locanda .

II Viri ædis faciundæ .

II Viri ædis dedicandæ .

III Viri ædificandis ædibus sacris incendio consumptis .

III Viri sacris conquirendis , donisque persequendis .

Sacerdotes deorum singulorum .

Antistites templorum singulorum .

Nomina Ministrorum Sacerdotum
pop. Romani .

Camilli .

Camillæ . Pueri , puellæ , patrimi , & matrimi à Romulo instituti .

Flaminii .

Flami-

35

Flaminia, *Flaminum*, *Flaminicarumque* ministri.

Editimi, aliàs

Æditui.

Scribæ publici pontificum.

A *Commentariis xv virorum sacr. fac.*

Adjutores Haruspicum.

Kalatores sacerdotiorum.

Tibicines, qui sacris publicis præsto sunt.

Tibicines.

Pullarii.

Popæ.

Victimarii.

Lictor Flaminius.

Flaminis Dialis præcia, aliàs

Præclamitator.

Lictores vi Virginum Vestalium.

Præfica.

Designator.

Vespa, aliàs

Vespillo.

F I N I S.

1. The first part of the book is devoted to a general
2. introduction to the subject of the book.
3. The second part of the book is devoted to a
4. detailed description of the various parts of the
5. book.
6. The third part of the book is devoted to a
7. detailed description of the various parts of the
8. book.
9. The fourth part of the book is devoted to a
10. detailed description of the various parts of the
11. book.
12. The fifth part of the book is devoted to a
13. detailed description of the various parts of the
14. book.
15. The sixth part of the book is devoted to a
16. detailed description of the various parts of the
17. book.
18. The seventh part of the book is devoted to a
19. detailed description of the various parts of the
20. book.

1. The first part of the book is devoted to a general
2. introduction to the subject of the book.
3. The second part of the book is devoted to a
4. detailed description of the various parts of the
5. book.
6. The third part of the book is devoted to a
7. detailed description of the various parts of the
8. book.
9. The fourth part of the book is devoted to a
10. detailed description of the various parts of the
11. book.
12. The fifth part of the book is devoted to a
13. detailed description of the various parts of the
14. book.
15. The sixth part of the book is devoted to a
16. detailed description of the various parts of the
17. book.
18. The seventh part of the book is devoted to a
19. detailed description of the various parts of the
20. book.

